

ՄԱԼԽԱՍ

ԼՈՒՍԱԳԷՄԻՆ

891-99

Մ-16

01 SEP 2011

Jmy

891-99

Մ-16

ԿԵ ԿԱՅԵԿԱՆՔ

ԶՄԻՆՈՒԹԻՒՆ Գ. ԱՌԵՕԳՆԵՇԻԱՆԻ

893.5
Կ 5.1

ՀԱՅ. ԿԻ
ՕՐ 1

1 Ապրիլ 1975

ԼՈՒՍԱԳԷՄԻՆ

ՄԱԼԽԱՍ

ԼՈՒՍԱԳԷՄԻՆ

Ա. ՉԱՏՈՐ



ՏՊԱՐԱՆ «ՀԱՅՐԵՆԻՔ»Ի
1935, ՊՈՍԹԸՆ

21 JUN 2013

16h1h

ԱՆՆԻԿԻՆ՝

որուն պարտական եմ գրական աշխատութիւններս :



4109-2011

ԼՈՒՍԱԴԷՄԻՆ

ԼԵՒՈՆԻ ՄԵԿՆՈՒՄԸ

Վանէն կարին զնացող ճամբորդներու համար՝ Դու-
թախի հովիտէն Ալաշկերտի դաշտը անցնելու ամենա-
կտրուկ ճամբան կը համարուի Ղլիճ Կէտուկը, որ վեց
հազար ութ հարիւր ոտք բարձրութեամբ դժուարին վե-
րելք մըն է՝ երկու կողմերէն ալ: Հայաստան լեռնաշ-
խարհի մէջ, ուր հաղուադէպ չեն մինչեւ տաս հազար
ոտք բարձրութիւն ունեցող լեռնանցքներ, Ղլիճ Կէտուկը
իր սաստիկ թեքութեան պատճառով, ամենավտանդա-
ւորներէն մէկը կը համարուի:

Սրածայր սարի կողը եզերելով՝ բլորովին փճացած
ճանապարհը գրեթէ ուղղաձիգ կը բարձրանայ, առանց
ոլորապտոյտ դարձուածքներու ու հակառակ կողմէն
ջրվէժի նման վար կը թափի: Եթէ ամառնային ամիսնե-
րուն Ղլիճ Կէտուկը վտանգաւոր ճանապարհ մը կը հա-
մարուի, ձմեռուան ընթացքին ձիւնի ու փուքի պատճա-
ռով գրեթէ անանցանելի կը դառնայ: Հակառակ այս
դժուարութիւններուն, ո՛չ թէ սովորական կարաւաննե-
րը, այլ նոյնիսկ կառքերը չոր եղանակին կը նախընտրէին
այդ ճամբան, փոխանակ Ղարաքիլիսէէն երթալու, որով
ճանապարհը մէկ օրով երկարած պիտի լինէին:

1913 թուականի օգոստոս ամսուն, Վանէն ճամբայ
ելած կարաւան մը, տաժանքով կը բարձրանար Ղլիճ

Կէտուկը, Ալաշկերտի դաշտը իջնալու համար: Ճամբորդները հետիոտն կը բարձրանային, ժամ առաջ անցքի կատարը հասնելու ցանկութեամբ: Կարաւանի ձիերն ու ջորիները, կարծես առաջուց ոտքերնին դնելու տեղը որոշելով, ծանրօրէն կ'առաջանային, մինչ ձիապանները շատ յողմած ձիերու պոչերէն բռնած մէկ կը հայհոյէին, մէկ փաղաքշահան բացագանչութիւններ կ'արձակէին քրտնաթոր անասունները քաջալերելու համար:

Կէս օր չէր եղած, երբ ճամբորդներէն քիչ վերջ, կարաւանն ալ հասաւ լեռնանցքի բարձրագոյն դադաթը: Հոն, դէպի աջ կողմը գտնուող իջեւանի կշտին, փոքր հարթութեան վրայ, բեռները վար առին ձիապանները: Յարդով ու դարիով լեցուն տոպրակները անցուցին կենդանիներու գլուխներուն, ու իրենք ալ իջեւանի շուքին տակ շրջան կազմած նստան ճաշելու:

Ճամբորդները մեծամասնութեամբ թուրքեր էին: Երկու թուրք ընտանիքներ, իրենց երեխաներով մէկտեղ, կը վերադառնային Պոլիս՝ Վանի կեանքը անհանդուրժելի գտնալով, մինչ իրենց ամուսինները հարկադրուած կը մնային Վան: Ճամբորդներէն մէկը թուրք պաշտօնաթող սուլայ մըն էր, որ կը վերադառնար իր հայրենիքը, իսկ միւս երկուքը Արճէչցի հայ խանութպաններ էին: Վերջինները կ'երթային Կարին, յաջորդ տարուան համար դնումներ կատարելու իրենց խանութներուն համար:

Ճամբորդներու թուումը վերջացնելու համար պիտի յիշատակենք կիսահաշմանդամ մարդ մը եւս, որ Արճէչէն միացած էր անցնող կարաւանին: Այդ մարդու դէմքի ձախ կողմը եղծուած էր: Փայլուն մորթին վրայ կարմիր պալարներ ու աջ երեսին վրայ ալ բազմաթիւ կապտաւուն կէտեր, բոլորովին այլանդակած էին անոր դէմքը: Զախ ձեռքի ջղերը քաշուած, ամբողջ թեւը անբնական կերպով կախուած էր ուսէն: Սակայն հակառակ կաղա-

լուն, երբ ճամբորդները իջան գրաստներէն, զարմանալի արագութեամբ առաջ անցաւ եւ ամենէն առաջ հասաւ անցքի կատարը:

Կարծեմ հարկ չկայ ըսելու թէ՛ այդ հաշմանդամ ճամբորդը, ընթերցողի վաղածանօթ լեւոնն էր: Առանց սպասելու ընկերներուն, որոնք անձանօթ մարդիկ էին, լեւոնը իջեւանէն վեր, քարաժայռի մը վրայ բարձրանալով հոն երկնցաւ, արեւի խանձող ճառագայթներուն տակ: Կարծես ո՛չ անտանելի տաքը կը զգար եւ ոչ ալ ժայռի ջերմութիւնը: Գլուխը յենած աջ ձեռքին, դէմքը դարձուցած դէպի հարաւ, անսահման տխրութեամբ, ծանր մտածումներու անձնատուր եղած կը թուէր:

Հեռուն, ձախ կողմի վրայ կ'երեւէր Սիփանայ սարի քանակով գծուած կանոնաւոր կոնը, կարծես երկինքի կապոյտի վրայ նկարուած: Աջի վրայ Ախլաթի սարերն էին ու անոնցմէ աւելի հեռուն, մշուշային գծերով՝ կ'երեւէր Նեմրութի հսկայ սարը, որու գագաթը ներս ինկած կը թուէր:

Ծանր թախիժ մը չոքած էր առանց այդ ալ լեւոնի դաժան դէմքին վրայ: Արդեօք անգամ մըն ալ պիտի տեսնէ՞ր մեծաշուք Վասպուրականը, կը մտածէր լեւոնը, սքանչելի ծովակը, ամեհի սարերը, ու այն ժողովուրդը, որուն ծառայելու համար ինքն ու իր ընկերները զոհարեցին ամէն ինչ, որ հնարաւոր էր զոհարել: Արդեօք անգամ մըն ալ պիտի տեսնէ՞ր այն վայրերը, դաշտ, լեռ ու ձոր, ուր ա՛յնքան ընկերներ ինկան հայ ժողովուրդի ազատութեան համար. պիտի կըրնա՞ր անգամ մըն ալ չոքիլ Վահէի նուիրական հողաթումբին առջեւ, իր սրբազան ուխտը նորոգելու համար:

Երկարատեւ տարիներու ընթացքին լարուած աշխատանքը, անվերջ թափառումները գաւառէ գաւառ, իր մէջ բնածին անժուժկալ աշխատասիրութիւնը, խոր-

տակած էին երկաթէ մարդը, ընկճեր էին անընկճելի Լե-
ւոնը: Պէտք էր հեռանար Վասպուրականէն՝ թէկուզ մէկ
երկու տարի արտասահման անցընելու համար, ուր որո-
շած էր թէ՛ հանդատանալ եւ թէ՛ մանկավարժական դա-
սընթացքներու հետեւիլ, վերադարձին աւելի եւս օգտա-
կար լինելու դպրոցական գործին: 1913 թուականի ամ-
բան վերջին մնաք բարովը ըսաւ Աւանց հաւաքուած քաղ-
մութեան: Ընկերներ, ուսուցիչներ, գիւղական ներկա-
յացուցիչներ եկած էին ճամբու դնելու իրենց Լեւոնը:
Աւանց աճապարելու գիւղէ գիւղ անցնելով Լեւոնը հա-
սած էր Արճէշ, ուր եւ միացաւ անցնող կարաւանին:

Կը հեռանար Լեւոնը Վասպուրականէն եւ սակայն
հոգեկան խոր բեկում մը կը զգար իր մէջ: Մասնաւորա-
բար վերջին տարիներու ընթացքին դարմանալիօրէն մեծ
յեղաշրջում մը կատարուած էր անոր գնահատութեան եւ
ժողովուրդի հանդէպ ունեցած վերաբերմունքին մէջ:
Նախասահմանադրական տարիներու շրջանին, յեղափո-
խական ծածկուած կեանքի բերումով, Լեւոնը հազիւ թէ
հնարաւորութիւն ունեցած էր հայ ժողովուրդի լայն խա-
ւերուն հետ շփման գալու, մօտէն ծանօթանալու այդ
ժողովուրդի հոգեկան ու բարոյական արժէքներու հետ:
Բայց վերջի տարիներուն, երբ սահմանադրութեան հրո-
շակման շնորհիւ, աղատ գործելու լայն ստպարէզ բաց-
ուեցաւ իրեն համար, որպէս շրջանային տեսուչ եւ որ-
պէս ղեկավար հասարակական գործիչ, անընդհատ շրջի-
ման մէջ գտնուելով հայ գիւղացիին հետ, կրցաւ ճանչ-
նալ դայն: Տեսաւ անոր աչք ծակող բացասական գիծերը,
ստրկական կեանքի դարաւոր ժառանգութենէն մնացած,
գնահատեց անոր ազդային նկարագիր կազմող դրական
յատկութիւնները: Ճանչցաւ հայ գիւղացին իր իսկական
արժէքով, տգիտութեան եւ նախապաշարումներու մէջ
կորած, ծայրայեղօրէն եսասէր եւ կոպիտ, բայց եւ

չարքաչ աշխատող մը, ընդունակ զարգանալու երբ բա-
րեպատեհ պայմաններ ստեղծուէին: Մասնաւորաբար ա-
նոր մոլեռանդ սէրը դէպի հայրենի երկիրն ու պապենա-
կան հողը, անոր գիմազծի յատկանշական դրոշմն էր: Լե-
ւոնը հոգիի ամբողջ կարողութեամբ սիրեց դայն եւ ամ-
բողջովին նուիրուեցաւ, աչքաթող եղած գիւղացիի վե-
րականգմանը:

Չարմանալի արագութեամբ իր եւ ընկերներու ջան-
քերուն շնորհիւ, ամբողջ դաւառները դպրոցական ցան-
ցով պատուեցան. հոն ուր հնարաւոր էր խրճիթ մը յատ-
կացուեցաւ որպէս դպրոց. շատ մը բազմամարդ գիւղեր
դպրոցական կանոնաւոր շէնքեր շինեցին: Քաղաքի երկ-
րորդական վարժարաններու շրջանաւարտները, գաղա-
փարական երիտասարդութիւնը, բազմութեամբ դէպի
դաւառ գիմեցին՝ գիւղացիին ծառայելու համար: Սքան-
չելի շարժում մը սկսաւ Վասպուրականի մէկ ծայրէն
միւսը:

Հայ ժողովուրդի հոգեկան վարթումին հետ տնտե-
սական վիճակն ալ զգալբար բարելաւեցաւ: Որոշ
չափով տարապարհակ աշխատանքները վերցան, տուր-
քերը աւելի արդարօրէն բաժնուեցան, թաւանն ու կողո-
պուտը գրեթէ վերջ գտան եւ որոշ թիւով բռնադրաւ-
ուած հողերը վերադարձուեցան հայերուն:

Մոլորական երեւոյթ մըն էր հեռաւոր դաւառներու
ճամբաներուն վրայ հանդիպիլ Լեւոնին, որ թեթեւ ծրար
մը նետած ուսին՝ գիւղէ գիւղ կ'անցնէր դպրոցական գոր-
ծին ուղղութիւն տալու, ուսուցիչներու ցուցմունքներ
ընելու, գիւղական ներքին վէճերը տեղին վրայ կարգա-
դրելու եւ կեդրոնախոյս հայ գիւղացին ամբակուտ կաղ-
մակերպութեամբ մը զօղելու: Անցեալը իր սարսափելի
աւերներով, մեծ խրատատու մը պէտք էր եղած լինէր
հայ ժողովուրդին: Հետեւաբար հաւաքականօրէն պատ-

կառելի ուժ մը ներկայացնելու համար, հայ ժողովուրդը ներքին կազմակերպութիւն մը պէտք էր ունենար, զխմադրելու բոլոր փորձութիւններուն, անակընկալներով հարուստ Թուրքիայի մէջ: Բայց ամէն բանէ աւելի՛ կազմակերպման հետ, պէտք էր զինել, եւ լաւ զինել հայ ժողովուրդը, ինքնապաշտպանութեան համար: Շրջապատի Թուրքն ու քիւրտը զինուած էին դարերէ ի վեր եւ զէնքի սէրը անոնց մէջ բնածին էր: Հրամայողական անհրաժեշտութիւն մըն էր որ հայ ժողովուրդն ալ զինապաշտ դառնար: Լեւոնը եւ իր ընկերները իրենց յատուկ վճռականութեամբ, զինումի դործն ալ առաջ տարին շտեմնուած եռանդով:

Գրեթէ ամէն գիւղ իր մէջ ունէր յեղափոխութեան դպրոցէն անցած նախկին հայդուկ մը: Բնականաբար զինումի մարզին մէջ անոնք պիտի դառնային Լեւոնի գործակիցները. անոնք էին որ գիւղացիներուն պիտի պարտադրէին զինուել, եթէ ոչ սիրով, ապա ուրեմն բռնութեամբ: Անոնք պիտի կազմակերպէին գիւղացի երիտասարդները, պիտի վարժեցնէին եւ ղեկավարէին գիւղական խմբերը: Իսկ այդ բոլոր աշխատութիւններուն ուղղութիւն կուտար Լեւոնի աներեւոյթ ոգին, անոր տիրական կամքը:

Աստիճանաբար Լեւոնը դարձեր էր ամենատես աչք մը: Ան ամէն տեղ էր ու ո՛չ մէկ տեղ երկու երեք օրէ աւելի: Հայ գիւղացիին համար Լեւոնը ոչ թէ սոսկական ղեկավար մըն էր, այլ անհրաժեշտութիւն մը: Անոր կը դիմէին գիւղական բոլոր հարցերու համար, ու անոր վըճիռը պարտադրական էր: Բոլոր շրջաններու համար Լեւոնը «մեր Պարոն Լեւոնն էր», կը ճանչնար զայն թէկուզ հեռուոր զաւառի մը խեղճուկ գիւղացին, փոխադարձաբար ան ալ գիտէր ամենուն անունը, ընտանիքի անդամներու թիւը, տնտեսական վիճակը: Գիւղացիները երբ

իրարու մէջ կը խօսէին անոր մասին, ծիծաղելով կ'ըսէին թէ՛ ան գիտէր դարնան որո՛ւ կուլը ծներ է, որո՛ւ արօրը ժանդոսեր է, որո՛ւ կ'ինը զոյգ երեխայ բերեր է: Եւ այդ ճշմարիտ էր:

Եթէ գիւղացիք կ'երթային քաղաք կառավարութեան դուռը որեւէ գանդատով, նախ կը դիմէին Լեւոնին, անոր խորհուրդը հարցնելու, անոր միջնորդութեան դիմելու համար: Շատ անգամ նոյնիսկ հեռուոր շրջաններու քիւրտերը, Թուրքերը կը դիմէին անոր օգնութեան: Այս երեւոյթը այնքան շեշտուած էր, որ հետզհետէ կառավարութեան մէջ երկրորդ կառավարութիւն մը ստեղծուեցաւ. «պարոն Լեւոնի» կառավարութիւնը», ինչպէս կը սիրէին ըսել գիւղացիները:

Թուրք կառավարութիւնը դժգոհելով հանդերձ, պարտադրուած կը զգար զայն ճանչնալու որպէս հայ ժողովուրդի ներկայացուցիչը, գերադոյն պետը: Ասով մէկտեղ Լեւոնը թէեւ կուտուրական գործիչ մը սահմանադրութեան շրջանին, երբ պէտք լինէր, ժանիքները ցուցնելէ չէր քաշուեր: Դէպքի մը առթիւ Լեւոնը պարտաւորուեցաւ զգացնել կառավարութեան և դրացի ժողովուրդներուն թէ՛ չեն կրնար անպատիժ կերպով սարսափի մէջ պահել հայ ժողովուրդը, թէ կայ պաշտպան ուժ մը՝ թէկուզ աներեւոյթ, որ աշալուրջ կը հսկէ հայ ժողովուրդի շահերուն եւ ապահովութեան վրայ:

Այդ դէպքը հետեւեալն էր: Սահմանադրութենէն վերջ մասնաւորաբար քիւրտ ազաններն ու բէկերը Գառադեղի մէջ բանտարկուած գազաններու պէս կը զգային: Թէեւ կառավարութեան վերաբերմունքին մէջ զգալի փոփոխութիւն մը չկար բէկերու հանդէպ եւ ոչ ալ քիւրտ ժողովուրդին վերաբերումը փոխուած էր, բայց զգալիօրէն շեշտուած էր հայ գիւղացիութեան հոգեբանական փոփոխութիւնը անոնց հանդէպ: Հետզհետէ կը վերանար

բէկերու դարաւոր հմայքը: Արտի մը անիրաւ գրաւու-
մին համար հայ գիւղացին այլեւս չէր քաշուեր բողոքե-
լու, բուն կերպով պայքարելու բէկերու քմահաճ կար-
գադրութիւններուն դէմ: Դատ դատաստան եւ շատ ան-
գամ բէկերը ստիպուած տեղի կուտային ատամ կճրտա-
ցընելով:

Արհամարհոտ վերաբերմունք մը ունենալով հայ
գիւղացիի հանդէպ, քիւրտ բէկերն ու աղաները սարսա-
փելի կերպով լարուած էին գիւղական ուսուցիչներու եւ
աչքի դարնող հայդուկներու դէմ, ասոնց դրդումներուն
վերագրելով գիւղացիութեան ըմբոստ կեցուածքը: Թէեւ
անոնք շատ լաւ գիտէին որ այդ բոլորի ղեկավարն ու ո-
գին Լեւոնն էր, բայց չյանդգնելով անոր դէմ բացէ ի բաց
հրապարակ իջնալ, դաւադրութեամբ սպաննեցին Կար-
կառի մէջ անոր աւագ գործակիցներէն, բարձր նկարա-
պրի տէր ուսուցիչ մը: Այդ դէպքը սարսափեցնող ցնցում
մը առաջ բերաւ ընդհանրապէս ժողովուրդի, բայց մաս-
նաւորապէս հայ գիւղացիութեան մէջ: Ուրեմն դեռ բէ-
կութիւնը կրնար անպատիժ կերպով մարդ սպաննել տալ,
իր կամքը քալեցնել, ինչպէս անցեալի մէջ եղած էր: Ու-
րեմն այնքան փառաբանուած սահմանադրութիւնը իրա-
կան փոփոխութիւն մը չէր առաջացուցած երկրին մէջ.
այդպէս կը խորհէին հայ գիւղացիները: Արդեօք աւելի
խոհեմ քայլ մը չէ՞ր լինէր եթէ իրենք, ինչպէս իրենց
հայրերը, նորէն պլուխ ծռէին, հպատակէին քիւրտ ա-
ղա-բէկերուն:

Լեւոնը զգաց վտանգը: Պէտք էր հարուածին շմե-
ցընող հակահարուածով մը պատասխանել: Կազմակեր-
պութեան դադարի լարերը քաշեց, ամբողջ շրջաններու
գիւղացիութիւնը ոտքի հանելով. սպաննուած ուսուցիչ-
չին դիակը քաղաք բերել տուաւ տասնեակ հազար գիւ-
ղացիներու ընկերակցութեամբ: Ժողովուրդի գլուխը

անցնելով, դադարը ուսամբարձ հասցուց կառավարու-
թեան չէնքը, նահանգապետարանի առջեւ: Քաղաքի
թուրք ամբոխն ալ հայերէն քիչ մը հեռու կանգնած հեղ-
նանքով կը դիտէր ցոյցը «կեալուր»ներու, որոնք շատ
երես առած էին սահմանադրութեան հռչակումէն վերջ:
Բունն ճառեր խօսուեցան: Ծառախօսները պահանջեցին
կառավարութենէն անպատճառ գտնել յանցաւորը եւ
պատժել: Անշուշտ, յայտնի էր հայ ժողովուրդին եւ
կառավարութեան, որ այդ դաւադրութեան ոգին, իսկա-
կան դրդողը Կեցանի ամենագոր բէկն էր: Անուշ լեզու
նահանգապետը պատշգամ բարձրանալով, երդուեցաւ
անպատճառ գտնել յանցաւորները, որոնք ալ որ լինէին
եւ ամենախիստ պատժի ենթարկել զանոնք: Բայց Լեւոնի
համար պարզ էր որ այդ խոստումը դատարկ հաւաս-
տիացում մըն էր, ինչպէս բոլոր խոստումները, որոնք
կուղային կառավարութենէն՝ երբ հարցը կը վերաբերէր
քիւրտ աղաները պատժելուն:

Ամենափստահելի նախկին հայդուկներէ փոքր խումբ
մը կազմեց Լեւոնը, զրկեց Կեցանի շրջանը, պատուիրե-
լով անոնց — «Ձէք վերադառնար մինչեւ որ Կեցանի բէ-
կի սպանման լուրը ստանամ»: Խմբի հայդուկները հա-
մարձակ նայեցան Լեւոնի: Այդ հայեացքի մէջ յարգանք,
սէր, վճռականութիւն կար: Լեւոնը պէտք էր վստահ լի-
նէր իրենց վրայ. ի դուր չէր որ իրենք յեղափոխութեան
զինուորներ եղած էին տարիներով, նախկին զոհաբերող
հայդուկներ, կրակի ծովու մէջէն քալող:

Ինչ որ Լեւոնը կը սպասէր՝ կատարուեցաւ: Կեցանի
բէկի սպանման լուրը անհնարին փոթորիկի նման պայ-
թեցաւ քաղաքին մէջ: Քիւրտերը եւ թուրքերը պաշա-
րեցին նահանգապետարանը: «Արդարութիւն, արդա-
րութիւն կը պահանջենք» կը պոռային անոնք, «մի՞թէ

միևսիւմանները բուռ մը կեալուրներուն պիտի ենթարկըւին. այլեւս ո՞ւր մնաց Ալի Օսմանի կայսրութեան հըզորութիւնը, երբ անհաւատները կը համարձակին ձեռք բարձրացնել մեծաղօր բէկի մը վրայ»:

Նահանգապետը զանոնք ալ հանդատացուց, խոստանալով յանցաւորները պատժել, այն տարբերութեամբ սակայն, որ մինչ խոստումով գոհացուցեր էր հայ գիւղացիութիւնը՝ առանց գործնական քայլ մը առնելու, այս անգամ բաղմամբիւ հեծեալ ժանտարմներ զրկեց Գաւազ-Կարճկանի շրջանը, զինուած հայերը հետապնդելու համար:

Նահանգապետի համար պարզ էր որ այդ սպանութեան իսկական կազմակերպողը Լեւոնն էր, եւ սակայն խոհեմութիւն համարեց լռել, նախկին բարեկամական սերտ յարաբերութիւնը շարունակելով անոր հետ: Ասով մէկտեղ, երբ Լեւոնի արտասահման երթալու լուրը տարածուեցաւ քաղաքին մէջ, կառավարութիւնը երկար շունչ մը քաշեց: Զօրաւոր անհատականութիւն մը կը հեռանար, իսկ հայերը անոր տեղը բռնող մը դժուար թէ ունենային: Այդպէս կը մտածէին թուրքերն ու քիւրտերը, բայց մանաւանդ կառավարութիւնը:

Լեւոնի հեռանալու որոշման մէջ, հոգեբանօրէն, Սոնիան ալ որոշ բաժին մը ունէր: Վանէն հեռանալէ երկու շաբաթ յետոյ Սոնիան ու մայրը մեկնած էին Գերմանիա: Տիկին Վառվառէի հիւանդութիւնը աւելի լուրջ բնաւորութիւն ունէր քան Սոնիան կը կարծէր: Պերլինի յայտնի բժիշկներու խորհրդակցութիւնը որոշեց շուտափոյթ գործողութիւն մը: Սոնիան անմիջապէս հեռագրեց Տօրը: Պետր Կարպովիչի Պերլին ժամանումի յաջորդ

օրը կատարուեցաւ որովայնային ծանր գործողութիւն մը հոչակաւոր վիրարոյժի մը կողմէ, մասնաւոր հիւանդանոցի մը մէջ: Գործողութենէն վերջ, հաղիւ հինգ օր սպրեցաւ Տիկին Վառվառէն եւ անմիջապէս ամուսնոյն եւ աղջկան ներկայութեան աչքերը յաւիտեանս փակեց: Սոնիան եւ հայրը անմիջապէս վերադարձան Թիֆլիս, ուր մեծ շուքով Խոճիվանքի գերեզմանատան մէջ թաղուեցաւ Տիկին Վառվառէն:

Այդ առթիւ, Արսէնեանները Երեւանէն եկան եւ իջան Ասլանովենց տունը, ուր իրենց ներկայութիւնը աւելի քան անհրաժեշտ էր: Տիկին Վառվառէի անսպասելի մահը շատ ծանր հարուած մը եղաւ Տօր եւ աղջկան համար: Կինը անփոխարինելի յենարան մըն էր Պետր Կարպովիչի, թէեւ այդ գիտակցութիւնը կը պակսէր իր գնահատումին մէջ, երբ դեռ ողջ էր Տիկին Վառվառէն: Իսկ Սոնիայի համար, այդ մահը շատ աւելի ծանր հարուած մը եղաւ: Մօր մահով կը քայքայուէր բարոյական կառուցուածքը ընտանիքին: Կրկնակի կերպով որբացած կը զգար ինքզինքը Սոնիան: Վարդանի մահը խորտակած էր իր սիրտը, իսկ մօր մահը՝ վերջ կուտար ընտանեկան օճակին: Այլեւս ի՞նչ կը մնար:

Մօր սուղը սրտին մէջ, Սոնիան կը մտածէր իր ապագայի մասին, որ ծանր բեռի նման կը չոքէր ուսերուն: Ի՞նչ պիտի լինէր իր վերջը: Արդեօ՞ք տունը մնալ, տանտիկնոջ մը դերը կատարելով: Իսկ եթէ տարիներ վերջ, հայրն ալ աչքերը փակէր ու ինք առանձին մնա՞ր: Մօր մահուան քառասունքը չվերջացած, հայր ու աղջիկ երկար խօսակցութիւն մը ունեցան: Ո՛չ մէկ ժամանակ Պետր Կարպովիչ այնքան խորապէս չէր գնահատած Սոնիան, չէր տեսած անոր մէջ խոհուն եւ խելօք կինը, որքան սուղի ծանր օրերուն: Սմէն օր գրասենեակէն ուղիղ տուն կուգար, Սոնիայի ներկայութիւնը գտնելով իսկա-

4109-2011

կան մխիթարութիւն մը: Երբ խօսակցութեան ընթացքին Սոնիան յայտնեց Եւրոպա անցնելու իր որոշումը՝ ուսումը վերջացնելու համար, շուարած հայրը ձեռները արորելով հեծկտաց. «Ապա ե՞ս, աղջիկս, ես ի՞նչ պիտի լինիմ»: Ասով մէկանդ Պեօտը Կարպովիչ կը զգար, որ աղջկան այդ որոշումը միակ գործնական լուծումն էր կացութեան: «Շուտով, շուտով կը վերադառնամ, հայրիկ ջան», հօր վզին փաթթուելով պատասխանած էր Սոնիան, «կուգամ եւ այլեւս իրարմէ չենք բաժնուիր, բայց այսպէս, առանց գործի, առանց աշխատութեան ես ինչպէ՞ս կրնամ ապրիլ»:

Վարդանի մահէն վերջ, Սոնիայի հոգեկան քեկումը, տարիներ վերջ ա՛լ այնքան խորն էր եւ ա՛յնքան ակընյայտնի, որ Պեօտը Կարպովիչ սիրտ չըրաւ հաւանական ամուսնութեան մասին խօսիլ անոր հետ: Եթէ այդ պիտի պատահէր, պիտի պատահէր ինքնարեւարար, առանց իր կողմէ որեւէ ճնշումի: Եւրոպա, ուսանողական կեանք, ծանօթներու նոր շրջան, ասոնք թերեւս մոռցնել տային Սոնիային հին վիշտը: Այս մտածումով քաջալերուած, Պեօտը Կարպովիչ համաձայնեցաւ Սոնիայի երթալուն, թէեւ կը զգար թէ անոր երթալէն վերջ, իր կեանքը անտանելի պիտի դառնար:

Մօր մահուան քառասունքէն յետոյ Սոնիան մեկնեցաւ Եւրոպա:

Օգոստոս ամսու վերջերը Լեւոնը ստացաւ Սոնիայի առաջին նամակը: Սոնիան, Լեւոնին կ'իմացնէր մօր ծանր հիւանդութիւնը, մահը ու ապա թիֆլիս ապրած սուգի ծանր օրերը: Մտքէն իսկ չանցընելով թէ՛ հետագայ տողերը ի՛նչ աղքեցութիւն կրնային ձգել Լեւոնի վրայ, միամտօրէն կը գրէր. «մեր ընտանեկան ցաւի օրերուն, մօրաքոյրս եւ պրն. Աշոտը եկան Երեւանէն: Չէք կրնար

երեւակայել թէ անոնց գալը ինձ եւ հօրս համար ի՛նչ կը նշանակէր. անոնց նման հարազատներու հետ, թէկուզ ծանր ցաւ մը բաժնելը՝ ամենամեծ մխիթարութիւն էր մեզ համար»: Ատկէ վերջ Սոնիան մանրամասօրէն կը նրկարարէր իր ճամբորդութիւնը, Զուլիցերիայի Պեոն քաղաքը հաստատուելը, ուր բժշկական համալսարան մտած էր, երկրորդ դասընթացքէն սկսելով, որովհետեւ Մոսկուայի իր մանկարարձական ուսանողութիւնը մէկ տարի շահեցուցած էր իրեն: Նամակին մէջ Սոնիան կը խօսէր Պեոնի ուսանողական կեանքէն, բազմաթիւ հայ ուսանող-ուսանողուհիներու մասին, որոնք մեծամասնաբար Կովկասէն էին:

Առաջին նամակէն սկսած, կանոնաւոր թղթակցութիւն մը սկսաւ երկուքին միջեւ: Սոնիան կը գրէր Եւրոպայի իր կեանքէն, համալսարանական աշխատութիւններու մասին, երկարօրէն կը խօսէր իր ծրագիրներու շուրջ, ապագայ ծրագիրներու՝ որոնք Վասպուրականի հետ կապուած կը մնային: Այդ ծրագիրներու առանցքը կը մնար հիւանդանոցը եւ մայրանոցը: Ինչպէս կ'երեւէր Սոնիայի նամակներէն, մայրանոցի հաստատութիւնը մասնաւորաբար դրաւած էր անոր ուշադրութիւնը: Անգամ մը զանազան երկիրներու մէջ մանուկներու մահացման վիճակագրութիւնը ղրկած էր Սոնիան, եւ իր կողմէ աւելցուցած Վանի մէջ ապրած վեց ամիսներու ընթացքին հայ մանուկներու մահացումի մօտաւոր թիւը: Մարտտիւնի բարձր տոկոս մը կը կազմէր այդ թիւը: Այդ առթիւ Սոնիան կը գրէր. «Մեզ նման փոքր ազգի մը համար կենսական նշանակութիւն ունի երեխաներու հարցը: Աղքերու քարիթալը՝ որակէն աւելի թիւն է: Հայերուս համար ամէն երեխայ արժէք մըն է, հետեւաբար աղքային պարտականութիւն մը պէտք է համարել մայրանոց-

ներու միջոցով, ապահովել երեսայի ծնունդն ու մօր առողջութիւնը» :

Իր կարգին Լեւոնն ալ ընդարձակ նամակներով տեղեակ կը պահէր Սոնիան Վասպուրականի անցուղարձեւրէն եւ ընկերներու աշխատանքներէն : Մասնաւորաբար կը դրէր դպրոցական դործի զարգացման եւ այն բոլոր հարցերու մասին, որոնք հասարակական արժէք մը ունէին :

Այսպէս շարունակուեցաւ երկուքին թղթակցական յարաբերութիւնը մինչեւ Սոնիայի աւարտական տարիի սկիզբը, 1912 թուականի հոկտեմբեր ամիսը : Ատկէ վերջ Սոնիայի նամակները դադրեցան : Անգամ մը միայն դեկտեմբերի վերջերը, Շամօնիէն քացիկ մը ստացաւ Լեւոնը : Շամօնիի Սառցածովի նկարին տակ բարեւ մը միայն եւ Սոնիայի ստորագրութիւնը :

Լեւոնը թէեւ Սոնիայի հետ ունեցած նախկին կապը վերականգնել անկարելի կը համարէր եւ թերեւս չէր ալ մտածեր այդ մասին, բայց տարիներ շարունակուելէ վերջ, Սոնիայի նամակներու անակնկալ դադարումը խորապէս տխրեցուց զինքը : Այդ նամակները ողորմութեան փշրանքներ էին, անյոյս սիրով ստուապող Լեւոնի համար : Հիմա անոնք ալ, անհասկնալի պատճառով մը վերջ կը դնեային, հոգեկան տառապանքի նոր աղբիւր մը դառնալով : Այս վերջին հարուածը եկաւ աւելցնելու տարիներու յոգնութենէն առաջացած ջղայնութիւնը : Ատկէ վերջ Լեւոնը որոշեց ժամանակաւոր կերպով հեռանալ Վասպուրականէն :

Ժայռի վրայ երկնցած, արեւի բարկ ճառագայթներէն այրուելով, Լեւոնը ամբողջովին կլանուած խոհերով, կը վերջիւնէր այդ բոլորը, Վասպուրականը, ընկեր-

ները, դործը, Սոնիան եւ հոգեկան խռովքը կը կրկնապատկուէր :

Արեւը հաղիւ զենիթէն թեքուած դէպի արեւմուտք, կարաւանը կարծես քնէ արթնցաւ : Անխուսափելի աղմուկով, հարնահուրայով, ճիտակաները սկսան բեռցնել առնասունները : Զանդակներով, բոժոժներով եւ փոքր հայելիներով զարդարուն ջորին առաջ ինկաւ : Սկսաւ Ղլիճ կէտուկի վայրէջը, նոյնքան վտանգաւոր որքան վերելքն էր :

Վերջին պահուն, Լեւոնը վար սողալով ժայռէն, միացաւ ճամբորդներու, որոնք նախընտրեցին հետիտն իջնալ մինչեւ լեւան ստորտը, ուրկէ անդին ճանապարհը համեմատաբար տանելի էր :

Լեւոնի մոռալ տրամադրութիւնը հետզհետէ կը լուսաւորուէր, երբ կը մտածէր, որ երկու երեք ժամէն կարաւանը պիտի հասնէր Պաստուր, ուր պիտի դտնէր իր սիրելի ընկերներէն Առիւծ Գեւօն եւ Թոփալ Սատանան :

Սահմանադրութենէն վերջ երբ յեղափոխականներէն ամէն մէկը ցրուեցաւ իր ծննդավայրը, Լեւոնը կենդանի հանդոյց մը դարձաւ զանոնք իրարու կապող : Մասնաւորաբար Մոսօն, Առիւծ Գեւօն, Սազօն եւ Ղարխը կանոնաւորաբար կը թղթակցէին Լեւոնի հետ, անոր խորնաւորաբար կը թղթակցէին Լեւոնի հետ, անոր խորհուրդներուն վը դիմէին տեղական հարցերու եւ ընդհանուր բնաւորութիւն կրող խնդիրներու նկատմամբ : Անցած հինգ տարիներու ընթացքին Մոսօն անգամ մը միայն եկաւ Լեւոնը տեսնելու, իսկ Առիւծ Գեւոյին եւ Թոփալ Սատանային չէր հանդիպած :

Բնականաբար շուտով Առիւծ Գեւոյի եւ Թոփալ Սատանայի հետ լինելու դադափարը մոռցնել տուաւ Լեւոնին ամէն ուրիշ մտածում, եւ քարձր տրամադրութեամբ արադօրէն իջաւ վայրէջքը :

Լեւան ստորտը բաւական երկար սպասեցին կարա-

ւանի հասնելուն: Երբ կարաւանը հասաւ, ճամբորդները բարձրացան համեսներու վրայ, ձիերը աշխուժով սկսան քալել, դանդաղներու, բոժոժներու ներդաշնակ երաժշտութեան ընկերակցութեամբ:

Շարաթ օր էր: Երկինքը ջինջ կապոյտ, շուտով տեղ հասնելու հեռանկարը՝ մխիթարական: Տաժանք մըն է կարաւանի միջոցով ճամբորդելը: Մէջքդ երկու տակ կը դառնայ, ոտքերդ փայտացած չես կրնար շարժել, արեւէն խանձուած՝ շուքի կարօտը կը քաշես, գլուխդ կրճքիդ վրայ ինկած, մէկ կը քնիս, մէկ ընդօստ կ'արթննաս երբ ձին կը սայթաքի, հաղար անգամ կ'երդնուս անգամ մ'ալ կարաւանով չճամբորդել եւ սակայն, երբ իրիկուան կողմ իջեւանի մը առջին կամ բաց դաշտի մէջ կանդ կ'առնէ կարաւանը, փետացած ոտքերով վար կը սողաս համետէն, ծառի մը տակ կամ իջեւանի պատշգամի վրայ ընթրիքդ կ'ընես եւ սեւցած ըպրըխէն թէյ լեցնելով բաժակիդ մէջ՝ կը մոռնաս ճամբու նեղութիւններդ ալ, երդո՛ւմդ ալ: Զէ՛, կարաւանի ճամբորդութիւնն ալ ունի իր քաղցրութիւնը, թերեւս կատարեալ արեւելեան, քաղցրութեամբ եւ տառապանքով ներդաշնակուած:

Կարաւանը, հազիւ նկատելի ելեւէջաւոր ճամբան արագօրէն փոքրելով, երկու ժամէն հասաւ բարձրութեան մը, ուրկէ կ'երեւէր Ալաշկերտի պտղաբեր դաշտի արեւմտեան մասը:

Հիւսիսի հորիզոնը եզերելով կ'երկարէր Հայկական Պար լեռնաշղթան, որու բարձր գագաթներէն Մուկաւէտ, Աղպուլաղ, Կաւալի եւ ուրիշներ շրջապատի լեռներէն աւելի բարձր, հայկական կլոր պարի մէջ ձեռք ձեռքի տըւած պարողներու կը նմանէին, գլուխնին երկնքի կապոյտն ի վեր: Ընդարձակ դաշտի տարածութեան վրայ, հեռուէ հեռու, կ'երեւային Ալաշկերտը, Խոփուսը, Ռամաղանը, Մուլա Սիւլէյմանը, Զէտկանը, Գիւրտ Ալին,

Խօջիանն ու հազիւ կէս ժամ հեռաւորութեան վրայ գըւնընող Խաստուրը:

Բնաւորութեամբ զուսպ եւ սառը, զարմանալի յուզում մը տիրեց Լեւոնին, երբ հեռուէն տեսաւ գիւղը: Կարաւանը հազիւ գիւղի գլխաւոր փողոցը մտաւ, որ ուղիղ կ'երկարի դէպի եկեղեցին, գիւղը երկու մասի բաժնելով, արտասովոր իրարանցումի մէջ գտաւ ամբողջ գիւղը: Բոլոր տուներու դռները բաց, յարաշարժ բազմութիւն մը գրեթէ ամէն կողմ, բազմաթիւ դատարկ սայլեր տներու բակերուն առջեւ եւ դեռ շատ մը ուրիշ սայլեր, որոնք ճոնշալով կը հասնէին ամէն ուղղութեանէ, բեռնաւորուած բազմութեամբ: Խաստուրը տօնական կերպարանք կը կրէր:

Արեւմտոցի ժամանակն էր: Կարաւանապետը հազիւ գիւղ մտած էր, երբ նկատեց գիւղի արտասովոր եռուղեւը, եւ խորհելով թէ՛ Խաստուրի մէջ գիշերելու հազիւ թէ տեղ կրնայ գտնալ, առաջնորդող ջորիի գլուխը դարձուց եւ ուղղուեցաւ դէպի մօտակայ Զէտկան գիւղը:

Լեւոնը հրաժեշտ առնելով ճամբորդական ընկերներէն, թեթեւ պայուսակը ձեռքին Խաստուր մտաւ: Գիւղը հարսանեկան կերպարանք ստացեր էր: Քրարու ետեւէ սայլեր կը հասնէին բեռնաւորուած տօնական բազմութեամբ, այրերով, կիներով, ճիժ ու պժերով: Եկողներու եւ զանոնք դիմաւորողներու ուրախ բացազանջութիւնները լեցուցած էին մթնոլորտը: Փողոցները, տները, երդիքները՝ աղմուկ եւ շարժում: Լեւոնը փողոցի մէջ պահ մը շուարած կանդ առաւ: Ինչո՞ւ այդ արտակարգ եռուղեւը, տօնական տրամադրութիւնք գիւղին մէջ:

— Ա՛յ տղայ, — ձայնեց Լեւոնը քովէն անցնող պատանիի մը, — ա՛յ տղայ, մէկ էստեղ արի:

— Հա՛ ախպեր, — ու պատանին մօտենալով հետաքրքրութեամբ նայեցաւ հաշմանդամ օտարականին, որ

ինչպէս կ'երեւէր զարիւյ անցորդ մըն էր, — հա՛ ախպէր, ի՞նչ կ'ուզես:

— Տղա՛յ, Սաստուրցի՞ ես:

— Հօ հօ՛, հա՛մ Սաստուրցի, հա՛մ էլ տէրտէրի թոռ, — ծիծաղելով սլատասխանեց կայտառ սլատանին:

— Որ էդպէս է, — տղու զլուխը շոյելով հարցուց Լեւոնը, — կրնա՞ս զիս տանիլ Առիւծ Գեւոյի մօտ:

Տղան աչքերը մեծ մեծ բանալով վերէն վար չափեց խօսակիցը, խեղճ զարիւյ մը որ կ'ուզէր Առիւծ Գեւոն տեսնել. մէկ երկու վայրկեան տատամսոտ լուսթենէ վերջ, վստահ թնելու համար հարցուց:

— Մեր բէկի՞ մօտ:

Չարմանալու կարգը Լեւոնին էր, այդ ինչ բէկի մասին կը խօսէր տղան:

— Բէ՞կ, տղայ ի՞նչ բէկ, ես Առիւծ Գեւոն կ'ուզեմ տեսնել:

— Մեր բէկն է, — հպարտութեամբ սլատասխանեց սլատանին, զարմանալով որ կրնար գտնուիլ անգիտակ մէկը, թէ՛ Սաստուրցի բէկը ո՛վ է:

Թեթեւ ժպիտ մը խաղաց Լեւոնի դաժան դէմքին վերայ: Անշուշտ եթէ Սաստուրը բէկ մը պիտի ունենար, Առիւծ Գեւոյէն լաւագոյնը չէր կրնար ունենալ:

— Լա՛ւ, երթանք բէկի տունը, — համաձայնեցաւ Լեւոնը, եւ թեթեւ պայտուսակը վերցնելով՝ կաղալով ընկերակցեցաւ սլատանին:

— Ձեր գիւղին մէջ դպրոց ունի՞ք, ինքդ դպրոց կը յաճախե՞ս:

— Այո՛, սլարոն, — գլուխը քերելով սլատասխանեց տղան, որ տարակուսած նորէն վերէն վար քննեց Լեւոնը, ինքն իրեն մտածելով. «եթէ բէկը կ'ուզէ տեսնել, եւ իմ իսկ չհասկցած՝ յաճախել՝ բառը գիտէ այս մարդը,

ուրեմն զեղական մը չէ, ո՛չ ալ զարիւյ ճամբորդ մը. լինի չլինի, էս մարդը աղգային մարդ է»:

— Իսկ ձեր դպրոցի տնօրէնը ո՞վ է, — մտերմօրէն հարցուց Լեւոնը, տղու ինքնավստահ պատասխաններէն ախորժելով:

— Մեր բէկը, — առանց տատամսելու, հպարտութեամբ սլատասխանեց սլատանին:

Հաղիւ ծիծաղը կրցաւ զսպել Լեւոնը: Առիւծ Գեւոն անգրագէտ էր. իր նամակները ուրիշներ կը գրէին, եւ սակայն սլատանին այնքան ինքնավստահօրէն կ'ուզէր հաւատացնել որ բէկն էր դպրոցի տնօրէնը:

— Ուրեմն ձեր ուսուցիչը բէկն է, — հանաքով հարցուց Լեւոնը:

Տղան զարմացած նայեցաւ օտարական մարդուն, որուն մասին կազմած գաղափարը կ'երեւի վերագնահատութեան պէտք ունէր: «էդպէս էլ խամ հարցո՞ւմ: Ինչպէ՞ս թէ բէկը ուսուցիչ լինի: Ախր բէկը գիւղի բէկն է, վարժապետն ալ աշակերտներու դաս տուող վարժապետը»: Տղու դէմքին չարածճի ծիծաղ մը ուրուագծուեցաւ. «էն մարդը որ էդքան բան ալ չէր հասկնար, էլ ինչի՞նչ սղգային մարդը կրնայ լինել»: Առանց կողքէն քալող Լեւոնին նայելու՝ տղան արագացուց քայլերը, սաստիկ փոշմանած զայն «պարոն» կոչելուն՝ փոխանակ համեստ ախպերի:

Արեւմտոցի պահն էր: Թահար Կէտուկի ուղղութեամբ, ոսկեզօծուած ամպի բարակ շերտերու արանքէն, արեւի կարմիր գունտը հանդարտօրէն կը սուզէր լերան ետին: Եկեղեցիի շուրջը մեծ բազմութիւն մը եռկուզար. դէռլ գուննայի ձայնը համաչափ տրմբաւորոցով կ'առաջնորդէր սլարողներու շարժումները: Հանդէն տաւարի վերադարձով գիւղի փողոցներու կենդանութիւնը կրկնապատկուեցաւ: Մթնոլորտը ծանրացաւ անհնա-

րին ժխտում: Դհուլ դուռնան, ճուրջացող սայլերը, տա-
լարի վերադարձի պատճառով սովորական դուռնամ դո-
չումը, հարիւրաւոր երեսաներու բարձրացուցած աղմու-
կը, ասոնք բոլորը մէկէն չոքեցան գիւղի վրայ:

— Անունդ ի՞նչ է, — ձեռքը տղու ուսին դնելով հար-
ցուց Լեւոնը:

— Աչո՛տ, քու ծառան, — համարձակօրէն պատաս-
խանեց պատանին:

— Աչո՞տ, լաւ անուն է. ա՛յ, կրնա՞ս յիշել հայոց
պատմութենէն Աչոտ անունով նշանաւոր մէկը:

Պատանին քայլերը դանդաղեցուց, կրկին անգամ
վերէն վար չափեց այդ օտարականը, որ հայոց պատմու-
թենէն կը խօսէր, եւ կ'երեւի նորէն նպաստաւոր կերպով
տրամադրուած, դասաւանդութեան ժամանակ պատաս-
խանելու ձեւով, միօրինակ ձայնով մը ըսաւ.

— Այո՛ պարոն, Բագրատունի Աչոտ Նրկաթը, որ ե-
րեսուն հայդուկներով ջարդեց արաբական բանակը:

— Հայդուկներո՞վ, — քմծիծաղով մը հարցուց Լե-
ւոնը, — այն ժամանակ հայդուկներ կայի՞ն:

— Այո պարոն, ատկէ աւելի առաջ ալ կային: Երբոր
Հայկ նահապետը, — միեւնոյն միալար ձայնով շարունա-
կեց պատանին, — Բէլի հրաւէրը չընդունեց, հաւաքեց իր
երեք հարիւր հայդուկները, ինկաւ Բէլի հզօր բանակի
վրայ, եւ ջարդեց զանոնք, մինչեւ վերջին մարդը:

«Առիւծ Գեւոյի դաստիարակութեան շնորհքը կը
փայլի», մտովի խորհեցաւ Լեւոնը ժպտելով, եւ դառնա-
լով հարցուց տղուն:

— Իսկ կրնա՞ս ըսել թէ ինչո՞ւ գիւղը ա՛յնքան օտա-
րականներով լեցուած է:

— Յորի՞ կը հարցնես, — զարմացած հարցուց պատա-
նին, — պա՛, դու հայ քրիստոնեայ չե՞ս...

— Անչո՛ւշտ հայ քրիստոնեայ եմ, — թէեւ Լեւոնի հա-
մար շատ դժուար էր գուշակել կապը իր հայ քրիստոնեայ
լինելու եւ գիւղի բազմութեան միջեւ:

— Որ էդէնց է, — արդէն յաղթական հովեր առած
պատասխանեց պատանին. — Կգուց ի՞նչ օր է:

— Կիրակի:

— Սուրբ Աստուածածնայ կիրակին, — Լեւոնի կի-
սատ պատասխանը լրացուց պատանին:

— Օ՛:

— Հըպը՛, մեր Սուրբ Աստուածածնայ վանքի տօնա-
խմբութիւնն է, սահմանի էն կողմէն, Կաղզվանէն,
Կարսէն, մինչեւ Պայազիտէն ուխտի կուգան, էս շրջա-
կայքի գեղերանց հայն էլ, քիւրտն էլ, Փրանկն էլ: Էգուց
խաղողն էլ պիտի օրհնուի:

Արդէն հասած էին գիւղը երկու մասի բաժնող փողո-
ցի վերի ծայրը: Հոն ընդարձակ հրապարակ մը կը բաց-
ուէր, որու կեդրոնը կը գտնուէր հինաւուրց գերեզմա-
նոցով մը շրջապատուած հռչակաւոր Սուրբ Աստուածա-
ծին եկեղեցին: Եկեղեցիին շուրջը բազմաթիւ սայլեր
շարուած էին, որոնց վրայ կապերտ կամ սաւան փոկերով
գիւղի մէջ տեղ չգտնողները կը պատրաստուէին գիշե-
րել:

Հրապարակի ձախ անկիւնը ընդարձակ բակով տան
մը առաջ կանգնեցան Լեւոնն ու պատանին: Բակին մէջ
աւելի քան տասնեւհինգ սայլեր, լուծի եռանկիւնի սիւ-
ները վեր տնկած, քով քովի շարուած էին: Տան դուռը
անընդհատ ճոնջալով կը բացուէր եւ կը փակուէր: Իրերս
եւ ներս մտնողի հաշիւը չգար: Իսկ տան ներսէն, մեղուի
փեթակի նման խօլ աղմուկ մը կը լսուէր անընդհատ:

Պատանին բակին առջեւ կանգ առած, մատով տան
դուռը ցուցնելով ըսաւ.

— Ա՛յ, է՛ս է մեր բէկի տունը:

— Առիւծ Գեւոյի՞ տունը :

— Հա՛, մեր բէկի տունը, — յամառութեամբ կրկնեց պատանին :

— Լա՛ւ, Աշոտ, մէկ ներս մտիր եւ յայտնէ բէկին, որ Վանէն եկող ճամբորդ մը զինք կ'ուզէ տեսնել :

Տղան թէեւ վայրկեան մը տատամեցաւ անծանօթի մը համար բէկը դուրս կանչելու, բայց օտարականի պարօն լինելը գուշակելով, արագօրէն սպրդեցաւ սայլերու արանքէն եւ տան դռնէն ներս անյայտացաւ :

Պայուսակը գետին դնելով Լեւոնը, սպասեց Առիւծ Գեւոյի դալուն :

ՃԱՄԲՈՒ ԿՐԱՅ

Սահմանադրութեան յայտարարութենէն անմիջապէս ետք Առիւծ Գեւոն եւ Թոփալ Սատանան երկու օր հիւրասիրուելէ վերջ Գործոթի ժողովուրդէն, Սաղոյէն, Մկոյէն, հրաժեշտ առին եւ յաջորդ գիշերը Պատիկ Գեղ, Ասլանի մօտ մնացին : Հին վաստակաւոր ընկեր մըն էր Ասլանը : Հակառակ գիւղի չքաւորներէն լինելուն, երկար տարիներ անչահախնդրութեամբ ծառայեց յեղափոխութեան գործին որպէս վալաթ, շալակաւոր, զինատար : Ասլանի աղքատիկ ընթրիքը վերջացնելով, երեք ընկերները թոնիրի շուրջը նստած հինէն ու նորէն խօսեցան մինչեւ լուսնայլը : Որքա՛ն բան ունէին խօսելու անցեալի, բայց մանաւանդ գալիք օրերու մասին, երբ սահմանադրութեան հռչակումով, այնքան չքեղ հեռանկարներ կ'երազէին ապագայի համար : Առտու կանուխ Պատիկ Գեղէն ճամբայ ելան եւ հազիւ արեւմտոցին հասան Ապաղայի կեդրոնական գիւղը, Խաչան : Բազմաթիւ հին ընկերներ ունէին Խաչանի մէջ, բայց անոնցմէ ամենայայտնին, սրտակից ընկերը, մեր նախածանօթ Գրիգորն էր :

Կալերու կողմը, միակտուր երգիքով շատ ընդարձակ շէնք մըն էր Գրիգորենց նահապետական տունը, ամբողջ շրջանին մէջ յայտնի պատուով ու հացով : Մէկ երգիքի տակ կ'ապրէին պառաւ մօր հովանիին տակ վեց եղբայրները իրենց կիներով, ճիժ ու պօերով : Թէեւ Գրիգորը կը համարուէր տան երէց տղամարդը, բայց պառաւ մօր կարծիքը գերիշխող նշանակութիւն ունէր :

Ամէն հարց լուծելու ժամանակ, վերջին խօսքը կը պատկանէր պառաւ մամին, որ զարմանալիօրէն խելօք, ժիր ու գործնական մտքով օժտուած էր:

Առիւծ Գեւօն եւ Թոփալ Սատանան Սաչան հասան այն պահուն, երբ տաւարը ներս առնելէ վերջ, դիւղացիք աները կը քաշուին, դիւղի մէջ կենդանութիւնը կը մեռնի ու հեռուէն հեռու կը լսուի քիւրտ պահակներու կանչը: Մեր երկու ընկերները Գրիգորենց տան դրսի դռնէն մտնելով, որ ընդհանրապէս բաց կը մնար, բոլորովին խաւար եւ երկար միջանցք մը անցան: Չախի վրայ կը բացուէր Թոնրատունը: Առիւծ Գեւօն ուսով հրեց դուռը ու երկուքով միասին կանգ առին սեմին վրայ:

Գրիգորենց նահապետական տան Թոնրատունը, կը յիշեցնէր զարնան ժամանակ աշխոյժ փեթակի մը ներքին պատկերը: Տան տղամարդիկը բոլորուած Թոնրի շուրջը՝ կ'ընթրէին: Հարսերէն ոմանք փութկոտ երթեւեկով կը սպասարկէին անոնց, իսկ ոմանք երեխաներու անկողինները մէկ շարքի վրայ կը փռէին: Թէեւ Գրիգորենց տունը ամբողջ Ապաղայի մէջ հռչակաւոր էր հացով ու հարստութեամբ, բայց չարքազ կեանքի վարժուած, երեխաներու անկողինը կը բաղկանար հաստ թաղիքէ մը որպէս ներքնակ, խոտով լեցուն բարձէ եւ համեմատաբար բարակ ու կակուղ թաղիքէ մը: Ընդհանրապէս Ապաղայի դաշտեցիներու անկողինը միեւնոյն սարքը ունէր: Թոնրատան մէջ ամէն ուղղութեամբ կը վազվզէին երեխաները, իսկ շատ փոքրերը մօրերնուն փէշերէն քոնած, կը հետեւէին անոնց քայլերուն: Հայր Արքահամի օրհնութեամբ՝ երեխաներու իսկական բանակ մը կար հոն: Թոնրատան վերի անկիւնը, փայտէ օրօրոցներու մէջ քնացած երեխաներէն մէկը՝ նոր արթնցած, Թոքերու բոլոր ուժովը կը ճուար, մինչ մայրը ստինքը երեխայի բերանը կ'աշխատէր հանդստացնել զայն:

Միւս օրօրոցի մէջ քնացող երեխան ալ իր կարգին արթննալով, նոյնքան ուժով կը ձայնակցէր անոր: Ասով մէկտեղ ոչ ոք ուշադրութիւն կը դարձնէր երեխաներու լացին: Ամէն մարդ իր գործին էր:

Թոնրատան կեդրոնի սիւնին վրայ հաստատուած էր ձէթի ճրագը, կաւէ կլոր աման մը, մէջը թաթախուած բամպակի երկար պատրոյգով մը, որու ծայրէն արձակուող բոցը հազիւ կէս խաւար կը լուսաւորէր ընդարձակ Թոնրատան մէկ մասը, իսկ հեռաւոր անկիւնները գրեթէ աղջամղջային խաւար կը տիրէր: Թոնրատան պատի տակ, կարգով շարուած էին ահագին կարասներ, ցորենի, պղղուրի եւ կամ կարագ պատրաստելու յատուկ մածոնի համար: Թոնրատան սեմին վրայ վայրկեան մը կանգ առնելով, Առիւծ Գեւօն աչքերը տրորեց, տեսողութիւնը սրելու համար եւ ի վուր նստող տղամարդկանց մէջ Գրիգորը փնտռեց:

— Սաւարման գիշեր է, տնաքանդներ, — յանկարծ Թոնրատան մէջ թնդաց Գեւոյի բամբ ձայնը, — պերէքէլով եղնի ախարտիք, զարիպ ճամբորդներ ենք, դօնախ կ'ընդունի՞ք...

— Աստծու զրկած հիւրը վեր մեր աչաց, վեր մեր գլխին տեղ ունի, — պատասխանեց Գրիգորը որպէս տան աւազը, ու ինչպէս կարգն էր՝ ոտքի ելաւ, քանի մը քայլ առաջացաւ՝ հիւրերն ընդունելու համար:

Յանկարծ Գրիգորը բոլորովին շքամբ՝ թեւերը բացաւ ու առաջ վազեց:

— Վա՛յ, քու տունը չաւերի, Գեւօ՛ ջան, — երկու ընկերները իրարու փաթթուեցան, — էս ո՞նց եղաւ, լուր չտայի՞ր, մենա՞կ ես...

Թոփալ Սատանան որ դրան շուքին մէջ չէր երեւեր, յանցաւոր աշակերտի նման առաջ եկաւ.

— Թոփալ Սատանա՛յ...

— Գրիգոր՝ ջան...

Անկարելի է նկարագրել Գրիգորի զգացած ուրախութիւնը: Երկու ընկերներու մէջտեղ նստած, մէկ Առիւծ Գեւոն կը գրկէր, մէկ կը փարէր Թոփալ Սատանային, միաժամանակ կարգադրութիւններ ընելով — «Աղջի Սառա՛, մածնի սերը քաշէ բեր»: Կնոջը դառնալով «քա կնիկ, ճաւարէ փլաւ մը պատրաստէ»: ու նորէն գրկելով ընկերները. «Վա՛յ, ես ձեր հոգուն զուրպան եղնիմ, տղերք ջան, մարէ՛, էսոնք հին ընկերներ են, էս մէկը Առիւծ Գեւոն, էս լէ Թոփալ Սատանան է, ջան տղերք են, է՛, քանի քանի զիշերներ, ջանս դող ինկած մեր գերեզմանոցի մօտ սպասեր եմ էսոնց դալուն: Հէ՛յ անցած օրեր, հիմա էլ լաւ է՛, բայց էն օրերու անուշութիւնը ո՞ւր...» ու դառնալով կրտսեր եղբորը. «Տղա՛յ, ի՞նչ նստեր երեսիս կը նայիս, թոխ՛ր քէ մատաղ, ձեռաց դառ մը մորթէ...» եւ գլուխը թափահարելով շարունակեց. «Տօ՛, էսէնց էլ բան, ներս էլ չեն մտնիր, որի՞, օտարի տո՞ւն է, դրան սեմէն կը հարցնեն, Գրիգորը աղիղ ախպրտիքը կ'ընդունէ՞. պա ես հայ քրիստոնեայ չե՞մ, պա մենք ուխտուած ախպերներ չե՞նք, ես պակաս աղք եմ. դուք վեր իմ աչաց, դուք վեր իմ գլխին, ես լէ ձերը, տունս տեղս լէ ձերը», ու Գրիգորը սաստիկ յուզուած մէկ կը ծիծաղէր, մէկ կարմիր թաշկինակը աչքերուն կը տանէր:

Մինչեւ զիշերուան ուշ ժամերը, մեր բարեկամները սեղանը բոլորած, իրարու կը պատմէին հինէն ու նորէն, մասնաւորաբար վերջի դէպքերու մասին: Վերջապէ՛ս Առիւծ Գեւոյի կարգը եկաւ, լեզուի կասկանքները քանդուեցան: Գեւոն, իրեն յատուկ ոգեւորութեամբ մինչեւ առաջին աքլորականչը պատմեց Մոկսի, Կարկառի դէպքերէն, Միծանցի կռիւէն: Այդ զիշեր ո՛չ ոք քնելու մասին կը մտածէր, տղամարդիկ շրջապատած Առիւծ Գեւոն,

ազահութեամբ կը լսէին անոր պատմութիւնները, կինները քիչ մը հեռուն, ոտքի վրայ, մտիկ կ'ընէին: Երեսաներէն մեծերն ալ անկողինը ձգած միայն շապիկով մը իրենց հայրերու դողը մտած, ապշանքով կը նայէին Առիւծ Գեւոյի դէմքին:

Յաջորդ առաւօտեան, Առիւծ Գեւոն յայտնեց Գրիգորին որ շուտով ճամբայ պիտի ելնէ: Այս յայտնութիւնը պատճառ դարձաւ որ երկու ընկերները խօսքի կռուի բռնուին իրարու հետ: Ո՛չ միայն Գրիգորը կ'ողջէր ընկերներուն մնալը անորոշ ժամանակով, այլ մէկ զիշեր մնալնին ուղղակի իրենց տան համբաւին վիրաւորանք մը կը համարէր: Նահապետական սովորութեան համաձայն երեք օրը նուազագոյնն էր հիւր մնալու, իսկ մօտիկ աղաւաններ ու բարեկամներ առնուազն մէկ երկու շաբաթ մնալու էին: Երկու ընկերներէն ամէն մէկը իր ըսածի վրայ կը պնդէր եւ դժուար թէ հասկացողութեան մը դային եթէ Գրիգորի մայրը չմիջամտէր: Ո՛չ զաւկին եւ ոչ ալ Առիւծ Գեւոյի կողմը բռնելով՝ վճռեց որ երեք օրը պարտադիր է: Թէեւ Առիւծ Գեւոն կ'աճապարէր օր առաջ զիւղ հասնիլ, բայց պառաւ մամի վճիռը արդար համարելով ստիպուեցաւ համաձայնիլ:

Աւելորդ է ըսել թէ՛ Առիւծ Գեւոյի դալու համբաւը անմիջապէս տարածուեցաւ Ապաղայի հայաբնակ զիւղերուն մէջ: Վերի ու Ներքին Նաղարաւայէն, Չպուխլիէն, Կորթկանէն, Պայաղիտ Աղայէն բարձրագոյն հին ընկերներ եկան այցելութեան, ա՛լ չխօսինք Խաչանի հայերու մասին, որոնք ամէն զիշեր կը հաւաքուէին Գրիգորենց սաքուն, լսելու համար Առիւծ Գեւոյի նշանաւոր ճառերը, որոնց նմանը երբեք չէին լսած: Նոյնիսկ Թաղէոս Առաքեալի վանքի վանահայր Գէորգ հայր սուրբի քարոզները՝ ոնց որ բաժակ մը ջրի մօտ կաթիլ մը ջուր:

Ամէն իրիկուն Առիւծ Գեւոն սաքուի անկիւնը, թան-

ձրը ներքնակի մը վրայ ծալապատիկ նստած, երկար չիտուխը կը ծխէր, համրիչի հատիկները ծանր ծանր շխկացնելով կը դարձնէր, ու երբ հիւրեր կը սկսէին հաւաքուիլ, առանց տեղէն բարձրանալու, աղայալայել ծանրութեամբ կ'ընդունէր զանոնք, ամէն մէկուն իր դիրքի համաձայն նստելու տեղ ցուցնելով:

Անշուշտ եկողներու խօսակցութիւնը սահմանադրութեան շուրջ կը դառնար, որմէ շատ ալ բան մը չէին հասկցած: Այս պարագան յարմարադոյն առիթներ կուտար Առիւծ Գեւոյի իր անչափ իմաստութեան մէկ փոքր մասը թափելու տգէտ գիւղականներու առջին: Առանց յոգնելու, երկարաշունչ ճառերով կը բացատրէր «սահմանադրութիւն» բառի իմաստը եւ անոր հայերու համար ունեցած նշանակութիւնը: Թէեւ իր բացատրութիւնները բնաւ չէին համապատասխաներ կառավարական պաշտօնեաներու ըսածներուն, և ոչ ալ սահմանադրական կարգերու մասին ինք որչազ պարտաւոր մը ունէր, բայց ունկընդիւրները իրենց խանդավառ զոհունակութիւնը կը յայտնէին բոլորն ծափահարութիւններով եւ «կեցցէ՛ Հայաստան» պոռալով:

— Ըսը՞, — ծանր ու մեծ կը սկսէր Առիւծ Գեւոյն, խոշոր գլուխը աջ ու ձախ շարժելով, — ըսը՞, սահմանադրութիւն լէ եկաւ, բարով եկաւ հազար բարով եկաւ, ամմա մտիկ ըրէք, էդ որո՞ւ սասպալով եկաւ: Մեռնիմ Լուսաւորչայ սուրբ հաւատքին, էդ սահմանադրութիւն հայու յեղափոխութիւն բերաւ, հայու թափած արիւն, հայ ֆետային: Որ էտմալէ, զըտի սահմանադրութիւն եկաւ հայու համար, ազգի համար: Մէկ հարցնող եղնի, մեր գիւղական ի՞նչ կը գիտնայ զըտ սահմանադրութեան վրայօք: Ծափ կը տաք, կը ծիծղաք, գլուխ կ'երերցուք, բայց հա ձեր հասկցած, հա մեր ջաղցի պող իշու հասկըցած:

— Էս խըտէր մեծ բաներ մեր վարդապետներանց լէ գիտար է գիտնալ: Ես մէկ ըսեմ, դուք երկուք իմացէք: Սահմանադրութիւն որ կ'ըսեն, էդ սահմանադրութեան միտք հաւասարութիւն է: Ասելս էն ա, քիւրտ որ հայի մէկ աչք հանա, հայն քրտու երկու աչք պիտի հանա, որ հաւասարութեան բանը տեղը բռնէ: Քիւրտ հայու մէկ գէգ վառի՝ հայը երկուքը վառի: Անկաջ ըրէք խօսքերուս, Առիւծ Գեւոյի խօսք եպիսկոպոսի սուրբ խօսք է. ապա յորի՞ էսքան տարի աշխարհ ման եկայ, աշխարհի բան իմացայ: Մեր պապեր կ'ասէին. «Անգէտ մարդիկ որ չեղնին՝ իշու զին հազար ոսկի կ'ենէր»։ Ըսը՞, մարդ սասած որ աչքը գոց պարի, դրկիցը վզին կը նստի: Ախպըրտիք բան իմացէք, աշխարքի կարգ փոխուեր ի, աւանակ մի՛ մնաք: Մէկ լէ ըսեմ որ հասկնաք: Սահմանադրութեան միտք էն ա որ հաւասարութիւն եղնի: Ասելս էն ա, հայն լէ պէտք է զէնք առնի, կուր ընէ, թալնի եկող քրտերաց դէմ կանգնի, ինք լէ էլնայ գըրտեր թալնէ: Յորի՞ քիւրտ կրնայ գողնայ, թալնէ, զարկէ մենք չե՞նք կրնայ: Էդ արդարութիւն կ'եղնի: Չէ՛, ախպրտիք: Սուրբ աւետարան լէ կ'ասի. «Աչքի դէմ գերկու աչք քէօքէն հանի, մէկ ախու տեղ երկու հատ փրցու տուչմընի բերնէն»: Էնկեախ հաւասարութիւն կ'եղնի, սսել է սահմանադրութիւն: Տէ՛ հիմա հասկցա՞ք ախպրտիք ի՞նչ ի սահմանադրութիւն, էնոր հունարը:

— Մեր մեծերու խօսք, խրատ լէ էս է: Պարոն Լեւոն, հայու Աստուած հազար տարի երկարի էնոր անուշ կեանք, «Գեւո ջան», ըսեց, «որ կ'երթաս, բարով երթաս, բայց ո՛ւր էղնիս սահմանադրութեան միտք, սահմանադրութեան խօսք հասկցրու գեղական խալխին, ամէն գեղ ու գեղական զէնք առնի զինուի»: Ես լէ ասի քու խօսք հրաման, վըր իմ աչքերուն, վըր իմ գլխուն: Սուրբ աւետարանն լէ կ'ըսէ. «Զինուորեալ մանկանց Հայաստա-

նի», էս մեծ խորհուրդ Ասածու պատուէրն ի, Աստուած լէ կ'ըսէ, մեռնիմ էնոր զօրութեան, հայու մանուկ լէ զինուոր պիտի եղնի, ըսինքն առանց զէնքի պիտի չմնայ:

— Մեր ճիժ ու պժիբ ժամ կը տանինք կնուէք կ'ենինք: Գիտէ՞ք էդ ի՛նչ է, որ չէք գիտեր տաղ ըրէք Առիւծ Գեւոյի խօսք մտիկ ըրէք: Էդ «Սորհուրդ մեծ եւ սքանչելի» է: Տէրտէր կը հարցու. «Քաւո՛ր, երեսէն զի՞նչ խնդրէ» քաւոր կ'ըսէ. «Հաւատք, յոյս, սէր եւ մկրտութիւն»: Ձեր վարժապետու խելք լէ չի հասնի էս բանին: Ես ըսեմ, դուք անկաջ ըրէք: Հաւատք որ կ'ըսեն, էս ղուվաթն ի: Առանց հաւատքի՝ մարդու ձեռք առանց ոսկորի: Զօռպա մարդը որ հաւատք չունի, իմալ որ երկու տարեկան տըղայ: Քոստո քիւրտ լէ այնալու թփանքով կը յաղթէ կտրիճ հայուն. հիմա ախպրտիք, դուք ըսէք ո՛վ ղուվաթով դուքս եկաւ, կտրիճ հայը՞, քոստ քի՛ւրտը. ես ձեզի կ'ըսեմ ո՛չ էս, ոչ էն: Հապա՞. Սուրբ հաւատքը, ըսինքն ղուվաթը, որ ասել է այնալու թփանքը: Էս բանին խորհուրդը էս է, երեսան մօր կաթի հետ զէնք կ'ուզէ:

— Էս մէ՛կ:

Ինքնաբաւականութեամբ վայելելով զարմացկոտ հետաքրքրութիւնը բերանարաց գիւղացիներու, որոնք շունչերնին բռնած կը հետեւէին անոր ճառին ամէն մէկ խօսքին, Առիւծ Գեւօն քոլոզը մէկ կողմ ծոնց, ծանր ու մեծ սիկարէթ մը պլլեց անցուց երկար չիպուխի ծայրը, մինչ շուրջի երիտասարդներէն մէկը ձախ ձեռքը կըրծքին, գլուխը խոնարհեցուցած կրակի կտոր մը դէմ կը բերէր: Մէկ երկու անգամ ազահութեամբ ծուխը ներս քաշելէ վերջ, Առիւծ Գեւօն շարունակեց:

— «Յո՞յսը». յոյսը մեծ խորհուրդ ի ախպրտիք: Առանց յոյսի աշխարհ տեղահան կ'եղնի: Մէկ դուք ըսէք, լօշն ու դօնիկ առանց թթխմորի կ'եղնին, չէ՛ վալլահ չեն

եղնիր: Էդպէս լէ մարդ ասածին յոյսն անպակաս պիտի եղնի: Բայց էս յոյս իմը քոնը չի, էս ամենուս, ըսինքն ազգի յոյսն ի, խըց վանայ ծով խորունկ, խըց Մասիսի սար բարձր: Սորհուրդ մեծ եւ սքանչելի: Պատն ականջ ունի, ախպրտիք, ես մէկ ասեմ դուք երկուք հասկցէք: Էս յոյսը մեր ազգի մեծ մուրազն է... հարպաթ կը ծիծղաք: Ձիքիւր կ'ընէք էս Առիւծ Գեւօն ողորդ կ'ըսէ: Հա՛, վալլահ, ողորդ կ'ըսէ: Հայ ժողովուրդը զըդ յոյսով պիտի ապրի մինչեւ էն կեախ երբ որ մըր տէր Յիսուս ու Քրիստոս մըր ազգի մուրազին հասցնէ: Բաց աչօք տեսնանք, մեր ազգի յոյս, մեր Անին խըց որ հին ժամանակ հազար ու մէկ եկեղեցիներով հայու զօրքով ու թագա... ըհը՛մ, ախպրտիք մնացածն լէ դուք Փիքը ըրէք:

— Էս լէ երկուք:

— Հիմա լէ զանք սիրուն: Էս սէր, հէ՛յ կնկայ ծոց պառկող չախալները, էս էն չէ, կնկայ սէր չէ, ախպօր սէր չէ, մօր սէր չէ: Էսոր միտք մեծ է: Ժամու պատարազին որ տիրացուք կ'ըսեն. «սէր միութիւն հայոց ազգին». կէօ դես սէր զըդ սէրն է: Ըսինք, հայ ժողովուրդը սիրով էղնի, իմալ որ կ'ըսեն գեղկանք, գերան կը կոտրի: Էն կեախ մեր յոյս որ ըսել է ազգի մուրազ, մեր հաւատքով, ըսինքն ղուվաթով ձեռք կը բերենք: Որ սէր միութիւն եղնի ազգի մէջ՝ էն կեախ վասակութիւն, յուղայութիւն չ'եղնիր. հայ ժողովուրդը կուշտ կշտի կայնուկ կ'եղնի խըց Սիսիանայ սար, էլ ոչ օսմանցու թոփ ու թփանք... էն կ'ասէի որ սէր միութիւն եղնի, հայ ազգի մէջք գետին չի դպիր: Տօ միտքս հասկցա՞ք:

— Էս լէ երեք:

Հոս երկար շունչ մը առաւ Առիւծ Գեւօն, ճակտի քրտինքը սրբեց ու նոր սիկարէթ մը պլլելով սկսաւ ծըխել: Սաքուի մէջ հաւաքուած բազմութեան դէմքերուն վրայ խորհրդաւոր ժպտո մը կը խաղար: Գրեթէ բոլորն

ալ հասկեցեր էին Առիւծ Գեւոյի խօսքերու բուն իմաստը : Գոհունակութեամբ դէմքերնին կը ճառագայթէր . որո՞ւ սրտին մօտ չէին այդ մտքերը, որո՞ւ երազները չէին վայելալիս այդ խօսքերը : Եթէ ուրիշ մէկը խօսէր, թէ-կողդ գլուղի քահանան կամ վարժապետը, անշուշտ մտիկ կ'ընէին եւ որքա՞ն ճառախօսներ լսած էին այդ օրերուն, բայց վերջէն, գլուխնին կը քերէին, նոյնիսկ հեզնանքով իրարու աչք կ'ընէին : Բայց Առիւծ Գեւոյի նման յայտնի յեղափոխական մը, մեծերու հետ նստած, անոնց խորհուրդին գիտակ, աշխարհի անցուղարձերուն ծանօթ, գիտէր թէ ինչ կը խօսի : Անոր խօսքերուն ետին անշուշտ բան մը կար թաղնուած : Երբ Առիւծ Գեւոն սկըսաւ շարունակել կ'լսատ ճառը, սաքուի մէջ ճանճի տըզ-զոց մը իսկ կ'ընար լսուիլ :

— Քաւոր հաւատք, յոյս, սէր եւ մկրտութիւն ըսեց . լաւ մտիկ ըրէք . մկրտութիւն էդ բոլորէն վերջ կողգայ : Էդ իմա՞լ կ'եղնի : Չըք գինայ հըլպըթ չէք գինայ : Էտ խորհուրդ բացատրեմ որ չըսէք Առիւծ Գեւոն լէ էտ բանէն խապար չէ : Մկրտութիւն մեծ խորհուրդ է, ասելս էն է, որ հաւատը, յոյսը, սէրը, երեխէն սուրբ մ'իռոնով վեր ճակտին կ'առնու, կը դառնայ հայ քրիստոնեայ : Չըտ սուրբ մկրտութեան միտք ազգի կազմակերպութիւն է . ըսինքն, երեխի անուն ազգի տաճրարի մէջ գրուկ է : Սուրբ մկրտութիւն, էտ յեղափոխական կազմակերպութիւն է, էն ո՞վ սուրբ մ'իռոնի կնիք ունի վեր ճակտին, էն մէջ կազմակերպութեան, մէջ յեղափոխութեան կ'եղնի : Էդ ո՞ր հայ չուղէ կազմակերպութիւն : Հը՛, տէրտէր, դու ասա անկնունք մեռած երեխէն ժամ կ'երթայ, արքայութիւն կ'երթա՞յ : Մեղայ, մեղայ, հէչ հըմլայ բան կ'եղնի : Չէ՛, չ'եղնիր : Որ սուրբ մ'իռոն ունինք վեր մեր ճակտին, հայ քրիստոնեայ ենք, հայու լոյս հաւատի

գինուոր, հայ ազգի գինուոր, յեղափոխութեան գինուոր : Իտա հըմլայէ :

— Էս օր վաղ Առիւծ Գեւոն կ'երթայ դուք կը մնաք : Իմ խօսքեր իմ մտքեր մտահան չանէք : Ահա Գրիգոր ձեր մեծ, ձեր ախպէր : Միտք մտքի տուէք, կազմակերպութիւն ըրէք, գէնք առէք, էս է ազգի մեծ խորհուրդ : Չէ՛նք առէք : Հէ՛յ, հէ՛յ, էն հայ որ վասակութիւն կ'անի՛ էն հայու հոգին դժոխք պիտի երթայ . եօթանասուն տարի եռման կուպրի կարասի մէջ, օխթանասուն տարի լէ հալած իւղի պղնձի մէջ պիտի տապկուի, իմալ որ ձուկ թավի մէջ : Յեղափոխութիւն պիտի զարկէ էդ վասակներ : Յեղափոխութիւն կ'ասի . «գէնք առէ՛ք, կազմակերպուեցէ՛ք» : Յեղափոխութիւն զրոյ բան կ'ըսէ, Առիւծ Գեւոն լէ զըս բան կ'ըսէ, վերջ փոշմնողին Աստուած հասնի :

Այսպէս ամէն երեկոյ երբ բազմութիւնը կը հաւաքուէր, Առիւծ Գեւոն կը բանար օրհնուած բերանը եւ ճշմարիտ ճառախօսի նման լարուած կը պահէր ունկընդիւրները : Սաքուի մէջ խոնուած գիւղացիները կը հետեւէին անոր արտասանած ամէն մէկ բառին՝ երկիւղածութեան հասնող յափշտակութեամբ : Բերան չէր, օրհնըւած տաճար էր անոր բերանը :

Բնականաբար Առիւծ Գեւոյի ներկայութեան պատճառով շրջանի գիւղերէն հայերու յաճախակի երթեւեկը պիտի չլրիւգէր Սաչանի տէր, Հիւսէյին բէկի ուշադրութեանէն :

Հայտարանցի աշիրաթի Ապաղայի շրջանի մեծը, Հիւսէյին բէկ, ինչպէս կը յիշէ ընթերցողը, մեր վաղածանօթ Սատիճէի ամուսինն էր : Հիւսէյին բէկը սահմանադրութեան հռչակումի հետեւանքով դժգոհելու մաս-

նաև որ պատճառ մը չունէր: Կը պահէր քրտական Համի-
տիէ հեծելադուռնդի դայմադամի պաշտօնը, որ անուա-
նական բնոյթ ունէր, թէեւ շօշափելի ամասական մը կ'ա-
պահովէր իրեն, հանդատօրէն կը վայելէր իր անսահման
տարածութեամբ հողերուն հասոյթը, որու մէկ մասն էր
Սաչան գիւղը: Տարիներու ընթացքին պատկառելի հա-
րըստութիւն մը դիզած էր ու իր միակ մտահոգութիւնը
այդ հարստութեան պահպանումն էր: Բնածին սրատե-
սութեամբ օժտուած խելօք մարդ մը, ան յեղափոխու-
թեան շրջանին իսկ առանց կառավարութեան հետ գէշ
մարդ դառնալու, չէզոք դիրք մը բռնեց: Մատի արան-
քով կը նայէր իր գիւղացիներու հակապետական դոր-
ծունէութեան վրայ, նոյնիսկ չքաշուելով մէկ երկու
անգամ իր տան մէջ ընդունելու յեղափոխական շրջիկ-
ներ: Երկու կողմերուն համար ալ լաւ մարդ դառնալու
քաղաքականութիւնը վերջին հաշուով շահաւոր եղաւ ի-
րեն:

Սաչան գիւղի հայերը հողագործի միրապաներ էին
պարզապէս: Անոնց մեծ մասը տասնեակ տարիներ առաջ
եկած էր Սոչապի շրջանէն եւ վերին Հայոց Զորէն: Գիւ-
ղացիները բէկի համար կէսրար կը ցանէին բարեբեր ար-
տերը, մինչ շրջանի քրտութիւնը դրեթէ ամբողջովին
խաշնարածութեամբ կը դրադէր: Ասով մէկտեղ ամբողջ
Վասպուրականին մէջ չկար շրջան մը ուր սեփականատէր
հայ գիւղացին ա'յնքան բարեկեցիկ վիճակ ունենար,
որքան Սաչանի հայ ժողովուրդը ունէր: Գոհ իրենց աըն-
տեսական վիճակէն, գոհ էին եւ Հիւսէին բէկէն, որ ա-
փին մէջ դասուած կը պահէր զանազան քիւրտ աղաներն
ու աւաղակները, որոնք չէին յանդգներ Հիւսէին բէկի
հայերը նեղացնել: Այդպէսով, Հիւսէին բէկ կը շահէր
հայերու երախտագիտութիւնը, միաժամանակ շահելով

անձնապէս, որովհետեւ հայու մը թալանուելուն մէջ
ինքն ալ կորուստի որոշ բաժին մը պիտի ունենար:

Առիւծ Գերոյի Սաչան դալը, շրջանի հայ գիւղացիու-
թեան ջերմ ընդունելութիւնը փաստ մըն էր: Որպէս
կարիճ կուռոզ անոր անուըն անձանօթ չէր քիւրտերուն,
որոնք աւելի քան յարգանք ունին ընդհանրապէս յայտնի
կուռոզներու նկատմամբ: Այդ պարագան չէր կրնար ան-
տեսել Հիւսէին բէկը: Եղածը մեծ բան մը չէր լինելու,
ճաշ մը եւ սիրալիր քանի մը խօսքեր այդ մարդուն ալ
բարեկամութիւնը շահելու համար:

Երկրորդ օրը Հիւսէին բէկը իր ղօլամներէն Փախկին
դրկեց Գրիգորեանց տունը Առիւծ Գեւօն ճաշի բերելու
համար: Այս հրաւերը պատճառ դարձաւ որ Առիւծ Գեւօն
լրջօրէն մտածէ բռնելիք դիրքի մասին: «Եթէ Հիւսէին
բէկը Հայտարանցիներու բէկն է, մտովի խորհեցաւ մեր
բարեկամը, ես ալ պակաս մարդ մը չեմ, Մելիք Ասլան
բէկի թոռը: Ատելճաւազի կէսը պապուս հողերն էին,
մէկ էլ որ Հիւսէին բէկի երեսի մաղերու թուին չափ կը-
ռիւներու մէջ մտած ելած եմ: Պարապ տեղը չէ որ ինձի
Առիւծ Գեւօ կ'ըսեն:»

Առանց հրաւիրելու Փախկին որ նստի, ետ ճամբեց
զայն, յայտնելով որ ժամ մը վերջ բէկի մօտ պիտի լինի:
Երբ բէկի ծառան քիչ մը դարմացած դուրս ելաւ սա-
քուէն, Առիւծ Գեւօն թոփալ Սատանային նայելով քթի
տակէն խնդաց, աչքը թարթելով:

— Ծօ, քամբախտ, էդ նաղը ի՞նչ օյին է, — բարկա-
ցաւ թոփալ Սատանան, — կարծես բէկ մ'ալ դուն եղնիս:

— Յորի՞ չեմ: Ծօ թոփալ, դուն տաղ ըրէ, քեզի
խելը որ եղնէ՞ր... Թուիր թոնրատուն ձէն տուր էն երկու
վանեցիներաց, թո՛ղ կուշտս դան:

— Որ ի՞նչ:

— Ծօ թոխր կ'ըսեմ ք... մեռելի տղայ, մեղա՛յ, մեղա՛յ, քիչ մնաց քու՛Քըր պիտի էլնէր բերնէս :

Երբ Թոխալ Սատանան վերադարձաւ երկու վանեցի երիտասարդներու հետ, որոնք Պայազլտ երթալու ատեն կանդ առած էին Խաչան, Առիւծ Գեւօն բացատրեց անոնց որ երեքով իրեն հետ պիտի երթան Հիւսէին բէկի մօտ, երեքը սրպէս իր թիկնապահները :

— Բաղբեցի ջոջ աղաներ, — յօնքերը կխտելով սպառնաց անոնց Առիւծ Գեւօն, — մէկ քանի քայլ ետեւօք կը քալէք, չը խօսաք, չը ծիծղաք, վալլահ ձեր հոգին կը հանեմ : Հա՛ ձեր տասնոցները ալէնի աշկարայ կախեցէք :

Այս կարգադրութիւնը ընելէ վերջ, երբ Առիւծ Գեւօն Գրիգորեանց տունէն դուրս եկաւ եւ ուղղուեցաւ դէպի Հիւսէին բէկի տունը, Թոխալ Սատանան եւ երկու վանեցի երիտասարդները պատկառոտ հեռաւորութիւն մը պահելով հետեւեցան անոր :

Առիւծ Գեւօն, ծանր քալուածքով որ արժանապատիւ շուք մը կուտայ մարդու, հասաւ բէկի տունը : Ճիշդ ան է որ ներս պիտի մտնար Հիւսէին բէկի սենեակը, երբ Խատիճէն՝ Ալիի ձեռքէն բռնած դուրս եկաւ : Խատիճէի, բայց մանաւանդ փոքր Ալիի անահնկալ հանդիպումը վայրկեան մը շփոթեցուց մեր բարեկամը : Ալ ի՞նչ օրուայ Առիւծ Գեւօն էր որ ինքզինք կորսնցնէր, քայլ մը ետ քաշուելով ճամբայ տուաւ, որ անցնին մայրն ու տղան ու ապա պեխերը յարդարելով, աղայալայել ծանրութեամբ հաղաց ու սենեակի դռնէն ներս մտաւ :

Առիւծ Գեւօնի տպաւորիչ արտաքինը, խիստ դէմքը, մանաւանդ աչքերն ու երկար պեխերը, երեք թիկնապահներով գալը, անոր համարձակ կեցուածքը, սոնք բոլորը մէկտեղ ստիպեցին Հիւսէին բէկին ոտքի

բարձրանալով ընդունելու հիւրը : Թոխալ Սատանան երկու ընկերներով մուտքի մօտ կանգնած մնացին :

— Սէր սէրան, սէր չափան—դիմաւորեց Հիւսէին բէկը, իր կշտին նստեցնելով Առիւծ Գեւօն :

Սովորական խօսակցութիւն մը ծայր տուաւ երկուքին միջեւ : Քիւրտ կճանները, անընդհատ ներս ու դուրս ելլելով թաւ գորգի վրայ փռեցին նաչխուն սիւնոց մը, եւ մեծ ու փոքր պղինձէ թասերով ճոխ սեղան մը յարեցին :

Իր պատկերաւոր խօսակցութեամբ, արժանիքը դիտող մարդու ծանր կեցուածքով, Առիւծ Գեւօն խորունկ տպաւորութիւն ձգեց Հիւսէին բէկի վրայ : Վերջինս անոր հետ, թէեւ ահամայ, կը վարուէր ճիշդ այնպէս, ինչպէս պիտի ընդունէր իրեն աստիճանին հաւասար քիւրտ բէկ մը : Հիւսէին բէկի դնահատութիւնը աւելի եւս բարձրացաւ երբ ճաշը լրացնելէ վերջ տունէն դուրս ելան :

Հասարակ քիւրտը թէ մեծագոր բէկը, ամէն բանէ առաջ դէնքի մարդ է : Զէնքն է անոր հաւատարիմ ընկերը, պաշտպանը, ապրելու միջոցը, ինչպէս հայ դիւղացիին համար հողը, դուրանը, եզները : Քիւրտին համար նախ դէնքը, յետոյ ձին, յետոյ կինը : Քիւրտի դրօսանքը գերազանցօրէն կապուած է նշանաձգութեան եւ ձիարչաւի հետ : Ասոնք քիւրտի համար գուարճութիւններ լինելով մէկտեղ, հրահանգիչ վարժութիւններ կը համարուին, կեանքի դպրոց մը, ապագայ կռիւներու համար վարժուելու, սովորելու՝ ինչ որ փորձառուները գիտեն : Երբ Հիւսէին բէկն ու Առիւծ Գեւօն դուրս եկան շրջապատուած հետեւորդներով, բէկի զօլամները սկսան նշանաձգութեան փորձեր ընել, բաց դաշտի մէջ ինկած բաւական մեծ կոճղի մը նշան բռնելով : Հետզհետէ աւելի վարպետները մէջտեղ ելան : Կոճղի վրայ փոքր տուփ մը

դնելով սկսան կրակել: Ղօլամներէն շատեր կըրցան տուհիը վար բերել կոճղի վրայէն: Հիւսէին բէկը մեծ հետաքրքրութեամբ կը հետեւէր այդ փորձերուն: Ձեռքի հըրացանը երկարելով Առիւծ Գեւոյին ըսաւ.

— Առիւծ Գեւօ, դքու համբաւ լսած էինք, հիմա մեր աչքերով տեսնանք: Հեղ մըն ալ դու փորձէ:

Առիւծ Գեւօն չորս դին նայելով, բակի մոխրակոյտի վրայ ջարդուած սափորի տակ մը դտաւ, ու վանցի երիտասարդներէն մէկուն տալով հրամայեց որ տանի եւ կոճղէն յիտուն քայլ ալ հետուն բարձրութեան վրայ դնէ սափորի կլոր տակը:

— Ծօ՛, նայէ որ ճակատը մեր կողմը դարձած եղնի, — գոռաց երիտասարդի ետեւէն Առիւծ Գեւօն, ու դառնալով ղօլամներուն ըսաւ. — տէ՛, հիմա դձեր մարիֆատ ցուցնելու ժամանակ է, ո՛վ որ դարկաւ նշանին՝ էն դանջալս էնոր կուտամ. Տխարպէքիբի դործ է, խաս չալիկէ շինուած:

Նախ քիւրտերէն ոչ ոք ուզեց փորձել: Սափորի տակը հաղիւ կ'երեւար ու մարդիկ չէին ուզեր իրենց համբաւին հետ խաղալ այդքան հանդիսականներու առջեւ, երբ վստահ չէին որ հաւանականութիւն մը կար խփելու: Ղօլամները հրմշտկելով իրար առաջ կը մղէին, քրտական սովորութեամբ, բարձրաձայն պոռալով, կարծես իրական կոխ մը տեղի կ'ունենար անոնց մէջ: Վերջապէս ծերունի քիւրտ մը մէջտեղ եկաւ: Ծապիկին երկար թեւերը փաթթեց բազուկին վրայ, «պիտմիլլահ» ըսելով աջ ծունկը կպուց դետին, խնամքով նշան առաւ ու կրակեց: Գնդակը երկու թղաչափ աջ խփեց: Երկրորդ գնդակը հետք մը չձգեց, խակ երրորդ գնդակը նշանէն մէկ թղաչափ վար կպաւ:

— Մարդ իր կըրցածէն աւելի չի կրնար ընել, — ուսե-

րը թափահարելով ըսաւ քիւրտը ու քաշուեցաւ ղօլամներու մէջ:

— Հիմա քու կարդդ է, — նորէն պնդեց Հիւսէին բէկը, — այդ նշանը դու դրիր. եթէ խփուելու բան է, ցուցո՛ւր կարողութիւնդ:

Առիւծ Գեւօն ուշադրութեամբ քննեց բէկի հրացանը: Ըստ երեւոյթին անթերի մօտին հրացան մըն էր:

— Բէկ, — ըսաւ Առիւծ Գեւօն, — ամէն մարդ իր ձեռքի վարժուկ հրացանով մէյտան կ'եղնէ, հրացանին վեր ու վար, աջ ու ձախ խփողը կայ: Բայց քու խաթեր համար դիմ բախտ փորձեմ:

— Եա փութիւն Սուրբ Գէորդ — ըսելով Առիւծ Գեւօն աջ ծունկը կպուց դետին, հրացանը բարձրացուց, նշան բռնեց եւ անմիջապէս կրակեց: Սափորի տակը անշարժ կը մնար: Գնդակը կէս թղաչափ ձախ խփած էր, դետնէն փոշիի պուտ մը վեր թոցնելով:

— Հիւսէին բէկ, հրացանդ քիչ մը ձախ կը դարկէ, մեղքը խմս չէ, հրացանիդ է:

Երկրորդ անգամ նշանակէտէն քիչ մը աջ բռնելով կրակեց Առիւծ Գեւօն: Սափորի տակը ջարդ ու փշուր եղաւ:

— Մաշալլահ, մաշալլահ, — գոլեց Հիւսէին բէկը:

Ղօլամները պատկառանքով կը դիտէին Առիւծ Գեւօն: Աւելորդ է ըսել թէ՛ մեր բարեկամի դէմքը ուրախութեամբ կը ճառագայթէր: Բայց այդքանով չէր ուղեր բաւականանալ Առիւծ Գեւօն: Թոփալ Սատանան հայդուկներու մէջ նշանաւոր նշանաձիգ մըն էր: Անոր շնորհքը ցոյց տալու միջոց մը կը մտածար Առիւծ Գեւօն, երբ Հիւսէին բէկ ինքնաբերաբար առիթը տուաւ:

Բակի մէկ անկիւնը վառուած մոմ մը դրին. դուրս գալով բակէն մօտ երեսուն քայլ հեռաւորութեան վրայ՝ որոշեցին որ այդտեղէն կրակեն, մոմի լոյսը մարելու

համար: Իսկ յաջողելու գլխաւոր պայմանն այն էր որ մոմը սէպը էր անլնաս մնար: Երբ Հիւսէին բէկի զօլամները կը պատրաստուէին սկսելու, Առիւծ Գեւոն իրեն յատուկ մեծխօսիկութեամբ միջամտեց:

— Վալլահ բէկ, էս տեղէն երեխէն լէ կը դարկի՛ զմէյտան հինգ անգամ աւելցնելու է:

Անշուշտ Առիւծ Գեւոն գիտէր իր պահանջին անհեթեթութիւնը: Առաջարկած հեռաւորութենէն ոչ թէ մոմի լոյս, այլ մոմն իսկ դժուար թէ երեւնար: Անպատկառ միջոց մըն էր պարզապէս քիւրտերը շփոթելու համար: Երկար բարակ վիճարանելէ ետք, վերջապէս քիւրտերը համաձայնեցան՝ պայմանով որ նախ Առիւծ Գեւոն կամ իր մարդիկը սկսին եւ առաջարկած տարածութիւնը զեղջըւի կէսի: Գեւոյի ուղածն ալ այդ էր: Վերցնելով ծերունի քրտի հրացանը, որ Առիւծ Գեւոյի դատողութեամբ ամենալաւն էր, երկարեց զայն թոփալ Սատանային: Առիւծ Գեւոն քիւրտերու ներկայութեան այնպէս կը վարուէր թոփալ Սատանայի հետ՝ որպէս թէ ան իրապէս իր զօլամը լինէր:

— Ծօ՛, շա՛ն որդի թոփալ, կաշիդ քերթել կիտամ, եթէ զմոմ չմարես, — ու դառնալով Հիւսէին բէկին՝ կամաց մը փսփսաց անոր ականջին — իմ մարդոցս մէջ մէկ հատիկ է շան տղան:

Թոփալ Սատանան չոքը գետին դարկաւ, ուշադրութեամբ նշան բռնեց ու կրակեց: Մոմը մարեցաւ:

— Բախտի բան է, բախտի բան է, — բողոքեցին քիւրտերը, որոնց համար այդ տարածութեան վրայ նման փորձ մը անկարելիութիւն կը համարուէր, — թող անգամ մըն ալ փորձէ:

Բարեբախտաբար երկրորդ փորձն ալ նոյն վերջաւորութիւնն ունեցաւ: Քիւրտերէն ոչ ոք ուզեց նշան բռնելու փորձութեան ենթարկուիլ: Ծերունի քիւրտը մտած-

կոտ արտայայտութեամբ գլուխը թափահարեց, ի զուր չէր որ կ'ըսէին՝ ֆէդայու զնդակը մութին մէջ ալ դուշմանը կը գտնայ:

— Հազար ոսկի կ'արժէ էդպէս զօլամ մը, — բարձրաձայն ըսաւ Հիւսէին բէկը:

— Տաս հազար ինկիլիզու ոսկի էլ տան չըմ խոյս, — ինքնարաւականութեամբ փչեց Առիւծ Գեւոն:

Երբ Առիւծ Գեւոն իր մարդոցմով հեռացաւ, Հիւսէին բէկը մտածկոտ տրամադրութեամբ սենեակը քաշուեցաւ: Որքա՛ն արագութեամբ կը փոխուէր կեանքը: Դեռ երէկուայ Փլան այսօր ազատ մարդու հովեր կ'առնէր, գիրք կը բռնէր, բէկութիւն կը խաղար: Ասոր վերջը ո՞ւր պիտի յանգէր: Ահա Փետայի մը, որ արդէն երեք թիկնապահներով ման կուգայ, ո՞վ կընայ ըսել թէ վաղը միւսօր տաս, տասնեւհինգ մարդ պիտի չունենայ իր հրամանին տակ: Աշխարհ տակնուվրայ կը լինէր, հին կարգերը, սովորութիւնները կը փոխուէին, վատ նշան էր: Հայը դեռ քանի մը տասնեակ տարի առաջ ձի չէր կրնար նըստիլ, հասարակ դանակ մը իսկ չէր կրնար կապել մէջքին, այսօր քիւրտի նման զինուած, աշխոյժ ձին տակը, ազատօրէն կը ճամբորդէ: Հիւսէին բէկը ձեռքը մօրուքին երկար մտածեց: Չէ՛, աշխարհը կը փոխուէր:

Այդ միեւնոյն օրուայ երեկոյեան կողմ, Խատիճէն փոքրիկ Ալիի ձեռքէն բռնած, որպէս թէ պատահաբար մտաւ Գրիգորենց թոնրատունը: Տան տղամարդիկը դեռ դաշտային աշխատանքէ չէին վերադարձած, միայն կիներն ու երեխաները կային հոն: Սովորաբար Խատիճէն շարաթը մէկ երկու անգամ կ'այցելէր Գրիգորենց: Որպէս ունեւոր ընտանիք, քիչ թէ շատ կարգ ու սարք կար անոնց տունը, ուր յարգանքով ու սիրով կ'ընդունէին զինք: Գրիգորը Հիւսէին բէկի վատահութիւնը վայելող հայն էր Խաչանի մէջ. բայց ամէն բանէ աւելի, որովհե-

տեւ Խատիճէն զուշակած էր Մեղոյի խօսքերէն, որ Խա-
չանի յեղափոխական գործերը վարողներէն մէկն էր
Գրիգորը: Այդ գիտակցութիւնը հոգեկան մխիթարանք
կը պատճառէր սեւաւոր սրտին:

Թոնրատան մէջ աշխոյժ կենդանութիւն մը կը տի-
րէր. կրնէրն ոմանք երեկոյեան ընթրիքի պատրաստու-
թեամբ զբաղած էին, թոնրատան մէկ անկիւնը, տան
փոքր հարսը խնոց կը հարէր, ուրիշ մը երեսան կ'օրօ-
րէր:

— Բարով եկար, խանո՛ւմ, հազա՛ր բարով եկար —
Գրիգորի մայրը մօտեցաւ Խատիճէին:

— Բարեւ նանէ, դրան առջեւով կ'անցնէի, ըսի մէկ
ներս մտնամ տեսնամ ի՛նչ կայ չկայ:

— Սաղութիւն, ի՞նչ պիտի եղնի, տընքտնքալով
կ'աշխատիմ, տանը զո՞րծ կը պահսի:

— Ժիր հարսի նման ոտքի վրայ ես միշտ նանէ, —
կարեկցարար ըսաւ Խատիճէն, — ես քու հարսը թէ լի-
նէի, չէի ձգեր որ մատդ մատիդ դպցնես:

— Խանո՛ւմս, անոնք ալ կ'աշխատին, — բարեսրտա-
բար ժպտալով պատասխանեց պառաւը, դիտի շարժումով
հարսները ցուցնելով, ուտողը շատ, գործն ալ շատ է մեր
տանը, — ու ձեռքի աւելով շարունակեց թոնրի չորս բո-
լորը աւելի:

— Աղջի Սառա՛, — ձայնեց Խատիճէն:

— Օ՛, բարի ես եկեր, խանո՛ւմ, — ձեռքի գործը ձը-
գելով Սառան մօտեցաւ Խատիճէին:

— Սառա՛, ո՞ւր է ձեր խոնախը (հիւրը):

— Խանո՛ւմ սաքուն է, կ'ուղե՞ս կանչեմ:

— Չէ՛, ինքս կ'երթամ, դու գործիդ նայէ:

Սաքունի սովորական անկիւնը բաղմած Առիւծ Գեւօն
խոր մտածումներու մէջ թաղուած կ'երեւէր: Հայրենի
տունը կ'երթար վերջապէս, 28 տարի թափառելով Հա-

յաստանի մէկ ծայրէն մինչեւ միւսը: 1880 թուականին
դէպքի մը պատճառով ստիպուած փախաւ հայրենական
տունէն, անցաւ Կաղզուանով Կարս, Պաթում ու ատկէ
քանի մը տարի վերջ սկսաւ երկարատեւ թափառումնե-
րու շրջանը: Խասուրէն հեռանալէն անմիջապէս յետոյ,
երբ Առիւծ Գեւօն դեռ Կաղզուան էր, Ռէս Գեւոյի հինա-
ւուրց տան կործանման բոթը առաւ: Երկու տարի չան-
ցած հայրը սրտի կսկիծէն մեռաւ փախստական դաւկի
անունը շրթներուն վրայ: Նահապետական շէն օճախը,
ուր անցուցեր էր մանկութիւնը եւ պատանեկութիւնը դո-
յութիւն չունէր այլեւս: Գիտէր որ գիւղի բէկը ե շրջա-
կայ քիւրտ դիւղացիները Ռէս Գեւոյի մահէն յետոյ, գը-
րաւած էին հողերու մեծ մասը: Մահմանադրութենէն
քանի մը տարի առաջ Առիւծ Գեւոյի մեծ եղբայրը մե-
ռաւ, չորս որբեր ձգելով ետին: Առիւծ Գեւօն, երիտա-
սարդի մը եռանդով, այդ ծանր պայմանները դիմադրա-
ւելու շափ կամք եւ ուժ կը զգար իր մէջ: Պիտի շէնցնէր
Ռէս Գեւոյի օճախը եւ դեռ աւելին պիտի փորձէր. իր
պապուն, Մելիք Ասլանբէկի օրերը պիտի վերադարձնէր:
Ասոնցմէ դատ, հին հաշիւներ ունէր կարգադրելիք Խաս-
տուրի բէկի եւ դրացի քիւրտերու հետ, որոնք իր հայ-
րենական հողերը բռնագրաւեր էին: Առիւծ Գեւօն բոլոր
դժուարութիւնները անտեսելով, վառ երեւակայութեան
չնորհիւ կը ծրագրէր ապագայ ընկիւքները: Այդ խոր-
հուրդներով տարուած էր Առիւծ Գեւօն, երբ յանկարծ
նկատեց Խատիճէն ու Ալին, որոնք սաքուն կը մտնային:
Քօլողը գլուխը անցընելով՝ պատկառանքով ոտքի ելաւ
մեր բարեկամը:

— Բարով, հազար բարով ես եկեր մեր կողմերը, —
տխուր ժպիտ մը դէմքին խօսեցաւ Խատիճէն, — նստի՛ր
Առիւծ Գեւօ, — ու Խատիճէն նստաւ պուխարիկի միւս
կողմը, դէմ դիմաց Առիւծ Գեւոյին:

— Բարին վրադ եղնի խանութ, Աստուած զքու օրեր չատցնէ :

— Շնորհակալ եմ Առիւծ Գեւօ, եթէ տէրը կամենայ ո՞ր բարով : Մեր աւեր երկրէն տարին հազիւ քանի մը ճամբորդ կ'անցնի :

— Մեր կողմերը կ'երթամ խանութ, Ալաշկերտ, քրասանութ տարի առաջ մեր տունը թողուցի դուրսս կաթ լայ, կ'երթամ զիմ պապենական օճախ տեսնալու. տեսնե՛մ, ո՞վ կայ ողջ, ո՞վ մեռած է : Սաչանը ճամբուս վրայ էր խանութ, ըսի մէկ հանդիպիմ . . .

— Լաւ է եղեր մեր գիւղով անցնիլդ, հին բարեկամներ ունիս հոս :

— Հա, խանութ, զաշխարհ պտտած մարդ եմ, ամէն տեղ լէ ազգական, բարեկամներ կը գտնուին . . .

— Եւ հին յեղափոխական ընկերներ, — Առիւծ Գեւոյի կիսատ ձգած նախադասութիւնը լրացուց Սատիճէն — հին ընկերներ, գէնքի ընկերներ : Հա՛, ես ալ ձեր մեծերէն մէկ երկուքին հանդիպած եմ :

— Ողորդ կ'ըսես, խանութ :

— Ին որ Վան կը նստէր, ձեր մեծաւորը, ինչպէ՞ս էր անունը, — որպէս թէ անունը մտահան ըրած, շարունակեց Սատիճէն, — կադ էր, երեսն ալ աւրուած :

— Պարոն Լեւոնը :

— Հա՛, ա՛յդ էր անունը, ինչպէ՞ս է հիմա, ո՞ր կը գտնուի :

— Լա՛ւ է, շա՛տ լաւ, քաղաքն է :

— Աստուած հետը լինի, — խոր հոգոց հանելով շարունակեց Սատիճէն, — մէկ երկու անգամ հանդիպեր եմ անոր տղթոր խանութի տունը : Գէշ օրեր էին այն ատենները, ի՞նչ դազանութիւններ կը կատարուէին Վանի մէջ :

Առիւծ Գեւօն սաստիկ յուզուած գլուխը կախեց : Մե-

լոյէն լսած էր Վահէի եւ Սատիճէի պատմութիւնը եւ կը զգար թէ խեղճ կինը եկած էր սիրած երիտասարդի ընկերը տեսնելու, հետը խօսելու ու այդքանով մխիթարուելու՝ եթէ կարելի էր մխիթարուիլ Վահէի նման մէկը կորսնցնելէ վերջ :

— Սանութ տղթորը ի՞նչպէս է, — լուսթիւնը խղելով հարցուց Սատիճէն, — առաջ երբեմն կը գրէր, վերջերս տեղեկութիւն չունիմ իրմէ :

— Քաղաքն է, բայց այս քանի օրս Կովկաս կ'անցնի :

— Ի՞նչ ճամբով պիտի երթայ, հետաքրքրութեամբ հարցուց Սատիճէն :

— Պայազիտով :

— Օ՛, ի՞նչ բարեգէտ հանդիպում է, վաղը առտու երկու զօրամ կը զրկեմ Բերկրի, անկէ խանութը հոս կուգայ քանի մը օրով իմ մօտ մնալու, օ՛, ի՞նչ լաւ լուր տուիր. զիտե՞ս, մենք երկուքս ալ նոյն երկրացի ենք, իրարու լեզու կը հասկնանք . . . ան իմ խաս բարեկամուհիս է :

Մինչ Սատիճէն յայտնապէս ուրախացած կը խօսէր, Առիւծ Գեւօն ուշադրութեամբ փոքրիկ Ալին կը դիտէր : «Թէեւ մօրը աչքերն են», կը մտածէր Գեւօն, «բայց ճակատը, մաղերը, բերանը, ինքն ու ինք Վահէն» : Ինչպէս ըսեր ենք, Առիւծ Գեւոյի խիստ արտաքինի տակ ծածկըւած էր չափազանց փխրուն հոգի մը : Հետզհետէ Առիւծ Գեւոյի աչքերը սկսան խոնաւնալ, թէեւ ճիգ կը թափէր զգացած ներքին յուզումը տիրապետելու : Սովորական համարձակութիւնը կորսնցուցած, գլուխը բարձրացուց ու խնդրական ձեւով մը ըսաւ .

— Սանութ, Աստուած պահէ զքու դաւակ, երբ մեծնայ ասլանի նման երիտասարդ մը պիտի եղնի . . . Թո՛ղ անգամ մը համբուրեմ զիւր ճակատ :

Սատիճէի համար նման խնդիրք մը բոլորովին անսպասելի էր : Խուզարկու հայեացքով նայեցաւ Առիւծ

Գեւոյի դէմքին: Անոր առնական խիստ աչքերը լեց-
ուած էին: Փայլալի նման ճշմարտութիւնը լուսաւորեց
Խատիճէի միտքը: Առիւծ Գեւոն ծանօթ էր իր պատմու-
թեանը: Անսահման թախիծը չոքեցաւ մանկամարդ կնոջ
դէմքին, ախրութեամբ գլուխը կախեց ու երեսան հրեց
դէպի Առիւծ Գեւոն:

Երեսան կրծքին սեղմելով Առիւծ Գեւոն վայրկեան
մը երկուք նայեցաւ տղու սեւ աչքերուն, գլուխը ծռելով
քնքշօրէն համբուրեց երեսայի թուշերը: Փոքրիկ Ալին
օտարականի մը զգուսնքէն խուսափելով փախաւ մօրը
մօտ, մինչ Առիւծ Գեւոն կարմիր թաշկինակը հանելով
աչքերը կը սրբէր:

Դէմ գլխաց նստած Խատիճէն եւ Առիւծ Գեւոն լռե-
ցին: Այլեւս կարծես բան չէր մնացած խօսելու: Ամէն
բան ըսուած էր արդէն:

— Իմ ճակատադիրս, — հուոց հանելով ըսաւ Խատի-
ճէն եւ տեղէն բարձրացաւ:

Առիւծ Գեւոն ալ տեղէն բարձրացաւ, ձեռքերը կըրծ-
քին դրած:

— Քեզի բարի ճանապարհ, բարով հասնիս քուկին-
ներուդ, Առիւծ Գեւո: Ամէն անգամ մեր կողմերէն անց-
ներուդ, չմոռնաս տեսութեան դալու, — ու երեսայի ձեռ-
քէն բռնած իշխանուհիի մը ծանրութեամբ գլուխ տալով,
հեռացաւ Խատիճէն:

Յուզումէն խեղդուած Առիւծ Գեւոն չկրցաւ բառ մը
խոյն արտասանել: Պատկառանքով գլուխը խոնարհեցուց՝
ինչպէս պիտի ընէր եպիսկոպոսի մը հանդիպելու պա-
հուն:

Յաջորդ առտու հաղիւ լուսաստղը բարձրացած,
Առիւծ Գեւոն մեկնեցաւ Խաչանէն բէկի մը վայել չքա-
խումբով: Ալ ի՞նչ օրուայ ընկեր էր Գրիգորը եթէ թո-
զուր որ հետիոտն երթային իր ազիզ ընկերները: Նազա-

րաւայէն չորս երկտասարդներ, նախկին զինակիր խում-
բերու անդամներէն, ձիաւորուած եկան Խաչան, երկու
ձի ալ Առիւծ Գեւոյի եւ թոյիալ Սատանայի համար բերե-
լով: Գրիգորի փոքր եղբայրն ալ միացաւ անոնց, ինչպէս
նաեւ վանեցի երկու երկտասարդները, որոնք իրենց սե-
փական ձիերով կը ճամբորդէին: Դժուար չէ երեւակա-
յել Առիւծ Գեւոյի բռնած գիրքը: Երկու ձիաւորներ
տասնեակ մը քայլ առջեւէն կ'երթային, իսկ մնացած
վեցը պատկառօտ հեռաւորութեան վրայ կ'աշխատէին
պահել ձիերը:

Մէջտեղէն մէն մինակ կը ձիավարէր Առիւծ Գեւոն,
քոլոզը ծռած:

Եթէ մէկը այդ պահուն մօտ լինէր, անշուշտ պիտի
լսէր Առիւծ Գեւոյի փախոցը ինքնիրեն ուղղած:

— Գլուխդ թաղեմ, Առիւծ Գեւո, Մեղիք Ասլանբէկի
թոռ, քէօ պապ հազար Հիւսէին բէկ, քէօ հէր հացով
պատուով աղա, ծե', ք... մեռելի տղայ, դու ի՞նչ պիտի
եղնիս:

ԲԱԳԱԻԱՆ

Նպատ լերան ստորոտին փէշին վրայ, Արածանիի կողքին կը բարձրանայ Սուրբ Յովհաննու վանքը կամ ինչպէս տեղացիք կը կոչեն Իւչ Քիլիսէն: Հեռուէն դիտող մը աւելի շուտ ամրակուռ ամբոց մը կրնար կարծել այդ հսկայ շինութիւնը, քան հռչակաւոր սրբաւայր մը:

Սուրբ Յովհաննու վանքը նուիրական վայր մը եղած է հեթանոս թէ քրիստոնեայ Հայաստան աշխարհի համար: Լայնախարխիս բարձր պարիսպով շրջապատուած, երկաթապատ ամրակուռ դռներով, մարտկոցանման բարձրադիր բուրդերով Սուրբ Յովհաննու վանքը, դարերէ ի վեր որպէս ուխտատեղի եւ որպէս ապաստանարան ծառայած է Բաղրեւանդի եւ Մաղկոտն դաւառներու հայ բնակչութեան:

Սուրբ Յովհաննու վանքի հիմնարկութեան թուականը կը սկսի այն օրէն, երբ հեթանոս Բաղաւանը կործանուեցաւ:

Երբորդ դարու վերջերը Գրիգոր Լուսաւորիչը կը վերադառնար Կեսարիայէն որպէս եպիսկոպոսապետ քրիստոնէութեան հիմքը հաստատելու Հայաստանի մէջ: Բաղմաթիւ կրօնաւորներով, զօրավարներով եւ զօրքով կուգար Գրիգոր Լուսաւորիչը եւ առաջին անգամ կանգ կ'առնէր Տարօնի Աշտիշատ ականի առջեւ: Շատ հնուց Աշտիշատը կը համարուէր հեթանոս Հայաստանի սիրտը, կրօնական կեդրոնը ուր ամէն տարի Նաւասարդ ամսու սկիզբը կը կատարուէր աշխարհախումբ տօնախմբութիւնը հեթանոս Հայաստանի: Աշտիշատի ականին մէջ կը բարձրանային մեծամասնաբար Յոյներէ եւ Պարսիկ-

ներէ առնուած բայց ազգայնացուած մեր աստուածներու բազմութիւնն ու արձանները: Վահէվահեան սքանչելի բազմի մէջ զետեղուած էր Վիշապաքաղ Մեծն Վահագնի հսկայ արձանը, արեւածին աստուածը, որ խիզախութեան, ուժի եւ կոռուի աստուածն էր: Վահէվահեան բազմի կողքին երկրորդ մեհեանի մը մէջ վահագնու շուքով կը խորհրդանշուէր հայ ազգի փառքն ու ապրեցնողը, ամէն զգաստութեան մայր Անահիտի չքնաղ արձանը: Աստուածուհին հօրածին՝ դուստրն էր հեթանոս աստուածներու գերագոյնին, Արի եւ Մեծ Արամազդին, ստեղծողը երկրի ու երկնքի: Անահիտի մեհեանին քով վահագնու քաղիին մը մէջ, որ կը կոչուէր Վահագնի սենեակ, բարձրադիր անդրիի մը վրայ վարդի պսակներով զարդարուած կ'երեւնար սիրոյ եւ ցանկութեան մայր, Աստղիկ աստուածուհիի արձանը, տարփուհին եւ կամ ամուսինը արեգակնածունդ դիւցաղն Վահագն Աստուծոյ:

Աշտիշատի մէջ արիւնահեղ կռիւներէ վերջ յաղթելով քուրմերուն եւ անոնց կողմնակիցներուն, Գրիգոր Լուսաւորիչ հիմնայատակ կործանել կուտար հեթանոսութեան փառահեղ մեհեանները, որոնք դարեւոր անցեալ մը ունէին եւ անոնց տեղ կը կանդնեցնէր քրիստոնէութեան առաջին տաճարը Հայաստանի մէջ, Աշտիշատի մայր եկեղեցին:

Մինչ Ս. Լուսաւորիչ Տարօնի մէջ քրիստոնէութեան հիմքը կը դնէր, հայոց արքան Տրդատ, Աշխէն տիկնոջ եւ Խոսրովիլուխտ քրոջ հետ, բաղմաթիւ պալատականներով, նախարարներով եւ զօրքով կ'անցնէր Բաղրեւանդի Բաղաւան ականը, հոն դիմաւորելու Հայաստանի Լուսաւորիչը:

Երբ Սուրբ Լուսաւորիչ Աշտիշատի մէջ զբաղած էր մայր եկեղեցիի հիմնարկութեամբ, Տրդատ թագաւոր

Բազաւանի մէջ կը սպասէր անոր վերադարձին: Նորա-
դարձերու մոլեռանդութեամբ, թազաւորը կործանել
կուտար Բազաւանի մեհեանները, փշրել կուտար բոլոր
աստուածներու արձանները, որոնց ինք եւ իր հայրերը
դարեր շարունակ մեծարեր ու սլաշտեր էին:

Բազաւանի (բազիններու աւան) զլխաւոր մեհեանը
նուիրուած էր Վանատուր կամ Արամաղը հայր աստու-
ծուն, ստեղծիչը տիեզերքին: Ուրիշ մէկ բազինի մէջ
որմզդական անշէջ կրակը կը վառէր: Բազաւանի մէջ կը
դանուէր Տիգրան թազաւորի եղբոր՝ Մաթան քրմապետի
դամբարանը, որու վրայ եղբայրը շինել տուած էր ըն-
դարձակ օթեւան մը, ուր բոլոր ճամբորդները կրնային
իջեւանել եւ ճրխարար վայելել աստուածներու նուիր-
ուած զոհերու միտերն ու սէս սէս նուէրները: Անշուշտ
ասոնցմէ զատ կային Անահիտի, Վահագնի եւ Աստղիկի
մեհեանները, թէեւ այս մասին պատմական որոշ տուեալ-
ներ կը պակսին: Անշուշտ կային կ'ըսե՛նք, որովհետեւ
Վաղարշ թազաւորի հրամանով Բազաւանի մէջ եւս հաս-
տատուեցան աշխարհախումբ տօնակատարութեան հան-
դէսներ՝ տարուան առաջին օրը: Երկու տեղ, Աշտիշատ
եւ Բազաւան, միաթամանակ աշխարհախումբ հանդէսներ
ունենալու պարագան հետեւանք էր երկրի ընդարձակու-
թեան, ճանապարհներու չզոյութեան, որով անհնար էր
ամբողջ Հայաստանի համար ունենալ միակ հեթանոսա-
կան կեդրոն մը, ուր աշխարհախումբ հանդէսներուն բո-
լոր ժողովուրդը կարենար մասնակցիլ: Ասկէ պէտք է եզ-
րակացնել որ Վահագն, Անահիտ եւ Աստղիկ աստուած-
ներու նման ժողովրդական պաշտամունքի առարկայ
աստուածներու բազինները անհրաժեշտօրէն գոյութիւն
պիտի ունենային Բազաւանի մէջ եւս:

Նախաքրիստոնէական շրջանին՝ թազաւորը, Մեծ

Քրմապետը, նախարարները, ազատանին, ազատ քաղա-
քացիները եւ անազատ զիւղացիութեան հսկայ դանդ-
ուածը կը համախմբուէին Բազաւան: Առատութեան եւ
լիութեան ամիսն էր Նաւասարդը, երբ երկրագործը ա-
միսներու ծանր աշխատութեան արդիւնքն ամբարները
հաւաքած՝ հնարաւորութիւն կ'ունենար մէկ երկու շա-
բաթով հեռանալու առօրեայ կեանքէն, ապրելով ուխ-
տաւորի անհողութեամբ, վայելելով հեթանոսական ու-
րախ հանդէսները: Այդ հանդէսները թէեւ կրօնական
հանդամանքով՝ մեծապէս աշխարհային բնաւորութիւն
կը կրէին: Հոն հաւաքուած ժողովուրդը կրօնական պաշ-
տամունքէ զատ՝ կ'ապրէր սանձարձակ զեղխութիւնով,
ուրախութեամբ, խաղերով: Այդ տօնական տրամադը-
րութիւնը ստեղծելու մէջ անշուշտ Աշտիշատի սքանչելի
գինին, կաքաւոզ կիները, զեղանի ցնծուհիները կարեւոր
դեր մը ունէին:

Ամէն ուխտաւոր տարուան աշխատութեան արդիւն-
քէն բաժին մը կը հանէր աստուածներուն, անոնց շնորհն
ու հովանաւորութիւնը վայելելու համար: Մասնաւոր-
ներ, որոնք աստուածներէն այս կամ այն շնորհը ստացեր
էին՝ այդ հանդէսներու ժամանակ կը ցուցադրէին զա-
նոնք: Զինուորականը՝ իր քաջութիւնը, զինավարժու-
թիւնը, արհեստաւորը՝ իր աշխատութեան արդիւնքնե-
րը, բանաստեղծը՝ իր տաղանդը, անպատրաստից երգեր
յօրինելով եւ փառաբանելով աստուածներէն իր պաշտպա-
նը եւ կամ նախարարական տոհմերէն որեւէ մէկը՝ որուն
հովանաւորութիւնը կը վայելէր: Համբաւաւոր զօրական-
ներ հրապարակով ամեհի դադաններու հետ կը չափուէ-
ին զինուած կամ անդէն, երբ հաղարաւոր աչքեր սարսա-
փով եւ անչափ հետաքրքրութեամբ կը հետեւէին այդ ա-
րիւնտ մեհամարտին: Յանդուղն կառավարներ միաձի
կամ երկձի կառքերով ասպարէզ կ'իջնային մրցելու ի-
րարու հետ, դառնալով որոշ տարածութեան մը վրայ:

Ամենաժողովրդականը այդ հանդէսներէն ձերաշուն էր :
Հարիւրաւորներ կը մասնակցէին այդ մրցումին՝ ցու-
ցադրելով իրենց վարպետութիւնը եւ հայկական ազնու-
ւազոյն ձիերու բարձր յատկութիւնը, որ հռչակուած էր
աշխարհի ամէն կողմը :

Հարիւր հաղարներու հասնող տօնական տրամադր-
ութեան մէջ գտնուող ժողովուրդը, վրաններու տակ
հաւաքուած հետաքրքրական նորութիւնները կը դիտէր :
Հոս՝ ձեռնածու մը դարմանահարչ փորձեր կը կատարէր,
հոն՝ լարախաղաց մը սուրեր կապած ոտքերուն՝ բարակ
չուանի մը վրայ կը պարէր. ուրիշ տեղ մը երկու զլխանի
հորթ մը բազմութիւնը դէպի իրեն կը քաշէր : Ուրիշ
բազմութիւ վրաններու մէջ ալ ամէն տեսակ արհեստա-
ւորներ իրենց աշխատանքները ի տես դրած էին : Բայց
ասոնց մէջ ամենահետաքրքրականը դուսաններու հաւա-
քոյթներն էին : Շուրջանակի նստած, տաւիղներու եւ
բամբիւններու ընկերակցութեամբ, դուսանները կ'երգէ-
ին հայ թագաւորներու կատարած քաջազործութիւննե-
րէն, դրուադներ աստուածներու կեանքէն, անոնց կա-
տարած մեծազործութիւններէն, դրուատելով անոնց
մասնայատուկ առաքինութիւնները, պանծացնելով աստ-
ուածային շնորհն ու գեղը անոնց :

Վահագն աստուածը, որ թէեւ ծագումով յունական
Հերակլէսն է, բայց հայ ժողովուրդը, ինչպէս վարուեր
էր աստուածներու շատերու նկատմամբ, դաշն ամենէն
աւելի աղբալնացուցած էր, դարձնելով Հայաստանի ա-
մենաժողովրդական արեւ աստուածը, քաջութեան, կրո-
ուի, յաղթութեան բարձրագոյն մարմնացումը : Մայր
զդաստութեան եւ ոսկեմայրն Անահիտ, որքան ալ ամե-
նաժողովրդական եւ փառարանուած աստուածուհին էր,
տարակոյս չկայ սակայն որ աշխարհախումբ հանդէսնե-
րու իսկական տիրուհին Աստղիկն էր, սիրոյ, երգի եւ
մայրութեան աստուածուհին, որ իրեն վերագրուած նը-

կարագրով իսկ կը համապատասխանէր այդ հանդէսնե-
րու ոգիին : Բնականաբար դուսաններու անվերապահ
պաշտամունքը նախ անոր կ'ուղղուէր, աւելի անոր զով-
քը, անհասանելի գեղեցկութիւնը կ'երգուէր, տրուած
լինելով որ աշխարհախումբ հանդէսներու ժամանակ ար-
բեցողութիւնը, ցովութիւնը, դուարձութիւնը առաջնա-
կարգ տեղ կը բռնէին : Ասով մէկտեղ՝ դուսաններու եր-
գերուն ոգեւորութեան ամենազլխաւոր աղբիւրը Վա-
հագն աստուածն էր : Կ'երգէին անոր արեւի երկունքէն
ծնիլը, խաւարի վիշապներուն դէմ մղած մոլեգին պա-
տերազմը, որու ընթացքին սպաննած էր անարկու վի-
շապները ու այդ յաղթութեամբ սանձահարած էր խա-
ւարի տիրապետութիւնը աշխարհի վրայ : Ահա թէ ինչ-
պէս կ'երգէին վիշապաքաղ հերոսի՝ Վահագն աստու-
ծնունդը. —

Երկնէր երկին եւ երկիր,
Երկնէր եւ ծիրանի ծով,
Երկն ի ծովուն ունէր զկարմրիկ եղէգնիկն .
Ընդ եղեգան փող ծուխ ելանէր,
Ընդ եղեգան փող բոց ելանէր,
Եւ ի բոցոյն պատանեկիկ վազէր,
Վազէր խարտեաչ պատանեկիկ .
Նա հուր հեր ունէր, ապա թէ բոց ունէր մօրուս,
Եւ աչկունքն էին արեգակունք :

Ռամիկն ու ազատանին խմբաւորուած դուսաններու
շուրջը, յափշտակութեամբ կը լսէին անոնց ա'յնքան
պատկերաւոր երգերը, Վահագնի եւ Աստղիկի յաւիտե-
նական սէրը :

Ժողովրդի հետաքրքրութիւնը լարման ծայր աստի-
ճանին կը հասնէր, երբ դուսաններու մրցումը կը սկսէր :
Ահա՛ դուսան մը ասպարէզ կը կարդար միւսներուն ան-
պատրաստից երգ մը ըսելով, որու շարունակութիւնը
յաջորդ գուսան մը պէտք էր յօրինէր : Մէկ ուրիշը եր-

գելով հարցումներ կուտար աստուածներու կամ թագա-
ւորներու կեանքին վերաբերեալ որոշ դէպքի մը մասին,
բայց այնպիսի ձեւով մը, որ ո՛չ ժամանակը եւ ոչ ալ
թագաւորը կամ աստուածը պարզօրէն հասկնալի դառ-
նային: Հակառակօրդը նոյնպէս երգով սլտի սլատաս-
խանէր գտնելով ճիշդ պատասխանը:

Մրցումներու մէջ յաղթական ելնողները Մեծ Քըր-
մապետի կողմէն կը վարձատրուէին վարդի սլտակներով,
որոնք աստուածներու արձաններու վրայէն կ'առնուէին,
մասնաւորաբար Աստղիկ աստուածուհիի մեհեանէն, ո-
րու բաղինն ու ոսկեձոյլ արձանը շքեղօրէն դարդարուած
կը լինէին բազմազան ծաղիկներով, բայց յատկապէս
վարդերով: Այդ պատճառով ալ այդ հեթանոսական տօ-
նախմբութիւնը կը կոչուէր նաեւ Վարդաւառ:

Մեծ Քրմապետը ընդհանրապէս թագաւորական ըն-
տանիքէն եւ կամ յայտնի նախարարական տոհմերէն ըն-
տըրուած, հանդիսաւոր զօհարերութիւններէ եւ պաշ-
տամունքէ վերջ, Արածանիի սուրբ ջրէն առնելով կը
սրսկէր ժողովրդի հոժ բազմութեան վրայ, որպէսզի ժո-
ղովուրդը մաքրուի բոլոր մեղքերէն: Վարդաւառի այս
հեթանոսական սովորութիւնը մինչեւ այսօր ալ անա-
ղարտ կերպով կը մնայ քրիստոնեայ հայերու մէջ:

Չուր սրսկելու պահուն հարիւր հաղարներու հաս-
նող ուխտաւորներէն ամէն մէկը աղանի մը բաց կը
ձգէր, որոնք հաղարներով կը սաւառնէին բազմութեան
վրայ՝ մթնոլորտը լեցնելով թեւերու բախումով: Այդ
պահը աշխարհախումբ հանդէսի ողեւորութեան դադաթ-
նակէտը կը համարուէր. հաղարաւոր աղանիները օդին
մէջ կը դառնային, ու վարը՝ տաւիղներու, բամբիւնե-
րու եւ շեփորներու ներդաշնակ երաժշտութեան կ'ընկե-
րանար ամբոխի դուռը՝ որ ալեկոծ ծովու մոնչիւնին կը
նմանէր:

Աշխարհախումբ հանդէսներու երկրորդ կեդրոն՝

Բագաւանի հոյակապ տաճարներն ու ազգային աստ-
ուածներու արձանները անխնայ կը խորտակուէին Տըր-
դատ թագաւորի հրամանաւ: Երբ Լուսաւորիչ հասաւ
Բագաւան, թագաւորը զօրքով եւ մեծամեծներով դիմա-
ւորեց Սուրբը: Հոն Բագաւանի բաղիններու տեղ Ս. Լու-
սաւորիչը բաղիններու սրբատաշ քարերէն բարձրացուց
Հայաստանի երկրորդ եկեղեցին, որուն մէջ ամփոփուե-
ցաւ Ս. Յովհաննու նշխարներէն մաս մը: Զօրքն ու զօ-
րականները, ազատն ու անազատը, թագաւորն ու նա-
խարարները երեսուն օր ծոմապահութեամբ, ապաշխա-
րելով եւ աղօթելով անցընէլէ վերջ, Արածանիի ջուրե-
րուն մէջ մկրտուեցան Ս. Լուսաւորիչէն եւ այդ օրէն
սկսած քրիստոնէութիւնը դարձաւ Հայաստանի պետա-
կան կրօնը: Այսպէս բոլոր ազգերու մէջ Հայաստանը
առաջնութիւն կը վայելէ պետականօրէն քրիստոնեայ
դառնալով:

Գարերու ընթացքին Սուրբ Յովհաննու սկզբնական
եկեղեցին, որ վերջին նոր շէնքերու յաւելումով վանք
կոչուեցաւ, քանի մը անգամներ վերաշինուելով հասաւ
մեծ պայծառութեան, դառնալով Հայաստանի հռչակա-
ւոր վանքերէն մէկը: Եկեղեցին անդերազանցելի մնաց
հին եկեղեցիներու մէջ իր մեծութիւնով եւ շքեղու-
թեամբ: Հաւանական կը համարուի որ Հերակլ կայսեր
կողմէ եւ կամ անոր օժանդակութեամբ եկեղեցին վերա-
շինուելով շրջապատուեցաւ լայնանիստ պարխապներով:

Ինչպէս Հայաստանի բոլոր քաղաքներու, վանքերու
եւ եկեղեցիներու ճակատագիրը քաղաքական անցքերու
ազդեցութեան տակ փոփոխական եղեր է, այնպէս ալ Ս.
Յովհաննու վանքը տասնեւհինգերորդ դարէն սկսած
բազմաթիւ անգամներ աւերուած ու վերանորոգուած է:
Մասնաւորապէս Լենկթիմուրեան աշխարհաւեր արշա-
ւանքները աւերեցին Կոզովիտ, Ծաղկոտն եւ Բագրեւանդ
դաւառները, թալանուեցաւ Սուրբ Յովհաննու վանքը եւ

դարեր շարունակ ամայացաւ երկիրն ու այդ հռչակաւոր վանքը: Ժամանակի ընթացքին հետզհետէ հաւաքուեցան հայ ժողովուրդի բեկորները, գիւղերէն ամանք վերաշինուեցան, նորէն սլաշծառացաւ Յովհաննու վանքը: Երկար ժամանակով ընդհանուր խաղաղութիւնը չխանդարուեցաւ մինչև տասնեւիններորդ դարու սկիզբը, երբ Երեւանի խանը յարձակեցաւ Կողովիտ եւ Ծաղկոտն գաւառներու վրայ՝ արին եւ աւեր թողնելով ետին: Անցաւ փոթորիկը, նորէն սլաշծառացաւ վանքը, գիւղերը վերահաղմուեցան: Բայց շատ չանցած՝ վրայ հասաւ վերջի ոռւս-թրքական սրատերազմը, որուն ճակատներէն մէկն ալ դարձած էին այդ երեք գաւառները: Պատերազմի ընթացքին, բայց մանաւանդ ոռւսներու քաշուելէն վերջ թուրք զօրքը եւ քիւրտական աշիրէթները կործանեցին, այրեցին ամէն ինչ որ կարելի էր այրել:

Մեր այս սրտամոլթեան ժամանակ հռչակաւոր Ս. Յովհաննու վանքին ստուերը միայն մնացեր էր: Զկար նախկին շքեղութիւնը, հարստութիւնը: Ծաղկոտն հայաբնակ գաւառը վերածուած էր հոծ քրտութեան, իսկ հինգ կամ վեց խեղճուկ հայ գիւղերը ծայր աստիճան թշուառութեան եւ քայքայման ենթարկուած էին:

Վանքի արեւմտեան կողմը կը դտնուէր տասներկու տուներէ բաղկացած վանքի գիւղը, որուն գիւղացիները թշուառ դոյութիւն մը կը քաշքշէին վանքի հողերու վըրայ աշխատելով: Իսկ Զիրու գաշտի վանքապատկան հողերը եւ վանքի արօտատեղիները, որոնք Ծաղկաց լեռներու վրայ կը դտնուէին, վաղուց յափշտակուած էին հարաւէն եկող քիւրտերու կողմէն: Պարիսպի արեւելեան կողմը վանքապատկան չորս աչքանի ջրաղացը հազիւ կ'ապահովէր վանքի հացը: Անշքացած վանքը այլեւս ո'չ

միարան եւ ոչ ալ վանահայր ունէր: Պարզապէս կը կառավարուէր Կարնոյ Առաջնորդութենէն նշանակուած ծերունի քահանայէ մը:

Լայնախարխիս սլարիսպով շրջապատուած ժամբակի մէջ կը բարձրանար Ս. Յովհաննու հինաւուրց եկեղեցին, սրբատաշ քարերով աղուցուած, որոնց վրայ դեռ կը նշմարուին եկեղեցիի հիմին մօտ միտոդեայ յունական արձանադրութիւնը մը եւ եկեղեցիի պատին վրայ ասորական արձանադրութիւններ, որոնք հաւանօրէն բազիններու քարերէն էին: Լայն եւ ցած սիւներու վրայ կը բարձրանայ եկեղեցիի դմբէթը: Զարմանալիօրէն ընդարձակ խորանի կողքերուն մէկ մէկ մատուներ շինուած էին, որուն պատճառով Ս. Յովհաննու վանքը տեղացիներէ կը կոչուի Իւչ Գիլիսէ: Վանքէն քիչ անդին, Արածանիի եւ ճամբու մէջ, կ'երեւէին աւերակներու կոյտեր, եկեղեցիի մը հիմքը, բաղմաթիւ հողակոյտեր, որոնց տակ ապահովաբար թաղնուած կը մնայ մեր պատմութեան մէկ մասը: Հռչակաւոր Բագաւանի տխուր աւերակներն են անոնք:

1908 թուականի Յուլիսի 28-ին Սուրբ Յովհաննու վանքի արտաքին սլարիսպի երկաթէ մեծ դրան առջև նաստած էր վանքի քահանան: Օրուան տօթէն փախչելով՝ ծերունին կը հանդստանար սլարիսպի հետզհետէ երկարող շուքին տակ:

Տէր Սահակ, — այդպէս էր քահանայի անունը, — 60 տարիքը անց ծերուկ մըն էր: Լաւ ու վատ օրեր տեսած եւ սուր յիշողութեամբ օժտուած Տէր Սահակ՝ կենդանի սրտամոլթիւնն էր այդ շրջանի կէս դարու անցուդարձերուն, արիւնալի սլատահարներուն, չոռ ու ցաւին, որոնք քանի մը անգամ այցելած էին այդ շրջանները, բաղմաթիւ մարդկային կեանքեր հնձելով: Անասուններու քօս հիւանդութիւնն ալ, տարուան մը մէջ կիսած էր ա-

նոնց թիւը: Տէր Սահակը հաճոյքով կը պատմէր անցեալ դէպքերէն, եթէ զինք լսողներ գտնուէին: Կարծես անոր համար դոյուլթիւն չունենար փրկչական թուականը, ամէն դէպք կամ պատահար կը սկսէր ուս-թրքական պատերազմով: «Էդ դէպք, պատահեցաւ երկու տասը տասը տարի առաջ Ռուս-Օսմանցու պատերազմէն» եւ կամ «Ռուս-Օսմանցու պատերազմէն հինգ տարի վերջը»... Այս ձեւով կը սկսէին անոր հետաքրքիր պատմութիւնները:

Բարի եւ առաքինի քահանայի համբաւ ունէր Տէր Սահակը: Բարութիւնը իր մէջ բնածին էր, իսկ առաքինութիւնը տարիքի պարտադրանք մը: «Է՛հ, քսան տարեկանիս ես լէ պակաս տղամարդ չէի»... Աչքերը պահ մը կը կայծկլտային ու ապա իրողութեան հետ հաշտուելով, Ղուլիւր կը կախէր հողոց հանելով. «Աշխարհը անցաւոր է, ախպե՛րս, ո՛չ ձեզ պիտ՝ մնայ, ո՛չ լէ ինձ»: Երկար տարիներէ ի վեր կ'ապրէր վանքին մէջ: Լուսահողի երէցիկնի մեռնելէն վերջ, երբ զինք Ս. Յովհաննու վանքը ճամբեցին, առանց տրտնջալու հպատակեցաւ: Կ'ուտէր, կ'աղօթէր եւ կը քնէր: Արդար լինելու համար, պէտք է ըսել, որ տարին քանի մը հեղ ալ կ'այցելէր Ծաղկոտն դաւառի 5-6 հայարնակ ողորմելի զիւղերը: Բայց իր ամենազլխաւոր հողն ու պարտականութիւնն էր վանքապատկան հողերու պահպանումը, որոնց վրայ հաղար չար աչքեր տնկուած էին: Դժուար, շատ դժուար հարց մըն էր այդ:

Ծաղկաց լեռներու հրաշալի արօտատեղիները եւ եայլախները շատ վաղուց բռնադրաւուած էին Հայտարանցի եւ Զիւլանցի քիւրտերու կողմէն: Պատմական շրջանին, մեր թաղաւորները, իշխաններէն շատերը եւ ազատանին, խուսափելով Այրարատեան դաշտի անտանելի սոթէն եւ փոշիէն, կը բարձրանային այդ բարձունքները, ուր թաւ կանանչն ու վայրի ծաղիկներու բազմաթիւ

տեսակները եղեմական սրտիկեր մը կուտային: Դեռ մինչեւ այսօր Ծաղկաց լեռները հարուստ են պատմական եւ կրօնական յիշատակարաններով: Կիսաքանդ ամրոց մը, բերդի կտոր մը, պալատի մը մէկ մասը եւ բազմաթիւ մատուռներու եւ եկեղեցիներու հետքեր իրարու կողքի փոռած են այդ բարձունքներուն վրայ:

Եթէ այդ վայրերը վերջնական կերպով կորած էին, Զիրաւի դաշտի վարելահողերու մեծագոյն մասն ալ յափըշտակուած էր ժամանակի ընթացքին: Այն քիչն ալ որ կը մնար Ս. Յովհաննու անմիջական շրջանին մէջ, հետըհետէ աճող քրտութեան ոտնձգութիւններէն շատ դժուար էր պահել:

Վանքի ջրաղացն իսկ, անվիճելիօրէն վանքապատկան, ժամանակ մը Զիւլանցի քիւրտ բէկ մը դրաւեց որպէս թէ վանքի ունեցած պարտքերու փոխարէն: Երկար դատավարութիւններէ վերջ, դատը տեղական դատարարութեան վերջնական Պոլսոյ բարձրագոյն ատեանին: Հոն ալ նէն զրկուեցաւ Պոլսոյ բարձրագոյն ատեանին: Հոն ալ բոլորովին արդար դատ մը շահելու համար պէտք եղաւ բոլորովին քաղցրացնել դատաւորներու բերանը: Բարձրագոյն վճիռը չիրադործելու համար տեղական կառավարութիւնը քիւրտ բէկերու աղղեցութեան տակ երկար ձգձգեց, մինչեւ որ անհրաժեշտ համարուեցաւ Պայազի-տի միւթասարիֆի բերանն ալ անուշցնել, ո՛չ թէ մեղրով, այլ ոսկիով:

Ասով մէկտեղ՝ Զիւլանցի բէկի սարսափը միշտ կախուած մնաց վանքի զլխուն: Այդ սարսափէն որոշ մաս մըն ալ բաժին կ'իյնար Տէր Սահակին, որպէս վանքի վեֆիւր: Այնքան համեղ պատճառ մը կը համարէին Ս. Յովհաննու կալուածները, որ ամէն հասնող քիւրտ բէկ անոնց վրայ կ'ուզէր փորձել ուժը: Տէր Սահակը՝ ծերացած դամբոթ նման մէկ աչքը խուփ եւ միւսը բաց՝ ուշադրութեամբ կը հետեւէր սուր ախորժակով դայլերու վոհմակին, մէկ կը մուտար, մէկ կը հաջէր, մէկ ալ խածնել կը փորձէր:

Կէսօրէն վերջ դով քամի մը սկսաւ փչել: Պարիսպի շուքերը երկարեցան դէպի արեւելք: Տէր Սահակը քնաթաթախ վիճակի մէջ աչքերը տրորեց, յօրանջելով. «Փառք քեզ, Տէր, փառք քեզ», ըսաւ ու կը պատրաստուէր տեղէն բարձրանալով իր խուցը քաշուիլ, երբ Տիատինի դիտաւոր ճանապարհի վրայ ձիաւոր մը ուշը դրուեց: Զիաւորը ձին քառամբակ քշելով ուղիղ վանք կուգար:

Տէր Սահակը նստած տեղը նախ շտկուեցաւ ու երբ ձիաւորը բաւական մօտեցաւ, տեղէն ելնելով քանի մը քայլ առաջացաւ:

— Օրհնեա ի Տէր, — ձիու սանձը քաշելով պոռաց երիտասարդը, ու անմիջապէս ձիէն վար ցատկելով մօտեցաւ քահանային:

— Աստուած օրհնի, ծօ Մկօ, խեր եղնի...

— Խերն ու բարին վրէժ դայ, — ծերունիին աջը համբուրելով պատասխանեց երիտասարդը, — Տիատինէն կուգամ, այ թէ ձին քշեցի, Թորոս աղէն ճամբեց:

— Յորի՞, — հետաքրքրուեցաւ քահանան, — հիւսնդ կայ, ծօ մեռել չեղնի՞...

— Չէ՛, տէրպապ, սաղութիւն: Ես ըսեմ տասը՝ դուն ըսէ քսան ձիաւոր Տիատինէն ճամբայ ելան վանք գալու. էս դիշեր ձրղի դօնախ պիտի եղնին:

— Տղա՛յ, ծո՞ւռ ես, վաղը ո՛չ կիրակի է, ոչ լէ տօն, էդ մարդիկը յորի՞ պիտի վանք գան:

— Վանայ քեղքէն ջով մարդ մը կուգայ, կ'ըսեն աղբի մարդ է: Ապաղայէն, Տիատինէն ձիաւոր չմնաց հետը կուգան:

— Ծօ, է՛դ աղի անունը ի՞նչ է:

— Առիւծ Գեւօ կ'ըսեն, դարդանդ մարդ մըն է. պետ պետ աչքեր, պիտերը ոնց որ մեր եզան կոտոշները:

— Ծօ, Առիւծ Գեւօ ըսի՞ր, — տէրտէրը պահ մը կեղ-

րոնացած մտածեց, յիշողութիւնը պրպտեց, — ծօ, Մը-կօ՛, էտէնց անուն միտքս չի գար...

— Յեղափոխական մեծերանց է, Առիւծ...

— Այ պալամ, սահմանադրութենէն էսդին, ամէնքն ալ առիւծ կտրեցան, — Մկոյի խօսքը ընդմիջեց տէրտէրը, հեղնօրէն ծիծաղելով, — որ պիտի գան, բարով հարարով գան, վանքը աղբին տունն է:

— Հա, տէրտէ՛ր, Թորոս աղէն ասաց, ձեռաց ոչխար մը մորթէ, վանքի մեծ խուցը սարքէ...

— Ծօ, Թորոս աղէ՞ն է վանքի վէճիլը, — բարկացաւ Տէր Սահակը, — ոչխար մորթենք, մեծ խուցը բանանք, չէ տահա ի՞նչ հրաման ունի Թորոս աղէն... Տէ՛ր Աստուած, դու համբերութիւն տուր:

— Բայց Թորոս աղէն...

— Սո՛ւս ծօ, դօնախ եկողը գտածովը դո՛հ կ'եղնի, ոչ թէ ուղածովը: Հայտէ, երկար մի խօսար, ձիդ ախոռը քաշէ, խեղճ անասունը արիւն քրտինքի մէջ է:

Տէր Սահակը սաստիկ բարկացած, զթի տակէն մրթմրթալով մտաւ իր խուցը, դուռը ետեւէն ուժով մը չիկացնելով: «Տիատինի խանութպան Թորոս աղէն էս կ'ասէ, Թորոս աղէն էն կ'ասէ», ձեռներով օդը ծեծելով կը փնթփնթար Տէր Սահակը, — «յորի՞, վանքի մալը եաղմա՞ է: Առիւծ Գեւօ չէ, չէ մէկ... մեղայ մեղայ, քիչ մնաց բերնէս դէշ խօսք մը փախչէր: Առիւծ, ծօ էդ ի՞նչ առիւծ է, մարդս դադա՞ն կ'եղնի»: Բայց եւ այնպէս կանչեց վանքի խաթուն տնտեսը, պատուիրեց մեծ խուցը աւել եւ սարքի բերել: Ինչ ալ որ լինէր՝ Թորոս աղան Տիատինի աչքի դարնող խանութպանն էր: Ընթրիքի համար ալ կարգադրեց ձուածեղ, ձաւար վիլաւ եւ դոմէշի մածուն: Այդքանը լիուլի բաւական է հիւրերու համար, մտածեց Տէր Սահակը: Վանքի մօտէն անցնող մեծ ճանապարհէն երթեւեկող զինուորական սպաներու համար իսկ ատկէ աւելին չէր ըներ, ու այդ մարդիկը վան-

քի սեղանը վայելելով շնորհակալութեամբ կը մեկնէին : Էդքանը ինչո՞ւ բաւական պիտի չլինէր եկող հայերուն համար , խօս ասոնք զապիթներէն աւելի մեծ մարդիկ չէին : « Ինչպէ՞ս չէ » , բարկութեամբ մտածեց Տէր Սահակը , « ոչխար մը մօրթեւ , չէ հա՛ , դո՞մէջ մը » :

Սուրբ երկայնքը սրահ մը չափելիէ վերջ , Տէր Սահակը հանդատացաւ վերջապէս . անկողնի կապոցին վրայ նստելով , ծոցէն հանեց համրիչը ու դանդաղօրէն սկսաւ հատիկները քաշել :

Միօն ձին ախոռը քաշելէ վերջ , նորէն վերադարձաւ պարխապի դրան քով՝ անհամբեր սպասելով Թորոս աղայի եւ ընկերներուն : Երկար չսպասեց : Շատ հեռուէն ճամբու վրայ արագօրէն մօտեցող փոշիի ամպ մը տեսաւ եւ անոր մէջ խոտնուած խումբ մը ձիաւորներ : Միօն վանքի բակը վազեց եւ բարձրացաւ Տէր Սահակի խուցը :

— Եկա՛ն , եկա՛ն , տէրպապ :

— Հա՛ , որդի , որ եկան՝ երթանք դիմաւորել :

Տէր Սահակ , առանց անսպասելու Փարսճան հագաւ , խուցը դոցեց եւ Միոյի հետ հասաւ պարխապի դուռը : Ձիաւորներու խումբը արագօրէն կը մօտենար : Տասնեւթը քսան հատ կը լինէին անոնք : Որքան ալ վանքը ազդի տունը կը համարուէր , այդքան բազմութիւն կերակրելը , դեռ ձիու յարգն ու դարին չհաշուած , վանքի վրայ զգալի բեռ մը կը նշանակէր : Տէր Սահակի մտահոգութիւնը այս պատճառով հիմնաւոր էր : Բայց եւ այնպէս եկողներու առջեւ վանքի դուռը չէր կարելի դոցել : Եւ մտածել որ այս բոլոր անախորժութիւններու պատճառը Տէր Սահակին անձանօթ , ինչ որ Առիւծ Գեւո մըն էր : Գէթ ծանօթ ազգային մը լինէ՛ր եկողը , պայազդտցի վաճառական մը , վանքի երեսփոխաններէն մէկը :

Երբ ձիաւորներու խումբը հասաւ վանքի պարխապի մօտ , դեռ մեծ դրանը չհասած , հեծեալները վար թռան ձիերէն : Բոլորի առջեւէն կը քալէր բարձրահասակ շա-

տախցիի հազուատով քոլոզաւոր տղամարդ մը : Առջին հայեացքով Տէր Սահակին թուեցաւ , որ քիւրտ բէկ մըն է եկողը , անահան հսարտ քալուածքով , քոլոզի շուրջը բազմաթիւ փուշներ փաթթած , կողքին կախուած տասնոց ատրճանակը , մէջքը շրջապատուած երկու կարգ փամփուշտակալով , եւ մէջքի դօտիլի մէջ խրած փղոսկըրեայ կեռ խանչալ մը : Անոր հետ եկողները քանի մը քայլ հեռուէն կը հետեւէին , որպէս յարգանքի արտայայտութիւն :

Աւելորդ է յայտնել թէ Առիւծ Գեւոն էր Ս . Յովաննու վանքի պարխապի դրան առջեւ կանգնողը : Մեր բարեկամը Չերմեռանդօրէն երեսը խաչակնքեց , դրան երկու կողմի սրբատաշ քարերը համբուրեց , ապա մօտեցող քահանայի աջը առաւ շրթներուն եւ ճակտին դնելով համբուրեց , ինչպէս որ ընդունուած կարգն է :

Տէր Սահակ սաստիկ տպաւորուած էր նորեկի արտաքինով : « Եթէ հայերէն մարդ կարայ բէկ եղնի » , իւրովի մտածեց տէրտէրը , « Աստուած դիտէ էս մարդ բէկ է ու բէկ : Էտ ի՞նչ բոյ , ի՞նչ կեցուածք , ի՞նչ աչքեր » : Մասնաւորաբար Տէր Սահակի վրայ ազդեց այն սրբազան , որ այդպիսի մեծ մարդ մը այնքան Չերմեռանդ հայ քրիստոնեայ էր :

— Անունդ եւ համբաւը լսած էինք ,— ըսաւ Տէր Սահակը , մոռցած որ դեռ քանի մը վայրկեան առաջ այնքան սրտնեղած էր ինչ որ անձանօթ Առիւծ Գեւոյի դալու պատճառով ,— բարով , հաղար բարով եկար մեր վանքը , ուխտդ ընդունական եղնի , դուն վեր մեր աչաց , վեր մեր դլխին տեղ ունիս :

Առիւծ Գեւոն ուշադրութեամբ նայեցաւ Տէր Սահակի դէմքին , կարծես ձիւ մը թափելով վերլիչելու հեռաւոր անցեալի մէջ թաղուած մէկը : Յանկարծ դէմքի արտայայտութիւնը փոխուեցաւ ու աննշմարելի ժպիտ մը խաղաց դէմքին վրայ :

Առիւծ Գեւօն իր հետեւորդներով ծանր ու մեծ անցաւ պարիսպի դռնէն եւ մտաւ վանքի բակը եւ ուզողուցաւ դէպի եկեղեցին:

— Մեծ խուցը պատրաստել տուի քրդի համար, — կէս մը շողօքորթելով, կէս մըն ալ անկեղծ զգացումով ըսաւ Տէր Սահակը, — քրդի նման բէկի մը համար լայտիս խուց է, ճամբէ կուզաս մէկ երթանք վեր, սուրը առ...

— Էտ վերջէն լէ կ'եղնի, — յօնքերը պոստելով նկատեց Առիւծ Գեւօն, — հըլէ մէկ ժամին դուռը բաց, ծունկ մը աղօթք ընենք:

Քոչողը վար առած, բաղմամբիւ անդամներ տաճարի դրան քարերը համբուրելով ու երեսը խաչակնքելով, Առիւծ Գեւօն իր հետեւորդներով եկեղեցիէն ներս մտաւ: Ս. Յովհաննու եկեղեցին Հայաստանի հին եկեղեցիներու մէջ ամենամեծը կը համարուի: Ներքնակողմը շատ վատ լուսաւորուած մօայլ խաւար մը կը տիրէ եւ հազիւ երբերը ստուերոտ անորոշութեամբ կ'երեւին: Բոլոր հին եկեղեցիներու նման խիստ նեղ եւ երկար պատուհաններ ունի, որոնցմէ շատերն ալ իրարու յաջորդող վերաշինութիւններու ժամանակ ամբողջովին դոցուած էին:

Տէր Սահակ բարձրացաւ խորանը եւ մէկ երկու մոմ վառեց: Առիւծ Գեւօն յամբարայլ մտաւ կեդրոնական խորանի դասը, մօտեցաւ դրակալին եւ երեսը խաչակնքելով համբուրեց խաչն ու աւետարանը: Երկու մեծ մոմեր առնելով վառեց ու իր ձեռքով հաստատեց զանոնք աշտանակներու վրայ: Այդ մօտենալով վանահօր բարձրադիր բաղկաթուին, անոր քով ծունկի եկաւ ու ձեռքերով երեսը ծածկեց: Թերեւս կուլար:

Տէր Սահակ «հայր մեր»ով սկսաւ եւ պահպանիչով վերջացուց կարճ արարողութիւնը:

Երբ հիւրերը խուցը կը բարձրանային հանդստանալու համար, Տէր Սահակ քանի մը վայրկեանով մտաւ վանքի թոնրատունը, ուր տնտես խաթունը վանքի զիւ-

ղէն կնոջ մը օգնութեամբ ուխտաւորներուն ընթրիք կը պատրաստէր: Թոնրի խաչերկաթին վրայ մեծ պղինձով ձաւարի փլաւը կ'եփէր: Տէր Սահակը անգամ մը դարձաւ թոնրատան շուրջը, աչքով տնտղեց ամէն ինչ, ու պատուիրեց անմիջապէս դառ մօրթել տալ, արժանաւոր կերպով հիւրասիրելու համար նորեկ հիւրը:

Ընդարձակ խուցի չորս բոլորը ծալապատիկ նստած էին եկուորները: Առիւծ Գեւօն վերի անկիւնը ներքնակի մը վրայ բազմեր էր: Մէկ կողքին Թովալ Սատանան էր, միւս կողքին Տիատինի Թորոս աղան, պատկառելի փորով միջին տարիքի մարդ մը:

Թորոս աղան բաւական կասկածելի անցեալ ունեցող խանութպան մըն էր Տիատինի մէջ: Կառավարութեան մօտ աղբեցիկ, թուրք պաշտօնեաներու հետ բարեկամ, քիւրտերու հետ կը պահէր ամենամօտիկ յարաբերութիւն: Հազար ու մէկ պատմութիւններ կային անոր մասին, որոնց ստուգութիւնը ո՛չ ոք կրնար վստասել, սակայն եւ այնպէս կասկածելի համբաւ մը ունէր: Հայերը խորթ աչքով կը նայէին, թուրքերն ու քիւրտերը բարեկամ էին անոր: Սահմանադրութենէն վերջ, հարստութեան շնորհիւ, աչքի զարնող աղապին մը, զարմանալիօրէն թունդ աղգասէրի հովեր առաւ, աղապին բոլոր դործերու մէջ դեր խաղալով: Յեղափոխականներու հետ եղ ու մեղր էր, հարազատ եղբոր նման: Չկար ծանօթ յեղափոխականէն սկսած մինչեւ ճամբորդ հայդուկ մը, որ Տիատինէն անցնելուն, անոր հիւր չլինէր: Այդ պատճառով ալ երբ Առիւծ Գեւօն հետեւորդներով Տիատին հասաւ քանի մը ժամով հանդստանալու, Թորոս աղան անոնց դալու լուրը առնելով, զնաց դտաւ զանոնք եւ իր տունը տանելով հիւրասիրեց: Բնական էր որ Թորոս աղան իր բարեկամներով մեծապատիւ հիւրին ընկերակցէր մինչեւ անոր դիւղը:

Վանէն մինչեւ Ս. Յովհաննու վանքը Առիւծ Գեւօն

բարձր տրամադրութեամբ խօսեր խնդացեր էր: Ինչպէս ընթերցողն ալ կը յիշէ, խօսիլը Առիւծ Գեւոյի սիրական ունակութիւնն էր, մանաւանդ երբ ինքզինք չըջապատուած տեսնար լսելու պատրաստ ունկնդիրներէ: Սակայն հակառակ անոր խօսելու ունակութեան, երբ հետուէն երեցաւ Ս. Յովհաննու վանքը, Առիւծ Գեւոյի զուարթ դէմքը մռայլեցաւ, չըթնէրը կարծես վակուեցան, մեղամաղձոտ տրամադրութեան մէջ ինկաւ: Ընթերցողը կը յիշէ որ Առիւծ Գեւոն իր բազմաթիւ պատմութիւններու մէջէն հերոսական արժէք մը կուտար Եւջ Բիլիսէի ճամբու վրայ տեղի ունեցած կռուի մը, որու դերակատարները աւուր պատշաճի երեքէն եօթի կը բարձրանային: Արդեօք այդ հերոսական կռուի վերջիչը՞ւմը եղաւ պատճառը Առիւծ Գեւոյի տրամադրութեան փոփոխութեան: Այդ ոչ ոք կրնայ ըսել:

Եկեղեցիէն դուրս դալով Առիւծ Գեւոյի դէմքը աւելի թախճոտ արտայայտութիւն մը ստացած էր: Անոր տրամադրութեան փոփոխութիւնը չափազանց զգալի էր զինք չըջապատողներու համար: Տխառնէն բերուած դանազան ազանդերներն ու չորս շիշ օղին ալ օգուտ մը չունեցան: Առիւծ Գեւոն իրարու ետեւէ բաժակները կը դատարկէր մեքենական կանոնաւորութեամբ, կարծես պարտականութիւն մը կատարած լինելու համար միայն:

Ընթրիքը շուտով վերջացաւ: Շատեր հանդստանալու համար մեկնեցան իրենց յատկացուած խօցերը: Առիւծ Գեւոյի հետ մնացին Թոփալ Սատանան, Տէր Սահակը, Թորոս ազան եւ երկու երեքը չքախումբէն: Վերի անկիւնը նստած Առիւծ Գեւոն իրարու ետեւէ սիկարէթ պլլելով, առանց խօսելու կը ծխէր: Անոր այդ տրամադրութիւնը ներկաներու համար հետզհետէ անյարմար կացութիւն մը կը ստեղծէր: Վերջի սիկարէթը սրտնեղութեամբ մոխրամանի մէջ նետելով, Առիւծ Գեւոն ծոցէն ուլունքներով զարդարուն դրամի քսակը հանեց, ու մէ-

ծխախէ մը հանելով մէջէն, Տէր Սահակի ծունկին վրայ դրաւ:

— Տէրտէր, էս կիրակի ամիոյիս եւ հօրս համար հոգեհանգստի կարգ կատարէ, — խնդրեց Առիւծ Գեւոն:

— Վեր իմ աչաց, բէկս, — զուարթացած պատասխանեց Տէր Սահակ, — պապուդ, հօրդ անո՞ւնը...

— Յորի՞ կը հարցուս, Տէր Սահակ, — Առիւծ Գեւոն տխուր ժպիտով մը նայեցաւ ուղիղ տէր հօր աչքերուն. — զիմ ամոն, զիմ հէր չըս դինայ: Հէ՛յ, հէ՛յ, Տէր Սահակ, ծերացեր ես, մէկ լաւ մտիկ տուր, զիս չե՞ս ճանչնայ...: Դարպասի կուշտ մէկ հատ նայեցայ, ըսի, էսա տէրտէր, Տէր Սահակն է:

— Որդի, բէկ, ը՛հմ, աչքերս լաւ չին չոկի. երեք քսան եւ հինգ տարեկան եմ — պահ մը ուշադրութեամբ Գեւոյի դէմքը դիտելով, — Աստուած դիտէ չիմ ճանչնայ... ո՞ր տեղացի կ'ընիս հրամանքը:

— Խաստուրայ եմ, Տէր Սահակ, էլ ըսի՞մ...

Խեղճ ծերունի քահանան ձեռքերը տրորելով ճիգ կը թափէր անցած դացած մարդիկը յիշելու, մէկու մը նըմանցնելու այդ դէմքը: Չէ՛, Տէր Սահակ վստահ էր, կեանքին մէջ չէր տեսած ա՛յդքան տպաւորիչ տիրական դէմքով հայ մը: Եթէ միայն քիւրտ լինէր Առիւծ Գեւոն. է՛հ, անոնց մէջ այնքան ազդեցիկ բէկեր կային, աչքաուու կռուողներ, նոյնիսկ աւազակներ, հպարտ, վայրագ, առնական կեցուածքով մարդիկ, թերեւս անոնց մէջ դանուէր անոր նմանը: Հայը խեղճ ծնած, վիզը ծուռ, նոյն իսկ անուն հանած հայն ալ աննշան դիմադիժով կը լինէր, որուն վրայ անբացատրելի բան մը կար, աներեւոյթ քօղ մը, հեղութեան կամ խեղճութեան: Իսկ Տէր Սահակի մօտ նստողը, մեղա՛յ, մեղա՛յ, կարծես թոռուն լինէր, բէկի հով մը ունէր վրան, աշիւթի արիւն երակներուն մէջ: Ինչպէ՛ս չէ, Խաստուրի ժողովուրդը ճըժ ու

պժեքով մատներուն վրայ կրնար համբել Տէր Սահակը, բայց քովը նստողը... Չէ՛, այդ մարդը զինք ձեռք առած կ'երեւէր, խաստուրցի չէր կրնար լինել:

Տէր Սահակ բաւական ժամանակ Առիւծ Գեւոյի դէմքին նայելէ վերջ՝ դուրսը բացասաբար շարժեց:

— Զոհս Գեւոն լէ չէի՞ր ճանչնար:

— Է՞, — բացազանչեց Տէր Սահակ, ձեռքը ոտքը դող ելած:

Ո՞վ չէր լսած Ռէս Գեւոյի պատմութիւնը: Ամբողջ Ալաշկերտի շրջանին մէջ կա՞ր տուն մը համբաւուած հացով ու պատուով ՚ինչպէս անոր նահապետական մեծ տունը. կա՞ր հայ մը որ լսած չլինէր անոր պատմութիւնը:

Սուրբի մէջ գտնուողները լարուած ուշադրութեամբ մտիկ կ'ընէին այդ տարօրինակ խօսակցութիւնը: Թոփալ Սատանան քաշուած խուրի վարի անկիւնը, մտիկ կ'ընէր առանց այդ խօսակցութեանն բան մը հասկնալու: Առիւծ Գեւոյի յանկարծական տխրութիւնը դարձացուցեր էր զինք. առանձին ալ մնացած չունէին որ պատճառը հարցնէր:

— Տէրտէր, Ռէս Գեւոն քանի՞ զաւակ ունէր, էդ զինա՞ն...

— Օրհնած. երկու հատ, մէկ՝ Սարգիս, մէկ լէ Ասլան. Սարգիս էս երկու երեք տարի կ'եղնի մեռաւ:

— Տէր Սահակ, Ասլանը ի՞նչ եղաւ:

— Ասլանը... — անցեալի սարսափելի յիշողութիւնը յամբացուց ծերունի քահանան, որ սարսափահար կը նայէր Առիւծ Գեւոյին:

— Ասլանը ի՞նչ եղաւ, — հարցումը կրկնեց Առիւծ Գեւոն:

— Ասլանը, Աստուած ողորմի հողուն, խըց պապը, Մեղիք Ասլանբէկը կտրիճ բարախիթ երիտասարդ մըն

էր, — ընդմիջումներով սկսաւ պատմել Տէր Սահակ, — ես ըսեմ քսան, դու ըսէ՛ կրտուն տարի առաջ Ալաշկերտու շրջան խըց քամբախ ու վերան եղնէր: Զլիւնցի Ռաշիտ բէկ, սատաներաց բայ եղնի կնոր սեւ հողին, Սաստուրայ Տէր Եղիշու աղջիկ կը տեսնայ, կը հաւնի, կ'ուզէ իր լամկուն հարս առնի... Հայ քրիստոնէայ աղջիկ քրտու հա՞րս, մեղայ մեղայ իմա՞լ կ'եղնի... Տէր Եղիշէն ոտք ձեռք կ'իյնայ, Առաջնորդարան, Պատրիարքարան իրար կ'անցնու, խապար կը հասցու մեծ վեղերի ախանջ... Ռաշիտ բէկ, իմալ որ թագաւոր վեր Ալաշկերտի դաշտին: Կտրածը կտրած, կապածն լէ կապած: Էն ո՞վ սիրտ կ'ընէր կնոր դէմ կենէր, զհրաման չկատարէր: Ռէս Գեւոն լէ, պատուով անունով իշխան, Ատլճալաղու Մեղիք Ասլանբէկի տղան, իմա՞լ կարար էդ պղծութեան դիմանալ: Սապար ճամբեց Ռաշիտ բէկին, ըսաւ. «բէ՛կ, էդա բան չ'եղնիր, քրդուն՝ քիրդ աղջիկ չի պակսիր, արի՛ բէկ, ձեռք քաշի էս անօրէն բանէն, խուրճինով ոսկի կը բերեմ քու տղի հարսնիքին, ես լէ քիրվա կ'եղնիմ»:

Բոլորը լարուած ուշադրութեամբ մտիկ կ'ընէին: Եթէ մէկը նայելու լինէր Առիւծ Գեւոյի դէմքին՝ պիտի տեսնէր անոր դունաթափ դէմքը, որու վրայ կաթիլ մը արիւն չէր մնացած: Ըստ երեւոյթին հանդարտօրէն նըստած, երկու ձեռքերու մատները իրարու անցուցած կը ճզմէր, կարծես պիտի փշրէր զանոնք հողեկան խոովքը ծածկելու համար: Պահ մը հանդատանալով Տէր Սահակ շարունակեց.

— Ռաշիդ բէկ լէ ի՞նչ օրուայ Ռաշիդ բէկն էր, որ զիր խօսք գետին ձգէր: Դօլամներուն հետ դլաճ կը ճամբէ Սաստուր, որ Տէր Եղիշու աղջիկ զօրով բերին: Ռէս Գեւոն լէ իր մշակներանց հետ կալը կ'եղնի: Մէկ լէ դեղաց հաւարի ձէն աշխարհ կը բռնի, «վայ աման տարան, հա՞ տարան դԱշխէն»: Կալ ու կալուոր իրար կ'անցնին, Ռէս Գեւո մ'չկներաց հետ կը վազէ դեղ: Ասլան խըց իր հէր

ոտացը շուտ, կը հասնի տուն, պատն ի վեր կախուած շեշխանի հրացանը կ'առնէ դուրս կը վազէ: Ու ի՞նչ տեսնայ: Ռաշխտ բէկու լած Ջամշութ բէկը Աշխէնի մազեր քաշելով ձիու վրէն կը դնէ զաղջիկ: Մեր Ասլան, լուս իջնայ վեր ինոր դերեզմանին, ծունկ դետին կը կպու, շեշխանէն կ'արձակէ: Իմալ որ վիզը կտրուկ հաւ ձագը, Ջամշուտ բէկը մէջ հողերաց կը տապլտիկ: Էդ սհաթին Ռէս Գեւոն լէ իր մարդերանցով դեղ կը մտնի: Ռաշխտ բէկը զօլամներ զԱշխէն թողած զՋամշուտ բէկ կը թոցուն վեր ձիուն ու փախիր որ փախչիս:

Առիւծ Գեւոյի շնչառութիւնը ծանրացած, կուրծքը փրցցի նման կը բարձրանար եւ աչքերը վայրագօրէն կը փայլէին:

— Ջամշուտ բէկը սպանութիւն, — շարունակեց քահանան, — իմալ որ երկնուց կայծակ իջնէր վեր Ալաշ-կերտու դաշտին: Ողջ երկիր սասանեցաւ: Ռէս Գեւոն զԱսլան փախուց Ուռուսի սինոր, Կաղղուանու քաղաք, մօտ իր քաւորանց... Իմ աչք քոռնար, չտեսնէի էն դուրում օրեր: Գրդեր շատ թալան արին, անտիրական հայեր մորթեցին վեր ճամբաներուն: Հինգ օր լէ անցուկ չէր, էնոնք եկան վեր Խաստուրի: Ռէս Գեւոն ծածկուաւ մէջ վանքի սահարանին: Էլ ի՞նչ ըսեմ: Գեղ թալնեցին, Ռէս Գեւոյի տուն իմալ որ անապատ եղնէր, ցախաւել մ'էլ չմնաց: Տարին, տարին Ռէս Գեւոյի ամբաւ հարըստութիւն: Տաւար, ոչխար մաքրեցին անիրաւներ, մէկ լէ զոգսի մշակ մորթեցին վեր տան չէմքին: Էտուց վերջ Ալաշկերտու դաշտ հանդարտաւ: Ռէս Գեւոն լէ դուրս եկաւ Ժամէն: Մտաւ իր տուն, տեսաւ զաւրուած օճախ: Ծնկան եկաւ մէջ թոնրատան, փառք ետուր Աստուծու, «փառք քէ Աստուած, փառք քէ', մալ ու հարստութիւն նորէն կ'եղնի, իմ Ասլան անօրինաց ձեռքէ աղատուաւ»: Ասլան լէ, Կաղղուանաւ կ'անցնի Ղարս, էն տեղէն լէ Պա-

թում: Վերան եղնի Պաթում քաղաք, հինգ վեց ամիս կ'անցնի չ'անցնիր սեւ խապարը հասաւ Խաստուր: Ասլանը բարակացաւով մեռած էր: Էլ էտ ցաւուն իմալ դիմանար Ռէս Գեւոն: Դարա էրաւ, որդու կսկիծուց մեռաւ ըուսահողին:

Ծանր լութիւն մը տիրեց խուցին մէջ: Թէեւ սովորական պատմութիւն մըն էր լսածնին, բայց Առիւծ Գեւոյի դունաթափ դէմքը, դուրս ինկած աչքերը եւ քարացած վիճակը, շատ աւելի բան կ'ըսէին քան տէրտէրի պատմութիւնը: Յանկարծ Առիւծ Գեւոն զլուխը կուրծքին կախեց, ուսերը ցնցուեցան եւ կարմիր թաշկինակին մէջ ծածկելով դէմքը բարձրաձայն սկսաւ հեկեկալ: Թոփալ Սատանան մէկ ոստիւնով հասաւ ընկերոջ մօտ՝ անոր դըրուխը գրկեց կուրծքին վրայ քաշելով:

— Գեւո', Գեւո ջան, աղի'ղ ախպէրս, քեզի ի՞նչ եղաւ:

Առիւծ Գեւոն կամաց մը թոփալ Սատանայի թեւերէն ազատեց զլուխը, արցունքները չորցուց ու դառնալով քահանային ըսաւ.

— Տէր Սահակ, իմալ չի ճանչցար, ես Ասլանն եմ:

— Վայ դու իմ աչքիս լուս, դու մեր նոր Ղազարոս, — ծերունի քահանան փղձկելով փաթթուեցաւ Առիւծ Գեւոյին, — դուն իմ բէկս, իմ փաշէն, հաղար հաղար բարով եղնի քու դալ, դու Ռէս Գեւոյի տան ճրագսիւն եղնիս, փառք քեզ Աստուած փառք քեզ, իմալ որ Սիմէոն ծերունին ասաւ, «արդ արձակեա' զիս, Տէր»...:

Ներկաներու մէջ թերեւս ոչ ոք այնքան չէր զարմացեր որքան թոփալ Սատանան: Տարիներէ ի վեր Առիւծ Գեւոյի մտերիմ ընկերն ու սրտակիցը, երբեք կասկած անդամ չէր ունեցեր Գեւոյի անցեալի մասին: Ընդհանրապէս հայդուկները շատ քիչ կը հետաքրքրուէին մէկ-մէկու անցեալով: Սովորաբար կը դործածէին առաջին անունը, իսկ որտեղացի լինելնին անյայտ կը մնար:

Յեղափոխութեան շրջանին, Առիւծ Գեւօն, հակառակ շատախօսութեան, ընդհանրապէս իր անցեալի մասին լուռ կը մնար: Անգամ մը միայն երբ ընկերներով դոմի մը մէջ հաւաքուած կը խօսէին, նորակոչ հայդուկ մը ծանրապէս վիրաւորեց Առիւծ Գեւոյի ինքնասիրութիւնը: Թոփալը կը յիշէր թէ ի՞նչպէս ընկերը գունաթափեցաւ, ձեռքն ու ոտքը դողալ սկսան եւ ինքզինքը այլեւս զսպելու անկարող բացազանչեց. «ծօ՛, աւանա՛կ, ես Մելիք Ասլանբէկի թոռն եմ»... ու յանկարծ նախադասութիւնը չվերջացուցած լռեց: Անշուշտ հայդուկները եղածը կատակի տալով սկսան ծիծաղել, մինչև որ Առիւծ Գեւօն բարկութիւնը գտպած, նոյնքան սրտանց սկսաւ խնդալ, արտասանած խօսքերը կատակի տալով: Թոփալ Սատանան ալ Առիւծ Գեւոյի յանկարծական սրտթկումը վերագրելով անոր սովորական փչոցներուն, որոնց վարժուած էր, բոլորովին կարեւորութիւն չտուաւ ըսուած խօսքերուն: Ու ահա այդ դէպքէն տարիներ վերջ՝ յանկարծ կը բացուէր վարագոյրի ծայրը: Ս. Յովհաննու վանքի խոլցին մէջ, մինչ այդ ծանօթ Առիւծ Գեւօն նոր դիմադծով մը երեւան կուգար:

Դեռ Սաստուր չհասած, Առիւծ Գեւոյի համբաւը թեւեր առած աւելի արագ ճամբայ կտրեց: Ալաշկերտի գիւղերը անսովոր խանդավառութեամբ ոտքի ելան, Ռէս Գեւոյի մեռած համարուած տղան, յեղափոխական հայդուկ Առիւծ Գեւօն, արժանավայել ձեւով դիմաւորելու համար: Մեր պատմութեան արդարութիւն ըրած լինելու մտքով պիտի խոստովանինք որ Թոփալ Սատանան Առիւծ Գեւոյի շուքին տակ ինկած, բոլորովին գունաթափուած էր: Եթէ անոր վրան ուշադրութիւն կը դարձնէին, սլարդապէս Առիւծ Գեւոյի ընկեր լինելուն համար էր: Արտաքինով բոլորովին տպաւորիչ չէր Թոփալը, մանաւանդ երբ կանգնէր ընկերոջը մօտ, որու ուսերուն հազիւ թէ

հասնէր գլուխը: Ատկէ զատ չէնքով շնորհքով երկու խօսք իրարու չէր կրնար կապել մեր Թոփալը, մասնաւորապէս ճաշկերոյթներու ժամանակ երբ բաժակաճառերը արագութեամբ իրարու կը յաջորդէին, գարնան կարկուտի թափով: Շատեր նոյնիսկ կը զարմանային, որ այդպիսի աննշան մէկը Առիւծ Գեւոյի նման մարդու մը ընկեր կըրնայ լինել: Այս բոլորով մէկտեղ, Թոփալ Սատանան գոհ կ'երեւնար իրեն ինկած բաժինէն:

Ս. Յովհաննու վանքի յայտնութենէն վերջ հոգեբանական որոշ փոփոխութիւն մը առաջացաւ Թոփալ Սատանայի մէջ, ինքն ալ հաստատօրէն չէր գիտեր թէ ի՞նչն էր պատճառը կամ ինչո՞վ կ'արտայայտուէր իր մէջ տեղի ունեցած փոփոխութիւնը: Թոփալ Սատանան ո՛չ պակաս յայտնի կուռող մը եղած էր հայդուկային կեանքին մէջ, քաղմաթիւ կուրներու մասնակցած եւ երկար տարիներ ծառայած էր յեղափոխութեան: Ասով մէկտեղ Առիւծ Գեւոյի նոր դիմադիւծը, զայն խրտչեցուց: Անարդար չլինելու համար պիտի ըսենք, որ Առիւծ Գեւօն անցած օրերու նման սիրով կապուած իր ընկերոջը հետ՝ մտքէն իսկ չէր անցըներ որ Թոփալ Սատանան կրնայ տարբեր վերաբերմունք մը ունենալ կամ սպասել իրմէ: Ճիշդ է, Առիւծ Գեւօն վերէն կը նայէր Թոփալի վրան, բայց այդ նոր բան մը չէր ու ոչ թէ միայն անոր, այլ բոլոր ընկերներու նկատմամբ ալ հովանաւորող վերաբերմունք մը ունեցեր էր միշտ:

Յաջորդ առտու երբ խոլցի մէջ առանձին էին երկու ընկերները, Թոփալ Սատանան տատամսելով մօտեցաւ ընկերոջը եւ ըսաւ.

- Է՛հ, Առիւծ Գեւօ, ինձի հրաման, մինչեւ էս տեղ եկայ քու աղիդ խաթեր համար...
- Հէ՛, ծօ՛, ծո՛ւռ ես. էդ ո՛ւր բարով.
- Ի՞նչ գիտնամ, ախպէ՛րս, մէկ վանայ քաղաք

կ'իջնամ, էնտուց դէնը Աստուած ողորմած է :

Վայրկեան մը քարացածի նման կանգնած մնաց Առիւծ Գեւօն՝ բոլորովին չհասկնալով Թոփալ Սատանայի նոր արամադրութեան պատճառը : Ընկերօջ բռնած դիրքէն եւ խօսելու ձեւէն, յանկարծ լոյս մը ծաղկեցաւ Առիւծ Գեւոյի մտքին մէջ եւ ձեռները կողքին դրած, մեծաձայն ծիծաղ մը վրցուց :

— Ծօ՛, վա՛յ աւանակ, հրամա՞ն կ'ուզես, ծօ առ քեզի հրաման, — ու ծանր թաթը իջեցուց Թոփալ Սատանայի գլխուն, — ծօ՛, յորի՞, մենք ախպէր չե՞նք, ես քու հոգուն մատաղ եղնիմ, ըպա մեր կերած աղ ու հա՞ց, էսքան տարու մեր ընկերութիւն, էլ հէջ չը խօսաս, հայտէ վար իջիր, թո՛ղ ձիանքը հաղըրին :

Առիւծ Գեւօն եւ իր հետեւորդները առտու շատ կանուխ մեկնեցան Ս. Յովհաննու վանքէն, այդ երեկոյ Գարաքիլիսէ հասնելու նպատակով : Աւելորդ է ըսել թէ՛ Տէր Սահակն ալ, հակառակ իր վաթսուն եւ հինգ ասորներու բեռան, երիտասարդական աւիւնով ցատկեց վանքի աշխէտ ձիու վրայ՝ Առիւծ Գեւոյին ընկերանալու համար մինչեւ Խաստուրէ :

Երբ Գարաքիլիսէ մտան՝ արեւմտոցի ժամանակ էր. գիւղացիները եւ խանութպանները մեծ բաղմութեամբ, կիներով եւ ճիւղ ու պրժերով, գիւղաքաղաքի արեւելեան ծայրը հաւաքուած դիմաւորեցին եկողները : Սահմանադրութեան յաջորդող քանի մը ամիսներուն, ինչպէս գրեթէ բոլոր հայաշատ շրջաններու մէջ, այնպէս ալ Գարաքիլիսէի դիմաւորումը եղաւ մեծ իրարանցումով, երգերով, ծափահարութիւններով եւ հրացանաձգութեամբ :

Սահմանադրութենէն առաջ հրացան ունենալու մեղքը բաւական էր որ հայ մը կեանքի մնացած օրերը անցընէր քանտի խոնաւ դնտանի մէջ : Սակայն այդ օրերուն հրացանաձգութիւնը տեսակ մը անխուսափելի դարձած

էր գաւառական հանդէսներու, տօնախմբութիւններու եւ դիմաւորութեան ժամանակ : Հայը նոր կ'արթննար մըղձաւանջային կեանքէ մը եւ բնականաբար այն՝ որ մինչ այդ արդիւրուած էր իրեն, մասնաւոր դրաւչութիւն մը կը ստանար :

Գիւղաքաղաքի թուրք եւ քիւրտ բնակչութիւնը, ինչպէս կառավարչական պաշտօնէութիւնը, թամաշայի համար լեցուած էր փողոցները : Բերնէ բերան կը պատմըւէին Ասլանի (Առիւծ Գեւոյի) կտրիճութեան մասին սուտ ու զորդ պատմութիւններ, մասնաւորաբար քիւրտերը ատամ կ'ըտացնելով կը պատմէին իրարու Ձամշուտ բէկի սպանութեան պարագաները : Արդէն դառնացած Սահմանադրութեան հետեւանքով բաւա հայերու երես առնելէն, հանդէսներու կամ դիմաւորումներու առթիւ հայերու վարմունքը, քիւրտերը հաղիւ կրնային տանիլ : Ասկէ աւելի անոնց անհասկնալի կը մնար կառավարութեան թոյլատու վերաբերմունքը : Անոնց կը թուէր թէ՛ մինչ այդ իրենց առանձնաշորհեալ դիրքին որպէս մրցակից, հայերը հրապարակ կ'իջնան եւ կառավարութիւնը մատերու արանքով կը նայի եղածին վրայ :

Բաղեցցի Հաճի Սեդրակ աղայի տունը իջաւ Առիւծ Գեւօն, Թոփալ Սատանայի եւ Տէր Սահակի հետ : Մըթներուն հետ փողոցները ամայացան եւ գիւղաքաղաքը խոր մթութեան մէջ թաղուեցաւ : Այդ օրուան անցքերը, հայերու անչա՛փ ուրախութիւնը, եկող անձնաւորութեան դիրքը եւ անցեալը պատճառ դարձան Պոլսէն նոր եկած գայմապամին ուշ ատեն այցելութեան գալու պատուաւոր հիւրին :

Սահմանադրութեան մեղրալուսնի շրջանն էր, նոր եկող բարձր պաշտօնեաներ իրենց դիրքը ամբացնելու մըտահոգութեամբ կ'աշխատէին հայերը սիրաշահիլ : Գայմապամի այցելութեան լուրը բերնէ բերան տարածուեցաւ

հասարակութեան մէջ, ալ աւելի հաստատելով Առիւծ Գեւոյի բացառիկ վարկը:

Յաջորդ աստու, հաղիւ ժամը 10-ին, Առիւծ Գեւոն կրցաւ մեկնել Գարաքիլիսէէն, մօտաւորապէս վախտուն ձիաւորներու ընկերակցութեամբ: Գարաքիլիսէի փողոցները լեցուած էին բաղմութեամբ, մանաւանդ կիներով եւ երեխաներով, որոնք իրար հրմշտկելով կ'ուղէին տեսնել հոչակաւոր հերոսը: Առիւծ Գեւոն հաղիւ Հաճի Սեդրակի դռնէն քայլ մը դուրս նետած, օդը թնդաց կեցցէներով եւ բարձրագոյն աղաղակներով:

Առիւծ Գեւոյի կասկածելի համեստութիւնն իսկ անակնկալի եկած էր ժողովուրդի սրտագին ընդունելութենէն: Ծանր ու մեծ՝ դլուխ տուաւ ժողովուրդին, աշտանակեց ձին, ու ձիաւորներով շրջապատուած դուրս ելաւ Գարաքիլիսէէն մեծ ճանապարհը, որ Պայաղիտէն կ'երկարի մինչեւ Կարին եւ Տրապիզոն:

Գարաքիլիսէէն դէպի արեւմուտք տալարակ դաշտի վրայ կը բարձրանայ Դաւոյի Գիթ անունով մենաւոր բլուր մը: Հո՞ծ բաղմութիւն մը եւ բաղմաթիւ ձիաւորներ բլուրի տակ կը սպասէին: Հեռաւոր Ալաշկերտէն (Վաղարշակերտ), Մոլլա Սիւլէյմանէն, Խաչուէն, Ղայարէկէն, Նրիցու Գիւղէն, Եխնիթալայէն ո՛վ ձի ունէր՝ ձիաւոր, ո՛վ կրնար քալել՝ հետիտան արշալոյսը չբացուած ճամբայ ելած էին Ռէս Գեւոյի տղան՝ Առիւծ Գեւոն դիմաւորելու համար: Դաւոյի Գիթ բլուրի տակ բաղմութիւնը անհամբեր կը սպասէր անոր գալուն, երբ շոսէի վրայ երեւցաւ արաղօրէն մօտեցող ձիաւորներու բաղմութիւնը:

Երկու կողմերու հանդիպումը շատ յուզիչ եղաւ: Շատ մը տարեց զիւղացիներ, որոնք ահանատես վկաներ եղած էին Ռէս Գեւոյի օճախի աւերման՝ բերնէ բերան լսած էին Ատէլճիփաղի (Արծկէի) Մելիք Ասլան բէկի

պատմութիւնը, դիտէին Ասլանի կատարած քաջագործութիւնը, թէեւ իրենցմէ շատեր ատոր հետեւանքով սաստիկ տուժած էին: Երբ ձիաւորներու խումբը մօտեցաւ, շրջապատեցին Առիւծ Գեւոն եւ դրեթէ բռնութեամբ վար բերին ձիէն: Երգերու, ծափահարութիւններու եւ հրացանաձգութեան ձայներ օդը կը թնդացնէին: Ամէն մարդ կ'ուղէր տեսնալ հերոսը, անպատճառ շօշափել զայն՝ կարծես անկարող հաւատալու թէ երեսուն տարիներ վերջը մեռած համարուած մէկը կրնար իրենց մէջ գտնուել:

— Է՛ Առիւծ Գեւո, մեր փառք Ասլան բէկ, ո՞ւր էր քու լուսահոգի հէր, մէյ մը խըտրվտէր դերեզմընի մէջ, զգլուխ վեր վերցնէր՝ տեսնէր դէս օր, դէս ուրախութիւն. — Առիւծ Գեւոյին բռնած: կ'ըսէր Նրիցու Գիւղէն ծերունի մը որ հեռուէն հեռու խնամի կուղար Ռէս Գեւոյի տանը:

— Վալլահ, ասլանի լէ կը նմանի մեր Ասլան բէկ, — քովի գտնուողին կ'ըսէր ուրիշ ծերունի մը. — Աստուած ուր հետ եղնի, չար աչքէ պահէ. Ռէս Գեւոյի օճաղ շէն ու պայծառ մնայ ճըթերով ու թոռներով:

Բոլորը միացած շարունակեցին ճամբան դէպի Խաստուր: Հաղիւ երկու ժամուան հեռաւորութիւն մը կը մընար հոն հասնելու: Առիւծ Գեւոն կարգադրեց որ ձիաւորները զանդադօրէն քշեն, ոտաւորները չնեղելու համար:

Ըսե՛նք որ Առիւծ Գեւոն քիչ մը շմամ էր եղած ընդունելութենէն: Անշուշտ դիտէր, որ իրենց տան բարեկամներ շատ կային եւ իր հասակակից մարդոց յիշողութենէն ելած չէր Ասլանի անունը, բայց այս եղածը դերիվեր էր այն բոլորէն՝ ինչ Գեւոյի վառ երեւակայութիւնը կրնար երազել: Թովալ Սատանան անդամ մը մօտեցաւ Առիւծ Գեւոյին, ժպտաց ու քիչ մը քաշուելով ըսաւ.

— Ասլան բէկ, էս օ՛րս ալ պիտի տեսնէինք:

— Ծօ՛, ք... մեռելու տղայ, — բարկացաւ Առիւծ

Գեւօն, — էդ ի՞նչ Ասլան բէկ ի, տնաւե՛ր, ես քու ախպէր, ես քու Առիւծ Գեւօն: Վեր իմ կշտին մնայ, ծօ քէ կ'ասեմ ծուռի տղայ, էս օր մեր երկուքի օրն ի, իմ աղիզ ախպէր Թոփալ Սասանի օրն ի:

Գաւոյի Գթէն կէս ժամ հեռանալէ վերջ արեւմտեան կողմը բարձրութեան վրայ երեւցաւ Սաստուրի Ս. Աստուածածին եկեղեցին եւ կամ ինչպէս Բաղրեւանդի ժողովուրդը կը կոչէր՝ Ս. Աստուածածնու վանքը: Քանի կ'առաջանային, հեաղհեաէ Սաստուր գիւղը երեւան կուղար՝ վանքի բլուրի տակ լայնօրէն փռուած: Երբ աւելի եւս մօտեցան, պարզ աչքով կը տեսնուէին գիւղի տուները եւ տանիքներու վրայ հաւաքուած բաղմութիւնը: Ո՛չ միայն Սաստուրի, այլ Զէականի եւ Խօշիանի ժողովուրդը հաւաքուած էր գիւղին մէջ:

Ս. Աստուածածնի վանքին մօտ հաւաքուած էին երեք գիւղերու ձիաւորներն ու ժողովուրդը: Հաղիւ կէս ժամի հեռաւորութիւն մը կը բաժնէր եկողները Սաստուրէն, երբ վանքի տակ հաւաքուած բաղմութիւնը հըրացան արձակելով շարժեցաւ առաջ:

Ինչպէս ըսինք, մեր Առիւծ Գեւօն հակառակ իր ինքնավստահ բնաւորութեան, կէս շմած վիճակի մէջ կը գտնուէր. անսպասելի էր եղած ընդունելութիւնը: Բաղմութեան աղաղակներու եւ հրացաններու որոտի մէջէն յանկարծ ականջին հասաւ վանքի եւ հայ կաթողիկէներու եկեղեցիին դանդակներու ձայները, որոնք բարի դալուստի ողջոյն կուտային Սաստուրի կորած դաւակին:

Չանդակներու ձայները կարծես հմայքով մը սթափեցուցին թմրած Առիւծ Գեւօն, որուն աչքերը լեցուեցան արցունքով: Գեւօն քոլովը դլխէն վար առնելով քանի մը անգամ երեսը խաչակնքեց: Քիչ հեռուն կը գտնուէր Սաստուրը, հօրենական օճախը, ուրկէ քսանեւութ տա-

րի առաջ գիշերով փախաւ կեանքը փրկելու համար, եւ սակայն ի՞նչ ծանր դնով:

Ահա Սաստուրէն գիմաւորողները հասան եւ խառնրեցան բաղմութեան: Այլեւս անկարելի էր առաջանալ: Սաստուրի քահանան եւ հայ կաթողիկէներու վարդապետը գիւղի մեծամեծներու հետ շրջապատեցին Առիւծ Գեւօն եւ իրարու ետեւէ բաներ մը ըսին, բայց անոնց խօսքերը կորսուեցան տիրող աղմուկին մէջ: Առիւծ Գեւօն ձիէն վար լիցած էր: Շրջապատող գիւղացիք մէ՛կ կուլային, մէ՛կ կը խնդային, եւ շատ անգամ երկուքը միասին: Բաղմութիւնը ալ ու ձախ հրմշտկելով՝ տասնեւհինգ տարեկան առօրէ պատանի մը, բարձրահասակ ու համաչափ կաղմով, Գեւոյի թեւերուն մէջ ինկաւ, «Ամո՛ւ» պոռալով:

— Լաւօ՛, դու վի՞ր տղէն ես, — դարմացած հարցուց Առիւծ Գեւօն:

Պատանին, սաստիկ յուզուած, «Ամո՛ւ, ամո՛ւ» կը կրկնէր միայն, Գեւոյի ձեռները համբուրելով:

— Մեծ եղբորդ, Սարգիսի տղան է, — բացատրեց հայ կաթողիկ վարդապետը, — շատ ուշիմ երեխայ մըն է:

Առիւծ Գեւօն դրկեց պատանին, սեղմեց կրծքին եւ շառաչիւն համբոյրներով ծածկեց անոր երեսը, մրմնջելով:

— Վա՛յ լաւօ, դո՛ւ Սարգիս աղբոր էդումն ես, ես քու պաժիմ ու պալեխիմ մեռնիմ:

Ճամբու վրայ խոնուած բաղմութիւնը վերջապէս կարգի մտած՝ դանդաղօրէն յառաջացաւ դէպի Սուրբ Աստուածածին վանքը: Գոռար է նկարագրել ատկէ վերջ կատարուածը: Տանիքներու վրայ, Եկեղեցիին առջեւ, ճամբու երկու կողմերը կանգնած բաղմութիւնն ու եկողները անվերջ հրացան կ'արձակէին, կը պոռային, վ'երգէին: Սաստուրի տարեց գիւղացիները, որոնք երիտա-

սարդ Ասլանը կը յիշէին, ոմանք անոր մօտ ընկերները, ձայն ձայնի կուտային: «Բարո՛ւ, հաղա՛ր բարո՛ւ, Ասլան բէկ»: Մէկը կը պոռար. «Հէ՛յ Ասլան, ձիկ չճանչցա՞ր, Տէր Օվանէսի տղէն»: Եօթանասունը անցուկ ծերուկ մը դժուարութեամբ բազմութիւնը ճեղքելով հասաւ Առիւծ Գեւոյի մօտ ու պինդ մը համբուրեց երեսներէն, — «հաղար բարո՛ւ եղնի դալդ, Ասլան բէկ, Աստուծով մեծ հօրդ տեղը բռնես»:

Առիւծ Գեւոն ուշադրութեամբ նայեցաւ ծերուկին, դժուարութեամբ, բայց ճանաչեց որ քաւորն էր:

Եկիւղեցի մտած պահուն, դրան առջեւ, Առիւծ Գեւոյի ոտներուն տակ երեք ոչխար մորթեցին, որպէս մատաղ: Տիրացուներն ու դիւղի քահանաները Տէր Նշանն ու Տէր Սահակը շուրջաւորուած «Հրաշափառ Աստուած» շարականը երգելով դասը առաջնորդեցին Առիւծ Գեւոն: Գոհարանական մաղթանք կատարուեցաւ եւ պահպանիչով մը վերջացաւ արարողութիւնը: Եկեղեցական թափօրով դուրս ելան եւ վանքը շրջապատող ընդարձակ դերեզմանատան մէջ, Ռէս Գեւոյի դերեզմանի վրայ հողհանդստեան աղօթք կատարուեցաւ:

Երբ շրջապատուած բազմութեամբ եւ դիւղի երեւելիներով Առիւծ Գեւոն հօրենական տունը դիմեց, որ դերեզմանատան առջեւէն անցնող մեծ ճանապարհի միւս կողմը կը գտնուէր, սեմին վրայ դայն դիմաւորեց իր մեծ եղբոր կինը, Նոյեմդարը, խնամքով ծածկած բերանն ու քթի ծայրը գլխանոցի շորով, երկու աղջիկներու եւ մէկ տղուն հետ, մինչ մեծ որդին Առիւծ Գեւոյի հետ կուգար: Նոյեմդարը ծռեցաւ ու տաղեր երկարած ձեռքը համբուրելով ճակտին դրաւ: Առիւծ Գեւոյի կողորդը սեղմուեցաւ, հերոսական ճիգով մը արցունքները զսպեց, ու կուսնալով դրկեց փոքրիկները եւ համբուրեց: Նոյեմդարը սեմի վրայէն ներս քաշուած, ձեռները կրծքին վը-

րայ ծալած, ճամբայ տուաւ տաղերովը որ ներս մտնայ հօրենական տունը, որպէս տան մեծը, տէրն ու տիրականը:

Հայ վիւղը իր որոշ օրէնքներն ունի, պարտադիր բոլորի համար: Շատ ալ որ Առիւծ Գեւոն կ'ուղէր մէկ երկու խօսք փոխանակել եղբոր այրիին հետ, բայց այդքան բազմութեան առջեւ անշուշտ անպատշաճ էր, բայց ատկէ աւելին՝ անդիւր օրէնք կար որ չէր կրնար ոտնակոխ ընել, նոյնիսկ Առիւծ Գեւոյի նման հերոսը: Երբ քսանութը տարի առաջ մեր բարեկամը Ջամշուտ բէկի սպանութեան պատճառով հեռացաւ Խաստուրէն, մեծ եղբայր Սարգիսը երկու տարուան ամուսնացած էր միայն: Այն ժամանակ, ըստ աւանդական սովորութեան, հարսը չխօսկան էր ընտանիքի անդամներու հետ. պէտք էր որոշ ժամանակ մը անցնէր, որպէսզի յարմարաւոր նուէրով մը հարսին թոյլատրուէր ընտանիքի որեւէ անհատի հետ խօսելու: Գաւառներու մէջ սովորական երեւոյթ մըն էր տեսնել բազմաթիւ զաւակներու տէր մայր մը, որ սկեսորոջ հետ գլխի շարժումներով միայն կը խօսի:

Առիւծ Գեւոն եղբոր փոքր երեխաները զրկած, հօրենական տունը մտաւ: Կարճ միջանցք մը կը հասցնէր զարմանալի կերպով ընդարձակ թոնրատունը, ուր հացի թոնիրէն զատ երկու աւելի փոքր թոնիրներ եւս կային, բազմանդամ ընտանիքի մը տնտեսութեան համար անհրաժեշտ: Թոնրատան երեք պատերու մէջ կը բացուէին երեք սենեակներու դուռները, որոնցմէ մէկը յատկապէս ուսած էր մառանի գործածութեան, մէկը՝ ընտանիքի սենեակն էր, հիւրանոցը, ճաշարահը, ննջարանը, իսկ երրորդին մէջ կը գիշերէին պատուաւոր հիւրերը, մինչ սովորական հիւրերը գիշերը կ'անցընէին ախոռի սաքուն որ նոյնպէս հիւրանոց կը համարուէր:

Թոնրատան աջ կողմի վրայ կը բացուէր ընտանիքին

յատկացուած սենեակը, որ ինչպէս ըսինք, իբր հիւրասենեակ ալ կը գործածուէր: Երկարաւուն, ընդարձակ սենեակ մըն էր այդ, երեք կողմերը կանդուն մը բարձրութեամբ, եթէ կարելի է ըսել, հողէ միակաւոր թափաւերով, որոնք երեք կանդունէն աւելի լայնութիւն ունէին: Գրան սեմի հաւասարութեամբ նեղ անցք մը կ'երկարէր մինչեւ սենեակի կեդրոնը: Հիւրերը՝ այդ նեղ անցքին մէջ ձգելով իրենց տրեխները կամ չուսթերը՝ կը բարձրանային տախտի վրայ որ ծածկուած էր փսիսթով, իսկ անոր վրան ալ կարպետներով եւ կամ թաւ գորգերով:

Քահանաները, գիւղերու աչքի դարնող մարդիկը եւ Առիւծ Գեւօն այդ սենեակը մտան, մինչ հասարակութեան մեծ մասը թոնրատան եւ սաքուի մէջ տեղաւորուեցան: Մատաղահասակները հեռաւոր գիւղերէ եկողները հրաժեշտ առնելով հետզհետէ մեկնեցան իրենց տեղերը: Թորոս ազան եւ Տիատինէն իր հետ եկող ձիաւորները վերադարձան Գարաքիլիսէ՝ այդ գիշեր հոն անցընելու համար, իսկ Ապրազայէն եկողները Առիւծ Գեւոյի խնդրանքին վրայ մնացին զանազան տուներու վրայ բաժնուելով: Արեւամուտի ժամանակ, մօտակայ գիւղերու հիւրերուն հետ Խաստուրցիներն ալ քաջուեցան: Տան անդամներու եւ Առիւծ Գեւոյի հետ մնացին միայն Տէր Սահակն ու Թոփալ Սատանան: Եղբօր երեխաներով շրջապատուած, որոնցմէ ամենամեծը տասնեութ տարեկան աղջիկ մըն էր, յաջորդը մեկ ծանօթ պատանին, հազիւ տասնեւհինգ տարեկան, իսկ մնացած երկուքը երկուորեակներ, Առիւծ Գեւօն անսովոր տխրութեամբ կը մտածէր, երբեմն երեխաներուն դուրսները շոյելով: Նոյեմզարը դրան քով ձեռները կրծքին վրայ ծալած, մեղմօրէն կ'արտասուէր ուրախութեան եւ տխրութեան արցունքներ թափելով:

— Ատեն է հարս, զճօեր տար պառկեցու, — գլուխը վեր առնելով խօսեցաւ Առիւծ Գեւօն ու երկուորեակները զրկելով համբուրեց:

Ինչ խօսք որ երեխաները չէին ուզեր պառկիլ: Այդ օր իրենց աւերակ տունը ճշմարիտ հարսնետան կերպարանք ստացեր էր, ու մէկ ալ հօրեղբայրը, որու մասին հաղարումէկ պատմութիւններ լսած՝ բայց երբեք տեսած չէին, յանկարծակի տուն էր եկած:

— Գացէ՛ք, գացէ՛ք, պալեքս, վաղ չէ հոռ իմ, մընը օր լէ, ամէն օր լէ, Աստուած վիհայ, ձեր հօղբէր էլ զձեզի կ'դուռ չը ձգեր:

Նոյեմզարը երեխաներով դուրս ելաւ: Խեղճ կին, եթէ մարդ այդ պահուն կարենար կարգաւ անոր հողին: Այդ շէն տունին սեւաւոր հարսն էր եղած: Ամուսնութենէն երկու տարի վերջ պատահեցաւ մեծ աղէտը, տաղըր փախաւ, նահապետական շէն տունը աւերուեցաւ, վրայ հասաւ Ասլանի մահուան բօթը, յետոյ Ռէս Գեւոյի անահնկալ մահը: Այդ բոլոր դժբախտութենէն վերջ, թըրուաութեան երկար տարիներու ծանրութիւնը չօքեցաւ Ռէս Գեւոյի երբեմնի շէն օճախի վրայ: Սարգիսը, Առիւծ Գեւոյի մեծ եղբայրը, բնաւորութեամբ երկչոտ եւ խաղաղասէր մարդ մը, շրջապատող թշնամիներու դէմ կըռուելու անկարող, հետզհետէ զրկուած հօրենական հողերէն, ողորմելի կեանք մը ապրեցուց իր ընտանիքին: Չորս տարի առաջ, Սարգիսն ալ հողերու եւ զրկանքներու մէջ աչքերը փակեց: Նոյեմզարը մնաց չորս որբերով առանց աշխատող ձեռքի մը օժանդակութեան: Եւ անոր սեւաւոր կեանքը աւելի եւս դառնացաւ:

Սահմանադրութեան հռչակումէն վերջ Ասլանի ողջ լինելու մասին բերնէ բերան անորոշ լուրեր հասան գիւղ: Օր մըն ալ լուր հասաւ թէ Ասլանը՝ Առիւծ Գեւօ անուամբ ծանօթ հայդուկն է եւ Պայազիտի ճամբով շու-

տով տուն կուգայ: Եւ ահա այնքան անհամբերութեամբ սպասուած Ռէս Գեւոյի տան ժառանգը արտակարգ ցոյցերով տուն մտաւ: Նոյեմբարի սրտին վրայէն խոշոր քար մը վերցուցին: Դրան կուշտը կանգնած, անհուն սիրով եւ կարօտով կը նայէր տաղբոջը, անոր աղայական նայուածքին, սլափառաղղու դէմքին: Եթէ վստահ չլինէր թէ եկողը իր տաղբը՝ Ասլանն է, ո՛չ մէկ կերպով պիտի կրնար ճանչնալ դայն: Նոյեմբարի ճանչցած Ասլանը բարձրահասակ, բարեձեւ, սեւ աչքերով եւ սեւ ու գանգուր մաղերով սիրուն երիտասարդ մըն էր, հազիւ թեթեւ աղուամաղէ ծածկուած թշերով ու չթունքի վերի մասով, որուն համար հողի կուտային դիւզի աղջիկները: Իսկ այժմ սենեակի վերի անկիւնը ծալապատիկ նստող Առիւծ Գեւոն, արծաթախառն մազով՝ հաստ եւ երկար պեխերը դէմքի կէսը ծածկած, փոթորկալի կեանքի բերումով հայեացքը ծանր ու դաժան, ոչինչով կը յիշեցընէր նախկին երիտասարդը:

Երեխաներու մեկնումէն յետոյ, Թոփալ Սատանան եւ Տէր Սահակը, օրուան անցքերէն յոգնած, անկողին մտան: Առիւծ Գեւոն դուրս եկաւ թոնրատունը: Երեխաները երկնցած էին թոնրի կուշտին փոռուած թաղիքի կտորի մը վրայ ու հազար կարկտաններով ծածկուած վերմակ մը հաղիւ կը ծածկէր դանոնք: Աղքատութիւնը ու թշուառութիւն կաններեւ էին թոնրատան մէջ: Նոյեմբարը թոնրի սլոռնկին վրայ նստած, ձեռներով դէմքը ծածկած, անձայն կուլար: Թոնրատուն մտնելէ առաջ դրան սեմին վրայ պահ մը կանգ առաւ Առիւծ Գեւոն, այդ տիտեր սլափերը դիտելով: Աչքերը չորցնելով Առիւծ Գեւոն ալ եկաւ թոնրի կուշտին նստաւ, մինչ Նոյեմբարը դիւզական սլափառութեան համաձայն, փորձեց ոտքի ելլել: Առիւծ Գեւոն ձեռքէն բռնելով չթողուց որ տեղէն շարժի:

— Նստիր Նոյեմբար, — տխրօրէն գլուխը երերցնելով ըսաւ Առիւծ Գեւոն, — էրնէկ զըն օր որ դու գմըր տունը քողկուկ հարս մ'էիր, էն ատեն մըր տուն շէն ու շէնլըք էր ու հայր Արբահամու սեղանով լեցուն օճախ էր: Շատ տարտեր քաշեցիր հընչի որ չորս եթումներ մեծցուցիր. Աստուած գըու օրեր աւելցու, անտարտ սպրիս, քանի որ ըս ջան կ'ապրի, էլ հոգ մի՛ ըներ, Սարգսի եթումներ իմ ճըժերն են:

Առիւծ Գեւոն ծոցէն հանեց ուլունքներով նախշուն քսակը, ու մէջէն ոռուսական ոսկի մը հանելով սեղմեց հարսի ափին մէջ:

— Նոյեմբար, հասուկ ճժերու տէր ես, ալ ինձմէ քեզ հրաման, խօսէ:

Նոյեմբարը կուսնալով վերցուց Առիւծ Գեւոյի ձեռքը եւ համբուրելէ վերջ հողոց հանելով, մեղմօրէն ըսաւ.

— Ասլան ախպէր, զվոր մէկն ըսեմ, զվոր մէկ թողիմ, խտայ է մըր հալ, քու լուս աչքով կը տեսնաս:

— Գինամ, զինամ, — գլուխը օրօրցնելով պատասխանեց մեր բարեկամը, — շատ, շատ տարտ քաշեցիր, տուն ու տեղ շահեցիր իրիկ մարդու պէս.

— Տուն տեղ կ'ըսես Ախպէր Ասլան, ի՞նչ կայ մըր տուն, մէկ ըս թաղիք, մէկ լէ վերմակ: Մեր գեղ ու գեղական երոր գըու գալու լուր առան՝ քիչ մը ժամուց, քիչ մը տներուց ժողվեցին զմըզի տուն ու տեղ ըրին: Գու լուսհողի աղբէր մեռնելէն յետոյ՝ մնացինք վըր դարտակ սուֆրին, վըր սլաղ թունտրտան, տարին մինակ մէկ անգամ Մայր Աստուածածնայ տօնին զմսի երես կը տեսնեն էթումներ:

— Ըպա մըր հողե՞ր, — կարծես ականջներուն չհաստալով, ապշած հարցուց Առիւծ Գեւոն:

— Ախ ի՞նչ ըսեմ, քու լուսհողի հօր մեռնելէն վերջ՝ քրտեր գավթեցին զգետու ընդոյի արտեր: Տէրվիչ աղան

լէ առաւ զգեղի բոլորի երեք կտորներ, մէկ զմեծ արտ, մէկ զվաղցի վզին, մէկ լէ Ձէտկանու սինորի արտ:

— Պա մնացածն^ը րը:

— Գու ախօր մեռնելէն վերջ՝ մնացած մէկ երկու արտ լէ գեղական կը վարէ, կէս կլիարար, քընի մը չափ մըզի կը մնայ չը մնայ:

— Լաւ ես մտածեր էդ բան: Տաւար բան ունի՞ք:

— Մէկ կով ունինք, էնոր լէ չար աչք կզաւ, ծծեր ցամքան, հորթիկ մ'լէ կայ իրիցու ախոռն է:

Այս պատասխանը ստանալով, Առիւծ Գեւօն ալ բան չհարցուց. բարձրացաւ նստած տեղէն եւ ճրագակալի վրայէն ձէթի ճրագը վերցնելով, ուղղուեցաւ ախոռը: Համեմատաբար նեղ եւ շատ երկար ախոռ մըն էր, երկու կողմերուն վրայ երկարած մսուրներով: Անասունները կապելու երկաթէ օղակներէն դատելով, քառասուն կով, եղ եւ զոմէշ հանդսօրէն կրնային հոն տեղաւորուիլ: Ախոռը բոլորովին դատարի էր: Տանիքի մէկ կողմը չոքեր էր, ու ս'վ գիտէ թէ ե'րբ կրնար փուլ գալ: Ախոռի վարի ծայրէն, անդուռ անցքով մը կը բացուէր ոչխարներու փարախը որ շատ աւելի ընդարձակ էր քան ախոռը: Հոն երեք հարիւրէ աւելի ոչխարներ կրնային զետեղուիլ: Փարախի տանիքի կէսէն աւելին քանդուած էր, ու երկինքի աստղերը կը ցոլային բացուածքի մէջէն: Առիւծ Գեւօն չորս բոլորը նայեցաւ, երկար ա'խ մը քաշեց ու մտածկոտ դէմքով վերադարձաւ թոնրատունը: Ձեռքի ճրագը տեղը դնելով՝ «գիշեր բարի» մը փսփսաց ու վերադարձաւ սենեակը, ուր Տէր Սահակն ու Թովալ Սատանան ձայն ձայնի տուած կը խոկային:

Դանդաղ ծանրութեամբ զգեստները հանեց Առիւծ Գեւօն, ճրագը մէկ շունչով մարեց ու խոր հոգոց հանելով վերմակը քաշեց դլխուն: Ինչ որ տեսաւ, ինչ որ լսեց Նոյեմզարէն կրնար յուսահատութիւն պատճառել երկա-

թէ ջիղեր ունեցող տղամարդու մը: Թէեւ մեր բարեկամը խորապէս ազդուած տեսածէն ու լսածէն, հաղիւ անկողին մտած սկսաւ ծրագիրներ մշակել, դործունէութեան ուղեգիծ մը կազմել: Առիւծ Գեւօնի վառ երեւակայութիւնը տենդազին աշխատանքի լծուած էր:

ԱՌԻԻԾ ԳԵՒՈՅԻ ԹԱԳԱՒՈՐՈՒԹԻՒՆԸ

Ռուս թրքական պատերազմէն քանի մը տարի առաջ Պաստուրի մէջ տեղաւորուած էր քիւրտ ընտանիք մը: Ռէս Գեւոյի մահուընէն վերջ այդ ընտանիքի մեծը դարձաւ Պաստուրի աղան: Իրական պատկեր տալու համար պիտի ըսենք որ այդ ընտանիքի ղեկավարները ընդհանրապէս հաշտ կ'ապրէին Պաստուրի ժողովուրդի հետ: Անշուշտ այս պնդատուութիւնը համեմատական արժէք մը ունի: Մեր պատմութեան թուականէն ինը տարի առաջ, այդ ընտանիքի գլխաւորը, Տէրվիշ աղան, հայդուկներու հետ կռուի ժամանակ կը սպաննուի եւ անոր տեղը կը բռնէ Հասան աղան, կարճահասակ, խեղճուկ արտաքինով մարդ մը: Տէրվիշ աղան, որ քրտութեան մէջ անուն եւ հռչակ ունէր, Ռէս Գեւոյի մահուընէն վերջ դրաւած էր անոր երեք նշանաւոր արտերը, ինչպէս վերը յիշեցինք: Որքան ալ որ անոր յաջորդ Հասան աղան բարեսիրտ մարդու համբաւ կը վայելէր, մտքէն իսկ չէր անցուցած Սարգսի որբերուն վերադարձնել անոնց օրինաւոր ժառանգութիւնը: Կը հերկէր, կը ցանէր եւ կը քաղէր այդ արտերու բերքը հայ գիւղացիներու միջոցով, որոնք պարտաւոր էին ձրիարար աշխատիլ աղայի համար:

Հասան աղան օր առաջ իմացած էր Առիւծ Գեւոյի դալու մասին: Գրտաւարի քաղաքականութիւն բանեցընելով, կանչեց գիւղի քահանան եւ յայտնեց անոր, որ շատ ստիպողական դործի մը պատճառով պիտի հեռանայ գիւղէն դէպի Ալաշկերտ (Թոփրաք Գալէ): Հասան աղան այդ ձեւով թէ' հայերու խաթրը պահած կը լինէր եւ թէ վերջ կուտար քիւրտերու գրգռութեան, որոնք չէին կրը-

նար տանիլ Ձամշուտ բէկի սպաննողին հանդէպ քիւրտ բէկի մը սիրալիրութիւնը: Ասկէ զատ, այն ալ կար, որ հայերու ոգեւորութիւնը սահմանադրութենէն վերջ եւ Առիւծ Գեւոյի դալու պատճառով այնչափ ուրախութիւնը, շատ ալ Հասան աղայի սրտովը չէր: Առիւծ Գեւոն կրնար լաւ կռուող մը լինիլ, բայց ինչպէս Պաստուրի ժողովուրդը, ան ալ իր Փլան կը համարուէր: Ասով մէկտեղ Հասան աղան այդ գիշեր ուշ ժամանակ գիւղ վերադարձաւ, ընկճուած վիճակի մէջ: Ճամբան հանդիպած գիւղերու մէջ լսած էր Առիւծ Գեւոյի վերադարձի մանրամասնութիւնները, հարիւրաւոր ժողովուրդի եւ բազմաթիւ ձիաւորներու դիմաւորումը: Սակայն ինչ որ Հասան աղային աւելի մտածել տուաւ, այդ Գարաքիլիսէի դայմադամին այցելութիւնն էր Առիւծ Գեւոյին:

Յաջորդ առտու մինչեւ կէս օր ի զուր Հասան աղան սպասեց «իր հայի», Առիւծ Գեւոյի դալուն: Պարտադիր սովորութիւն մըն էր բոլոր Պաստուրցիներու համար, երկար բացակայութենէ վերջ, վերադարձի ժամանակ բէկի ոտքը երթալ թանկարժէք նուէրով մը:

Սակայն, ո'չ եկող, ո'չ դացող: Առիւծ Գեւոյի կողմէ այս բացայայտ անտեսումը, շատ ծանր մտահոգութեան պատճառ դարձաւ Հասան աղայի համար: Մէկէ աւելի պատճառներ ունէր մտահոգուելու: Կէս օրին, դժբախտ մը ընկերակցութեամբ Հասան աղան բարւոք համարեց երթալ բարի դալուստ մաղթելու Առիւծ Գեւոյին:

Առտու շատ վաղ անկողնէն ելած էին տնեցիք եւ հիւրերը: Տէր Սահակ հապճեպով բրթուճ մը հաց ու պանիրով նախաճաշած, մեկնած էր: Առիւծ Գեւոն թոփալ Սատանայի հետ լուս աչքով քններ էր հօրենական տան վիճակը: Աղքատութիւնը ակներեւ կերպով բոյն դրած էր երբեմնի չէն օճախին մէջ: Ախոռն ու փարախը

կիսափուռ վիճակի մէջ էին, յարդանոցի երգիքը ժամանակին քանդուեր եւ տնեցիք սիւները դործածեր էին թոնիր վառելու համար: Բայց ընդարձակ շինութեան թոնրատունը եւ յարակից երեք սենեակները անվնաս վիճակի մէջ կը դտնուէին: Առիւծ Գեւօն երկար բարակ կը բացատրէր թոփալ Սատանային լինելիք նորոգութիւնները. դեռ նոր բաժանմունքներու մասին ալ կը խօսէր, ոգեւորուած կը բացատրէր իր ծրագիրը եւ այն որ շուտով այդ քայքայուած օճախը պիտի շինար առաջուն պէս, եւ թերեւս աւելի փայլուն վիճակի պիտի հասնէր:

Թէեւ թոփալ Սատանան վարժուած էր Առիւծ Գեւոյի մեծախօսութիւններուն, ընկերոջ ծրագիրները լսելով լուրջ կերպով վախցաւ որ ան կամ խելքին եկեր է եւ կամ բաց աչքով կ'երազէ: Վանէն հեռանալու ժամանակ լեւոնը երեքական ոսկի տուած էր իրենց, որպէս ճանապարհածախս: Այդ չնչին դումարով ի՞նչ կարելի էր ընել: Թոփալ Սատանան գլուխը օրօրելով Առիւծ Գեւոյի խօսքը կտրեց ու ըսաւ.

— Առիւծ Գեւօ, ըտ քու յըմէն ըսածներ դրամով կ'եղնի, դու տեղ մը խըղինա՞յ իս պահի...

— Խըղինա՞... .

— Ախրէր, յուստէ՞ կիդան ըտ գումը շտանք, էղներ, ճուղ մը ոչխար, ըտ իմա՞լ պիտի լեցուին ցորենի հորեր, իմա՞լ պիտի թըժեցուս զախոս, զոչխարի դոմ, էլ չըմ Ըսի դքու շինելիք նոր տներ:

Ամբարտաւան հայեացքով Առիւծ Գեւօն վերէն վար չափեց թոփալ Սատանան եւ ուսերը թօթուելով նորէն շարունակեց իր մեծ ծրագիրներու մասին խօսիլ:

— Առիւծ Գեւօ՛... .

— Զէ՛նդ, — բարկացաւ Առիւծ Գեւօն ընկերոջ երկխոսական անհասկացողութենէն վրդոված, — հա քու

խելք, հա մեր Համբոյի խելք, լուս իջնայ էնոր դերեզմընի վրէն, ծօ՛ սարսախ, իմ անուն ի՞նչ է.

— Գու անո՞ւն, ծոա՞ր Գեւօ ջան.

— Ծօ ք... մեռելի տղայ, իմ անուն ի՞նչ է:

— է լաւ, ըսենք, Առիւծ Գեւօ... .

— Հա հըմալ ըսէ՞, որ Առիւծ Գեւօ է, իմ ըսածներ լէ դրքի ու Աւետրնի խօսք է: Հիմա խելքիդ պառկա՞ւ:

— Հա խապէրս, — մըմոաց քթին տակէն թոփալ Սատանան, չհասկնալով թէ ընկերոջ ծրագիրներուն եւ աւետարանի խօսքերուն մէջ ի՞նչ կայ կրնար լինիլ:

Կարգ մը երկտասարդներ որոնք Պաստուրի յեղափոխական կազմակերպութեան կը պատկանէին, հակառակ աշխատանքի ետուն ժամանակ լինելուն՝ լոյսը բացուելէն վերջ հաւաքուեցան Առիւծ Գեւոյի շուրջը: Պաստուրի քահանան ալ եկաւ: Առիւծ Գեւօն առանց այլեւայլի խօսքը ուղղելով քահանային ըսաւ.

— Տէր հայր, քեզի ու մըր դեզի մեծաւորներուն շատ պարտական իմ: Ըսելիքս էն է, որ զիտայ կարպետներ, զպուտիկներ, յըմէն լէ դեղացոց է: Ռէս Գեւոյի օճախ հալալ ու արդար վաստըկով օճախ է: Փառք Աստուծու, ըսքան տարուց յետոյ զիմ ոտք հօրս շեմքէն ներս դրի, էլ Ռէս Գեւոյի տուն անճրագ է, էնոր տիւր ու տիրական կայ: Ճժեր խուրպան, ժողվէք զչաթ ու փրթի, զվանքին՝ վանք տարէք, զմէկէլտընք լէ՛ ուրանց տիրուրտոնց տուէք, չունքի իմ հօր տուն անվաստակ բան չեմ ուղի, հարամ մալ աչք կը հանի: Ես ու իմ ընկեր, վըր չոր քրուն, վըր դետնի խըսլին կը ստրուորինք: Մեզի աւելի բան պէտք է: Հայտէ ճրժեր ձեզի դուրպան, զիտայ կարպետներ, զիտայ պուտիկներ, զիտայ բարձեր տարէք ուրանց տիրուրտոնց:

Թէեւ քահանան ուզեց հակառակել, խնդրելով որ ժամանակ մը մնան այդ իրեղէնները, մինչեւ որ Առիւծ Գեւօն հնարաւորութիւն ունենայ տան տնտեսութիւնը

վերակազմելու, սակայն մեր բարեկամը այնպիսի խիստ պատասխան մը տուաւ որ քահանան լուց:

— Հէ՛յ, հէ՛յ, — յօնքերը կիրտելով խօսեցաւ Առիւծ Գեւօն, — Ռէս Գեւոյի տղէն ո՛չ անճար է, ոչ լէ ողորմութեան մոլխթած, որ ես զիմ հօր տուն չի կրնամ շէնցընել, էդ մէկ իմ, մէկ լէ Աստուծու մէջ: Յորի՞, էս քըսան տարի աղբութեան զինուոր եղայ, իմ կռիւներն Խանաօր, Պօղասքեսան, Խաստուր, Բասենայ դաշտ, Գործոթ, Ղզլճայի սար, Ծիծանցու գեղ, զո՞ր մէկ ըսիմ, ես հօրենական տուն եկայ, որ խալխին ձե՞ռք երկնցում, ողորմութի՞ւն առնեմ: Չէ՛, վալլահ չէ, ես զիմ հաշիւներ իմ ձեռք կը մաքրեմ տուշմընին հետ: Ռէս Գեւոյի տան պարտականներ էլեւօք կան: էս գեղ լէ ունի մէկը, ես Առիւծ Գեւօ չեղնիմ թէ ընոնց պողղէն դուրս չը բերեմ զմըր տան արդար իրաւունք:

Գեւոյի ակնարկութիւնը Խաստուրի մասին բաւական թախանցիկ էր, բոլորն ալ հասկցան որ խօսքը գիւղի քիւրտ աղայի մասին էր: Բայց ատկէ աւելի լսողներու հետաքրքրութիւնը շարժեցաւ Առիւծ Գեւոյի ունեցած կռիւներու թւումին մէջ՝ լսելով Խաստուրի նշանաւոր կռուի մասին: Ուրեմն իրենց Ասլան բէկն ալ հայդուկներէն մէկն էր, որոնք սպաննեցին Հասան աղայի մեծ եղբայրը, Տէրվիշ աղան:

— Ասլան բէկ, — խնդրեց գիւղի խմբապետներէն մէկը, — ողո՞րդ որ դու լէ Խաստուրի կռուի մէջն էիր:

— Հա՛յ հա՛յ, ծօ էտլէ խօ՞սք է. մէկ ուրիշ կեախ կը պատմեմ: Տէ ձեզ դուրպան դէս դաթ ու փրթին տարէք տիրուն: Շարաթ գիշեր վարժատան մէջ հաւաքում պիտի եղնի, Խաստուրի տղամարդ հոն հաւաքուք եղնի, Առիւծ Գեւօն ձէ բան ունի ըսելիք, մէկէլ գեղերանց լէ խապար տուող եղնի:

Մինչ երիտասարդները դբաղած էին տան մէջ գտնը-

ւող իրեղէնները փոխադրելով՝ քահանան շուքի նման դուրս սպրդելով շունչն առաւ Հասան աղայի մօտ: Մանրամասնօրէն պատմեց անոր Առիւծ Գեւոյի սպաննալիքն ու պահանջները եւ հեռացաւ: Հասան աղայի մօրուքը ձեռքը մնաց: Ատկէ վերջն է որ որոշեց ինք երթալ Առիւծ Գեւոյի մօտ:

Սենեակին մէջ մարդ չէր մնացեր եւ ոչ ալ փոխ անըւած իրեղէններէն կտոր մը: Երկու ընկերները չոր փսիաթի վրայ նստած իրար կը դիտէին: Յանկարծ կուտերը սեղմելով Առիւծ Գեւօն բարձրաձայն սկսաւ ծիծաղիլ, Թոփալ Սատանայի մտախոհ գէմքին նայելով:

— Ծօ՛ սարսախ, էդ երեսդ ինչո՞ւ թթուեցաւ, սգաւոր ես թէ մալք ու միւլքերդ կորստան, ծօ՛ աւանակ, մէկ ինձ հայէ, հէ՛յ քեզ կ'ըսեմ, վալլահ, պիլլահ, թիլլահ երեք չորս շարաթէն էս տան մէջ հարսնիք պիտի եղնի...

— Ծօ ախպէր ծոա՞ր, — ալ բարկացած պոռաց Թոփալ Սատանան, որուն համբերութիւնը սպառած էր, — ծօ էս հալիդ հա՞րս պիտի բերես:

— Հէ՛յ հէ՛յ, ազիզ ախպէրս, Առիւծ Գեւօն կարգը գինայ, առաջ դուն՝ վերջը ես:

— Ե՞ս պիտի կարգուիմ:

— Հա՛, վալլահ:

Թոփալ Սատանան այլեւս աւելորդ համարեց խօսել, փորձեց ոտքի ելնելով սենեակէն դուրս գալ, բայց Առիւծ Գեւօն ընկերով թեւը բռնելով ստիպեց որ նստի: Ատկէ վերջ երկար, շատ երկար փսիսալով խօսեցաւ Առիւծ Գեւօն, մինչ Թոփալը ուշադրութիւնը սրած, մտիկ կ'ընէր ընկերով խօսքերուն եւ երբեմն գլուխով հաւանութիւն յայտնելու նշաններ կ'ընէր:

Կէս օրէն քիչ անցած սենեակի սեմին վրայ երեցաւ Հասան աղան զօլամի ընկերակցութեամբ:

— Սէր սերան, սէր չաւան, — ծանրօրէն տեղէն բարձրանալով դիմաւորեց Առիւծ Գեւօն, — դալուստդ բարի, Հասան աղա, թէեւ Ռէս Գեւոյի տունը քեզ լայնդ տեղ մը չէ, — ու ձեռքէն բռնած նստեցուց քովը, առանց սենեակի պատուաւոր անկիւնը գիջելու աղային:

— Բարի եկար Ասլան բէկ, վեր մեր աչքին, վեր մեր գլխուն, — արկամայ պատասխանեց Հասան աղան, որու ուշադրութենէն չէին վրիպած Գեւոյի հեղինական խօսքերը, — դաշխըրքի բաներ ո՞վ գիտայ Ասլան բէկ, էս օր չէն տուն, վաղը աւերակ, դուն սաղ եղնիս: Ողջ գալդ էր պէտք, մնացածը դատարկ բան է. մեք լէ մեր պարտքը գիտցող աղա ենք, մեր խեղճ հայերու օգնելը մեր տան պարտքն է...

Այդ պահուն Առիւծ Գեւօն բերանը լայն բացած ձայնաւոր կերպով յօրանջեց: Պարզ էր Հասան աղայի համար, այդ ձեւի խօսակցութիւն մը իր կողմէն ցանկալի հետեւանք մը պիտի չունենար, խոհեմութիւն համարեց լռելը:

Բարեսիրտ մարդու համբաւ շահած էր Հասան աղան: Անոր այդ բարեսրտութիւնը շատ աւելի շեշտուած ձեւով երեւան եկաւ սահմանադրութեան հռչակումէն վերջ: Երջակայ հայ գիւղերու մէջ այլեւս ինքնակոչ բէկերու վարկը ինկած էր, նոյնիսկ դռնուեցան երկու գիւղերու հայեր, որոնք մերժեցին աղայի համար օլամի երթալ: Իէկերը թէեւ արի մը հող չունէին այդ գիւղերուն մէջ, բայց Համիտեան շրջանին որպէս թէ գիւղացիները պաշտպանելու համար եկած եւ գիւղացիներու ծախսով ու աշխատանքով շինել տուած էին քէօզկեր, դեռ աստիճանաբար ծանրացող տուրք մըն ալ դնելով այդ ժողովուրդի վրայ: Այդ կարգերը սակայն, հետզհետէ կը մաշէին եւ հայ ժողովուրդը պահանջկոտ կը դառնար, իր իրաւունքները կը պաշտպանէր:

Այս պարագան շատ լաւ գիտէր Հասան աղան: Եթէ Խաստուրի հայերու հետ խոհեմ վարուեցողութեան քաղաքականութիւն մը սկսած էր, եթէ կ'աշխատէր սիրաշահիլ զանոնք, պարզապէս իր կողմէն յիմարութիւն պիտի լինէր գրողեւ Առիւծ Գեւոյի նման մէկը, որ թէ' անուն հանած կուտող մըն էր եւ թէ հայ ժողովուրդի աչքին ազդեցիկ մարդ մը: Այս պատճառով Հասան աղան սրտանց կը փափաքէր Առիւծ Գեւոյի հետ հասկացողութեան դալ, անշուշտ առանց իր դիրքէն եւ իրաւունքներէն բան մը գիջելու:

Ինչպէս ըսած ենք, Հասան աղան մէկէ աւելի պատճառներ ունէր մտահոգուելու: Ռէս Գեւոյի մահէն անմիջապէս վերջ, Հասան աղայի եղբայրը, Տէրվիշ աղան, բռնադրաւած էր Ռէսինց երեք լաւագոյն արտերը: Եղբոր սպաննուելէն վերջն ալ ինք շարունակած էր այդ հողերէն օգտուիլ, որպէս թէ անոնք իր սեփական հողերը լինէին: Բայց եղած անարդարութիւնը այսքանով չէր վերջանար: Այդ հողերու կալուածագրերը Ռէս Գեւոյի անունով կը մնային: Հասան աղան այդ հողերէն օգտուելով հանդերձ՝ հողային հարկը խեղճ Նոյեմզարը կը վճարէր, գաւազներու բերնի հացը կտրելով: Առիւծ Գեւոյի եղբոր մահէն վերջն ալ Հասան աղան աւելի մեծ յիմարութիւն դործեց, Երեւան գետի վրայ Ռէս Գեւոյի երկու աչքանի ջրաղացը գրաւելով: Եթէ միայն այս յիմարութիւնը կատարած չլինէր, դառնութեամբ կը մտածէր Հասան աղան, մնացածներու մասին հասկացողութեան մը դալը այնքան ալ դժուար չէր լիներ: Ո՞վ գիտնար թէ քանի մը տարիէն սահմանադրութիւն կրնայ հռչակուիլ եւ Ռէս Գեւոյի մեռած կարծուած տղան ալ կրնայ վերադառնալ Խաստուր:

Մէկ երկու անգամ թէեւ Հասան աղան փորձեց անցեալի մասին խօսք բանալ, Առիւծ Գեւօն անոր խօսքը կը

տուրը նետեց : Զանազան խնդիրներու մասին սովորական ճոռոմ լեզուով Առիւծ Գեւօն խօսեցաւ, պատմեց թէ ի՞նչ պատճառներէ զրդուած Սուլթանը սահմանադրութիւն հռչակեց, պատմեց իր կռիւներէն եւ մասնաւոր զիտումով Խաստուրի կռուին մասնակցիւն ալ յիշեց :

Յանկարծ Հասան աղայի դէմքի գոյնը թուաւ, մոխիր կտրեցաւ : Այդ կռուին մէջ սպաննուած էր մեծ եղբայրը, Տէրվիշ աղան եւ ո՞վ գիտէ թէ...

Հասան աղան ղօլամը ետին ձգած, տուն վերադարձաւ ընկճուած տրամադրութեամբ : Առիւծ Գեւօն մեծ տպաւորութիւն ձգած էր վրան, կը զգար թէ եթէ ան իր տան հակառակորդ մը դառնայ, ինք կորսուած է, իրեններն ալ հետը : Եթէ միայն համաձայնութեան եզր մը գտնուէր Առիւծ Գեւոյի հետ, եթէ կարողանար բարեկամանալ անոր հետ, թէկուզ ծանր գնով իսկ, Հասան աղան աւելի քան ուրախ պիտի լինէր :

Երեկոյեան կողմ, Առիւծ Գեւօն պառկած էր թաղիքի կտորի վրայ, բաղմազոյն կարկտաններով վերմակը վրան քաշած, ու ծանր ծանր կը տքար : Թոփալ Սատանան ընկերոջ գլխի վերեւ նստած՝ ձեռներուն, վզին եւ ճակատին բարկ քացախ կը քսէր, ճշմարիտ հիւանդապահի մը կանոնաւորութեամբ : Ամբողջ օրը հիւրեր պակաս չէին եղած, մանաւանդ երբ մթնեց եւ զիւղացիք արտերէն վերադարձան տուները : Առիւծ Գեւոյի անակնկալ հիւանդութիւնը անկեղծօրէն տխրեցուց շատերը, մասնաւորաբար երիտասարդները, որոնք իրենց ղեկավարը կը համարէին զայն : Ամէն նոր եկող հիւանդութեան մասին կը հարցնէր եւ տնային դեղ մը կ'առաջարկէր : Այցելուներէն մէկը, որ քանի մը շարժաթ առաջ եկած էր կովկասէն, վաղեց տուն ու ծրարով անգլիական աղ բե-

րաւ, եւ բաժակ մը ջուրի մէջ հալեցնելով՝ կը ստիպէր Առիւծ Գեւոյին խմել այդ բաժակը՝ հաւատացնելով որ մինչեւ առտու փորը կը քակուի ու «սաղ սալամէթ» ոտքի կ'ելլէ : Առիւծ Գեւօն կը վշտար ցաւէն կամ բարկութենէն, քանի աչքը կ'իյնար բաժակի վրայ ու աղաչաւոր հայեացք մը կը նետէր ընկերոջը : Թոփալ Սատանան հազիւ ծիծաղը զսպելով, բաժակը կողքին դրաւ, յայտնելով որ քնելու ժամանակ կը խմցնէ դեղը :

Գիշերը յառաջացած էր երբ վերջին հիւրը մեկնեցաւ : Հազիւ թէ հիւրը սենեակէն դուրս ելաւ, Առիւծ Գեւօն վերմակը նետեց վրայէն, նստաւ ու խոչոր բռունցք մը հասցուց Թոփալ Սատանայի կողին :

— Ծօ՛, քրտու լամուկ, է՛դ անտէր քացախին մէջ յորէ՞ ջուր չդրիր, անաստուած, վիզս, երեսս լաք այրուեցաւ :

— Վայ ես քրդի ի՞նչ ըսեմ, ծօ շնորհակալ ալ չես, — խնդալով պատասխանեց Թոփալ Սատանան, — ափսոսէն բաժակով դեղ չխմցուցի, հիմա օյին վիճակի մէջ կ'եղնէիր :

Առիւծ Գեւօն առանց կարեւորութիւն տալու ընկերոջ խօսքերուն, հապճեպով սկսաւ հաղնուիլ : Երկուքն ալ պատրաստ էին : Դուրս եկան թոնրատունը : Նոյեմզարը երեխաները քնացուցած, ինքն ալ թոնրի կուշտին կուճ եկած, կը կնքվարտէր : Տղամարդոց ոտնաձայնէն արթնցաւ ու ոտքի ելաւ :

— Նոյեմզար, մենք կ'երթանք, չեղնի ձգես երեխաները սենեակս մտնեն : Գեղին մէջ աղմուկ պիտի եղնի, թոնրատան դուռը գոց պահէ. թէ մարդ ցիկ հարցու, կ'ըսես շատ ծանր հիւանդ եմ, տէ մնաս բարով :

— Բարով երթաք, հազար բարով գաք, Աստուած զձեզի պահէ չարէն, Աստուած տուչմընի աչք հանի, —

բարեմաղթեց Նոյեմբարը, մինչ երկու ընկերները կո-
րան ախոռի թանձր մթութեան մէջ:

Թոփալ Սատանայի ձեռքէն բռնած Առիւծ Գեւոն զայն
առաջնորդեց ոչխարներու փարախը, որ համեմատաբար
աւելի լուսաւոր էր քանդուած երդիքի պատճառով: Ի-
րարու օղնելով բարձրացան փարախի կիսափուլ պատի
վրան ու հոնկէ վար ցատկեցին: Քանի մը քայլ անդիէն
կ'անցնէր Պայաղիտէն Կարին երկարող ճանապարհը:

— Ծօ թոփալ, շնչաց Առիւծ Գեւոն, տէ ոտքերդ
վերցուր, Մեծ Առջի պոչը սարերուն չդպած, պէտք է
դեղ դարձած եղնինք:

Պահ մը մեծ ճանապարհէն երթալով ծոնցան դէպի
ձախ, դեռ կամուրջը չհասած եւ կէս շրջան մը դառնա-
լով արագ քայլուածքով մը Շերեան դետի ափով սկսան
յառաջանալ: Կէս ժամէն աւելի քալած կը լինէին, երբ
Առիւծ Գեւոն կանգ առաւ սաստիկ հեւալով: Ճակտի
քրտինքը սրբեց ու նստաւ ուռիի ծառերով եղբրուած
դետի ափին:

— Ծօ', նստի՛ր թոփալ, մէկ շունչ մը քաշենք:

— Մօտեցա՞նք:

— Հա', քարընկէց մը տեղ եղնի կամ չեղնի:

Ատեն մը երկուքն ալ լոնցին: Թոփալ Սատանան
անհանդարտ, պիսին հետ կը խաղար մտածկոտ ձեւով
մը: Մէկ ալ ընկերոջ թեւը շարժելով ըսաւ.

— Գիտես խապէրս, շատ դէշութիւններ ըրած կամ,
բայց էս մէկը...

— Ծօ', կը վախնա՞ս:

— Դուն էլ բան ըսիր, ի՞նչ պիտի վախնամ, — բար-
կացաւ թոփալ Սատանան, — բայց վալլահ մեծ մեղք է...

— Հարամ մալին մեղք չ'եղնիր. քու մեղք լէ իմ վը-
ղին? Աւետարան լէ էտ կ'ըսէ, մէկ անողին երկուք ըրէ.
հիմա հասկցա՞ր...

Այդ բացատրութիւնը որոշ չափով դոհացուցիչ թը-
ւեցաւ Թոփալին. եթէ սուրբ աւետարանն ալ այդ կ'ըսէր,
ալ ի՞նչ մտահոգուելու պատճառ կար: Հազիւ հինգ
վայրկեան հանդստացած, երկու ընկերները սողալով սիւ-
սան առաջանալ հնձուած արտի մը մէջէն: Ամէն ուղղու-
թեամբ ցորենի հսկայ դէպերը կը բարձրանային զինուոր-
ներու նման պահակ կանդնած արտերու տարածութեան
վրայ:

Աստեղագարդ պայծառ դիչեր էր, խոշոր աստղերը
աղամանդի նման փայլուն՝ կարծես իրարու ձայն կու-
տային, մթնոլորտը լեցնելով լուռ երաժշտութեամբ որ
մարդ կը զգայ առանց լսելու: Լուսինի հիւծած մահիկը
կարծես մէջտեղէն պիտի կոտորուէր: Վեհափառ խաղա-
ղութիւն մը կը ծանրանար դաշտին վրայ: Ծղրիթներու
սուր ձայնը աւելի եւս զգալի կ'ընէր դիչերուան անշարժ
լուութիւնը:

Առուի անցք մը կը դատէր առաջին արտը յաջորդէն:
Երկրորդ արտը մտան: Քանի մը քայլ առնելէ վերջ,
Առիւծ Գեւոյի ոտքերը կ'թոտեցան ու կամաց մը նստաւ
մեղմօրէն հեկեկալով: Այդ արտը հօրենական մեծ արտն
էր: Գիւղացիի համար եղներուն մէջ կայ հատ մը, տան
սիւնը, որ կը սիրէ հարազատ զաւկին նման: Այդպէս ալ
արտերու մէջ կը լինի մէկը, հարուստ հողով, որ բերքի
առատութեամբ կը լեցնէ ամբարները, վատ հունձքի ժա-
մանակ ընտանիքի գոյութիւնը կը փրկէ: Տնտեսութեան
«աչքի լոյսն» է ան: Այդպէս էր մեծ արտը Ռէս Գեւոյի
տան համար:

Գեւոն դետնէն բռն մը հող ճանկեց, տարաւ շրթնե-
րուն մէկ երկու անգամ համրուրեց, աչքերուն եւ երեսին
քսեց, մինչ արցունքի խոշոր կաթիլները կը կաթկթէին
հաստ պիսերու վրայ:

Մեծ արտը կը գտնուէր Խաստուրի հողերու վերջա-

ցած կէտի վրայ, ուրկէ անդին կը սկսէին Ձէտկան գիւղի հողերը: Տասներկու հսկայ դէզեր երկու շարքի վրայ շարուած էին: Ամէն մէկ դէզը երեք բարդ էր, մէկ բարդը երեսուն խուրձէ բաղկացած:

Աչքերու արցունքը թելով սրբեց Առիւծ Գեւոն, քանի մը անգամ խաչակնքեց եւ «եա Փութկու Սուրբ Գէորդ» կանչեց ու ընկերոջ հետ միասին սողալով հասաւ արտի կէսը: Ինչպէս կը սպասէր, արտին հսկող պահապան չը կար: Եւ ինչո՞ւ լինէր: Ով կը համարձակէր Հասան աղայի մալին կամ չօփին ձեռք տալ: Չէ՞ որ, աղայի թեւը երկար էր, սուրը՝ կտրուկ: Վայրենի բոց մը վառեցաւ Գեւոյի աչքերուն մէջ: Չէ՛, շուտով, շատ շուտով Հասան աղան խելքի պիտի դար, պիտի իմանար թէ ո՞վ է Առիւծ Գեւոն:

— Առ դէսոնք, — ձէթոտած լաթի կտորները երկընցընելով փսփոսաց Գեւոն, — ես առջի շարքէն, դու լէ՛ ետեւներուն կրակ կուտաս: Հիմա շուտ շարժէ, քէ՛ տեսնամ, կէծեւ կրակի պէս:

Առաջուց որոշած էին դէզերու Ձէտկանի կողմը դարձած ճակատներէն կրակ տալ, որպէսզի Խաստուրի կողմէն բոցերը քիչ մը ուշ երեւնային: Այդ պարագային իրենք ապահով կրնային հեռանալ: Առիւծ Գեւոն առաջ անցաւ դէպի դէզերու հեռաւոր ծայրը: Սատանան ալ նոյն ուղղութեամբ առաջացաւ եւ վերջի դէզէն կրակ տալով սկսաւ ետ դառնալ, ճամբուն վրայ դանուածներն ալ կրակելով: Հազիւ երեք կամ չորս վայրկեան տեւեց դործողութիւնը, երբ Առիւծ Գեւոն ալ միանալով Թոփալ Սատանային, վազէ վազ անցան յաջորդ արտը եւ դէտի եզերքի ստուերոտ ուռիներու տակ կանգ առին:

Բոցը՝ նախ խուրձերու արտաքին մասերը լիզելով, բարձրացաւ մինչեւ դէզերու կատարները՝ բռնկող լուցկիի մը արագութեամբ, յետոյ կարծես թէ մարեցաւ,

բայց չանցաւ երեք չորս վայրկեան, յանկարծ ալիք ալիք բարձրացող բոցերու լեզուները ամէն կողմէ շրջապատեցին դէզերը:

Հրդեհի աստիճանաբար ուժեղնալուն հետ դիչերուան խաւարը կը նահանջէր, լուսաւոր հրապարակ մը դոյացնելով:

Յանկարծ խոր լութիւնը թնդաց որոտացող հրացաններու ձայներէն:

Հրդեհի առաջին աղբանջանը տուաւ Ձէտկանը, յետոյ Խօշեան գիւղը եւ ամենէն վերջ Խաստուրը: Խաղաղ լութեան մէջ հրացաններու որոտը ալիք ալիք կը տարածուէր՝ խուլ արձագանգ ձգելով դաշտի վրայ: Հրացաններու ձայներուն հետ Ձէտկանի, Խօշեանի եւ Խաստուրի կողմերէն հաւարի ձայները օդին մէջ իրար դիպան. «հաւա՛ր, այ հաւա՛ր, դէզերը այրեցին, հաւա՛ր, այ հաւա՛ր»:

Երեք գիւղերու բնակիչները սրտատրոփ ոտքի ցատկեցին: Արդեօք որո՞ւ դէզերը կ'այրէին: Գիւղերու հեռաւորութիւնը եւ գիւղերուան խաւարը անհնարին կը դարձնէին ճշգրտուել հրդեհի վայրը: Ամէն մէկը իր հողերու շրջանին մէջ կը համարէր զայն: Գիւղացիներէն որը բոպիկ, որը շապիկ վարտիկով, ոմանք ալ գինուած՝ ուղիղ գծով կը վազէին դէպի կրակը: Իսկ գիւղերու մէջ մնացողները, մեծամասնաբար կիներ ու երեխաներ, տանիքներու վրայէն ձայն ձայնի տուած կը շարունակէին պոռալ. «հաւա՛ր, այ հաւա՛ր»...

Խաստուրի ամբողջ բնակչութիւնը լեղապատառ դուրս թափած էր տուներէն, կարծես երկրաշարժ մը պատահած լինէր: Տղամարդիկ կը վազէին, ծերերը իրարու կը պատմէին բազմաթիւ համանման դէպքեր, կիներն ու երեխաները տանիքներէն «հաւա՛ր» կը պո-

ուային եւ կամ երդիքէ երդիք իրարու հետ բարձրաձայն
կը վիճէին:

Հասան աղան ալ հաւարի ձայներէն արթնցած
բարձրացեր էր տանիքը, ուր ցածկեկ աթոռակի մը վրայ
նստած կը դիտէր անօրինակ հրդեհը: Թշնամութեան
համար դէզ վառելու հին սովորութիւնը միշտ ալ գոյու-
թիւն ունեցած էր Ալաշկերտի դաշտին մէջ, բայց այդ
տարի, կարծես սահմանադրութեան բարիքներէն մէկը
լինէր, նման դէպք մը դեռ չէր պատահած: Անշուշտ
չատ անդամներ Հասան աղան տեսած էր դէզերու այրը-
ւիլը, բայց այս անգամուանը հսկայ բան էր, կարծես
դէզերուն հետ միասին կ'այրէր դետնի հողն ալ: Ամբողջ
դաշտի վրայ լուսեղէն պսակ մը կը տարածուէր:

Հասան աղան ատեն մը մինակը նստած կը դիտէր,
երբ Խաստուրի Ռէս Յակոբը մօտեցաւ անոր քով եւ
դետնի վրայ նստաւ:

— Բէկ, Աստուած քեզ պահէ, եաման կրակ է, շատ
դէզեր վառուած պիտի եղնին: Գեղէն շատ մարդ զնաց,
բայց դեռ մէկը ետ չեկաւ խապարը բերող: Աստուած
դտուշմանի տունը աւրէ, մարդ սուրբ հացին լէ ձեռք
կուտա՞յ...:

— Հըմ, տուշմանի գործ կ'երեւնայ. Զէտկանի հո-
ղերուն մէջ է կրակը:

— Հա բէկս, ինձի ալ այդպէս կ'երեւնայ, Զետկանի
հողերուն վրայ է, — աղային դուր դալու համար կեղծա-
ւորաբար համաձայնեցաւ Ռէս Յակոբը, թէեւ աչքի չա-
փով կը կարծէր թէ Հասան աղայի արտի դէզերն էին
վառուողները:

Իրարու հետեւէ դիւզի առաջաւոր համարուած մար-
դիկն ալ եկան Հասան աղայի երդիքը ու շրջապատե-
ցին դայն: Ամենէն վերջը եկաւ ծերունի քահանան:

— Տէրտէր կը տեսնե՞ս, թամաշայի նստեր ենք, —

խնդաց բէկը, — եաման կրակ է:

— Ընողին ձեռքը չորնայ, — անիծեց քահանան, —
Աստուծմէ գտնայ:

Ներկաներէն ամէն մէկը տարբեր կարծիք մը կը
յայտնէր. կային որ Խօշեանի հողերուն մէջ կը տանէին
կրակը, բնագործն իրենց դիւզի սահմաններէն հեռու
նետելով հրդեհի վայրը. կային որ Զէտկանի հողերուն
վրայ կը տանէին. մէկ երկուքն ալ, որոնք կը կասկա-
ծէին թէ Խաստուրի հողերու վրայ է կրակը, հեռաւո-
րութենէն դատելով կը մտածէին Հասան աղայի մեծ
արտի վրայ, բայց այդ մասին խոհեմաբար կը լռէին:

Մօտ ժամ մը անցնելէ վերջ, խաւարի մէջ հեռուէն
խօսակցութեան ձայներ լսուեցան դիւզացիներու՝ որոնք
կը վերադառնային հրդեհի վայրէն:

— Հէ՛յ, Մակար, — հեռուէն խօսող դիւզացիի ձայ-
նը ճանչնալով սրուաց Ռէս Յակոբը, — մէկ էստեղ արի,
աղայենց տանիքը:

— Ա՛յ ա՛յ, — լսուեցաւ հեռուէն ձայն մը, — էս է,
կուզամ:

Քանի մը վայրկեան վերջ տանիքի վրայ երեցաւ
Մակարը, աղքատ Խաստուրցի մը, որ ամենէն առաջ
հասնողներէն մէկը եղաւ այրուող դէզերուն: Տանիքի
վրայ եղողները հետաքրքրութեամբ շրջապատեցին
դայն, ամէն մէկը նախ եւ առաջ իր արտի դէզերու մա-
սին կ'ուզէր լսել, ու ահա ամէնը մէկէն հարցումներու
տարափ մը թափեցին շուարած Մակարի վրայ: Ո՞ր մէ-
կուն պատասխանէր. եթէ ըսելիքն ալ սովորական բան
մը լինէր՝ անշուշտ բոլորի երեսին կը պոռար դէզերու
տիրոջ անունը: Բայց որ չէր կրնար: Ռէս Յակոբը սաս-
տեց բոլորին որ լուռ մնան ու ինք հարցուց:

— Մօ Մակար, էն վի՞ր դէզերը այրուեցան:

Մահարը վայրկեան մը շփոթած գլուխը կախեց ու սպա անհամարձակ ձեւով մը ըսաւ .

— Մեր բէկի մեծ արտի դէզերն են : Տասներկու դէզերն ալ լաբ մօխիր կտրեցան . շատ զօրաւոր էր կրակի ուժը , անկարելի եղաւ մօտենալ . . .

Բէկը շրջապատող գիւղացիները ցաւակցարար դըլուխնին շարժեցին : Այդպէս ալ համարձակութի՛ւն , Խաստուրի բէկի դէզերը արտին մէջ հրդեհել : Ոմանք ափսոսացին , մէկ երկուքն ալ անիծեցին շարազործը եւ թերեւս ամենէն շատ ցաւ յայտնեցին անոնք , որ այդ բարի աւետիսը առնելով ներքուստ ուրախացած էին :

Հասան աղան ուղղակի չճամ էր : Ատեն մը քարացածի նման նստած տեղը անշարժ մնաց : Երբեք , երբեք նման դէպք մը չէր պատահած իր արտերուն մէջ : Եթէ երբեմն գիւղացիները իրարու հետ թշնամանալով մէկ մէկու արտէն քանի մը դէզ կը վառէին , Հասան աղան որպէս գիւղի մեծը , կը տուգանէր յանցաւոր կարծըլաւծը , տուգանքի մեծ մասը ինք գրպանելով : Բայց որ իր՝ Հասան աղայի դէզերը կրակեն , Տէր Աստուած , որո՞ւ մտքէն կրնար անցնիլ այդպիսի անհեթեթութիւն մը : Եւ սակայն իր տասներկու դէզերը միանգամէն այրըւած էին : Անշուշտ այս լուրը պիտի տարածուէր Ալաշկերտի դաշտի բոլոր գիւղերու մէջ , իր բարեկամները պիտի տխրէին եւ թշնամիները վրան պիտի խնդային , որպէս թէ ինք հասարակ Փլա մը լինէր :

Հասան աղան , վայրկեան մը իսկ չերկմտեցաւ թէ ո՞վ կրնար նման յանդուռն բան մը ընել՝ անտեսելով իր աղայական դիրքը : Կամաց մը տեղէն ելաւ ու տանիքէն վար իջած ժամանակ որպէս թէ հարցուցած լինելու համար միայն , քահանային ըսաւ .

— Հա տէրտէր , Ասլան քէկը հիւա՞նդ է ըսիր :

— Քեզ դուրպան բէկ , էս իրիկուն քովն էի , կրակներու մէջ կ'այրէր խեղճը :

Յաջորդ օրը ուրբաթ էր : Հասան աղան իր սենեակը քաշուած կը մտածէր : Սահմանադրութենէ վերջ զարմանալի կերպով փոխուած էր կեանքը : Ո՞ւր առաջուայ վերաբերմունքը , սովորութիւնները , աղայի հանդէպ պատկառանքը : Գիւղացին մէկէն այլափոխուած էր վզի կապը կտրած խենթ հորթուկի նման , որ ո՛ւր կոխելը , ի՛նչ ընելը չի գիտեր եւ պոչը մտրակի նման վեր տնկած՝ ցատկոտելով աջ ու ձախ կը վազէ : Զէ՛ , ժամանակի հետ կեանքը փոխուած էր , իսկ թէ այդ փոփոխութիւնը մինչեւ ո՞րտեղ կրնար հասնիլ , այդ մասին սարսափով կը մտածէր Հասան աղան : Այդ առտու թէեւ քահանան , Ռէս Յակոբն ու քանի մը ծերունիներ եկած էին իր մօտ մխիթարական խօսքեր ըսելու , բայց խաստուրցիներու մեծամասնութիւնը , որպէս թէ բան մը պատահած չլինէր , ըստ իր սովորութեան առտու շատ կանուխ դնացած էր դաշտային աշխատանքներու : Հէ՛յ անցած օրեր , լաւ օրեր , երբ իր տան պատահած փոքրիկ դժբախտութիւն մը ամբողջ գիւղը ոտքի կը հանէր : Եթէ միայն նախասահմանադրական շրջանին պատահելու լինէր նման դէպք մը , խաստուրցիք աղայի կրած վնասը աւելօք կուտային :

Ինչպէս ըսած ենք , խելօք մարդ մըն էր Հասան աղան եւ երեւոյթներու արժէքը ըմբռնող : Ան կը զգար որ աղայութիւնը զգեստի նման սկսած էր աստիճանաբար մաշիլ , իսկ թէ մինչեւ ո՞ւր կրնար հասնիլ այս ընթացքը , այդ էր որ չէր ուզեր տեսնել : Եթէ միայն սահմանադրութիւնը հուշակուած չլինէր՝ իր Փլաները ա՛յդքան երես չէին առներ , մանաւանդ երկար տարիներ Կովկաս սպրած նորեկները , որոնք աղայի իրաւունքները մոռցած էին եւ ո՛չ ալ պէտք եղած յարգանքով կը վարուէին :

Միակ թագուն յոյսի մը կառչած էր Հասան աղան. ո՛վ դիտէ թէ նոր կարգերը, որոնք պապենական սովորութիւններուն եւ դուրանի ու շարիաթի ալ հակառակ էին, շուտով չէի՞ն փոխուելու: Իսկ մինչեւ այդ փոփոխութիւնը, թէկուզ բարկութենէն ատամները սեղմելով, պէտք էր սիրաշահիլ Ֆլաները՝ քիչ մը անոնց սանձերը թուլցնելով: Անհրաժեշտ էր որ ինք ընդառաջ երթար անոնց՝ փրկելու համար պապենական տան շահերը: Իսկ Առիւծ Գեւոյի հետ անհրաժեշտ էր օր առաջ հասկացողութեան մը դալ, քանի ուշ չէր:

Կէս օրուայ մօտ Հասան Աաղան դօրամներէն մէկը ճամբեց Ռէս Յակոբը եւ քահանան կանչելու: Երեքը միասին մինչեւ արեւամուտի ժամանակ նստած խօսեցան: Թէ ի՞նչ էր անոնց խօսակցութեան նիւթը, ո՛չ ոք իմացաւ:

Առիւծ Գեւոն եւ Թոփալ Սատանան դեռ լուսաստղը չերեցած վերադարձան տուն եւ սենեակի փախաթի վրայ երկնցած անխող կը քնանային: Առտու շատ կանուխ, ինչպէս սովորաբար կը սկսի դիւղական կեանքը, ամբողջ տնեցիք ոտքի վրայ էին: Թոնրատնէն լսուող երեխաներու աղմուկէն արթնցաւ Առիւծ Գեւոն, աչքերը տրորեց, բերանը լայն բացած յօրանջեց եւ աքացելով արթնցուց Թոփալ Սատանան:

— Ծօ տնաքանդ, բաւական է քնես, կէս օր եղաւ:

Կէս օր չէ, դեռ արեւն իսկ չէր ծագած: Թոփալ Սատանան ամբողջ մարմնով ձգուեցաւ, ինչ որ բաներ մրմրուաց քթի տակէն ու ոտքի ցատկելով հետեւեցաւ ընկերոջը: Բակի մէջ իրարու ձեռք ջուր լեցնելով լուացուեցան ու վերադարձան թոնրատունը, ուր Նոյնմզարը կաւէ ամանի մը մէջ լաւաշ հացի փշրանքներ թափած, տաքացած կաթ կը լեցնէր վրան: Փայտէ դգալներով զինուած երեխաներուն հետ շրջապատեցին ամանը:

Երբ Առիւծ Գեւոն եւ Թոփալ Սատանան քաշուեցան իրենց սենեակը, դուռը ետեւնուն գոցելով երկնցան իրարու քով եւ երկար ատեն լուռ մնացին:

— Տէ՛, մեծ ախպէ՛ր, — Թոփալը հարցական նայեցաւ ընկերոջ դէմքին:

— Ջան սաղութիւնդ, Թոփա՛լ, — որպէս թէ ընկերոջ միտքը չհասկնալով պատասխանեց Առիւծ Գեւոն:

— Հա՛, էդ մէկը հասկցայ, ուրի՞շ...

— Ծօ, մէկ երկու օր էլ համբերէ, ամէն բան իր կարգին կ'եղնի, Սուրբ Աւետարանն էլ կ'ասէ. «Ո՛վ համբերեցէ, նա իսպառ կեցցէ»:

— Որ ի՞նչ:

— Ծօ աւանակ, դու Սուրբ Աւետարանին լէ չես հաւտար, քեզի կ'ըսիմ համբերէ, ասկէ աւելի էլ ի՞նչ ըսիմ որ հասկնաս:

— Է լաւ, ըսենք թէ համբերեցինք. ի՞նչ է քու խօսք, օր ցերեկով կունակիս վրայ պառկած զառաստաղի մարդակները համբեմ. գործէ մործէ բան չկայ, աւարայ աւարայ պառկեր ենք:

— Հա՛, էդ լաւ ըսիր, ել երթանք, մէկ ոլորտինք գիւղը, — Գեւոն ծիծաղելով ոտքի հանեց ընկերը ու միասին դուրս ելան:

Արեւը դեռ նոր կը ծագէր, երբ երկուքը դուրս ելան ու հանդարտ քայլերով ուղղուեցան դէպի Սուրբ Աստուածածին եկեղեցին, որ ամբողջ Ալաշկերտի դաշտեցիները վանք կը կոչէին: Նոր ծագող արեւի ճառագայթները շեղակի ինկած, ոսկեղօծեր էին ամբողջ բնութիւնը, լեռներու կողերն ու դաշտը, դէզերու կատարներն ու եկեղեցիի ճակատը: Ծատ մեծ գերեզմանատուն մը չըջափակած էր վանքը: Այդ գերեզմանատան մէջ աւելի քան հինգ հազար գերեզմանաքարեր կային հին ու նոր ժամանակներէն մնացած: Այդքան հսկայ գերեզմանատուն մը

հաղիւ թէ Խաստուրի նման փոքր գիւղ մը կրնար ունենալ: Զանազան ձեւի ու մեծութեան գերեզմանաքարերուն վրայ, բացի սովորական պարզ քառանկիւն տապանաքարերէ, քանդակուած էին թամբուած ձիեր, անթամբ ձիեր, խոյեր ու դոմէշներ պատկերող արձաններ: Կային բազմաթիւ քարեր, որոնց գրութիւնները եղծուած էին հարիւրաւոր տարիներու ընթացքին:

Առիւծ Գեւօն իր գիտցածը ու լսածը կը պատմէր Թոփալին՝ իր կողմէն յաւելումներով, որոնց մարդ կըրնար հաւատալ կամ ոչ: Ինչպէս նախօրօք ըսած ենք, վանքը կը գտնուէր աննշան բարձրութեան մը վրան, հաղիւ երկու քարընկէց հեռու Խաստուր գիւղէն: Այդ բարձրութեան վրայէն Ալաշկերտի ամբողջ դաշտը բաց դրքի նման կ'երեւնար, հեռուէ հեռու ցրուած գիւղերով:

Արեւելքէն մեծաշուք Արարատի ձիւնափայլ գագաթը հսկայ կանթեղի նման կը ցցուէր, արեւի ճառագայթներուն տակ շքեղօրէն ոսկեզօծուած, մինչ գագաթի միւս կողմերու կապտաւուն ճերմակը աւել իւրաքանչիւր պայծառացնէր գագաթէն դժի նման վար կախուած ոսկեզօծ շերտը: Արարատէն սկիզբ կ'առնէին բազմաթիւ լեռնաշղթաներու թեւեր ու կ'երկարէին զանազան ուղղութեամբ: Հայկական պարը դէպի արեւմուտք կ'երկարէր, Կաւալըխ, Բող Տաղ, Աղպուլախ, Աղաղ բարձրաբերձ լեռներով, որոնք ուռ-թրքական սահմանը կը գծէին, երկու կողերուն վրայ ունենալով սքանչելի արօտատեղիներ, որոնցմէ միայն խաշնարած քրտերը կրնային օգտուիլ: Դէպի հարաւ արեւելք իրարու վրայ կը բարձրանային Ծաղկաց լեռները, մեր թագաւորներու եւ պաշտպաններու հանգստավայրը, գիւթական աշխարհ մը, եզակի բնական տեսարաններով, զարդարուած, թաւշանման խոտով ու անհամար ծաղիկներու զանազան տեսակներով:

Հարաւէն կը տարածուէր Շէրեանի լեռնաշղթան՝

Մերդեմիւր, Խալիսա եւ Շէրեան բարձր գագաթներով, որոնց մէջէն կ'անցնի Դըլըճ Կէտուկը: Արեւմուտքէն Շէրեան լեռնաշղթան եւ հայկական պարը իրարու կը միանան, Դահար Կէտուկով: Այս լեռնաշղթաներու շուրջպարին մէջ կ'ամփոփուին պատմական Կողովիտ, Ծաղկոտն եւ Բաղրեւանդ գաւառները: Արեւելեան Եփրատի երկու գլխաւոր ճիւղերը հակադիր ծայրերէ ըսկիզբ կ'առնեն եւ այդ երեք գաւառները ոռոգելով կուգան եւ իրարու կը միանան Գարաքիլիսէէն փոքր հեռուորութեան մը վրայ, ուրկէ ուռճացած Եփրատ գետը կը հոսի դէպի Դութախ: Այդ երեք գաւառներու մէջ ամենէն ընդարձակը, ամենէն բարեբերը կը համարուի Բաղրեւանդը, կամ ինչպէս ներկայիս կը կոչեն Ալաշկերտի դաշտը:

Առիւծ Գեւօն եւ Թոփալ Սատանան վանքի դրան առջեւ նստած, սքանչացումով կը հետեւէին արեւի բարձրանալուն հետ շրջակայ գիւղերու եւ դաշտի կենդանանալուն: Ամէն ուղղութեամբ շարժում եւ աշխատանք: Եթէ անջրդի արտերը քաղուած կը լինէին յուրիսի սկիզբները, ջրարբիները՝ հաղիւ այդ ամսու վերջը, որով այդ ամսու ընթացքին գիւղացին դաշտի վրայ էր: Գերանդիի եւ մանգաղի փայլուն պողպատը երբեմն արեւի ճառագայթներու տակ ինկած, արծաթի նման կը փայլէր:

— Ծօ, հըլէ ճըղարէ մը պլլենք,— առաջարկեց Առիւծ Գեւօն, որուն դէմքը խոր բաւականութիւն մը կ'արտայայտէր:

Սիկարէթին ծովիւր ազահութեամբ ներս քաշելով, Առիւծ Գեւօն սկաւալ պատմել թէ հին ժամանակ, ներկայի Խաստուր փոքր գիւղը մեծ աւան մըն էր բազմահար բնակիչներով: Այդ տեսութեան իբր ապացոյց, կը ցուցնէր զարմանալիօրէն ընդարձակ գերեզմանատու-

նը, որու նմանը գոյութիւն չունէր ամբողջ Ալաշկերտի մէջ եւ այն բազմաթիւ աւերակներու հետքերը, որոնց կարելի էր հանդիպել ամէն քայլափոխի: Դեռ երկու տասնեակ տարիներ առաջ գիւղի կեդրոնը կը գտնուէր լայնանիստ աւերակ մը, որոչ մասերով դեռ կանգուն վիճակի մէջ, որ Խանուսի քէօշ անունով կը կոչէին տեղացիք:

— Ուսուս Օսմանլուի կռուէն առաջ,— կը պատմէր Առիւծ Գեւօն,— երբ մեր դեղի երիտասարդները ամէն տարի Շէրեան լեռը կը բարձրանային մեր դաշտի ջրանցքը մաքրելու համար, հազար երիտասարդ կ'եղնէինք. երնէ՛կ էն օրերուն. տահուլ զուրնէն մէկ կողմէն կը զարկէր, մենք համ' կը պարէինք, համ' կ'աշխատէինք: Հին սովորութիւն էր, որ աշխատանքը վերջացնելով հաւաքուէինք Ռամկան գեղը, հացատէր Մելոյի տանը: Ծօ, տուն որ կ'ըսիմ, դուն հասկցիր հազար բարիքով օճախ մը, աղաքներով, թոռներով լեցուն, տասնմէկ օրօրոց կը շրջաշար թունրատան մէկ կուշտը. ոչխարին հաշիւը չի կար, չորս գութնի գոմէջ ու եզ դուրս կ'ելլային ախոռէն, ա'լ բան չըսիմ սեւատաւարի մասին: Հազար երիտասարդի համար ճաշ կը պատրաստուէր Մելոյի տան մէջ: Հարսերը մեղուններու նման կ'աշխատէին, էլ ի'նչ ըսես որ չի կար սեղանի վրայ, Հայր Աբրահամի օրհնութիւնը կար վեր Մելոյի տան: Մեր Ալաշկերտու տուն աւերաւ Ուսուս-Օսմանլու կռուի տարին: Ես ըսեմ երկու հազար, դուն ըսէ երեք հազար տուն ռսերաց հետ քառուեցան սինոռի էն կողմը: Մեր Խաստուրայ լէ շատ տուն դնաց, էն ժամանակ իրց թոփրաք Գալէն մեծ քաղաք մ'էր Խաստուրը, հիմա պղտիկցեր, ճանկիս մէջ կը ժողկիմ: Հա', թոփրաք Գալէ որ կ'ասեն, էդ մեր հայ թաղաւորաց քաղաք էր, անունն լէ Վաղարշակերտ էր:

էս օր լէ մեր թաղաւորաց բերդեր կը մնան, աւերուած եկեղեցիներ, վանքեր, էլ ո'ր մէկն ասեմ:

Նոր սիկարէթ մըն ալ պլեց Առիւծ Գեւօն, ա'խ մը քաշեց ու թոփալ Սատանայի ուսին զարնելով շարունակեց:

— Մեր Խաստուր լէ մեծ քաղաք էր, էսոր տարիքը մինչեւ Նոյ Նահապետը կը հասնի: Սուրբ Վարդան զօրավարն լէ մեր Խաստուր եկած է, հոռոմներու երկիրը անցած ատեն: Հայ անմխարան նախարարներէն քէն ըրած, կ'ասէ. «մեղք ձեր ի դլուխ ձեր». իր մարդոցմով կուգայ մեր Խաստուրայ քաղաք: Հոս կը մնայ քանի մը օր: Մէկ լէ նախարարներ առանց գլխի մնացած, կը հասնին յետ Սուրբ Վարդանի, ձեռք ոտք կը պաշեն, մեղայի կուգան, նոր վեր խաչ աւետարանի երդում կուտան, նորէն սէր միութիւնը կ'եղնի մէջերնին: Սուրբ Վարդան լէ հայոց զօրքի դլուխ կ'անցնի, կ'երթայ վեր Աճմու բանակին: Ա'խ, անօրէն Վասակ, մէրդ քու տեղ քար բերէր աշխարհ:

Երկար ատեն լուցին երկու ընկերները: Արեւը արդէն կարդին բարձրացեր էր: Դաշտին մէջ հնձուորներու շարանները յառաջ կը շարժէին ոսկեգոյն արտերը հընձելով: Հնձուորներու ետեւէն կը հասնէին խուրձ կապողները:

— Օ'Փ, ծօ թոփալ, ի'նչ անուշ բան է էս կեանքը: Հէ'յ, հէ'յ, ատեն մը մեր արտերուն մէջ լէ քառսուն հնձուոր գերանդի կը շարժէր: Մեր տունը իմալ որ վանքի տուն եղնէր, մեր սեղան միշտ փռուկ էր, տասը կ'երթար քսանը կուգար, էլ թուրք, էլ քիւրտ, հարցնողը ո'վ, կ'ուտէին, կը կշտանային, բերան մ'ալ օրհնութիւն կուտային: Քարուանսարի պէս մեր տան դռները ցերեկ-գիշեր բաց էին: Թոփալ, էն ատեն մեր տան մէջ Հայր Աբրահամու պէրէքէթը կար:

Թոփալ Սատանան թէեւ չպատասխանեց, բայց այնպիսի նշանակալից հայեացք մը նետեց ընկերոջ դէմքին, որ հաղար խօսքի արժէք ունէր: Գեւօն հասկեցաւ անոր միտքը ու քիչ մը հեղնական ժպիտով, ըսաւ.

— Ծօ անհաւատ, ծօ կուսպա՛լտ, նորէն կ'եղնի, ուղտի կաշին որքան թեթեւ՝ նորէն էշու մը բեռ կ'եղնի, հասկեցա՞ր, ես քէ կ'ըսեմ, քու յոյս դիր վեր Առիւծ Գեւոյին: Հէ՛յ, հէ՛յ, ինչեր պիտի եղնին: Ծօ նայէ է՛ն կողմը, ուռու բարտի ծառերաց մէջ էն ջաղացքն լէ իմն է: Երկու աչքէ ջաղացք ի, ողորմածիկ հերս էնոր քարերը նախիջեւանու կողմերաց բերել տուած է, Պաստուրայ ջաղացքներու մէջ էնոր հատը չի կայ:

— Ո՞վ կ'աշխատցնէ էդ ջաղացքը:

— Ծօ, էդ լէ դարթեր է Հասան աղէն. կ'ուղես հիմա երթամ ջաղացք ձեռացը կ'առնիմ. բայց Թոփալ, ես լէ իմ հաշիւ ունիմ, ես Առիւծ Գեւօ չեղնիմ, թէ էդ Հասան աղին աչք չըրցնեմ, իմ հօր մալերաց տէր չեղնիմ:

— Ախպէրս, էդ իմա՞լ կ'եղնի, Գործոթէն էսդին էդ խօսք շատ լսեցի, — հակառակեցաւ Թոփալ Սատանան:

— Մէկ երկու օր լէ սապրը ըրէ, ծո՛ւռ տղայ. հալա նոր հասանք տուն... որ քիչ խելք ունենայիր, շատ բան հասկցած կ'եղնէիր...:

Կէս օրուան մօտ երկուքը վերադարձան տուն եւ Նոյեմզարի պատրաստած թանապուրով դոհացած, քաշուեցան իրենց սենեակը, ուր երկնցան կողք կողքի:

Մթնելու մօտ, երբ դաշտային աշխատանքները կը վերջանան եւ գիւղացիք կը վերադառնան գիւղ, երիտասարդները սկսան հաւաքուել Առիւծ Գեւոյի մօտ:

Սահմանադրութենէն վերջ, տարիներով Կովկաս ապատանած երիտասարդներէն շատեր վերադարձած էին Պաստուր: Կովկասի մէջ անոնց մեծամասնութիւնը յեղափոխական կուսակցութեան միացած էր: Բնականաբար Կովկասի համեմատաբար աղատ պայմաններու մէջ

անոնք աւելի յանդուգն, ձեռներէց եւ աղաբէկերու առջեւ ճկելու ունակութենէն ազատուած էին: Շատ շատեր Կովկասի մէջ ծանօթ էին Առիւծ Գեւոյին եւ կամ լսած էին անոր անունը: Անոնց համար ան հուշակաւոր հայդուկ մըն էր, Կովկասի մէջ յարգուած կուռուղ մը, որու երիտասարդութեան կատարած յանդուգն արարքը, Զումշուտ բէկի սպանութիւնը, մեծապէս նպաստած էր անոր հուշակին տարածուելուն:

Բնականաբար Կովկասէն եկողները, նախ քան Առիւծ Գեւոյի դալը, համբաւած էին անոր քաջութիւնները, ամէն մէկը բան մըն ալ իր կողմէն աւելցնելով տեղական հայրենասիրութենէ մղուած: Գիւղի երիտասարդութեան համար հին Ասլանբէկը լեզենտական անուն մըն էր, թէեւ իրենցմէ ոչ ոք կը յիշէր դայն. իսկ անոր վրայ աւելցած հայդուկ Առիւծ Գեւոյի քաջագործութիւնները, այնպիսի լուսաշող պսակ մը կազմած էին անոր գլխու շուրջը, որ երիտասարդութիւնը սիրով հպատակեցաւ անոր հեղինակութեան, դայն համարելով Պաստուրի եւ շրջանի յեղափոխական ղեկավարը: Երիտասարդութիւնը կը հաւաքուէր Առիւծ Գեւոյի մօտ լսելու անոր բերնէն հայդուկային կռիւներու մասին, կամ մօտիկ ընելու անոր նշանաւոր ճառերը, որոնց համբաւը հասած էր Պաստուր: Հակառակ անոնց սպասումին, Առիւծ Գեւօն ոչ թէ չէր ճառեր, այլ հազիւ կը խօսէր գիւղի գլխուն անցած տարիներու պատահած դէպքերու մասին: Ու այդքանով կը դոհանար:

Ինչպէս ամէն գիւղի մէջ, Պաստուրն ալ, մանաւանդ Առիւծ Գեւոյի դալէն վերջ, երկու հակընդդէմ թայֆաներու բաժնուեցաւ: Երիտասարդութիւն, բազմաթիւ ընտանիքներ, որոնք Ռէս Գեւոյի բարեկամները եղած էին, բռնեցին Առիւծ Գեւոյի կողմը, իսկ մի քանի ունեւոր ընտանիքներ, քահանան եւ Ռէս Յակոբը՝ Հասան աղային կրթնելով հակառակ դիրք բռնեցին: Բոլորի համար ալ

պարզ էր, թէ վերջ ի վերջոյ Առիւծ Գեւօն եւ Հասան աղան պիտի բռնուին իրարու հետ :

Հաղիւ թէ երիտասարդները հաւաքուած էին, երբ քահանան եւ Ռէս Յակոբը ներս մտան ու տեղաւորուեցան Գեւոյի երկու կողմը : Այդ երկուքն ալ սիրուած մարդիկ չէին գիւղին մէջ : Քահանան անողնայար մարդ մըն էր, աւելի խեղճ՝ քան չար մարդ մը, որուն գլխաւոր պահասութիւնն էր մեծերու առջեւ ծովի կամ ինչպէս ժողովուրդը կ'ըսէ, ուժեղի գունայտի պարել : Ծուքէն վախցող, երկու կը մտածէր մէկ քայլ առնելու համար : Անոր գլխաւոր խորհրդատուն Հասան աղան էր :

Սահմանադրութեան հռչակումն ալ չկրցաւ ներշնչել անոր հոգեկան արիութիւն : Այն մարդը մնաց ինչ որ էր Համիտեան ռէժիմի օրով : Գիւղի կիները, սակայն, կը սիրէին զայն որպէս լաւ պատարագիչ եւ շարական երգող : Թէկուզ Խաստուրի նման գիւղի մը մէջ, կինը որոշ ազդեցութիւն մը ունի, երբ հարցը կը դառնայ եկեղեցիի եւ տէրտէրի շուրջ :

Ռէս Յակոբը բոլորովին տարբեր տիպ մըն էր : Աղքատութենէ առաջ եկած, ուժեղ կամքի տէր, խորամանկ եւ ազահ մարդ մըն էր : Ռէս Յակոբը ձեռք ձեռքի տուած Հասան աղայի հետ, գիւղի մէջ կտրածը կտրած, կապածը կապած էր : Համիտեան ռէժիմին ամէնքը կը դողային անորմէ : Կովկասէն վերադարձող շատ մը փախստականներէ սպառնալիքով կաշառք վերցուցած էր, որպէս թէ կառավարութեան մեծերու բերանը անուշցնելու համար : Սահմանադրութեան հռչակումէն վերջ, գիւղացիներու մեծամասնութիւնը միացած, հանրադրութեամբ մը գիւմից Թոփրագ Գալէ, զայն ռէսի պաշտօնէն քշելու համար : Ողջ լինի Հասան աղան, որուն եւ քերտ բէկերու ազդեցութեամբ ընթացք չստացաւ գիւղացիներու խնդի-

րը : Ռէս Յակոբը ինը տարիէ ի վեր գիւղի Ռէսն էր, եւ պիտի մնար որքան ատեն որ ուզէր Հասան աղան :

Երբ քահանան ու Ռէս Յակոբը ներս մտան, խօսակցութիւնը յանկարծ դադրեցաւ : Քահանան ծուրով Առիւծ Գեւոյի ահանջին փախաց . «կարեւոր խօսակցութեան համար եկած ենք կուշտդ, կ'ուզենք առանձին տեսնուիլ հետդ» : Առիւծ Գեւոյի ձեռքի շարժումին վրայ երիտասարդները հեռացան սենեակէն, բացի Թոփալ Մատանայէն : Քահանան դառնալով Ռէս Յակոբին ըսաւ .

— Ռէս Յակոբ, հիմա ինչո՞ւ համար որ եկանք, ըսէ՛ Ասլան բէկին :

Երկար ու մանուածապատ յառաջարանէ մը վերջ, Ռէս Յակոբը խօսքը բերաւ հասցուց Զումշուտ բէկի սպանութեան յաջորդող դէպքերուն : Որպէս սրտցաւ համագիւղացի մը, պատմեց այդ դէպքէն վերջ Ռէս Գեւոյի տան հետ պատահած դժբախտութիւնները, նահապետական օճախի աւերումը :

— Ծէրեան գետի մէկէլ ամին դտնուած բոլոր հողերը զարտեցին Թոփրագ Գալէ նստող բէկերը, իսկ Բրճոյի Կէտուկի շուրջ դտնուող ձեր հայլախները գրաւեց Ռաշիտ պէկը : Մինչեւ էս օր լէ անոր տղուն, Մուսթաֆա բէկի ձեռքն են այդ հայլախները : Ձեր մալերը այդ ժամանակ Բրճոյի Կէտուկի շուրջը կը դտնուէին : Ռաշիտ բէկ իր ղօլամներ զրկեց որ ձեր ոչխարները խառնեն իր հօտերուն . էդ ժամանակ Տէրվիչ աղէն վրայ հասաւ, շատ խօսք-խորթա եղաւ, քիչ մնաց արիւն թափուէր : Ռաշիտ բէկի մարդիկը երեք հարիւր գլուխ ոչխար ձգեցին Տէրվիչ աղուն, իսկ մնացած ութ հարիւրը իրենք քշեցին տարին : Ասլան բէկ, բոլորս ալ մահկանացու ենք, օր մը Աստու դատաստանին առջեւ ջուղապ պիտի տանք . շիտակ գուրցելը լաւ բան է, Տէրվիչ աղէն որ ձեր մալին երեք հարիւրը քշեց, էդ արեց որ Փրդունան

անցնելէ վերջը ոչխարները հալալ տիրոջը յանձնէ, էն-
պէս չէ՞, տէրտէր :

— Հա՛, Աստուած գիտէ որ դորդ կ'ըսես, — համա-
ձայնեցաւ քահանան :

— Ասլան բէկիս ասեմ, — շարունակեց Ռէս Յակո-
բը, — Տէրվիչ աղէն կ'ուզէր լաւութիւն անէր ձեր տանը :
Ատկէ վերջ, լուս իջնայ վեր Ռէս Գեւոյի գերեզմանին,
հերդ կեանքը քեզ իաշխեց : Ո՞վ չգիտայ, դուն գինաս,
ողորմած ախպէրդ ոնց որ կնիկմարդ եղնէր, մալին միւլ-
քին տիրութիւն չէր կրնայ ընել : Ձեր մալ միւլք լէ, փառք
Աստծու, շատ ու շատ էր : Ինչ տարան քրտերը տարան,
մնացած հողերը երկու տան բաւական էր :

Առիւծ Գեւոն աչքերը փսիաթի մաշած կէտին յա-
ռած, առանց շարժելու, առանց խօսելու, քարացածի
նման մտիկ կ'ընէր : Թոփալ Մատանան երկար տարիներ
ապրած ընկերով հետ կը դգար որ շուտով փոթորիկը պի-
տի փրթի : Կը դարմանար միայն որ Առիւծ Գեւոն ա՛յդ-
քան կրնար համբերել :

— Ասլան բէկ, — շարունակեց Ռէս Յակոբը, — դու
լաւ գիտնաս, որ քո ախպէր, Սարգիսը, գեղի բոլոր
մնացած արտերուն լէ չըր կրնէ հասնի, ախոռ դարտակ,
մշակնե չկային : Տէրվիչ աղի հէր Օսման աղէն, ձեր
տան բարեկամն էր, ձեր աղ ու հացը կերած, ձէ շատ
լաւութիւն արած...

— Հը՞, — յանկարծ նստած տեղէն շտկուելով հար-
ցուց Առիւծ Գեւոն, — էդ ի՞նչ լաւութիւն է ըրած էդ քու
Օսման աղէն, մէկ լէ գէդ ըսէ :

— Յորի՞ կը հարցուս Ասլան բէկ, դու աւելի լաւ գի-
նաս խըց գիս : Ուռուս Օսմանը կուրի տարին ձեր տան
հարստութիւն, ձեր մալ ի՞նչ կ'եղնէր, եթէ Օսման աղէն
իր տուն չի տանէր, եթէ տիրութիւն չանէր : Մի՞տդ է,
ոնց քրտեր ու օսմանը ասկէր թափեցան վեր Ալաշկեր-
տու գիւղերաց, հայ գիւղեր աւերեցին, շատ լէ մարդ

սպաննան : Յորի՞ մոռնալ Օսման աղի ըրած բարութիւն :
էս ըսածս ողորդ չէ՞ :

Առիւծ Գեւոյի դէմքը ճակնդեղի նման կարմրած էր,
վզի երակները մատնաչափ մը ուռած, կարծես պիտի
պայթէին, բայց ճիգով մը ինքզինք պահեց եւ որպէս թէ
հանդարտօրէն հարցուց, թէ եւ ձայնը կը դողար :

— Հա՛, ողորդ կ'ըսես Ռէս Յակոբ, գինա՞ս թէ էդ
լաւութիւն ինչո՞ւ ըրաւ Օսման աղէն :

— Խաստուրայ աղէն էր Օսման աղէն, ձեր տունն լէ
հացով, անունով տուն, սաղ Ալաշկերտու մէջ նմանը
չկէր, Ռէս Գեւոն լէ ոնց որ փաշա, խաթրով մարդ, Օս-
ման աղէն լէ տէր կանգնաւ էնոր :

— Հէ՛յ, հէ՛յ Ռէս Յակոբ, պլալան լեզուդ երկար
է, միտքդ կարծ : Հիմա ահանջ տուր իմ խօսքերուս : Ո-
ղորդ է ըսածդ, մեր տան մալ Օսման իր տուն տարաւ,
մեր ոչխրներու հօտեր իր մարդիկ զրկեց տէր կանգնաւ :
Յորի՞, Ռէս Յակոբ, յորի՞ մէկալ գեղացոց մալ, միւլք
տարան քրտեր, գեղի մէջ շատ հայեր սպանուան, յորի՞
Օսման աղէդ մատ մատի չկպուց : Յորի՞ Օսման աղէդ Ռէս
Գեւոյի տան բարութիւն ըրաւ, որ չես գիտնայ, ահանջ
տուր, ես քեզի ըսիմ : Իմ հէր, Ռէս Գեւոն, որու առաջն
քու Օսմանը իմալ որ հասարակ զօլամ եղնէր, բայց Օսման
քիւրտ էր և շունը շան միս չ'ուտեր . հէրս կանչեց զՕսման
իր կուշտ, գերեք հարիւր օսմանը ոսկի դրաւ ուր ափին
մէջ . Օսման լէ մեր սեւատաւար, մեր տան պղինձ, խալ-
չէք իր տուն ճամբեց : Մեր ոչխարաց հօտն լէ եայլախը կը
գտնուէր, Օսման իր քրտերով անոնց լէ տիրութիւն պի-
տի ընէր : Երբ խաղաղութիւն եկաւ վեր մեր երկրին, էդ
Օսման մեր ոչխրներուն կէս լէ, հազար ոչխար, պահեց
իր բաժին . գէջ օրեր էին, հէրս բան չկրցաւ ընել : Հիմա
հասկցա՞ր Ռէս Յակոբ, յորի՞ էդ քու Օսման աղէն էդ
լաւութիւն ըրաւ Ռէս Գեւոյի տան : Հիմա ես լէ բան

անցնելէ վերջը ոչխարները հալալ տիրոջը յանձնէ, էն-
պէս չէ՞, տէրտէր:

— Հա՛, Աստուած գիտէ որ դորդ կ'ըսես, — համա-
ձայնեցաւ քահանան:

— Ասլան բէկիս ասեմ, — շարունակեց Ռէս Յակո-
բը, — Տէրվիչ աղէն կ'ուզէր լաւութիւն անէր ձեր տանը:
Ատկէ վերջ, լուս իջնայ վեր Ռէս Գեւոյի գերեզմանին,
հերդ կեանքը քեզ ըաշխեց: Ո՞վ չգիտայ, դուն գինաս,
ողորմած ախպէրդ ոնց որ կնիկմարդ եղնէր, մալին միւլ-
քին տիրութիւն չէր կրնայ ընել: Ձեր մալ միւլք լէ, փառք
Աստծու, շատ ու շատ էր: Ինչ տարան քրտերը տարան,
մնացած հողերը երկու տան բաւական էր:

Առիւծ Գեւոն աչքերը փախաթի մաշած կէտին յա-
ռած, առանց շարժելու, առանց խօսելու, քարացածի
նման մտիկ կ'ընէր: Թոփալ Սատանան երկար տարիներ
ապրած ընկերոջ հետ կը զգար որ շուտով փոթորիկը պի-
տի փրթի: Կը զարմանար միայն որ Առիւծ Գեւոն ա՛յդ-
քան կրնար համբերել:

— Ասլան բէկ, — շարունակեց Ռէս Յակոբը, — դու
լաւ գիտնաս, որ քո ախրէր, Սարգիսը, գեղի բոլոր
մնացած արտերուն լէ չըր կրնէ հասնի, ախոռ դարտակ,
մշակնե չկային: Տէրվիչ աղի հէր Օսման աղէն, ձեր
տան բարեկամն էր, ձեր աղ ու հացը կերած, ձէ շատ
լաւութիւն արած...

— Հը՞, — յանկարծ նստած տեղէն շտկուելով հար-
ցուց Առիւծ Գեւոն, — էդ ի՞նչ լաւութիւն է ըրած էդ քու
Օսման աղէն, մէկ լէ դէդ ըսէ:

— Յորի՞ կը հարցուս Ասլան բէկ, դու աւելի լաւ գի-
տնաս խըց գիս: Ուռուս Օսմանլու կոռուի տարին ձեր տան
հարստութիւն, ձեր մալ ի՞նչ կ'եղնէր, եթէ Օսման աղէն
իր տուն չի տանէր, եթէ տիրութիւն չանէր: Մի՞տդ է,
ոնց քրտեր ու օսմանլու ասկէր թափեցան վեր Ալաշկեր-
տու գիւղերաց, հայ գիւղեր աւերեցին, շատ լէ մարդ

սպաննան: Յորի՞ մոռնալ Օսման աղի ըրած բարութիւն:
էս ըսածս ողորդ չէ՞:

Առիւծ Գեւոյի դէմքը ճակնդեղի նման կարմրած էր,
վրի երակները մատնաչափ մը ուռած, կարծես պիտի
պայթէին, բայց ճիւղով մը ինքզինք պահեց եւ որպէս թէ
հանդարտօրէն հարցուց, թէ եւ ձայնը կը դողար:

— Հա՛, ողորդ կ'ըսիս Ռէս Յակոբ, գինա՞ս թէ էդ
լաւութիւն ինչո՞ւ ըրաւ Օսման աղէն:

— Խաստուրայ աղէն էր Օսման աղէն, ձեր տունն լէ
հացով, անունով տուն, սաղ Ալաշկերտու մէջ նմանը
չկէր, Ռէս Գեւոն լէ ոնց որ փաշա, խաթրով մարդ, Օս-
ման աղէն լէ տէր կանգնաւ էնոր:

— Հէ՛յ, հէ՛յ Ռէս Յակոբ, պլպլան լեզուդ երկար
է, միտքդ կարծ: Հիմա ահանջ տուր իմ խօսքերուս: Ո-
ղորդ է ըսածդ, մեր տան մալ Օսման իր տուն տարաւ,
մեր ոչխարներու հօտեր իր մարդիկ դրկեց տէր կանգնաւ:
Յորի՞, Ռէս Յակոբ, յորի՞ մէկալ դեղացոց մալ, միւլք
տարան քրտեր, գեղի մէջ շատ հայեր սպանուան, յորի՞
Օսման աղէդ մատ մատի չկպուց: Յորի՞ Օսման աղէդ Ռէս
Գեւոյի տան բարութիւն ըրաւ, որ չես գիտնայ, ահանջ
տուր, ես քեզի ըսիմ: Իմ հէր, Ռէս Գեւոն, որու առաջն
քու Օսմանը իմալ որ հասարակ դօլամ եղնէր, բայց Օսման
քիւրտ էր և շունը շան միս չ'ուտեր. հէրս կանչեց զՕսման
իր կուշտ, գերեք հարիւր օսմանլու ոսկի դրաւ ուր ափին
մէջ. Օսման լէ մեր սեւատաւար, մեր տան պղինձ, խալ-
չէք իր տուն ճամբեց: Մեր ոչխարաց հօտն լէ եայլախը կը
գտնուէր, Օսման իր քրտերով անոնց լէ տիրութիւն պի-
տի ընէր: Երբ խաղաղութիւն եկաւ վեր մեր երկրին, էդ
Օսման մեր ոչխարներուն կէս լէ, հազար ոչխար, պահեց
իր բաժին. գէշ օրեր էին, հէրս բան չկրցաւ ընել: Հիմա
հասկցա՞ր Ռէս Յակոբ, յորի՞ էդ քու Օսման աղէն էդ
լաւութիւն ըրաւ Ռէս Գեւոյի տան: Հիմա ես լէ բան

հարցնեմ, դու պատասխան տուր, գեղի Ռէսն ես, կը գիտնաս: Մեր հողերու թափուն վի՞ր անունով ի:

— Էդ լէ հարցնելո՞ւ բան ի Սսլան բէկ, քու հօր, Ռէս Գեւոյի անունով:

— Հա, էդ որ էդպէս է, էդ իմա՞լ մեր գեղի աղէն մեր հողերը զապտեց:

— Յորի՞ գէդ բան կ'ըսես Ասլան բէկ, դու լաւ գիտնաս որ Շերեանայ էնդին եղած ձեր հողեր, Թոփրաք Գալէի բէկեր զապտեցին, մեր աղէն թիզ մը լէ հող չունի էն կողմ:

— Էս էդ բան լաւ գիտնամ, Ռէս Յակոբ, իմ խօսք Շերեանի երկու ճղերու արէն ինկած հողերաց մասին է: Դուն լէ կ'իմանաս տէրտէր, մեր մեծ արտ, էն որու գէզեր էրուեցին առջի գիշեր, մեր վերի անջրդի արտ, մէկ լէ ջաղաքքի արտ, որ մեծ խըց երկու արտ մէկտեղ, էն ըսէ գէս արտերուն ո՞վ տիրութիւն կ'անէ:

— Էդ տիւզ կ'ասես Ասլան բէկ, Օսման աղէն տիրութիւն ըրաւ էտ արտերուն. որ մեռաւ Տէրվիշ աղէն բանեցուց գէդ արտեր, էն լէ որ սպաննուաւ, Հասան աղէն տիրութիւն կ'ընէ. քու Սարգիս ախպեր, դու գիտնաս, խեղճ մարդ, մէկ երկու կտոր հողով լէ խտարէ կ'ընէր: Դու որ եկար, փա՛ռք Աստուծու, Հասան աղէն լէ, մենք լէ ուրախ ենք: Էն օր Հասան աղէն իր մօտ կանչեց գտէրտէր եւ զիս, ըսաւ. «բարեւ արէք Ասլան բէկին, իր հալալ մալ իրան եղնի»:

— Ռէս Յակոբ, Ռէս Յակոբ, էդ քո Հասան զիմ միւլք չի կրնայ պահէ՛, էդ իմն, իմն ու իմն է: Դու էն ըսէ՛, էդ հողերու քօջան վեր մեր տան վրէն գրո՞ւկ է:

— Հա՛, էտմալ է:

— Բա, Ռէս Յակոբ, գէդ հողերու հուզմաթի տուրք ո՞վ կի տայ:

Անսպասելի հարցումը շփոթեց երկուքն ալ, սենեա-

կին մէջ տիրեց քար լուծիւն մը: Ինչպէ՞ս կրնային պատասխանել այդ հարցումին: Ռէս Յակոբը զգալով այդ հարցումի ներքին իմաստը, յանցաւորի նման գլուխը կախեց, չիշխելով շիտկէ շիտակ Առիւծ Գեւոյին նայել, խի քահանան, տէր ողորմեան կը քաշէր, որպէս թէ բոլորովին անգիտակ: Առիւծ Գեւոյի դէմքին թանձր կարմիրը գորշ կապտաւունի փոխուեր էր, ինչպէս կախաղանէն վար առնուած մէկու մը դէմքը, ինքզինք զապտու համար ձեռքերը կը տրորէր, մինչ կուրծքը փքոցի նման կ'ընէր ու կ'իջնար, ծանր հեւքով մը:

— Հը, ինչի՞ չես խօսար,— բառերը դժուարութեամբ արտասանելով շարունակեց Առիւծ Գեւոն,— պլպլան լեզուդ փո՞րդ ինկաւ Ռէս Յակոբ, չես խօսար, հալբաթ չես խօսար, դու մեր գեղի աղառէսը, հալբաթ գիտնաս, որ էդ հողերու տուրք մեր միաջուր Նոյեմզար, ճժերու բերնէն կտրելով կի տար որ Հասան աղէն էդ հողեր վարէ, ցանէ, քաղէ, իմալ որ իր ճակտին գրուկ միւլք եղնէին էնոնք:

— Ինչ եղնի չեղնի, Ասլան բէկ, դու գիտնաս որ Հասան աղէն մեր գեղի բէկն է,— ամբողջ արիութիւնը հաւաքելով պատասխանեց Ռէս Յակոբը,— որ էն լէ էդ հողերուց չօգտուէր՝ պարապ պիտի մնային, նորէն տուրք Նոյեմզար պիտի տար, մէկ լէ էն կայ որ Հասան աղէն մեր գեղի բէկը...:

Բայց Ռէս Յակոբը չկրցաւ լրացնել սկսած նախադասութիւնը: Առիւծ Գեւոն ոտքի չուստը հանելով անոր կրունկը թափով իջեցուց Ռէս Յակոբի բերնին: Երբ վերջինս կը փորձէր ոտքի ելնել, Առիւծ Գեւոն ուժով անոր թեւը բռնած վար քաշեց եւ Ռէսը ինկաւ գետին, գլուխը պատին զարնելով: Քահանան վախվխելով ուզեց բարձրանալ եւ սենեակէն փախիլ, բայց Առիւծ Գեւոյի աչքերու ոլորումը զայն տեղը նստեցուց: Թոփալ Սատանան

քիչ մը հեռու նստած, բարձրաձայն կը ծիծաղէր, կուշտերը բռնած: Այդ երկու օրը Առիւծ Գեւօն խեղճացեր, կնիկմարդ էր դարձեր Թոփալի դատողութեամբ եւ յուսախարուած էր շատ: Թոփալը, կեանքի նեղութիւններուն վարժ, Գեւոյի տան աղքատութենէն չէր վհատած այնքան, որքան Առիւծ Գեւոյի երեւոյթական խեղճութենէն: Ու ահա յանկարծ կը բռնկէր հին օրերու նման, իր թանկագին ընկերը:

— Ծօ շան զաւակ, — դոռաց Առիւծ Գեւօն Ռէսի թեւը տեղահան ընկելու չափ թօթուելով, — ծօ քրտու քոսոտ շուն, ծօ կայէն, վալլահ քեզ կտոր կտոր կ'էնիմ, ամենէն մեծ կտորդ ականջդ կ'եղնի: Ես նոր մեր գեղ հասայ, բայց դքու ըրածներ շատ լաւ գինամ, ծօ անհաւատ, ազդուրաց շուն, էս ութ-տաս տարին դուն էրեցիր, թալլեցիր մեր Խաստուրայ ժողովուրդ, անիրաւ վաստակով եղտեցար, էդ շան Հասան աղին հետ ձեռք ձեռքի տուած քամեցիր մեր աղիդ գեղականի արին: Ծօ էդ ո՞վ ի Խաստուրայ աղէն, Հասանը: Յորի՞, տէրտէ՛ր, չես խօսար յորի՞ պապանձեցար, դու չե՞ս գինայ գետոնց պատմութիւն: Հա՛, Հասան աղէն քէօ բարեկամն ի, հեռու կարգէդ, անհաւատ շան բարեկամ ես դարձեր, տէրտէ՛ր: Որ դո՛ւ չես սսէ, ե՛ս պատմեմ: Մոլլա Միւլէյմանի գեղուն հօտաղ մը կէր, անոր անուն Քաչալ Օսման էր: Պատերազմէն երկու տարի առաջ էդ Քաչալ Օսման հօրս ոտք ձեռք ինկաւ, տան տեղ մը առաւ գեղի մէջ, ինք լէ մեր տան մշակութիւն կ'անէր: Վրայ հասաւ Ուոու-Օսման-լու պատերազմը: Աշխարհ իրար անցաւ: Շէյխ Ջէլալէտ-տինու քրդեր զԱղբակ աւերեցին, զԹիմարայ շրջան աւերեցին, հասան Ալաշկերտու դաշտ: Գեղ գեղական արուն արցունք թափեց: Մեր անօթի քրդերուց շատեր մալ միւլքի տէր դարձան: Քաչալ Օսման լէ, քու ըսածի պէս, մեր ըրած բարութեան փոխարէն հարստացաւ, մարդու

կարդ անցաւ: Մեր ժողովուրդ էնոր քաչալը մոռցած, Օսման աղա կանչեց: Բայց էն մեր գեղի աղէն չեղաւ, քանի որ ջ էր Ռէս Գեւօն: Մեր պապենական տուն անտիրական մնաց, Քաչալ Օսմանը մէկ օրէն մէկէլը Օսման աղա եղաւ, գեղի տէրը: Անորմէ վերջ տղէն, Տէրվիշը, աղայութիւն ըրաւ. հիմա լէ էդ թղաչափ Հասանը, որ Ռէս Գեւոյի տան մշակ չէր կրնէ էղնի, դարձեր է մեր Խաստուրայ Հասան աղէն, մեր բէկը...:

— Որդի՛, — միջամտեց քահանան, որ մինչ այդ բերանը չէր բացած, — Օսմանլուի երկրին մէջ կ'ապրինք, աշխարհի օրէնքը հրմլայ է, հիմա Քաչալ Օսմանի տղան Խաստուրայ աղայ է, բէկ է. մեր աւետարան լէ կ'ասի. «Տուք զկայսերն կայսեր եւ զԱստուծոյն Աստուծոյ»:

— Աշխարհի օրէնքն էտմա՞լ է, հա՞ տէրտէր, էտմա՞լ է, ես Մեղիք Ասլան բէկի թոռ, պորտէ պորտ արիւնով թոռուն, էս օր քէլ Օսմանի լամուկ Հասանը իմ գլխին նստի, — ու յանկարծ դառնալով Ռէս Յակոբի կողմը, — Ծօ շուն, էդ իմալ, տան գլուխ մէկ չափ ցորնի տեղ, մեր գեղական երեք կիտայ Հասան աղիդ, իմա՞լ եղաւ որ հարիւր բարդ խտտէն չորսի տեղ ութ բարդ կի տան. ծօ՛, տարին տան գլուխ մէկ մարդ կ'աշխատէր հինգ օր աղէի համար, էդ իմա՞լ հինգ օրը տասնմէկ եղաւ. ըսէ՛ տեսնեմ, դաւաճան հայ, էսոնք քու մարիֆէթներդ չե՞ն, էդ ցորենու եւ խոտի մէկ մաս քու առջին չի՞ նետեր քու Հասան աղէն, իմալ որ իր շներուն ոսկոր կը նետէ: Ծօ շուն, դուն էն մարդը չե՞ս որ Խաստուրայ կուրին...:

— Ծրանկ Յովսէփն էր տղաներու տեղը մատնողը, — սարսափած պոռաց Ռէսը, — վալլահ ես չէի...:

— Ծօ շուն, Ծրանկ Յովսէփը ո՞ւր մարդն էր, գիշեր ցերեկ քեզի հետ կ'եղնէր կը նստէր, — շարունակեց անողորմ Առիւծ Գեւօն, մինչ Ռէսը ճակտին մարգրիտի նման շարուած պաղ քրտինքը կը սրբէր, — հէյ Ռէս Յակոբ,

Ռէս Յակոբ, քու հեր, քու մեր, Աստուած ողորմի էնոնց հողուն, իրենց գերեզմանի ծանր քար, գեղականի ա- նէժքով դժոխքի բայ եղան: Մեր գիւղ քանդեցիր, աղ- քատ գեղական ոտքի տակ առիր, որ քու տուն փառաւոր- ուի, հարամ մալով լեցուի: Անաստուած մարդ, աղքատ գեղականի հացը ձեռքէն խլեցիր, քու ամբարները լեցու- ցիր, մէկ լէ Հասան աղայիդ: Յորի՞ սուտ լաց կ'եղնիս Ռէս Գեւոյի տան համար, մեր տան անուն, մեր տան պատիւ շա՞տ կը պահէիր, յորի՞ էս տաս տարուան մէջ ոտքդ չըրիր էս տան սեմէն ներս: Իդ իմա՞լ եղաւ մեր տան ճամբէն չմոռցար, երէկ էսօր էստեղ կի դաս: Հալ- բաթ կուգաս, հիմա Առիւծ Գեւոն փառք Աստուծու սաղ սալամաթ տուն եկաւ, տուչմաներու աչք պիտի հանի, վեր իր միւլքերուն տիրութիւն պիտի անի, բարեկամին բարեկամ, դուշանին հողէառ դուշման պիտի եղնի: Էս բան Հասան աղէդ լէ, դու լաւ լաւ գինաք: Էս խօսքեր մէկ կողմ մնան: Յորի՞ դքեղի եւ զտէրտէր ճամբեր է Հասան աղէդ. իմ հօրենական հողե՞ր ետ պիտի տայ, շնորհա- կալ եմ, պալքի ջաղացս լէ ետ տայ, աւելօք շնորհակալ եմ, պալքի ձիկ լէ իր ղօլամներիաց մէջ առնու, երկրաց մինչեւ ի երկինք շնորհակալ եմ: Էլ բան ունի՞ք ասելիք, չէ՛: Միտք կ'անէք, էսքան բարիք, էսքան լաւութիւն թագաւորն լէ չի անի: Մելիք Ասլան բէկի թոռ, Առիւծ Գեւոն, Հասան աղին թեմաննահ կ'անի, աղի ձեռք ոտք կը պաչի, անցուկը մոռցուկ կ'եղնի: Էս չէ՞ ձեր խոր- հուրդ:

— Որդի, իմալ ասեմ, Ռէս Գեւոյի տղէն վեր մեր աչաց վեր մեր գլխին տեղ ունի. մեր ցանկութիւն, մեր աղաչանք էն է, որ մեր գեղին խաղաղութիւն եղնի, ի- մալ որ Ս. Աւետարան լէ կ'ասէ. «Մերէ զքու դրացին անձիդ պէս». էս է մեր խնդիրք: Մեր Խաստուրայ մէջ խաղաղութիւն էղնի:

— Միտքդ հասկցայ Տէր Նշան, Հիմա հասկցայ, խա- ղաղութիւն էղնի մէջ Խաստուրայ: Փառք Աստուծու խա- ղաղութիւն չէ՞: Էս առտու ընկերօջս հետ կ'երթայի մեր ջաղացք, որ երկու քսան տարի մերն է եղած, զջաղաց- պան էնպէս կը ջարդէի, որ երկու ամիս պառկէր, տե- ղացը չկրնար շարժել. հիմա տեսէք, ես խսիրի վրայ կը պառկիմ, թանապուրով դո՞հ կ'եղնիմ, մէկու մը բան ը- սի՞, զանդատեցա՞յ, իրաւունք պահանջեցի՞: Չէ՛, վալ- լահ, չէ: Հա, պալքի գիշերուան դէգերու կրակ քեզ ու Հասան աղին մտահող է ըրած: Գուք լէ գիտնաք, էդ էդպէս է, մեր Ալաշկերտու հին ատատն է: Առաջ հայե- րաց դէգեր կը վառէին, յորի՞ քրդերունը պիտի չվառի: Հը՛, հիմա սահմանադրութիւն է, որ ասել է հաւասարու- թիւն: Գրդերը հայ կը սպաննին, խեղճն լէ կը սպաննին, իշխանաւոր մարդն լէ: Յորի՞ հայն լէ դքիւրդ չսպաննէ, զլօլամ չսպաննէ, զաղա, զբէկ չսպաննէ:

Առիւծ Գեւոյի խօսքերուն տակ թագնուած սպանա- լեքը այնքան բացորոշ էր, որ Ռէսը ամքեցաւ նստած տե- ղը, իսկ քահանան, ձեռքը ոտքը դող ելած, ուղեց բարձ- րանալով սենեակէն դուրս երթալ:

— Հելէ տեղդ նիստիր, — յօնքերը կիտելով սաստեց Առիւծ Գեւոն, — հիմա իմ ըսելիքս մտիկ ըրէք: Իդ քաջալ Օսմանի տղէն Հասանը իմալ որ ջլութ մեր գեղ եկաւ, մեր տան մշակ եղաւ, էնպէս լէ կ'երթայ էս գեղէն, կամ դե- ղականի նման կը մնայ էստեղ, գեղական ո՛չ աշխատող կի տայ, ոչ ցորեն, ոչ լէ խոտ: Էնոր ըրած անիրաւու- թիւններ քիթէն բերնէն դուրս կը քաչեմ, էս խօսք ձեր մտքէն չհանէք: Էս մէ՛կ: Ռէս Յակոբ, դու գեղին վասա- կութիւն էրեցիր, ուխտութեան միւհիւր վաղ կը տանիս թասլիմ կ'անես թոփրաք Գալէի հիւրիւմաթին: Մեր գեղական նոր ուէս կ'ուղէ: Էս լէ երկուք: Բարեւ արէք ձեր Հասան աղին, ասէք էնոր, ես իմ հաչիւ իմ ձեռքով

կը մաքրեմ իր հետ: Էս լէ երեք: Տէր Նշան, քու բան լէ
էրզրումայ առաջնորդի ականջը կը հասցում: Տէ՛, հիմա
Ժիր շարժեցէք, երթաք բարով, քանի խաթա մը չէ ելած
ձեռքէս:

Աւելորդ է ըսել թէ քահանան եւ Ռէս Յակոբը թռան
տեղերնէն եւ աճապարեցին շուտով դռնէն դուրս վախ-
չիլ: Հաղիւ թէ ասոնք հեռացած էին, Թոփալ Սատանան
բարձրաձայն սկսաւ ծիծաղիլ, աչքերը արցունքով լեց-
ուած:

— Մեծ ախպէր, վալլահ մարդ քեզի հետ մնայ էս
խասիրի վրայ սրտկած, քան թէ էտ հաստավիզ աւա-
նակի տան բարիքները վայելէ: Ինչ լաւ կերցուցիր: Էդ
խեղճ տէրտէրն լէ իմալ որ աշնան չորցած տերեւ, էն-
պէս կը դողար: Հը, ի՞նչ միտք կ'անես, էդ մարդոց դա-
րու վրայոք:

— Ծօ Թոփալ, է՞դ լէ չհասկցար: Տնաչէնի տղայ,
Հասան տղէն ճամբեր է, դտէրտէր եւ դռէս, որ կեր-
պով մը իմ հետս հաշտուի, միւլքերս ինձ ետ տայ, ես
լէ մինչեւ հիմա արածներ մոռնամ, անցածը մոռցուկ եղ-
նի: Հէ՛յ, հէ՛յ, ես Առիւծ Գեւօն եղնիմ, էդ քրդու լա-
մուկ իմալ որ շան առջեւ բան մը նետէ ու ես լէ թէմէ-
նահ ընեմ:

— Բայց մէկ մը իմայիր թէ՛ էդ Հասան աղէն ի՞նչ
պիտի տայ:

— Թոփալ, դու մեր գեղականի բան չես հասկնար,
հիմա Ռէսն ու տէրտէրը աղի մօտն են, ես Առիւծ Գեւօ
չեղնիմ, թէ էս գիշեր էդ Հասան աղէն էս տեղ չգայ:
Քիչ լէ համբերէ կը տեսնես:

Առիւծ Գեւօն ճիշդ գուշակած էր: Ռէս Յակոբն ու
Տէր Նշանը շունչերնին առին Հասան աղայի մօտ որ ան-
համբեր կը սպասէր անոնց վերադարձին: Իրարու բերնէ
խօսք խլելով պատմեցին Առիւծ Գեւօյի ըսածները, բան

մըն ալ իրենց կողմէն աւելցնելով: Հասան աղան մօրու-
քը ձեռք առաւ, երկար մտմտաց, դուրս փարտեց, ախ
վախ ըրաւ: Կը զգար որ Խաստուր գիւղը, որու վրայ
Ժառանգական ոչ մէկ իրաւունք ունէր, մատներու ա-
րանքէն ահա կը սպրդէր: Արդէն Կովկասէն եկող տա-
րադիրներու պատճառով բաւական դիւստացաւնք ունե-
ցեր էր, հիմա ալ որ Ռէս Գեւօյի Ասլան բէկը եկաւ,
խնդիրը պիտի բարդանար: Հասան աղան խելօք, հեռա-
տես մարդ մը, վճռեց փոխանակ կոռուով ամէն ինչ կոր-
սընցնելու, անուշուրթեամբ քիչ վնասով ելլել մէջէն:

Երկու Ժամ վերջ Հասան աղան տէրտէրի հետ մտաւ
Առիւծ Գեւօյի մօտ: Առաջին աքլորականչին մօտ միայն
հեռացան հիւրերը: Ամէն ինչ կարգադրուած էր: Հողե-
րը այնքան տարիներ շահագործած լինելուն համար Հա-
սան աղան համաձայնեցաւ երկու հարիւր չափ ցորեն
տալ: Ջաղացքը որ հաղիւ չորս տարի բանեցուցած էր,
չորս եզով փոխարինեց: Իսկ ոչխարներու փոխարէն ե-
րեք կով իրենց հորթերով, երկու եզ, եւ մէկ մատակ
խոտտացաւ ուղարկել Առիւծ Գեւօյին. եւ որպէս թէ ա-
նոր սենեակին խեղճութիւնը տեսնելով՝ երկու գորդ եւ
տաս հատ ալ թաղիք:

Երբ երկու ընկերները առանձին մնացին, Առիւծ
Գեւօն աչք կծելով նայեցաւ Թոփալ Սատանային:

— Հը Թոփալ, հիմա ասա, երկու շաբաթէն մեր
տան մէջ հարսնիք կ'եղնի՞ թէ չ'եղնիր:

— Հա՛, կ'եղնի, — համաձայնեցաւ Թոփալ Սատա-
նան, — եթէ կարգուելու միտք ունիս...:

— Ծօ, ք... մեռելի տղայ, քեզի կ'ըսիմ:

— Գե՛ւօ, ախպէրս, ես ի՞նչ ընեմ, կարգուիմ իմա՞լ
պահեմ զիմ կին:

— Ծօ, ծուռ, ես քու ախպէր, քու ընկեր, մէկ լէ էն
կայ, որ դու մեր տան մէջ պիտի մնաս:

— Էդ իմա՞լ թէ ձեր տան մէջ կը մնամ :

— Հէ՛յ հէ՛, քու մէր չմեռնէր Թոփալ Սատանայ :
Ես աղջիկ լէ դատուկ իմ, ամէն բան լէ հազրած իմ, Սար-
դիս ախպօրս աղջիկ, Լուսիկ, տասնըութ տարին ընցեր
է, դեն պիտի առնես :

— Ախպէ՛րս, ա՛ն մատ մը աղջիկ, ես լէ քառսունը
անցուկ . . .

— Ծօ, աւարայ աւարայ մի խորադեր, Առիւծ Գեւօն
իր արած դինայ, հա, նոյնմղար լէ քրջի հաւներ է. մէկ
լէ իմ ախպէր, դու բէնճալէրութենէ կը հասկնաս, ես,
դու լէ դինաս երսուն տարի ձեռքս մաճի չեմ դարկած :

Թոփալ Սատանան հաւանութիւն արտայայտող ձե-
ւով մը դլուխը ծռեց :

Շարաթ երեկոյեան արարողութենէն ժամ մը վեր-
ջը, Ս. Աստուածածնայ վանքի եկեղեցին լեցուած էր
խոռոն բազմութեամբ : Ինչպէս ժողովուրդը կ'ըսէ, «ա-
սեղ ձգելու տեղ չի կար» հոն : Մինչեւ հեռաւոր Թոփ-
րազ Գալէէն, Սաչուէն, Երիցու դիւղէն եկած էին,
մասնաւորաբար երիտասարդները, չհաշուած մօտաւոր
դիւղերէն եկող հարիւրաւոր բազմութիւնը : Իսկ Սաստու-
րի ժողովուրդը մեծով պզտիկով ներկայ էր :

Առիւծ Գեւօն, Թոփալ Սատանան եւ տեղացի երկու
երիտասարդներ որոնք նոր վերադարձած էին Կովկաս-
սէն՝ եկեղեցի մտան ու դասի մէջ քահանաներու յատուկ
տեղը նստան : Եկեղեցիին մէջ շշուէ մըն է վրթաւ, ամէն
գլուխ դարձեր էր դէպի դասը : Առիւծ Գեւօն պահ մը
հանգստանալէ վերջ անցաւ տիրացուներու յատուկ կի-
սաչըջանին մէջ տեղը : Եկեղեցիին մէջ խօսակցութիւն,
չշուէ անմիջապէս դադրեցան :

— Իմ աղիզ ախպրտիք, — սկսաւ Առիւծ Գեւօն
յայտնապէս յուզուած, — էս օր իմ կեանքի մեծ օրն է .

երսուն տարի առաջ դաշախ դառայ, Թողի զիմ տուն,
Ալաշկերտու ոսկի դաշտ, մշակ եղայ օտարաց դռներ,
չարչրանք, նեղութիւն քաշեցի, վերջէն լէ ազդութեան
դինուոր եղայ : Շատ լէ կուրներու մէջ մտայ ելայ,
Աստուած պահեց որ մէկ լէ բաց աչքով տեսնամ զիմ
գեղ, զիմ բարեկամներ : Իմա՞լ եղաւ էս հրաչք : Կ'ասեն
սահմանադրութիւն եկաւ : Թող հրմլա եղնի : Սահմա-
նադրութիւն ո՞վ բերեց : Մեր հայու աղք, մեր ճահիլ
ճիւղան տղերանց արիւն, մեր յեղափոխութիւն բերեց ի-
տա սահմանադրութիւն :

— Ախպրտիք, էս սահմանադրութիւն որ կ'ըսեն համ
կայ համ չկայ : Էս իմա՞լ կ'եղնի : Ըսելս էն է որ մենք
զմեր իրաւունք ճանչնանք, զազդութեան շահ պաշտպա-
նինք, էն ժամանակ լէ սահմանադրութիւն կ'եղնի : Վա-
նայ քաղաքից կ'էլնէի, ազդութեան մեծ, Աստուած պա-
հէ էնոր աղիզ արեւ, մեր պարոն Լեւոն զիս մէկ կողմ
քաշեց, «Առիւծ Գեւօ» ըսեց. «դու իմ աջ բազուկ, զքեզ
կ'ողջէի իմ կուշտ պահել, քրնի որ կ'երթաս, բարով եր-
թաս, հազար բարով, ամմա, մտաց չհանես որ Ալաշ-
կերտու դաշտ, Ալաշկերտու ժողովուրդը վըր քու ճակտին
գրուկ է : Էս բան չմոռնաս : Միտք էրէ էն տեղաց հին
ընկերներաց հետ կազմակերպութեան գործ դայիմ բըռ-
նէ» : Ախպրտիք էս կազմակերպութեան ասած բան իմալ
որ եկեղեցու թամալն է : Առանց թամալի եկեղեցի կ'եղ-
նի՞, օճախ կ'եղնի՞ : Գուր գէդ բան քան զիս լաւ գիտնաք :
Սօսքս էն է, որ կազմակերպութիւն աղբի թամալն է :
Առանց ընոր սահմանադրութեան բան վեր աւազու գը-
րուկ կ'եղնի : Ալաշկերտու դաշտ որ է Բադրեւանդ, վեր
ամէն տեղաց մեր պապերանց, մեր թագաւորաց, մեր իշ-
խանաց զմեծութիւն, զմեծաշինութիւն կ'երեւայ : Յորի՞
էդ փառք, էդ մեծութիւն, հայու թագաւորութիւն կո-
րաւ : Միտք արէք, դուք լէ էդ պատճառ կ'իմանաք :

Մէջ նախարարաց չկէր սէր միութիւն. կուշտ կշտի չեկին, ամէն մէկ իր գլուխ սլահեց, իր բերդ ամբացուց, իր մալ, իր միւլք մտածեց: Ուռումն եկաւ, աճէմն եկաւ, Սրապատանու ջուրէն եկան, թուրքն լէ եկաւ, եկան եւ զնախարարներ ջոկ ջոկ ջարդեցին, Հայաստանի փառք լէ քամու տուին: Հիմա դուք ըսէք, որ սէր միութիւն եղնէր, որ մեր նախարարներ, իշխաններ զշուրջ թաղաւորին կանգնուկ եղնէին՝ Հայաստան աշխարհ լէ կադմակերպուկ եղնէր, եդա աւերում կը պատահէր... չէ՛, մատուած լէ կ'իմանայ որ չէր եղներ: Խօսքս էն է, Ալաշկերտու ժողովուրդ, որ քան զհայ՝ կազմակերպութիւն առաջ կուգայ: Էդ խօսք լէ կ'ըսէր մեր պարոն Լեւոն:

Հոս երկար շունչ մը քաշեց Առիւծ Գեւօն, պիտեբը ոլորեց, մինչ հսկայ եկեղեցիին մէջ շուկ մը իսկ չէր լսուեր:

Առիւծ Գեւօն երկար խօսեցաւ դպրոցներու անհրաժեշտութեան մասին: Ըսաւ որ ամէն գիւղի մէջ դպրոց մը պէտք է բանալ, որ երեսաները «չօպան չեղնին, աշխարհի բանն իմանան»: Երկար բացատրեց դպրոցի օգուածը, իւրայատուկ օրինակներ բերաւ, տգէտ մարդու եւ ուսեալ մարդու տարբերութիւնը ցուցուց, այն տպաւորութիւնը ձգելով որ ինքն ալ գիր կարդումէ կը հասկնայ: Բացատրեց դպրոցի հրաշագործ դերը մեր պատմութեան մէջ եւ կոչ ըրաւ բոլոր գիւղացիներուն, սրտովին փարել հայ դպրոցին, ուր պիտի կրթուի նոր սերունդը:

Առիւծ Գեւօն, բացի սուր յիշողութիւն ունենալէ, երկարատեւ տարիներու ընթացքին շփուած լինելով հայդուկէն սկսած, մինչեւ մտաւորական ղեկավարներու եւ բաղմաթիւ գաղափարական ուսուցիչներու հետ, անոնցմէ լսած մտքերը զարմանալի հեշտութեամբ կ'իւրացնէր եւ պէտք եղած պարագային, իւրայատուկ ձեւով մը կ'արտայայտէր այդ մտքերը:

Իր բացատրութեան ձեւով Առիւծ Գեւօն շատ աւելի հասկնալի էր, քան շատ մը կրթուած խօսողներ, որոնց ըսածները ժողովուրդը նոյնիսկ չէր հասկնար: Գարոցական հարցի մասին խօսելէ վերջ, Առիւծ Գեւօն սկսաւ խօսիլ հայերու եւ քիւրդերու փոխարարութեան մասին:

— Հիմա ախարտիք, մեր դրկիցներուց շատեր քրդեր են: Առաջ Ալաշկերտու դաշտի հայութիւն շատ շատ էր, մէկ լէ քրդեր զօրեցին: Հիմա ամէն հայու գեղի մէջ քրդեր կան, շատ գեղեր լէ զմէն քրդու են: Մեր պապեւոց ժամանակ մէջ մեր գեղերաց քիւրդ չկէր, էդ իմա՞լ քրդեր շատցան, էդ իմա՞լ մեր գեղերաց մէջ աղէք կան, բէկեր կան: Իմա՞լ եղաւ, էդ աղէքը, բէկերը հարկ դրին, օլամ դրին վեր մեր վղին, մէկի տեղ տասը ձէռէմէ առան: Դուք լէ դինաք, որ մեր աշխարհ մէկ սուլթան ունի, մենք լէ էնոր դրած օրէնք կը պահենք: Էդ իմա՞լ կ'եղնի, որ հըմ սուլթանին հարկ կուտանք, տասնորդ կուտանք, հըմ լէ էդ աղաներաց ցորեն կուտանք, յարդ կուտանք, խոտ կուտանք, գեղականով էնոնց արտեր կը վարենք, կը ցանենք, կը հնձենք, կալ կ'ընենք, ցորեն լէ անոնց ամբարները կը լեցենք: Ախարտի՛ք, մեր թաղաւոր հայ չէ, անհաւատ է, բայց էս երկրի թաղաւորն է: Հիմա դուք ըսէք, էդ բէկեր, էդ աղաներ մեր թաղաւորի լաճե՞րն են, ախարտ տղե՞րքը: Դուք լաւ դինաք մեր Խաստուրայ պատմութիւն: Քէլ Օսման Մոլլա Միւլէյմանու եկաւ մեր դեղ երկու լամուկներաց հետ ջուլ ու բալաս շալկած, մշակ դարձաւ մեր տան: Զըղի կը հարցում, քանի՞ տարի անցաւ էն օրէն, երբ քէլ Օսման դարձաւ Օսման աղէ, ինքն ու իր լամուկներ խարձ դրին մեր վըղին, օլամ առին, Խաստուրայ աղա դարձան: Էսպէս լէ միւս հայ գեղերաց պատմութիւն: Հիմա, դուք ըսէք, ողջ

Ալաշկերտու դաշտին մէջ կարա՞ք ցուցնել մէկ քրդու գեղ, որ հայ աղէ ունենայ...:

Ընդհանուր ծիծաղ մը փրթկաց ժողովուրդի մէջ:

— Կը ծիծաղաք, հա՞, Ալաշկերտու ժողովուրդը կը ծիծաղաք, չունքի լաւ դինաք, որ հեպէս բան չ'եղնիր, քիւրդ զհայ վեր իր գլխուն աղա չի ճանչնար: Յորի՞ չ'եղնիր. քրտու սիրտ կայ՝ մըղի չկա՞յ, քրտուն խելք կայ՝ մըղի չկա՞յ, քրտուն քաջութիւն կայ՝ մըղի չկա՞յ, քիւրտ կրնայ սպաննել՝ մենք չե՞նք կրնայ: Հէ՛յ, հէ՛յ ախպրախք, երնէ՛կ դուք լէ Ղզընու սար եղնէիք, ձեր աչքերով տեսնայիք, թէ իմա՞լ հաղար հաղար քրտերաց բաղմութիւն ծակ ու ծուկ կը մտնայ Փէտայու կիւլլէի առջեւէն փախչելու համար: Քիւրտը քաջ է, զօռպա է, երբ դուք գլուխ կը ծռէք, թամաննահ կ'անէք էնոնց: Օր մը լէ դուք ճակատ բռնեցէք, իրանց խօսքերով խօսքը սէք, կիւլլէին կիւլլէով ճիւղապ տուէք, էն վախտ քըրտու հա՛յ հա՛յը կ'երթայ, վա՛յ վա՛յը կը մնայ: Ըսելս էն է, ամէն գեղ գեղական իր հաշիւ ինք պիտի տեսնայ իր բէկի, իր աղայի հետ: Ամէն հաջող շուն խածան չ'եղնիր, ամէն բէկ լէ բէկ չ'եղնիր: Հասկցա՞ք իմ խօսքերաց խորհուրդը:

Ինչպէս չէ՛, պարզ էր այդ խօսքերու միտքը: Բազմութեան մէջ փախուք մը ծայր առաւ: Ամէն մարդ իր հասկցած ձեւով կը բացատրէր Գեւոյի վարազուրած խօսքերուն իմաստը:

— Ասլան բէկը էն ասել կ'ուղէ, — կը բացատրէր երիտասարդ մը քովը նստող տարեց մարդու մը, — մեր բէկերաց վզակոթին տալով հայ գեղերաց դուրս նետենք:

— Լա՛օ, էդ ո՞նց կ'եղնիր, ախր էնոնք աղա բէկ, շէնէն շատ լէ ղօլամներ ունին...:

— Պա՛, սահմանադրութի՞ւնը...:

— Լա՛օ, էդ սուտ բան է, աղան աղա է, բէկը բէկ,

բայան լէ բայա կը մնայ, աշխարհի օրէնք էսպէս է. պա՛, Ասլան բէկ որ էդ խրատ մեղ կի տայ, հէ՞ր Հասան աղէն խոստուրայ աղա կը մնայ:

Այդ պահուն Առիւծ Գեւոն ձեռքը վեր բարձրացուց՝ վերջ տալով փախուքին ու շարունակեց.

— Էս մէկն լէ քեզ կ'ըսիմ, խոստուրայ ժողովուրդը: Ես զիմ տավէն ձըղի չ'թողուցի, ես իմ ձեռքով իմ հալալ հախ առի: Ըսկից վերջ, մէջ մեր գեղին, ո՛չ օլամ, ոչ աղայի հախ եւ ո՛չ լէ Հասան աղա: Էդ մարդ հող ունի մէջ մեր գեղին, էտոր ո՞վ կարայ բան ըսի. թող ի՛նք ցանէ, ինք ուտէ: Բայց խոստուրայ մէջ էլ աղա չկայ: Էս խօսք մտահան չանէք:

Եկեղեցիի մէջ խօսելու հանդամանքը կարծես փականք դրած լինէր Առիւծ Գեւոյի լեզուին. զուսպ եւ հանդարտ կը խօսէր, զգուշանալով իր գունազեղ բառերը դործածելէ: Բայց յանկարծ կարծես մոռցած ամէն ինչ, զօրաւոր ձայնով մը գոռաց.

— Վա՛յ ընոր որ էս իմ խօսք ակնջու ետին կը նետէ: Վա՛յ ընոր որ Հասան աղին չոփ մը կի տայ, է՛ն սուրբ Տիրամէր, է՛ն սուրբ Աւետարան վկայ եղնի, ես էդ մարդու աչք քէօքէն դուրս կը հանիմ, շներաց կեր կ'ընիմ: Ես զիմս ըսի, խոստուրայիներ, խօսք ձըղի է:

Ժողովուրդը կարծելով թէ վերջացաւ՝ տեղէն երեւոյց եւ շուկ մը փրթաւ եկեղեցիին մէջ, մինչ Առիւծ Գեւոն վայրկեան մը հանդստանալով շարունակեց.

— Մէկ լէ էն պիտի ասէի: Մեր Աստուածածնայ վանք, հին օրերուն իմալ որ էջմիածնայ վանքն եղնէր, ողջ Ալաշկերտու դաշտ, Կաղզուան, Կարս, Աստուածածնայ տօնին ըստեղ տօնախմբութեան կուգար: Էդ իմա՞լ մոռցաք զմեր վանք: Հէ՛յ ախպրախք, Լէնկթիմուր զմիւր վանք երկու անգամ էրէց: Լէնկթիմուր սատկաւ, մեր Աստուածածնայ վանք կանդնուկ է: Էս սուրբ խորա-

նին առջեւ, Արքայն Տէր Դաւթի գերեզմանը կայ, էնոր սուրբ հող քանի՛ քանի՛ հիւանդներաց սաղցուցեր է. դուք էս լէ մոռցաք: Հլա շատ օր կայ Աստուածածնայ տօնին: Գեղերանց ժողովուրդին խապար տուէք, ամէն մարդ քիւրթէթով վայ էտ տօնին, աղբութեան սուրբ հաւատք դայիմ պահենք: Է՛ր ախարտիք, շատ երկար խօսայ, շատ լէ խօսք ունիմ: Հիմա ամէն գեղի մէկ մարդ ճամբեցէք, էս գիշեր իմ մօտ դան, էնոնց հետ խորհուրդ ունինք, աղբութեան գործ կայ: Է՛ր Ալաշկերտու ժողովուրդ, ձեզ տեսայ, երսուն տարուայ կարօտս առա: Սաղ եղնէք, դուք զազգութիւն, աղգութիւն լէ գձեզ պահի:

Գիւղերու ներկայացուցիչները այդ գիշեր մինչեւ աքլորականչը Առիւծ Գեւոյի մօտ մնացին, զանազան հարցերու մասին կարգադրութիւններ ընելով: Նախ Ալաշկերտի շրջանի համար երեք անդամով մարմին մը ընտրուեցաւ, որուն նախագահը բնականարար Առիւծ Գեւօն էր: Այդ մարմինը կոչուեցաւ Բազրեւանդի Կոմիտէ: Այդ մարմնի երկրորդ անդամը Կովկասէն նոր վերադարձած Ապրօն էր, հայ-թրքական կռիւններուն մասնակցած կտրիճ զինուոր մը. իսկ երրորդը՝ Մուլա Սիւլէյման գիւղին Փրանք Մարգիսը, որ ուսումնական մէկը համարուելուն՝ պրն. Սարգիս կը կոչուէր:

Ինչպէս Հայաստանի բոլոր շրջաններու մէջ, նոյնպէս ալ նորաստեղծ մարմնի գլխաւոր մտահոգութիւնը կեդրոնացաւ զինման եւ ինքնապաշտպանութեան հարցի շուրջ: Զէնք ճարելու հարցը Կարնոյ եւ Կաղզուանի հետ կապուեցաւ, իսկ դրամական միջոցներ ստեղծելու համար ընդունուեցաւ Առիւծ Գեւոյի առաջարկութիւնը. այն է՝ սուրբի ենթարկել շրջանի գիւղացիութիւնը ըստ կարողութեան: Այդ միջոցէն զատ, անցեալի մէջ կասկա-

ծելի համբաւ ունեցող հարուստներէն բացառիկ գումարներ պահանջել, ըստ Առիւծ Գեւոյի ասութեան, «քիչ մը արիւն առնել այդ շներաց»:

Ինքնակոչ աղա բէկերու հարցի շուրջ կարծիքներու տարբերութիւն չկար: Ամէնքն ալ համաձայն էին զանոնք հայ գիւղերէն դուրս քշելու, միայն ձեւի մասին տարակարծիք էին ոմանք:

Որքան Առիւծ Գեւօն կը սիրէր բաղմութեան առջեւ երկարապատում ճառեր խօսիլ, ժողովներու ընթացքին սակայն, ընդհանրապէս զուսպ՝ կը բաւականանար ցուցումներ ընելով: Ինքնակոչ աղաներու մասին պարզ եւ յստակ էր անոր տեսակէտը:

— Էդ աղաներ, իմալ որ մեր տան բակի շուն, էն է փետը փարտեցիր, պոչը մէջ երկու ոտներաց վնկալով կը փախի մարաղ: Թահո՞ւ, էդ աղաներաց խասիայաթ դիտնամ. զօռ որ եղնի, քէօշ ու պարխանով դուրս կուգան մեր գեղերաց: Որ դուրս չեկին, ըն վախտ գեղական զողտուկ կրակ կը տայ քէօշկերաց, գէշութիւն կ'անի: Բան է թէ զօռպա աղա մը եղնի, գեղական չը կարայ իդա մարդու հախէն դալ, էդ խնդիր կ'իյնայ վեր կոմիտէին: Էտոր մասին լէ մենք հալպաթ ճար մը կը դըտնանք:

Անշուշտ բառ առ բառ ընդունուեցաւ Առիւծ Գեւոյի առաջարկութիւնը, թէեւ ոմանց համար շատ ալ հասկնալի չէր կոմիտէի անելիքը: Միայն Ապրօն ու Թովալ Սատանան զոհուեալ ժպիտ մը փոխանակեցին իրարու հետ:

Դպրոցական հարցն ալ բաւարար լուծում մը ստացաւ ներկայացուցչական ժողովին մէջ: Թէեւ երեք անձերէ բաղկացած մարմին մըն ալ այդ գործը վարելու համար ստեղծուեցաւ, բայց գործի ամբողջ բեռը ծանրացաւ նախագահի վրայ, որ Առիւծ Գեւօն էր: Որոշուեցաւ երեսուն տունէ աւելի բնակիչ ունեցող գիւղերու

մէջ դպրոցներ բանալ: Այս նպատակի իրագործումը քիչ մը շատ ինքնուրոյն ձեւով առաջ տարաւ մեր բարեկամը եւ պիտի խոստովանինք, որ անոր որդեգրած ձեւը յետոյ մեծ անախորժութիւններու պատճառ դարձաւ: Այնտեղ ուր խօսքը բաւարար արդիւնք մը չէր տար, Առիւծ Գեւոն իր խօսքերու տրամաբանական արժէքը չեշտելու համար ծեծի օժանդակութեան կը դիմէր, որով դպրոցական ծրագիրը աշնան բաւարար չափով իրականացաւ: Խաստուրի դպրոցը վերարացուեցաւ, չորս գիւղերու մէջ ալ նոր դպրոցներ բացուեցան, որոնք երկար ժամանակէ ի վեր փակ կը մնային:

— Ծօ, աւանակներ, — մտրակը ճօճելով կը դռուար Առիւծ Գեւոն, — մարդ եղէք, գիր կարդում չիմացողը բոշա կ'եղնի. չիչ բոշայէն փաշա կ'եղնի:

Նոր դպրոցներու բացման հետ նիւթական միջոցներ ստեղծելու մտահոգութիւնը ծանրացաւ Առիւծ Գեւոյի ուսերուն: Ալաշկերտ հասնելէ վերջ, Առիւծ Գեւոն կանոնաւոր թղթակցութիւն կը պահէր Լեւոնի հետ: Անոր խորհուրդին կը դիմէր տեղական եւ ընդհանուր բնոյթ կրող հարցերու լուծման ժամանակ: Ապրօն գրադրի գեր կը կատարէր, թէեւ այդ պարագան մեր բարեկամի ցաւոտ կողմն էր ու կ'աշխատէր Ապրոյի գերը ուրիշներէն դադտնի պահել: Դպրոցները նիւթապէս ապահովելու մասին Առիւծ Գեւոյի հարցումին, երկար նամակով մը պատասխանած էր Լեւոնը, որուն կարծիքով գիւղական դպրոցներու նիւթական ապահովութեան լաւագոյն միջոցը, գիւղի համայնական արտեր ունենալն էր:

«Համայնական արտի» գաղափարը անըմբռնելի նորութիւն մըն էր ո՛չ միայն գիւղացիներու, այլ եւ Առիւծ Գեւոյի համար: Ռուսական մեծ յեղափոխութեան շրջանին կարգ մը պրոչիւրներ կարդացած լինելով, Ապրօն տարտամ գաղափար մը ունէր այդ մասին: Որքան ինք

հասկցած էր, բացատրեց համայնական արտի նշանակութիւնը, աշխատութեան ձեւն ու կազմակերպումը: Թէեւ Ապրոյի բացատրութիւնն ալ բան մը չաւելցուց Լեւոնի առաջարկութեան վրայ, եւ ոչ ալ Առիւծ Գեւոյի խելքին սլառկեցաւ, բայց հանդամանք մը բացայայտ էր. այդ առաջարկութեան հեղինակը Լեւոնն էր, հետեւաբար պարտադրական անհրաժեշտութիւն մըն էր այդ ծրագիրը իրականացնել: Առիւծ Գեւոն դործի անցաւ: Իր իսկ չը հասկցած համայնական արտի մասին խօսելու հարկ չը կար, դաւադանը պիտի խօսէր:

Ինչպէս կը սպասուէր, փոթորիկ մըն էր փրթաւ գիւղերու մէջ: Մասնաւորաբար Խաստուրի գիւղացիութիւնը բուռն ընդդիմութիւն մը ցոյց տուաւ: Ինչպէ՞ս թէ համայնական աշխատանք, համայնական արտ, երբ ե՛ւ ոչ իսկ յարգը իրենց մարագը պիտի մտնար: Դեռ նոր աղայի խարճէն, օլամէն աղատուած՝ ահա նոր բեռ մը կ'ուղէին դնել իրենց վրին: Ի՞նչ իրաւունքով: Եթէ դպրոց կ'ուզեն պահել, թո՛ղ պահեն, Աստուած հետեւը, իրենց ի՞նչ դործը: Անոնք որ դպրոց երեխայ դրկել կ'ուզեն, թո՛ղ անոնք մտածեն ծախսի մասին: Իրենք գիր կարդում չիմացող ոէնճպեր գեղականներ, ինչո՞վ են պակաս կարգացուող գեղականներէն: Մէկ ալ որ իրենց երեխաները ո՛չ տիրացու եւ ոչ ալ վարժապետ պիտի լինին, հետեւաբար դպրոցի պէտք չունին:

Ալ ի՞նչ օրուայ «Չոջ կոմիտէի նախագահ» էր Առիւծ Գեւոն: Տեղի՞ տալ. չէ՛, մտքէն իսկ չանցուց նման բան մը: Ապրոյի հետ խորհրդակցելով Խաստուրի բնակչութեան լիակատար ցուցակը կազմեց ու Սեպտեմբերի երկրորդ կիրակին, աւտու շատ կանուխ ժողովուրդը հրաւիրեց գաղափար սենեակը խորհրդակցական ժողովի: Անուանական խորհրդակցական ժողով մը եղաւ, ուր խորհրդակցելէ աւելի, գիւղացիք լսեցին Առիւծ Գեւոյի

պարտադիր հրամանները: Եթէ ըսենք թէ առանց դժգոհութեան կամ առանց աղմուկի ընդունուեցան որոշումները, անշուշտ չափազանցած պիտի լինինք: Շատեր բողոքեցին, գտնուեցան գիւղացիներ ալ որոնք բացէ ի բաց մերժեցին ուսէ կերպով մասնակցիլ համայնական արտի աշխատանքներուն: Առիւծ Գեւօն զարմանալի սառնութեամբ լսեց ընդդիմախօսութիւնները, նոյնիսկ ձայնը չբարձրացուց: Երբ գիւղացիներու վրդովմունքը հետը հետէ հանդարտեցաւ, Առիւծ Գեւոյի նշանին վրայ, Ասրոն դրպանէն թուղթ մը հանելով կարգաց անունները այն գիւղացիներուն, որոնք այս կամ այն կերպով պիտի մասնակցէին համայնական արտի աշխատանքներուն:

Առիւծ Գեւոյի անունը ցուցակի վերի գլուխը բաղմած էր: Երկու տարով մեծ արտը կը յատկացնէր այդ նպատակին, տարին երկու եզ չորս օրով եւ մէկ աշխատաւոր նոյնքան օրուան համար. իսկ սերմանացանի հաւաքման կը մասնակցէր մէկ շանախ ցորենով: Գիւղացիները զարմացած իրարու կը նայէին: Եթէ Առիւծ Գեւօն այդքանը ինքնաբերաբար կուտար, այլ ինչո՞ւ համար ըրած զոհողութիւնը քանի մը անգամ կրկնապատկելով վերջ չէր տար այդ խնդրին, որ այնքան անախորժութիւններու պատճառ եղած էր: Յաջորդ անունը Ռէս Յակոբինն էր, գիւղի ունեւորներէն մէկը: Անոր յաջորդեց Տէր Նշանի անունը:

Հասան աղայի փետրաթափ լինելէն վերջ, այս երկուքի դիրքը հիմնովին փախուեցաւ: Տէր Նշան, ինչպէս ատեն մը Հասան աղայի շուրջը կը դառնար, անոր խելքով կը մտածէր եւ անոր բերնով կը խօսէր, յանկարծ կոնակ դարձուցած երէկուայ բէկին, Առիւծ Գեւոյի շուրջը սկսաւ դառնալ, անոր գովքը երգելով ամէն տեղ: Ռէս Յակոբը թէեւ պաշտօնէն հրաժարած, կը մնար

ընդդիմադիրներու պարագլուխը: Առիւծ Գեւոյի եւ անոր մէջ խուլ հակառակութիւն մը գոյութիւն ունէր, բայց եւ այնպէս Ռէս Յակոբ, խորամանկ աղուէս մը, գիտէր վարուելու կերպը: Ի զուր չէր անցած ինը տարիքու փորձառութիւնը եւ սերտ կապակցութիւնը կառավարական շրջանակներու հետ: Պէտք էր սպասել յարմար առիթի մը, երբ առանց վախի կրնար ատամները ցոյց տալ: Իսկ մինչ այդ՝ համբերութիւն, առ երեսս բարեկամութիւն պէտք էր ցուցնէր: Երբ անգամ մը մագէ կամուրջը անցնէ՞ր...

Տէր Նշանն ու Ռէս Յակոբն ալ առանց նկատողութեան ընդունեցին իրենց վզին դրուած բեռը: Եթէ Ռէս Յակոբի նման մէկը առանց ձայն ձուն հանելու կ'ենթարկուէր, այլեւս գիւղացիներուն ի՞նչ խօսք կը մնար խօսելու: Իրարու ետեւէ անունները կարգացուեցան եւ բողոքի ձայն մը չբարձրացաւ:

Գիւղական կեանքի մէջ որոշելու եւ իրագործելու մէջ բաւական խոշոր տարբերութիւն մը կայ: Եթէ համայնական խնդրի մը մասին գիւղացին կրաւորական անտարբերութիւն կը յայտնէ, սակայն իրագործումը եթէ անհատական զոհաբերութիւն կը պահանջէ, այդ պարագային, կրաւորական գիւղացին կը դառնայ աքթիւ հակառակորդ մը խուսափելու համար ուսէ աշխատանքէ կամ աջակցութենէ: Ո՛չ գաղափարի մեծութիւնը, եւ ոչ ալ համայնքի շահը կրնան չէզոքացնել անոր մէջ արմատացած անհատական վաստակի զգացումը:

Համայնական արտի իրագործումը առաջին քայլին իսկ բազմատեսակ դժուարութիւններու հանդիպեցաւ: Ոմանք կը խուսափէին աշխատելէ, ուրիշներ եզներ չէին զրկեր, շատեր չէին ուղեր մէկ շանախ սերմնացան տալ, որ ինքնին չնչին արժէք մը կը ներկայացնէր: Անգամ մը գործի անցած, այլեւս ընկրկելու մասին չէր կրնար մը-

տածել Առիւծ Գեւօն: Ծեծը, մտրակը իրենց դերը կատարեցին, ու յաջորդ աշնան երբ կայր վերջացաւ ու համայնական արտի ցորենը ամբարեցին դպրոցի սենեակին մէջ, նոր միայն յայտնի եղաւ, որ այդ տարուայ բերքով ուսուցիչի տարեկան թոշակը սպահովուած էր: Ասով մէկտեղ, ամէն տարի համայնական արտի շուրջ միեւնոյն դժուարութիւնները ծագեցան, միեւնոյն խըստութիւնները եւ ծեծը շարունակուեցան:

Արաչկերտի հայ դիւղացիի կեանքը զգալիօրէն կը փոխուէր: Տարիներէ ի վեր երկրէն հեռացած պանդուխտները կը վերադառնային տուն, իրենց հետ բերելով նոր սովորութիւններ, նոր մտքեր, գիւղատնտեսութեան զարգացման համար նոր միջոցներ: Կովկասի մէջ յեղափոխական եւ մարտական դաստիարակութիւն ստացած, հասարակական եւ հաւաքական աշխատանքի ընդունակ այդ երիտասարդները դիւղերու մէջ աչքի զարնող ղեկավարներ դարձան, Առիւծ Գեւօյի վստահելի աշխատակիցները: Տեղական հարցերու շուրջ համայնական ժողովները իրարու կը յաջորդէին: Ինչպէս Սաստուրի Ռէս Յակօրը, նոյնպէս շատ մը դիւղերու ոչները փոխուեցան, ու անոնց տեղը դրակեցին հասարակութեան վստահութիւնը վայելող անհատներ:

Այլեւս դիւղերու մէջ մունջ մարդ չէր մնացեր: Ամէն մարդ կը խօսէր, կը բողոքէր, իր իրաւունքը կը պաշտպանէր, թէկուզ իր իրաւունք համարածը լինէր ուրիշի մը լինելիք անիրաւութիւնը: Գիւղական ժողովներու մէջ ամենէն շատ կը խօսուէր ջրի մասին, որ երկրագործի կեանքին առանցքն է, դոյութեան հիմքը: Ամէն տարի հարիւրաւոր կռիւններ կը ծագէին դիւղերու մէջ այդ խնդրի շուրջ: Կոտորուած գլուխներ, իրարու դէմ այրել, գիւղական թայֆաներ, ասոնք բոլորը հետեւանք էին ջրբաշխի կաշառակերութեան եւ ունեւոր-

ներու կաշառք տալու կարողութեան: Արտերու ջուրը չարաչահութեան միջոց մըն էր ջրբաշխի գրպանը լեցնելու:

Աշնան ժամանակ, Ձէտկանի մէջ արտերը ջրելու շուրջ մեծ կռիւ մը ծագեցաւ ու այդ խնդիրը հասաւ Բաղրեւանդի կոմիտէին: Առիւծ Գեւօն՝ Թոփալ Սատանան հետը վերցնելով դնաց Ձէտկան, տեղին վրայ հարցը կարգադրելու: Ինչպէս ամէն գիւղի մէջ ալ տեղի կ'ունենար, Ձէտկանի ջրբաշխը որբեւայրի կնոջ մը իրաւունքին կէսը գողնալով, ջուրը դարձուցած էր գիւղի հարուստներէն Աստուրի արտին վրայ: Անիրաւուած որբեւայրիի ազգականները եւ գիւղի չքաւորները միացած պաշտպան կանգնեցան անոր եւ խնդիրը հասցուցին «կոմիտէին»:

Ռէսի թոնրատան մէջ էին գիւղի տղամարդիկը: Ամէն գլխէ ձայն մը կուղար, բոլորը միասին կը խօսէին, կը գողգոռային. անշուշտ իրար չէին հասկնար եւ կարծես թէ չէին ուզեր հասկնալ: Ամենէն աւելի յոխորտալով կը պոռային ջրբաշխն ու իր բարեկամները: Իսկ Աստուրը թոնրատան վերի գլուխը բազմած, իր պաշտպանութեան հոգը ձգած էր բազմաթիւ բարեկամներուն, որոնք ամէն միջոցի կը գիտէին եղածը վերադրելու պարզ սխալմունքի մը: Որբեւայրին հազիւ քանի մը բառ կրցաւ արտասանել, որոնք չլսուեցան իսկ, շատկեկ մըն ալ արցունք թափեց ու երկու որբերու ձեռքէն բռնած դուրս ելաւ:

Առիւծ Գեւօն թոնրատան վերի անկիւնը նստած, հետզհետէ կը մոայլէր՝ լսելով իրադարձութիւնը: Յանկարծ տեղէն բարձրացաւ, խոթոտած դէմքը դարձուց շուրջիններուն վրայ: Թոնրատան մէջ տիրեց խոր լուսութիւն: Մօտեցաւ ջրբաշխին, անոր ձախ ձեռքը բռնեց, թափով ոլորեց ու մտրակով սկսաւ ծեծել: Ջր-

բաշխի լացն ու ցաւի ոռնոցը հասան մինչեւ գիւղի կա-
լերը: Ներկաներէն ոչ մէկու մտքէն անցաւ օգնութեան
հասնիլ ջրբաշխին: Առիւծ Գեւօն աքացի մըն ալ հասցը-
նելով դետին փոնց դայն ու ծանր ծանր հեւալով մօտե-
ցաւ Աստուրին:

— Ծօ՛, ք... մեռելի տղայ, որբեւայրի կնկան, աղ-
քատ էթումներաց ջուր դքու արտ կը վաղցուս որ էդ
քու վիզ քրնց դոմշու վիզ հաստ եղնի, գքու անկուշտ
փոր աւելօք իւղոտի: Թո՛ւ, ես քու մարդ ասողին հօր
հօգին... Ծօ դու կուսպաշտ անօրէն, Զէտկանու ջրձե-
բաց պիտի եղնիս. ծօ՛ քէ սիրտ չկա՞յ, սուրբ քրիստո-
նէութիւն չկա՞յ: Աստո՛ւր, Աստո՛ւր, առաջ լէ դու էս
դեղ դեղական լացուցեր ես. քու չարութեան վեր Զէտ-
կանու թիւ չկայ,— մտրակը բարձրացաւ. օղի մէջ ու
թափով իջաւ Աստուրի ուսին:

Եթէ դիւղացիք կրնային անտարբերութեամբ դիտել
ջրբաշխի մը ծեծուիլը, սակայն ինչպէ՞ս կրնային ան-
տարբեր մնալ երբ ծեծուողը գիւղի աղաներէն Աստուրը
լինէր: Զէտկանի Ռէսը վաղեց Առիւծ Գեւոյի ձեռքը
բռնելու, քահանան եւ ուրիշներ մէջ ինկան Աստուրը
պաշտպանելու մտրակի հարուածներէն:

Թոփալ Սատանան անկիւն մը քաշուած, լուռ հան-
դիսատեսի դերով կը բաւականանար: Ինք ալ Աղբակեցի
խեղճ գեղականի մը գաւակը, կը հասկնար թէ ի՞նչ ըսել
է ջրբաշխ եւ գիւղի ունեւոր լինելը: Գրեթէ ամէն գիւղի
մէջ միեւնոյն պատկերը կը կրկնուէր, ջրբաշխ եւ ունե-
ւոր ձեռք ձեռքի տուած կը քանդէին չքաւորներու տըն-
տեսութիւնը: Ունեւորը կը կաշառէր, ջրբաշխը կը դող-
նար: Ահա՛, կենդանի գունաւորումով պատկերացաւ
Թոփալ Սատանայի երեւակայութեան մէջ իր ծննդավայ-
րը, պապենական ողորմելի տնակը, երկու կոոր արտե-
րը, որոնց նորահաս ցորենները դաճած բարձրութեամբ,

նիհար հասկերով, դեղնած ու չորցած, իսկ իրենց արտի
կողքին Տէրտէրանց արտը, մարդահասակ բարձրու-
թեամբ, դեռ եւս կանաչ եւ լեցուն հասկերով: Ամէն
անգամ որ թեթեւ հով մը կ'անցնէր, ցորենի արտը կա-
նաչ ծովու նման ալիք ալիք կը ծփար: Հէ՛յ, գուլումի օ-
րեր: Յանկարծ տեղէն վեր ցատկեց Թոփալ Սատանան,
ձեռքի փայտը իջեցուց Ռէսի գլխուն: Է՛հ, ո՞վ գիտէ,
թերեւս հին հաշիւներ կը մաքրէր Թոփալ Սատանան:

Զէտկանի Ռէսն ու մեծատուն Աստուրը ծեծ ուտեն,
ան ալ որբեւայրի կնոջ մը քչիկ մը ջրին համար, չէ՛,
նման դէպք մը լսուած չէր: Զրբաշխը վեց օր անկողնէն
չկրցաւ ելլել, իսկ Աստուրը երկու շաբաթ պառկեցաւ,
անկէ վերջն ալ երեք շաբաթ գեղամէջ դուրս չեկաւ: Այդ
դէպքը գիւղէ գիւղ տարածուեցաւ, գիւղերու դալըմ ու-
նեւորները իրենց կաշիներու մէջ սեղմուեցան, իսկ չքա-
ւորներն ու միջակ կարողութեան տէր մարդիկ աղատ
շունչ քաշեցին:

Այլեւս Ալաշկերտի դաշտին մէջ տիրական դէմք մըն
էր Առիւծ Գեւօն, կամ ինչպէս տեղացիք կը կոչէին դայն,
Ասլան բէկը: Գոռգոռացող, հայհայող, մտրակը միշտ
ձեռքին, բայց սրտցաւ, ամենուն տարտը լսող, կարեկիր
դէպի չունեւորը: Կերպասէ լայն շալվար մը, մէջքին
Իսպահանի շալ մը փաթթած, որու արանքէն դուրս կը
ցցուէր կեռ դանչարի փղոսկրեայ կոթը, սաթէ երկար
համբիջ մը ոլորած կոթի շուրջ, ժամացոյցի արծաթէ
երկար շղթայ մը վրէն կախուած, ոսկեթելով բանուած
բրդոտ քեաղախի մը, երկար քօլոզ մը ծոպաւոր փուշի-
ներով շրջապատուած, ահա Առիւծ Գեւոյի պատկառաղ-
դու արտաքին երեւոյթը:

— Է՛ Թոփալ՛, — ընկերոջ ուսը ծեծելով կ'ըսէր Առիւծ
Գեւօն, — վալլա՛հ Ծէրեանէն դէնը գտնուող հողերը աչ-

նան պիտի հերկենք,— ու քօլոզը ծոկելով ընկերոջ երեսին կը խնդար:

Աստուածածնի տօնէն երկու շաբաթ մը վերջ թոփալ Սատանան ամուսնացաւ, իսկ հոկտեմբերին երբ դաշտային աշխատանքները վերջացան, Առիւծ Գեւօն ամուսնացաւ իր հին ընկերոջ՝ Խաչանի Գրիգորի տասնեակով տարեկան Ալմաստի հետ: Նման հարսնիք մը ապրող սերունդը չէր տեսած: Եօթն օր եօթ դիշեր դհուլ դուսնայի ձայնը Ալաշկերտի դաշտի վրայ չոքեցաւ, եօթն օր եօթ դիշեր ամբողջ Խաստուրը հարսնետան նման հիւրասիրեց, պատուեց հարիւրաւոր հիւրերը, մինչ Ռէս Գեւոյի ընդարձակ տան մէջ շարժելու տեղ չէր մնացած:

Թէեւ Աստուածածնայ տօնը Առիւծ Գեւոյի եկած առաջին տարին հին ժամանակներու շուքով ու բազմութեամբ չտօնուեցաւ, սակայն յաջորդ տարիներուն մինչեւ իսկ Կաղզուանէն, Կարսէն բազմաթիւ ուխտաւորներ եկան Առիւծ Գեւոյի մասնաւոր հրաւէրով:

Խաղաղ տարիներ յաջորդեցին իրարու: Ռէս Գեւոյի նահապետական մեծ օճախը նորէն եւ թերեւս աւելի շնացաւ, հին տտեններու նման «վանքի տուն» համբաւին տիրանալով: Պատահական անցորդ, ճամբորդ, պետական պաշտօնեայ թէ «աղբային» մարդ՝ կ'իջեւանէին Առիւծ Գեւոյի տունը, որու դռները բաց էին վանքի դռներու նման եւ սեղանը բաց բոլոր անոնց՝ որոնք բան մը ուտելու համար կը մտնային դռնէն ներս:

Առիւծ Գեւօն տնտեսութեան հողը ձգած թոփալ Սատանայի վրայ՝ Ապրոյի հետ կը շրջէր շրջանի գիւղերը, գիւղական վէճերուն ու կռիւներուն վերջ տալու, դրպրոցներու մասին կարգադրութիւն ընելու: Սակայն այդ անմեղ պտոյտներու բուն նպատակը ներքին կազմակերպութեան ուժեղացումը եւ շրջանի զինուածի դործն էր,

որու իրադործման նուիրուած էր ամբողջովին Առիւծ Գեւօն:

1912 թուականին Առիւծ Գեւօն աղջիկ մը ունեցաւ, իսկ թոփալ Սատանան արդէն երկու մանչերու տէր, երրորդ մըն ալ կը սպասէր ուշ աշնան: Երկու ընկերները միեւնոյն յարկին տակ, համերաշխօրէն կ'ապրէին: Միակ անհամաձայնութեան պատճառը, Առիւծ Գեւոյի խմելու սէրն էր:

— Ալ հերիք եղաւ,— կը պոռար թոփալ Սատանան, ընկերոջ առջեւէն օղիի շիշը վերցնելով:

— Ծօ, դու փորձանք եկար վըր իմ գլխուն,— կը քրթմնջէր Գեւօն առանց ընդդիմանալու:

Առիւծ Գեւոյի քունքերու մազերը սկսած էին ճերմըկնալ, իսկ թաւ ու երկար պեխերու մէջ արծաթ մազերը սպառնազին արագութեամբ կը շատնային: Վերջի տարին դաշտի գիւղերուն այցելութիւնները կը ճատած, Առիւծ Գեւօն կը սիրէր օրերով տունը մնալ եւ ժամերով իր եւ թոփալ Սատանայի երեխաները ծոնկերուն վրայ առած կը խաղար անոնց հետ:

Արդեօք կը ծերտան՞ր Առիւծ Գեւօն:

Պալքանեան պատերազմէն անմիջապէս վերջ, 1913 թուականին, հայկական հարցը որ Սահմանադրութեան հռչակումէն վերջ վերջնականապէս թաղուած կը կարծուէր, անակնկալօրէն յարութիւն առաւ, կրկին անգամ գրաւեցնելով եւրոպական պետութիւնները: Սահմանադրութեան յաջորդող տարիներուն մեղրալուսնային շրջանը վերջացած, բազմաթիւ ազգութիւններէ բաղկացած թուրքիան, քաղաքական ծանր կացութեան մը մէջ կը գտնուէր: Բացի Պալքանեան պատերազմի ձգած աւերներէն, հողային հսկայ կորուստներէն, թուրքիոյ բաղկացուցիչ ազգերն ալ, ինչպէս Արարները, Յոյները,

քաղաքական որոշ ձգտումներէ տարուած՝ անջատողական քաղաքականութիւն մը կը վարէին: Ահա այդ ժամանակ անսպասելիօրէն հայկական բարենորոգումներու հարցը դիւանագէտներու կանաչ սեղաններու վրայ երեւցաւ:

Թուրք կառավարութեան վերաբերմունքը դէպի հայերը զգալիօրէն փոխուած, երկուստեք անվստահութեամբ իրարու կը նայէին, երկու հակառակորդ բանակներու նման: Վերջի երկու տարիներու ընթացքին հայերու վիճակը դժհարցիչ լինելէ շատ հեռու էր: Մասնակի ըսպանութիւններ, թալան, կողոպուտ սովորական երեւոյթներ սկսած էին դառնալ, ինչպէս Սահմանադրութենէն առաջ էր: Հայերու իրաւացի պահանջներէն շատեր տարիներով ձգձգելէ վերջ, կառավարութիւնը ամէն միջոցով կ'աշխատէր նոր խոստումներով բարենորոգումներու հարցը ջուրը ձգել:

Պոլսի եւ դաւաճներու հայկական թերթերը էջեր կը նուիրէին բարենորոգումներու հարցին, ամբողջ հայութիւնը սրտատրոփ կը սպասէր բարեյաջող ելքի մը, մինչ քրտութիւնը կատաղած՝ ատամ կը կրճտացնէր հետզհետէ աւելի սանձարձակօրէն դործելով ներքին դաւաճներու մէջ: Դժուար չէ երեւակայել թէ այդ օրերուն ինչպէ՞ս Առիւծ Գեւոն դիւղէ դիւղ կը շրջէր, երկարաշունչ ճառերով Հայաստանի մօտալուտ աղատութիւնը կ'աւետէր ժողովուրդին:

1913 թուականը մեծ սպասումի տարին եղաւ Ալաշկերտի դաշտի ժողովուրդին համար:

Այդ տարին Սաստուրի Աստուածածնի վանքին տօնակատարութիւնը անօրինակ շուքով եւ խանդավառութեամբ տօնուեցաւ: Պայադիտէն սկսած մինչեւ Բասենի դաշտը՝ ուխտաւորներու բաղմութիւն մը հաւաքուած էր վանք, առանց հաշուելու Ալաշկերտի դաշտի բնակիչնե-

րը, որոնք մեծամասնութեամբ եկած էին: Այդ տարի Աստուածածնի տօնակատարութիւնը պարզ կրօնական բնաւորութենէ դուրս ելած, ազգային դունաւորում մը ստացեր էր շնորհիւ այն հանդամանքին, որ հայկական հարցի լուծումը ա'յնքան մօտ կը համարուէր եւ հայ ժողովուրդը անհամբերութեամբ կը սպասէր Մեծ Օրուան:

Շարաթ առտու, մութ ու լուսին, Սաստուրի բնակչութիւնը արդէն ոտքի վրայ էր: Ժրաջան տանտիկիները տուն տեղ կը մաքրէին, հրաշէկ թոնիրներու առջեւ ծընկաչոք նստած խաթուն մարիկները լաւաչ եւ քաթայ կը պատրաստէին, ուրիշ կիներ բակերն ու փողոցը կը մաքրէին, ինչպէս նախօրօք պատուիրուած էր: Ամէն տան երդիքի ծխնելոյզէն ծուխի կապոյտ սիւն մը կը բարձրանար դէպի վեր ու ամէն տան մէջ արտասովոր եռանդով պատրաստութիւն կը թեսնէին, հեռուներէն դալիք հիւրերը ընդունելու համար: Ըսենք որ բոլոր խաստուրցիներն ալ կը սպասէին կա'մ խնամիւ մը որ կրնար դալ, կամ մօտ ազգականի մը, քաւորի մը, բարեկամի մը, եօթ պորտ հեռու ազգականի մը եւ կամ պարզ ճանչուորի մը:

Կէսօրէն քիչ անցած՝ դիւղ մտան ճոճոացող սայլերու յառաջապահները, իսկ երեկոյեան կողմ Սաստուր տանող ճամբաները բռնուած էին սայլերու շարքով: Երգ, աղմուկ, ճոացող անիւներ, սայլապաններու գոռգոռոց ու այս բոլորին հետ անտանելի փոշի մը որ մշուշի նման չոքած էր դիւղի վրան: Ամէն տուն լեցուած էր ուխտաւորներով. թոնրատուն, ախոռի սաքու, վերջապէս ուր որ կարելի էր՝ տեղաւորուած էին բախտաւորները, իսկ ուխտաւորներէն շատեր վանքի դերեղմանատան մօտ ծառերու հովանիին տակ որոշած էին անցընել դիշերը:

Երեկոյեան նախատօնակի արարողութենէն վերջ, եկեղեցիի շուրջը տօնախմբութեան ուրախութիւնները

սկսան: Ձուխտ գուռնաներու եւ դհոլներու համաչափ տրամորմբոցով ձեւաւորուեցան կլոր պարի շրջանները, տօնական զգեստներով երիտասարդ ուխտաւորներ, աղջիկներ ու հարսեր ձեռք ձեռքի տուած՝ երբեմն աշխոյժ, երբեմն ալ հանդարտ, միաձեւ շարժումներով սկսան դառնալ: Առիւծ Գեւոյի տունը այդ օր իսկական հարսնետան մը կերպարանք ստացեր էր: Կէսօրէն սկսած հիւրերու շարանը ծայր տուաւ: Թոնրատունը, ախոռի սաքուն, թոնրատան կշտի երկու սենեակները լեցուած էին ուխտաւորներու բազմութեամբ, ինչպէս կ'ըսեն, տան մէջ շարժելու տեղ չէր մնացեր:

Նախատօնակի արարողութենէն վերջ Առիւծ Գեւօն հիւրերուն հետ վերադարձաւ տուն, ուր թոնրատան ամբողջ երկարութեամբ ընթրիքի սեղանը փռուած էր գետնի վրայ: Ամէնքը տեղաւորուեցան, իսկ Առիւծ Գեւօն շրջապատուած պատուաւոր հիւրերով, բազմեցաւ սեղանի վերի գլուխը:

— Բարով, հազար բարով եղնի ձեր գալը, ուխտերնիդ ընդունական եղնի, — օղիի բաժակը վեր բռնած Առիւծ Գեւօն խօսքն ուղղեց սեղանակիցներուն, — ձեր աղիզ կենացը, ազգութեան կենացը, լաւ եղնիք, սաղ եղնիք, Աստուած զմեր մուրազ կատարէ, զմեր Հայաստան ազատէ անօրինաց ձեռէն. զմեր սուրբ հաւատ, զմեր հայրենիք զայլմ պահէ:

Առիւծ Գեւոյի բաժակաձառէն վերջ, որուն սեղանակիցները այնքան սրտանց ծափահարեցին, ընթրիքը ընթացք ստացաւ: Ժրջան տանտիկիները սեղանի շուրջ կը դառնային սպասարկելով հիւրերուն: Օղիի բաժակները իրարու յաջորդելով՝ կղզուած բերաններու կապն արձակեց, համր լեզուները բացուեցան, հայրենասիրական երգերով թնդաց թոնրատունը, եւ սեղանի ուրախ տրամադրութիւնը հետզհետէ բարձրանալով հասաւ գա-

դաթնակէտին, երբ ամէն վերապահութիւն մէկդի կը ձուլի, թէեւ հարբած, բայց ամէն անհատ ինքնաբուխ տրամադրութեամբ կ'արտայայտուի:

Գոռար չէ երեւակայել թէ՛ Լեւոնի յանկարծական երեւումը ի՞նչ տրամադրութիւն ստեղծեց սեղանակիցներու մէջ: Թոփալ Սատանան ու Առիւծ Գեւօն առջի բերան չճած կը նայէին անոր՝ կարծես չկրնալով հաւատալ թէ՛ իրօք Լեւոնն է թոնրատան դռնէն ներս մտնողը: Մէկ ալ տեղերէն ցատկելով վազեցին երկուքը միասին գրկեցին դայն: Առիւծ Գեւօն գլուխը Լեւոնի կրծքին դրած ուրախութենէն կուլար:

Բերնէ բերան Լեւոնի դիւզի մէջ լինելու լուրը տարածուեցաւ: Ո՞վ չէր լսած անոր անունը, ո՞ր դիւզացին չէր գիտեր թէ ազգութեան մեծը, Վան նստող Լեւոնն է: Եթէ շատ քիչեր տեսած էին դայն, անոր համբաւը սակայն տարածուած էր Վանէն մինչեւ Կարին, Բաղէշ, Մշոյ դաշտ ու Սասնոյ սարերուն կալած աղքատիկ դիւզերը: Առիւծ Գեւոյի նման առաջաւոր մարդ մը իսկ պատկառանքով կը յիշատակէր անոր անունը, անոր խորհուրդներուն կը հետեւէր առանց երկմտանքի, ճառերուն մէջ անոր ըսածներէն մէջբերումներ կ'ընէր որպէս անուարկելի պատգամներ: Բնականաբար այդպիսի մեծ դեկավարի մը երեւումը Պաստուրի մէջ, երբ ոչ ոք կ'ըսպասէր, անօրինակ խանդավառութիւն առաջ բերաւ: Գիւզի եւ վանքի շուրջ հաւաքուած բազմութիւնը դհոլ զուռնայի առաջնորդութեամբ երգելով եւ ծափահարութեամբ, Առիւծ Գեւոյի տան դրան առջեւ հաւաքուեցաւ:

Ընկերներու թախանձանքէն պարտադրուած, Լեւոնը բարձրացաւ երդիքը, ժողովուրդին քանի մը խօսք ըսելու համար: Երբ կէս խաւարի մէջ հաստ սիւնի նման անոր հասակը տնկուեցաւ երդիքի եզրին, ժողովուրդը

կեցցէնքերով եւ ծափահարութիւններով ընդունեց զայն եւ անմիջապէս յետոյ խոր լուսթիւն մը տիրեց : Արդեօք ի՞նչ պիտի ըսէր ազգութեան մեծը : Լեւոնը քանի մը անպաճոյճ խօսքերով, զգացած ուրախութիւնը յայտնեց պատմական Բագրեւանդը եւ ժողովուրդը տեսնելուն համար եւ շնորհակալութիւն յայտնեց իրեն եղած պատուին : Ժողովուրդը ցրուեցաւ, գրեթէ յուսախարուած, ալ ի՞նչ ազգութեան մեծ, երբ շէնքով շնորհքով ճառ մը իսկ չխօսեցաւ : Օ՛, եթէ Առիւծ Գեւօն լինէր խօսողը, բաղմութիւնը ուրիշներէ ականջ փոխ առնելով կրնար ժամերով լսել զայն :

Կիրակի կէսօրէ վերջ բաղմութիւնը հետզհետէ սկըսաւ ցրուիլ : Հաղիւ երեկոյեան կողմ Առիւծ Գեւօն աղտեցաւ հիւրերու ներկայութենէն : Այդ գիշեր Բագրեւանդի կոմիտէի կողմէն Ապրօն զեկուցում մը տուաւ, մանրամասնօրէն ներկայացուց հասարակական բոլոր մարդերու մէջ կատարուած աշխատանքները, ժողովրդական զինման ընթացքը : Լեւոնը լուռ կը լսէր միայն, երբեմն դլխի շարժումով հաւանութիւն յայտնելով : Անշափ ուրախութիւն մըն էր անոր համար տեսնել, որ Բագրեւանդի ազգային կեանքի ղեկավարող ողին, իր նախկին ղինակից ընկեր Առիւծ Գեւօն էր :

Մինչեւ հինգշաբթի Լեւոնը ստիպուած մնաց Խաստուր : Երկուշաբթիէն մինչեւ չորեքշաբթի Առիւծ Գեւօնի եւ Ապրոյի հետ այցելեց դաշտի հայաբնակ գիւղերը : Մօտէն ծանօթացաւ գործերու ընթացքին հետ, ժողովրդական զինման գործի մասին որոշ թելադրութիւններ ըրաւ, այժմէական հարցերու մասին գործնական խորհուրդներ տուաւ : Չորեքշաբթի ուշ գիշերով Լեւոնն ու ընկերները վերադարձան Խաստուր :

Հինգշաբթի առտու թոփալ Մատանայի հետ համբուրուելով, Լեւոնը Առիւծ Գեւօնի եւ Ապրոյի հետ մեկնեցաւ Բասենի դաշտով դէպի Կարին :

ՎԱՅՐԵՆԻՆ

Ժրնեւ քաղաքի արեւմտակողմը գտնուող ծայրամասեր կը հասնին մինչեւ Առւա գետը : Այդ թաղամասի գլխաւոր փողոցը կը կոչուի Գարուժ, որուն երկու կողմերուն վրայ կը բացուին բաղմաթիւ այլ փողոցներ, հընութիւն բուրող երկյարկանի տներով, սաստիկ նեղ մայթերով, իրար խաչաձեւող կարծ ու նեղ փողոցներով : Այդ շրջանը կը համարուի քաղաքի շատ համեստ թաղամասերէն մէկը, ուր կ'ապրին բնիկ ժընեւացի արհեստաւորներ, գործաւորներ, մանր խանութպաններ եւ օտար երկիրներէ եկած ուսանողներու այն մասը, որ անբաւարար նիւթական միջոցներով կուզայ Զուլիցերիայի մըտաւոր կեդրոնը, անհնարին զրկանքներով ապրելու եւ ուսանելու համար :

Գարուժ փողոցի զուգահեռ, մէկ փողոց դէպի հարաւ մինչեւ Առւան, կ'երկարի նորաշէն փողոց մը : Այդ փողոցի միայն մէկ կողմը շինութիւններու շարք մը կայ, իսկ միւս կողմը ազատ գետին մըն է, տեսակ մը հրապարակ, մէկ երկու բանջարանոցով եւ հոս ու հոն թափուած մոխրակոյտերով : Երկյարկանի տներու կողքին շարք մը չորսյարկանի տներ կը բարձրանան իրարու կողքին, քարուկիր պատերով, զարմանալիօրէն միաձեւ եւ ցուրտ արտաքինով : Այս շէնքերը ընտանեկան բնակարաններէ աւելի ուսական զօրանոցները կը յիշեցնեն, անհրապոյր արտաքինով, միօրինակ եւ տգեղ :

Տեղացիք եւ մասնաւորաբար օտար ուսանողները Սի-

պերիա դրած էին կարգով շարուած այդ շէնքերու անու-
նը: Քոռացած աչքերու նման բացուած դռներ, քարէ ու-
լորապտոյտ բարձրացող սանդուխներ, յարկարափ իննե-
րու մետաղէ շինուած ծանր դռներ, առանց որեւէ զարդի
քառանկիւն փոքր պատուհաններ, ասոնք բոլորը միասին
ծանր տպաւորութիւն մը կը յառաջացնէին տեսողի
վրայ:

Տեղացի աղքատ ընտանիքներու մօտ կ'ապրէին գրե-
թէ ամէն ազգի պատկանող ուսանողներ. սերպեր, խոս-
լացիներ, գերմանացիներ, սլովակարներ, հայեր, բայց
մանաւանդ ուսուսանողներ եւ յեղափոխական մտաւո-
րականներ, որոնք ճնշող մեծամասնութիւն կը կազմէին:
Այդ փողոցը թէեւ Ժընեւի մէկ մասը, առանձնապատուկ
գունաւորում մը ունէր, աւելի ուստական քան գուլիցե-
րիական: Ահա այդ հանգամանքէն ծնունդ առած էր այդ
փողոցի ծաղրանունը՝ Սիպերիա:

Այդ տներէն չորրորդ տան երրորդ յարկի վրայ կը
բնակէր գուլիցերիացի ժամագործ բանուոր մը: Յարկա-
բաժնի երկու սենեակներուն մէջ բանուորի ընտանիքը
սեղմուած, մնացած երկու փոքր սենեակները վարձու
տուած էր: Վարձուորներէն մէկը երկու տարիէ ի վեր
միեւնոյն սենեակին մէջ կը բնակէր, իսկ երկրորդը ե-
րեք ամիս առաջ եկած էր: Տանտիկինն ու ամուսինը Մէօ-
սիէօ Միքայէլ կ'անուանէին առաջի ուսանողը, որուն
հետ երկու տարուան ընթացքին ընտանեցիք էին, իսկ
վերջի եկողի մասին երբ իրենք իրենց կը խօսէին՝ Մէօ-
սիէօ Սարսափը կ'անուանէին զայն: Ասով մէկտեղ խիստ
գոհ էին վարձուորներէն, որոնք վարձքը ժամանակին
կը վճարէին, իրենց ներկայութիւնը գրեթէ չէին զգա-
ցըներ տան մէջ, շատ հիւրեր չէին ընդուններ, եւ մանա-
ւանդ գիշերները չէին լուսցներ վիճելով, ինչ որ յատ-

կանչական պարագայ մըն էր ուսուսանողներու հա-
մար:

Միքայէլը Երեւանի Շահրիար գիւղացի երիտասարդ
մըն էր, որ Երեւանի թեմականը աւարտելով անցած էր
արտասահման ուսանելու: Երկու ընտանեկան բարեկամ-
ներ խոստացան հոգալ անոր ուսանողական շրջանի ծախ-
սը, բայց երբ Միքայէլը արտասահման անցաւ, երեք ամիս
չանցած՝ բարերարներէն մէկը հրաժարեցաւ իր խոս-
տումը կատարելէ՝ սեփական գործի անյաջողութիւնը
պատրուակ բռնելով:

Միքայէլի համար դժուար էր արտասահման ուսա-
նելու դալը, աւելի դժուար՝ ձեռնունայն վերադառնալը.
ուստի որոշեց ամէն գնով մնալ եւ ուսումը շարունակել:
Իսկ թէ ինչպէ՞ս իր ստացած չնչին գումարով կրցաւ ապ-
րիլ եւ ուսանիլ, այդ մէկ ինք գիտէր, մէկ ալ սենեակի
գաղտնապահ չորս պատերը:

1913-14 դպրոցական տարին Միքայէլի աւարտական
վերջին տարին էր: Ծննդեան տօներու ժամանակ վեցամ-
սեայ քննութիւններ ունէր ու ասոր համար ալ վերջի
երկու շաբաթները գրեթէ կը լուսցնէր գրքերու վրայ
հակած: Առաւօտեան ժամը երեքն էր, երբ Միքայէլը
ձեռքի գիրքը գոցեց, թեւերը պարզած ձգուեցաւ, նըս-
տած տեղը յօրանջեց ու ոտքի ելլելով մօտեցաւ պատու-
հանին: Դուրսը ձիւնախառն անձրեւ մը կը տեղար ու պա-
տուհանի ապակիները ակօսուած կ'երեւէին: Մէկ երկու
անգամ սենեակը չափչփելէ վերջ, առանց ազմուկի դուրս
եկաւ սենեակէն ու կողքի դուռը մեղմօրէն թխկացնելով
չչնջաց:

— Կարապէ՛տ:

— Այո՛, մտի՛ր խնդրեմ:

— Տօ, էս ի՛նչ խապար է, — ծխով լեցուած սենեակը
մտնելով բացազանչեց Միքայէլը, — այնքան ծխեր ես որ

կարծես մեր գիւղի տան թոնրատունը լինի սենեակդ․ տնաքա՛նդ, ժամը երեքն է, քնելու միտք չունի՞ս․․․

— Ինչո՞ւ չէ, — գիրքը մէկ կողմ դնելով պատասխանեց ընկերը, — չէի կարծեր թէ ժամը երեքն է։

— Ախպէ՛ր, ամէն գիշեր միեւնոյն պատմութիւնը կ'երեւի եթէ ձայն չտամ, մինչեւ լոյս կարգալով պիտի անցընես։

— Իսկ դո՞ւ, — հեզնեց ընկերը, — կարծեմ դու ալ մինչեւ հիմա կ'աչխատէիր։

— Տօ իմը ուրիշ է, — առարկեց Միքայէլը, — ես քննութեան կը պատրաստուիմ․ դասեր, դործնական փորձեր, աւարտական շարադրութիւն․ ո՛ր մէկը ըսեմ։ Է՛հ, մէկ էս բոլորը վերջանար, վերադառնայի Շահրիար եւ տան կտուրին փռէի անկողինս ու արեւը ծոցիս մէջ ծագէր․․․ Հա՛, կ'ուզես ձեռաց սամալարը կպցնեմ, տաք տաք թէյ մը խմենք, հերն անիծած, դեռ լուսնալու շատ ժամանակ կայ․․․

— Ինչո՞ւ չէ, — համաձայնեցաւ ընկերը։

— Գիտե՞ս ի՛նչ կայ Կարապետ․ ինձ կը թուի թէ օրերով կրնաս առանց քնելու անցընել․ տնաքա՛նդ, գիշեր մը ժամանակին քնելդ չտեսայ, շարունակ կարգալ, կարգալ, կարգալ․․․

— Որ քեզ նման խելօք մարդ դառնամ, — ժպտելով պատասխանեց ընկերը։

— Ի՞նձ նման, բա՛ն չունիս, մարդ քանի կարգայ, էնքան․․․

— Իսկ սամալարի պատմութի՞ւնը։

— Զեռաց, — ու Միքայէլը աճապարանքով դուրս եկաւ սենեակէն։

Սենեակին մէջ մնացող երիտասարդը Լեւոնն էր։ Երեք ամիսէ ի վեր կը գտնուէր Զուլիցերիայի ժրնեւ քաղաքը։ Կարին երկու օր միայն մնալով ճամբան շարու-

նակած էր եւ Տրապիզոնէն ուղղակի հասած Մարտէյլ։ Պոլիս մէկ երկու ժամուան մէջ տեսած էր դաղափարակից ընկերներէն ոմանք եւ յանձնարարական մը վերցնելով՝ ժրնեւ հասնելուն դտած էր Միքայէլը։ Շատ շուտով ընկերական սերտ յարաբերութիւն մը իրարու կապեց այս երկուքը։ Լեւոնի նիւթական միջոցները անբաւական, սիրով համաձայնեցաւ մէկ յարկի տակ ապրիլ Միքայէլի հետ, որով ապրուստի ծախսը մեծապէս կը կրճատուէր։ Դեռ վանէն պարսկական անցադիր ձեռք անցընելով՝ Լեւոնը ժրնեւ եկած էր որպէս պարսկահպատակ Կարապետ Ալթունեան, Սալմաստի Ղալասար գիւղացի։ Այդ անունով ալ յանձնարարուած էր Միքայէլին։

Ժրնեւ հասնելէն շարաթ մը վերջ Լեւոնը արձանագրուեցաւ Ժ․ Ժ․ Ռուսօ մանկավարժական հիմնարկութեան մէջ, որպէս ազատ ունկնդիր։ Ատկէ զատ՝ ան կը հետեւէր այն բոլոր դասախօսութիւններուն, որոնք մանկավարժութեան հետ առնչութիւն ունէին։ Համալսարանի դրադարանէն օգտուելով, Լեւոնը զարմանալի եռանդով սկսաւ կարգալ։ Գրեթէ ազատ ժամանակ չունէր․ կա՛մ դասախօսութիւններու կը հետեւէր եւ կամ սենեակը քաշուած կը կարգար։ Թէեւ այդ ժամանակ ժրնեւի մէջ ստուարաթիւ հայ ուսանողութիւն մը դոյութիւն ունէր, բայց հազիւ մէկ երկուքին ծանօթացած էր Լեւոնը, ան ալ շատ հարեւանցի կերպով։ Եթէ երբեմն սաստիկ յոգնած՝ կ'որոշէր մէկ երկու ժամ դադար տալ աչխատանքին, կա՛մ Միքայէլի հետ քաղաքէն դուրս կուգար Սալեւ լերան կողմը ման գալու, եւ կամ եթէ Միքայէլը դրադած էր, մինակը կ'երթար Ռուսոյի փոքրիկ կղզին, մեծանուն իմաստասէրի արձանի մօտ Քինաւուրց կաղնիի հակայ ծառին տակ հանգչելու։ Երբեմն ժամերով նստած կը մնար Հոն՝ մտամոլոր հայեացքը յառած Լեւոնի կապտաւուն ջրին եւ կամ բարձրաբերձ Ալպեան

սարերուն, որոնք ա՛յնքան կը յիշեցնէին Վանայ լիճն ու Հայաստանի բարձրարբերձ սարերու սպիտակափառ դա-
գաթները:

Անդամ մը Լեւոնը Միքայէլի հետ դնաց ուսանողա-
կան ժողովի: Նման ժողովներ պարբերաբար տեղի կ'ու-
նենային Գարուժ փողոցի վրայ գտնուող դարեջրատան
մը վերի սենեակին մէջ, ուր հաւաքուած ուսանողներն
ու ուսանողուհիները, գիտական եւ հասարակական հար-
ցերու մասին դասախօսութիւններ կը կարդային եւ կամ
խնդրի մը շուրջ կը վիճարանէին:

Ինչպէս գրեթէ ամէն տեղ, ժընեւի մէջ ալ ուսանո-
ղութիւնը հակընդդէմ ճակատներու բաժնուած էր: Մէկ
ճակատը կը կազմէր այն տարրը որ չէր հետաքրքրուեր
ոեւէ ազդային հարցով եւ ամբողջովին տարուած էր
Ռուս Սոցիալ Դեմոկրատ կուսակցութեան վարդապետու-
թեամբ, իսկ ասոր դիմաց կանգնած էին բոլոր անոնք,
որոնք ազդային ինքնուրոյնութիւնը հիմք կը դաւանէին
ընկերական ու քաղաքական նպատակներու: Բնականա-
բար այդ հակընդդէմ հայեացքները բուն կերպով իրա-
բու կը բախէին, երբ Տաճկահայաստանի ազատագրա-
կան շարժումի դնահատման մասին խօսք կը բացուէր,
իսկ այդ հարցի շուրջ վիճարանութիւն գրեթէ ամէն հա-
ւաքոյթի ժամանակ կը պատահէր, եթէ նոյնիսկ դասա-
խօսութեան նիւթը բոլորովին գիտական, ոեւէ առնչու-
թիւն չունենար ազատագրական շարժումի հետ:

Այդ մասնաւոր երեկոն, յայտնի սոցիալ դեմոկրատ
մը պիտի դասախօսէր «Հայ յեղափոխական շարժումը եւ
անոր ծնունդ տուող ազդակները» նիւթի մասին: Ժընե-
ւարնակ ուսանողները աճապարած էին ժամանակէն ա-
ռաջ տեղ բռնել սենեակին մէջ, նախօրօք պատրաստուած
աղմկոտ ժողովի մը մասնակցելու, տրուած լինելով որ
հակառակորդ կողմն ալ իր ուժերը զօրահաւաքի ենթար-

կած կուզար: Սենեակի գրեթէ բոլոր աթոռները գրաւ-
ուած էին, երբ Միքայէլն ու Լեւոնը ներս մտան եւ տե-
ղաւորուեցան անկիւն մը:

Դասախօս պարոնը նորահաս երիտասարդ մըն էր,
բնիկ շուշեցի, բայց մեծցած Պաքու, ուր կիմնադրան ա-
ւարտելով՝ եկած էր ժընեւ իրաւադիտութիւն ուսանե-
լու: Փայլուն ուսանող մըն էր, ժրաջան աշխատող մը,
խօսելու, մանաւանդ վիճելու բնատուր կարողութեամբ
օժտուած: Ծատ քիչ հայերէն գիտէր, քիչ գիտցածն ալ
Ղարաբաղի բարբառը, հաւաքուած հասարակութեան
համար գրեթէ անհասկնալի:

Ռուսերէն լեզուով ընդարձակ դասախօսութիւն մը
կարդաց երիտասարդը: Առանց Տաճկահայաստանի մա-
սին հեռաւոր դադափար մը իսկ ունենալու եւ Սոցիալ
Դեմոկրատ կուսակցութեան դաւանական ելակէտը հիմք
բռնելով, երիտասարդ դասախօսը չքաշուեցաւ հայ ա-
զատագրութեան շարժումը անուանելու յետադիմական,
չովէն արկածախնդրութիւն մը, որուն դրդիչ ազդակ-
ները որպէս թէ հայ կղերն ու քաթիթալիստ պուրժուա-
ներն եղած էին, իսկ յեղափոխական դործիչները լաւա-
դոյն դէպքում, անոնց անգիտակից դործակալները: Իր
տեսութիւնը հիմնաւորելու համար դասախօսը մինչեւ
75-76 թուականները դնաց, Ներսէս Վարժապետեանէն,
Խրիմեան Հայրիկէն, Խորէն Նար-Պէյէն խօսեցաւ, ո-
րոնցմէ վերջինները ուս-թրքական պատերազմէն վերջ
Պերլին, Ս. Փեթրոպոլսի եւ եւրոպական այլ մայրաքա-
ղաքներ այցելեցին, ըստ դասախօսի տեսութեան, հայ
ազդի համար ազատութիւն մուրալու: Դասախօսի տե-
սակէտով, հայ ժողովուրդի քաղաքական ազատութիւնը
հետապնդելով, կղերը մտահոգուած էր միայն դարերու
ընթացքին կորսնցուցած ազդեցութիւնը եւ դերը վերա-
դրաւելու մասին, որ՝ հայ եկեղեցին, ինչպէս քրիստոնէ-

ութեան սկզբնական դարերուն, կ'ուզէր առաջնակարգ դեր մը խաղալ ազգային կեանքի մէջ:

— Ահա թէ ի՞նչ յետադիմական տարր մը, որ լուսաւորութեան այս դարուն մէջ դատասպարտուած է մահուան, սկսաւ այսպէս կոչուած հայկական շարժումը, — ցուցամատը սպառնալին շարժելով բացազանչեց դասախօսը, — բայց ես դեռ ցոյց պիտի տամ ձեզ, որ կղերականութենէն աւելի հայ քափիթալիստ պոլրժուան ամենամեծ դերակատարը եղաւ ազգային շարժումին, առաջնորդուած միայն եւ միայն իր դասակարգային շահէն:

Դասախօսը խստօրէն մտրակեց հայ քափիթալիստպոլրժուանները, որոնք կոմիկասի սահմանները նեղ դըրոնելով իրենց շահագործումի ծարաւին, յեղատիրութեան միջոցով Թրքահայաստանի ազատազրութեան կը ձգտէին, պարզապէս իրենց քափիթալի համար նոր շուկայ մը ստեղծելու ցանկութեամբ, եւ այդ շուկային վրայ տիրապետող դիրք մը պիտի գրաւէին իրենք: Ինչ խօսք որ Հայաստանի քափիթալիստներն ու պոլրժուաններն ալ իրենց արժանի բաժինը ստացան դասախօսի կողմէ: Դասախօսութեան յաւելուածական մասը կը կազմէր դասախօսի կոչը՝ ուղղուած Հայաստանի աշխատաւոր բանուորներուն՝ չտարուիլ ազգայնական վատառողջ դադափարներով, այլ եղբայրօրէն ձեռք տալ քիւրտ եւ Թուրք բանուորներուն եւ անոնց հետ միասին կռիւ մղել դասակարգային դետնի վրայ ընդհանուր թշնամիի, շահագործող քափիթալիստ պոլրժուաններու դէմ:

— Այո՛, երբ Հայաստանի բանուորութիւնը, — այս խօսքերով վերջացաւ դասախօսութիւնը, — ձեռք ձեռքի տուած համաշխարհային բանուորութեան, գիտակցութեան դալով կը ճանչնայ իր իսկական թշնամին, հրապարակ կ'իջնայ իր դասակարգային շահերը պաշտպանելու նպատակով, ա՛յն ժամանակ կը վերնան բոլոր ազ-

գամիջեան թիւրիմացութիւնները, պարբերաբար կրկնուող կոտորածները: Պէտք է դաստիարակել Թուրքիոյ շահագործուող աշխատաւորութիւնը, որպէսզի ոտքի ելլէ ո՛չ թէ ազգային նպատակներ հետապնդելու, այլ առաջնորդուած դասակարգային գիտակցութենէ, կոռուելու ընդհանուր թշնամիին դէմ: Թերեւս ոչ մէկ անգամ մեր նշանաբանը ա՛յնքան տեղին չէ գործածուած, որքան երբ կը խօսինք Տաճկահայաստանի մասին, «բանուորներ բոլոր երկիրներու միացէք»:

Երկար ծափահարութեամբ վարձատրուեցաւ դասախօսը: Ընկերները ջերմօրէն ծափահարեցին զայն, հակառակորդները քաղաքավարութեան համար, բայց եւ այնպէս անմիջապէս խօսք խնդրող ձեռքեր բարձրացան եւ երկար ընդդիմախօսութիւն մը ծայր տուաւ: Իրարու ետեւէ բազմաթիւ հակառակորդներ պարզեցին իրենց տեսակէտը, յարձակելով դասախօսի արտայայտած մըտքերուն վրայ: Ո՛րքան դասախօսը, անտեղեակ Հայաստանի իրականութեան, տեսականօրէն մօտեցաւ հարցին, նո՛յնքան մըն ալ ընդդիմախօսները փոխանակ փաստական տուեալներու վրայ յենուելու, զգայնական տրամադրութեամբ կը խօսէին, որով իրենց պաշտպանած դատը ինքնին կը տկարանար: Անշուշտ դասախօսի ընկերներէն ոմանք ալ խօսքի խառնուեցան, աշխատելով հիմնաւորել անոր մտքերը տեսական ֆորմիւլներով եւ բազմաթիւ մէջբերումներով Կարլ Մարքսէն, Էնգելսէն եւ մանաւանդ Պլէխանովէն, որ Ռուս Սոցիալիստներու անախարակական կենդանի քուրմը կը համարուէր:

Վիճարանութեան վերջաւորութեան մօտ՝ Լեւոնը ձայն խնդրեց: Անոր հաշմուած մարմինը, այլանդակուած դէմքը ներկաներու ուշադրութիւնը գրաւած էր: Երբ ոտքի ելաւ՝ փափսուք մը շրջան ըրաւ սենեակի մէջ. «Ո՞վ է այդ նորեկը», իրարու կը հարցնէին առանց դո-

հացուցիչ պատասխան մը ստանալու. «Ի՞նչ սարսափելի դէմք», ընկերուհիին կողմը ծուկով ըսաւ օրիորդ մը, «սարսափելի է, կարծես դեռ լինի», համաձայնեցաւ ընկերուհին:

— Խօսքը ձերն է, պարոն...:

— Այլթունեա՛ն, — ինքզինք ծանօթացուց Լեւոնը:

— Շատ լաւ, պարոն Այլթունեա՛ն, խնդրե՛մ...:

Լեւոնը հանդարտօրէն սկսաւ խօսիլ, այնպէս, ինչպէս ուսուցիչ մը աշակերտներուն կը բացատրէ նոր դաս մը: Երկու խօսքով դարձանք յայտնեց որ նման ծանրակշիռ հարց մը դասախօսութեան նիւթ դարձնելով՝ դասախօսը նեղութիւն չէ քաշած հայ ազգի նորադոյն պատմութիւնը ուսումնասիրելու, եւ ո՛չ ալ այն պայմանները, որոնց մէջ կ'ապրէր Թրքահայութիւնը նախ քան յեղափոխական շարժումը: Ատկէ վերջ թուցցիկ ակնարկ մը նետելով, սկսած եօթանասունական թուականի պատմութեանն, երկարօրէն կանդ առաւ ութսունական թուականի ժամանակաշրջանի վրայ: Հարազատ դոյներով նըկարագրեց Հայաստանի մէջ ապրող ազգերու կուլտուրական եւ տնտեսական վիճակը, անոնց փոխադարձ յարաբերութիւնները, ամէն մէկուն առանձնապատուկ շահերը, Օսմանեան պետութեան վարած քաղաքականութիւնը, հայ ժողովուրդի բացառիկ վիճակը եւ թուրք կառավարութեան վերաբերմունքը, մասնաւորաբար դէպի հայերը:

— Ես պիտի խնդրէի, — Լեւոնի խօսքը յանկարծ ընդմիջեց դասախօսը, — որ պարոն Այլթունեանի ըսածները թարգմանուէին ոուսերէնի: Շատ քիչ հայերէն իմանալով՝ կը դժուարանամ հետեւիլ անոր արտայայտած մտքերուն: Ինչպէս կ'երեւի, պրն. Այլթունեանը տաճկահայ է. անչուչտ բոլորիս համար ալ հետաքրքիր է զինք լսել, եթէ միայն կարելի լինէր թարգմանել...:

— Պրն. Միքայէլ, — խնդրեց նախագահը, — եթէ կարելի է...:

— Պէտք չկայ, — մաքուր ուսերէնով շարունակեց Լեւոնը, — մեր կեանքի առանձնապատուկ պայմաններու հետեւանքն է եւ այն, որ յարգելի դասախօսը մայրենի լեզուն չի կրնար խօսիլ, իսկ հայ կեանքի, հայ պատմութեան մասին այնքան դադափար ունի, որքան կրնար ունենալ զուիցերիացի պատահական ճամբորդ մը Հայաստանէն անցնելով: Եթէ այդ այդպէս չլինէր, դասախօսը ի դուր տեղ Վասպուրականի, Կարնոյ, Մուշի, Սասունի, Բաղէշի հայ, թուրք եւ քիւրտ բնուորութեան չպիտի կոչ ընէր, որպէսզի անոնք ազգային հիւանդագին հակամարտութիւնները մէկդի նետելով՝ եղբայրօրէն ձեռք ձեռքի տան շահագործող պուրժուա-քափիթալիստներու դէմ դասակարգային պայքար մղելու: Արդիւնաբերական զարգացած երկիրներու համար կաղապարուած ֆորմիւլաները անիմաստ, եթէ չըսենք ծիծաղելի կը դառնան երկրի մը համար, ուր ո՛չ գործարան կայ եւ ոչ ալ գործաւորութիւն, այս բաներու իսկական իմաստով: Տաճկահայաստանի նահանգները նահապետական տնտեսութեան շրջանի մէջ կը գտնուին: Ո՛չ երկաթուղի եւ ոչ կանոնաւոր ճանապարհներ գոյութիւն ունին, նոյնիսկ փոստը շաբաթը անգամ մը միայն կ'ըստացուի, իսկ ձմեռուան փոթորկոտ ամիսներուն՝ երբեմն երկու-երեք շաբաթը անգամ մը: Կը յուսամ ինքներդ ալ կը հասկնաք, որ այս պայմանները նմանութեան եզր չունին եւրոպական...:

Աղմկոտ բացազանչութիւններով ընդմիջուեցաւ Լեւոնի խօսքը:

— Կը սխալի՞ք, վերջի սթաթիսթիքական տուեալներու համաձայն...:

— Կ'երեւի Հապեշիստանի մասին է ձեր խօսքը...:

— Մենք հակառակ վաստեր ունինք... :

— Ի՞նչ իրաւունքով կ'ընդմխէք, — պոռաց հակառակորդ կողմէն պատանի մը :

— Դասախօսէն աւելի երկար խօսեցաւ, — կը պատասխանէ ուրիշ մը, — մենք հոս չենք եկած տարրական տեղեկութիւն իմանալու, «Կապիտալ»ի մէջ շատ որոշ ըսուած է... :

— Խօսքը «Կապիտալ»ի մասին չէ, հայ Ժողովուրդի կեանքի եւ տնտեսական վիճակի մասին է :

— Մանկապարտէ՛ր... :

— Այո՛, դուք պէտք ունիք սովբերու, — հեղինակն կը պատասխանէ օրիորդ մը :

— Խնդրեմ լռեցէք, — նախագահը ի դուր կը դանդակահարէ կարգը վերահաստատելու համար :

— Մենք հոս չենք եկած ազգային նէյնիմներ լսելու, այդ հաշիւը տարէք ձեր խեղճ հետեւորդներուն տուէք, — կը դուռայ կողիկ հաղնուած սիրունատես երիտասարդ մը :

— Կոլիա՛, — երկտասարդի թեւը ցնցելով, ընկերը կ'աշխատի դայն հանդստացնել :

— Տօ, թող է՛ր, — թեւը ազատել ջանալով կը նեղանայ Կոլիան, — նորէն հին պատմութիւնները, Մայր Արաքսը, Անին, Մասիսը... :

— Դուք իրաւունք չունիք վիրաւորելու մեր դպրոցումները, — զրեթէ լալով կը ճշայ տարիքը առած օրիորդ մը :

Նախագահի դանդակահարութիւնը կը շարունակուի : Ո՛չ ոք ուշադրութիւն կը դարձնէ ատոր : Շատեր ոտքի վրայ են : Կը վիճին. «Լուսթի՛ւն» կը պոռան, ա՛լ աւելի աղմկելով : Սենեակի մէկ անկիւնէն խումբ մը կը սկսի «Խնթերնաստրոնալ»ը երգել, օրիորդներէն ոմանք կը

ձայնակցին. անմիջապէս հակառակ անկիւնէն «Մեր հայրենիք» կը սկսին երգել, շատեր կը մասնակցին երգին :

— Անկցի՛ր ազգային կուսակցութիւնը, — աթոռի մը վրայ ելած կը պոռայ Կոլիան, — կեցցէ՛ Սոցիալ Դեմոկրատ կուսակցութիւնը :

— Եւ Պաքուի միլիոնատէր հայրդ, — աղմուկի մէջէն կը լսուին Միքայէլի հեղինական խօսքերը :

— Սրիկայ... :

Միքայէլի սեղանի վրայ դանուող դարեջրի լեցուն բաժակը օդին մէջէն կը ճամբորդէ. Կոլիան մէկ կողմ ծոկով բաժակը պատին կը հանդիպի ու ջարդ ու փշուր դետին կ'իյնայ : Չորս հինգ հոգի կը յարձակին Միքայէլի վրայ, որուն ընկերներն ալ կը փութան օգնութեան : Բռունցքներ կը բարձրանան ու կ'իջնան, աղջիկները կը ճչան, դանդակահարութեան ձայնը կը կորսուի տիրող աղմուկին մէջ :

Լեւոնը վայրկեան մը շքամ չորս բոլորը նայեցաւ : Ներկաները զրեթէ բոլորն ալ ոտքի վրայ կը պոռային կամ իրար կը հրմշտիէին. խի Միքայէլի շուրջը բռունցքներ կը բարձրանային : Լեւոնը ինքզինք նետեց կռուողներու մէջ իրարմէ դատելու մաքով, երբ բռունցք մը հանդիպելով բերնին, վերի շրթունքը վիրաւորուեցաւ : Առանց ուշադրութիւն դարձնելու վազող արիւնին, Լեւոնը թեւերը պարզած անդիմադրելի պատի նման ստիճանաբար իրարմէ հեռացուց կռուողները : Թէեւ Լեւոնը եւ ոչ խի ձեռք բարձրացուց, բայց ճակնդեղի նման կարմրած դէմքին ու կուրծքին քանի մը բռունցքներ իջան :

Այնքան իրար անցած էին, որ ոչ ոք հաշիւ կրնար տալ պատահածի մասին : Սենեակի հակառակ անկիւնը աթոռներու վրայ բարձրացած երկու օրիորդներ կը պոռային Լեւոնին .

— Ո՞ւժդ ցոյց տալու եկեր ես հոս...:

— Վայրենի՛ր...:

— Վայրենի՛ր, վայրենի՛ր, վայրենի՛ր, — ոտքերը հիսթէրիք կատաղութեամբ աթոռի նստատեղիին դարնելով կը պոռար շատ նիհար աղջիկ մը:

Համեմատական խաղաղութենէն օգտուելով, Լեւոնը բռնութեամբ սենեակէն դուրս հանեց Միքայէլը:

Փոթորկուած կիրքերը խաղաղուեցան: Դեռ քիչ առաջ ինքզինքնին կորսնցուցած դերակատարները ամօթով նայեցան կոտորուած բաժակներուն, իրարու խառնուած աթոռներուն: Բնականաբար ամէն մարդ կ'աշխատէր յանցաւոր մը դանել:

— Եթէ այդ մարդը չլինէր...:

— Ո՞ր մարդը, — առանց տեղէն շարժելու հարցուց դասախօսը, որ տակնուվրայութեան պահուն սեղանին առջեւ նստած մնացեր էր:

— Ալթունեանը, էն պատճառ դարձաւ էս խայտառակ կռուին, — փողկապը շտկելով ըսաւ Կոլիան:

— Ընկեր Կոլիա՛, — սրտնեղած պատասխանեց դասախօսը, — մեղքը անորը չէ, եթէ մենք չկրցանք քիչ մը համբերող լինել...:

— Ճիշդ վայրենիի կը նմանի, — պոռաց օրիորդ մը:

— Չեմ դիտեր, բայց խելօք մարդ մը կ'երեւի, — ընդմիջեց դասախօսը, — ես մեծ հետաքրքրութեամբ կը լսէի դայն...:

— Ժողովը փակուած է, — գլխարկը դնելով յայտարարեց նախագահը:

Գարեջրատան վնասը իրարու մէջ բաժնելով՝ բազմութիւնը դանազան խմբեր կազմած ցրուեցաւ: Կոլիան խումբ մը օրիորդներու հետ մտաւ Բլէն Բալէի անկիւնի Ռանատլտ քաֆէն: Անշուշտ խօսակցութիւնը դեռ քիչ առաջ պատահած անախորժութեան մասին էր: Բոլորն ալ

վատ կը զգային ու ամենէն աւելի Կոլիան: Ջղային աղջիկ մը, որու յուզումը դեռ չէր անցած, անդադար կը կըրկնէր:

— Բայց իսկական վայրենի մըն է այդ պարոն Ալթունեանը:

Այդ դէպքէն վերջ, երբ խօսք լինէր Լեւոնի մասին, փոխանակ անունը տալու, սարդապէս «վայրենին» ըսելով կը բաւականանային օրիորդները:

Երբ այդ գիշեր ուշ ատեն խումբը ցրուեցաւ, Կոլիան ընկերներէն բաժնուելով՝ քայլերն ուղղեց Ժարտէն Անկլէի կողմը: Կէս գիշերը անցած էր: Խոնաւ ու ցուրտ գիշեր մըն էր: Նաւամատոյցի վրայ բաւական երկար ժամանակ ետ ու առաջ պտտելէ վերջ, բոլորովին յոգնած Կոլիան դէպի իր սենեակը քալեց, քաղաքի լաւագոյն փողոցի վրայ առաջնակարգ փանսիոն մը, Ժարտէն Անկլէի պինդ մօտը: Վերարկուն բաղկաթոռի մը վրայ նետելով, օթոցի վրայ երկնցաւ, սիկարէթ մը վառեց ու բերնէն ելած ծուխի բարձրացող օղակները ուշադրութեամբ սկըսաւ դիտել, կարծես շատ կարեւոր միտք մը կար թագնուած անոնց մէջ: Եւ սակայն Կոլիան հազիւ թէ կը տեսնէր ծուխը, օղակները, սենեակը. միտքը բոլորովին տարբեր բանով մը զբաղած էր:

Այդ գիշերուան դէպքը, որուն գլխաւոր դերակատարն էր եղած դժբախտաբար, խորապէս վրդոված էր զինք: Դժգոհ էր ընկերներէն, աւելի դժգոհ ինքնիրմէն: Պատանեկան յալիչտակութեամբ յիմարութիւն ըրած էր, պատճառ դառնալով անախորժ կռուի մը:

Անշուշտ մէկ երկու օրէն կը մոռցուին կռիւն ալ, անոր անախորժ հետեւանքներն ալ. կը հաշտուէին հակառակորդները, որպէս թէ բան մը պատահած չլինէր. բայց Կոլիան կը զգար որ հարցը իրեն համար այնքան հեշտօրէն չի կրնար լուծուիլ: Գարեջրատան միջադէպը պիտի

տարածուէր ամէն կողմ, ուսանողներ պիտի գրէին այլ քաղաքներու մէջ դասնուող իրենց ընկերներուն, լուրը անշուշտ պիտի հասնէր Լօղանի, Պեոնի ուսանողութեան սկանչը: Մանաւանդ Պեոնի ուսանողութեան՝ որ մասնաւոր նշանակութիւն մը ունէր Կոլիայի համար: Պատահածը սովորական բան մըն էր, ուսանողական ժողովներու մէջ միշտ ալ կոխներ, անհամաձայնութիւններ կը պատահէին, բայց Կոլիայի համար անտանելին այն զիտակցութիւնն էր որ ինք պատճառ եղած էր կռուին եւ որ իր խաղացած դերը տեղ ու անվայել եղած էր այդ երեկոյ:

Տարի մը առաջ Լօղանի ուսանողական միութեան տուած երեկոյթին մէջ՝ Կոլիան առաջին անգամ լինելով պատահեցաւ թիֆլիսցի հայ օրիորդի մը, Սոնիա Ասլանովին: Այդ հանդիպումը նոր յայտնութիւն մը եղաւ Կոլիայի համար: Մինչ այդ՝ շարունակ օրիորդներով շըրջապատուած, մտքէն իսկ չէր անցուցած թէ կրնայ անոնցմէ մէկը սիրել եւ լրջօրէն կապուել ուէ մէկուն հետ: Այդ յաւակնութիւնը մասնաւոր բաւականութիւն կը պատճառէր իրեն: Աքիլէսի նման անխոցելի կը համարէր ինքզինքը: Սոնիան անակնկալ յայտնութիւն մը եղաւ իրեն համար: Դարսլասեց զայն իր շնորհալի արտաքինով, մտացիութեամբ, բարեկրթութեամբ: Ծանօթ ընկերներու միջոցով կըրցաւ բարեկամանալ Սոնիայի հետ: Առաջին հանդիպումէն վերջ շատ յաճախ Պեոն կ'երթար զայն տեսնելու: Անկասկած Սոնիան ալ անտարբեր չէր դէպի այդ բարեկրթ երիտասարդը, բոլոր ուսանողներէն աւելի կը նախընտրէր անոր ընկերակցութիւնը, անոր հետ երկար պտոյտներ կը կատարէր եւ Ծննդեան տօներէն օդտըւելով անոր հետ դացած էր Շամոնի, ձմեռնային հանդէսներուն ներկայ լինելու: Սոնիայի համար Կոլիան սրտցաւ ընկեր մըն էր, զարդացած երիտասարդ մը, ո-

րուն հետ կարելի էր հաճելի ժամանակ անցընել: Իսկ Կոլիան՝ բուն կերպով սիրահարուած՝ կը պաշտէր զայն: Ամառը միասին անցուցին Փիւռայի բարձունքին թառած Մարչիլի վիւղը, թուրիստներու յատուկ փանսիոնի մը մէջ: Ամբողջ օրը կ'անցընէին մայրիկ սքանչելի անտառին մէջ, կամ Փիւռայի լեռնաշղթան անցնելով կիջնային Լաք ալ ժու, Զուրիցերիայի ամենագեղեցիկ վայրերէն մէկը, իսկական մանրանկարը դալոց դրախտին:

Ամառուան ընթացքին, ամենօրեայ մօտիկութիւնը սովորական բարեկամութեան մը բնաւորութիւնը վտխելով, առաջացուց երկուքի մէջ մտերմիկ յարաբերութիւն մը, երբ հոգին ծածկող քօղը կը վերնայ եւ մարդ կ'երեւի նկարագրի հարազատ գծերով:

Օգոստոս ամսու վերջերուն, երբ ամառանոցէն իջնելու մասին կը մտածէին, Կոլիան Սոնիայի մօտ տեսաւ ազգային յեղափոխական ընկերութեան պաշտօնաթերթը, որ նոր փոստէն ստացուած էր: Այդ թերթը պատճառ դարձաւ երկուքի միջեւ լուրջ խօսակցութեան մը: Այդ առթիւ Կոլիան արտայայտուեցաւ ընկերական հարցերու, բայց մասնաւորապէս ազգային խնդիրներու նըկատմամբ:

Զուրիցերիա եկած ատեն Կոլիան խանդավառ հայրենասէր մըն էր: Պաքուեցի մեծահարուստ հանքատէրի մը զաւակը, կեանքին մէջ ո՛չ աշխատած եւ ոչ ալ աշխատելու պարտաւորուած, Կոլիան պարզապէս կը խորշէր այն բոլորէն, որոնք այս կամ այն կերպով կապուած էին աշխատաւորական հարցի հետ: Ուսանողութեան շրջանին, սակայն, Կոլիան ղինք շրջապատող ընկերներու ազդեցութեան ենթարկուած՝ հետզհետէ փոխուեցաւ, մինչեւ որ ինքզինք գտաւ Ռուս Ս. Դեմոկրատներու հետ մէկ շարքի վրայ: Բոլոր զաւանափոխներու նման, Կոլիան

կուրորէն ատեց այն ամէնը՝ ինչ որ ատեն մը ա'յնքան խանդավառօրէն կը պաշտէր: Աղբ, հայրենիք, աղբային կուտուրա, անկախութեան պայքար, ասոնք բոլորը Կոլիայի հասկացողութեամբ չէին արժեք գործարանի մը մէկ երկու հարիւր գործաւորներու գործադուլը: Դասակարգային պայքար. ահա սկիզբն ու վերջը անոր հաւատամքին:

Որքան ալ որ Սոնիան ընդհանուր կերպով ծանօթ էր Կոլիայի գաղափարներուն, բայց անոր հետ ունեցած երկարատեւ խօսակցութեան ընթացքին զարմանքով, աւելի ճիշդ սրտաբեկ տրամադրութեամբ, լսեց անոր ասանձ յարձակումները բոլոր այն խնդիրներու դէմ, որոնք աղբային գունաւորում ունէին: Անհամբերող ու դիմ Կոլիան իսպառ մերժելով աղբային ունէ արժէք, անվերապահ ջերմութեամբ կը ջատադուլէր դասակարգային պայքարը, որ իր կարծիքով հիմքն էր բոլոր ընկերային եւ հասարակական հարցերու:

— Ուրիշ խօսքով ստամոքսը, — տխրութեամբ ընդմիջած էր Սոնիան:

— Այո՛, եթէ խօսինք ժողովրդական լեզուով:

— Ուրեմն, Կոլիա՛, ձեր համոզումով անհատը որպէս արժէք գոյութիւն չունի պատմութեան մէջ, այլ միայն դասակարգային պայքարն է կեանքին ուղղութիւն տուողը: Միթէ՞ ստամոքսէն աւելի բարձր իտէալ մը գոյութիւն չունի ձեզ համար, միթէ՞ ձեր հողին շղթայուած է սահմանափակ շրջանակի մը մէջ:

— Ո՛չ: Կեանքի մէջ չկայ իրական արժէք մը, բացի դասակարգային կռիւր: Աղբային իտէալ, անկախութեան կռիւ, աղբային արժէքներ, ասոնք փայլուն արտաքինով անբովանդակ բառեր են միայն, այդպէս ըսած երեւակայական մեծութիւններ: Ինքնախաբէութեան համար թերեւս արժէքաւոր, բայց մեր պայքարը հէնց այդ

ինքնախաբէութեան դէմ է. սէտք է տապալել աղբային Փետիշը, անոր տեղ դնելու համար դասակարգային նպայքարի գիտակցութիւնը: Տառապող մարդկութեան համար իրական երջանկութիւնը, դասակարգային պայքարի միջոցով ձեռք պիտի բերուի...:

— Իսկ մինչ այդ երջանկութեան հասնի՞լը...:

— Դասակարգային գիտակցութեան բերել աշխատաւոր մասսան, անխորտակելի բռունցք մը դարձնել զայն ու այդ ծանր բռունցքով ջախջախել շահագործող դասը, անոր կառուցած պետական չէնքը, անոր յենարան եկեղեցին եւ ատոնց աւերակներուն վրայ հաստատել աշխատաւորութեան նոր պետութիւնը...:

— Լա՛ւ, Կոլիա, վերջացնե՛նք, դժուար թէ մենք իրար հասկնանք:

— Աւելի՛ վատ մեզ համար: Բայց Սոնիա՛, միթէ դուք չէ՞ք ըմբռներ բանուորական շարժումի արժէքը: Չէ՞ք տեսնար անոր յաղթական վերելքը: Անգամ մը նայեցէ՛ք ձեր չորս բոլորը: Եւրոպայի ամենաուժեղ պետութիւնը, գերմանական կայսրութիւնն անգամ, սարսափով կը հետեւի հետզհետէ աճող կաղմակերպուած բանուորութեան ուժին: Այսօր պատկառելի ուժ մը, վաղը անխորտակելի բռունցք մը: Միեւնոյն սարսափով կը դողայ ողջ Եւրոպան:

— Թերե՛ւս, բայց ես կը մտածեմ Հայաստանի մասին:

— Այսի՞նքն...:

— Միթէ՞ պարզ չէ ձեզ համար: Ես փոքրիկ մասնիկն եմ մեծ հաւաքականութեան մը, որ հայ ժողովուրդ կը կոչուի: Անոր եւ իմ մէջ կայ անխզելի կապ մը: Լեզու, պատմական անցեալ, սովորութիւններ, մտաւոր, հոգեկան կապակցութիւն. ասոնք աղբակներ են, որոնցմով ես կապուած կը զգամ ինքզինքս հաւաքականութեան

հետ: Հայ ժողովուրդը այսօր կ'ապրի անանուն տառապանք մը, կը պայքարի ձեռք բերելու համար կեանքի, դոյուլթիւն ունենալու տարրական իրաւունքը, որ դարեր շարունակ մերժուած է անոր: Ըսէ՛ք խնդրեմ, ես եթէ ցանկամ իսկ, կրնա՞մ ինքզինքս պոկել մեծ հատուածէն, կրնա՞մ չտեսնել, չզգալ, չխորհիլ: Անշո՛ւշտ ոչ:

Կոլիան, մտախոհ, չէր պատասխանած:

Երկու օր վերջ ամառանոցը ձգեցին: Սոնիան գնաց Պեոն, տարի մը քաղաքային հիւանդանոցի մէջ աշխատելու եւ անկէ վերջ երկիր երթալու նպատակով, իսկ Կոլիան վերադարձաւ ժընեւ:

Ձմեռուան ամիսներուն, միայն անգամ մը Պեոն գընաց Կոլիան: Սոնիան, ինչպէս միշտ, սիրալիւր քաղաքավարութեամբ ընդունեց բարեկամը. երեկոյեան ընթրիքէն վերջ միասին թատրոն դացին, բայց պարզ էր Կոլիայի համար որ անտեսանելի պատ մը բարձրացեր էր իր եւ Սոնիայի միջեւ: Կարծես եղածը բաւական չլինէր, հիմա ալ ուսանողական ժողովի պատմութիւնը պիտի վրդովէր Սոնիան:

Ժամը երկուքը անցած էր, երբ Կոլիան օթոցի վրայէն ելլելով՝ մօտեցաւ դրասեղանին ու նկար մը վերցընելով ուշադրութեամբ սկսաւ դիտել: Մարչիզիի փանսիոնի նկարն էր, փոքր քոտաքով մը քաշուած: Տան դըրան առջեւ հինգ վեց անգլիացի թուրիստներու հետ Սոնիան ու ինք կողք կողքի նստած էին սանդուխներուն վըրայ: Երկա՛ր երկա՛ր նայեցաւ նկարին, հոգոց հանեց, նկարը դրաւ տեղը ու հանուելով մտաւ անկողին:

ՍՈՆԻԱՅԻ ԵՒ ԼԵՒՈՆԻ ՀԱՆԴԻՊՈՒՄԸ

Ծնունդի տօներէն վերջ ժընեւի հայ ուսանողութիւնը կը պատրաստուէր շքեղ երեկոյթ մը տալու, ինչ որ ամէն տարի կը կրկնուէր: Երկու օր մնացեր էր նշանակուած օրուան, բայց դեռ երգչախումբը պատրաստ չէր, հայկական զգեստները չէին լրացած եւ վերջապէս կը թուէր թէ այս անդամուան երեկոյթը բոլորովին ձախողանք մը պիտի լինէր: Միքայէլ վեցամսեայ քննութիւններէն ազատած, ոտքով գլխով երեկոյթի պատրաստութիւններու մէջ ինկած էր: Ամբողջ ցերեկը տեղէ տեղ կը վազվզէր, իսկ գիշերները երգիչ խմբի փորձերուն կը մասնակցէր եւ շատ ուշ ժամանակ կը վերադառնար սենեակը, բոլորովին յոգնած:

Հակառակ Միքայէլի թախանձանքներուն, Լեւոնը ո՛չ մէկ անգամ գնաց փորձերուն ներկայ լինելու, իսկ երեկոյթէն օր մը առաջ երբ Միքայէլը տոմսակ մը տուաւ, ան ուսերը թօթուելով ըսաւ.

— Չէ, սիրելի՛ս, ես չեմ կրնար գալ:

— Բայց ինչո՞ւ, — հակառակեցաւ Միքայէլը, — Լօզանի ուսանողուհիներէն օրիորդ Սիրունեանը պիտի դայ, հրաշալի լեզվիմկա պարող մըն է, օրիորդ Շամամեանը Ուզուն տէրէ, Տասնըչորս պիտի պարէ. Յիւրիսէն, Պեոնէն, Լօզանէն շատ մը ուսանողներ պիտի դան, կարգին սաղանդարի խումբ մըն ալ սարքեր ենք. քամանչա, թառ, տաֆ, օրինաւոր կովկասեան քէֆ մը պիտի ունենանք: Տոմսերը գրեթէ սպառած են:

— Բոլոր սրտովս յաջողութիւն կը ցանկամ...:

— Բայց, Կարապետ, ինչո՞ւ կը յամառիս: Կու-
դա՛ս:

— Սիրելիս, չեմ կրնար, — ժպտելով մերժեց Լեւո-
նը:

Կիրակի երեկոյեան տեղի ունեցաւ հայկական երե-
կոյթը փայլուն յաջողութեամբ: Հակառակ ձախողանքի
վախերուն, քառաձայն երգուած հայ դեղջուկ երգերը
խոր տպաւորութիւն թողուցին օտար հասարակութեան
վրայ: Քոնսերվատուարի յայտնի փրօֆեսորներէն մէկը
ողբելորուած բեմ յարձրացաւ, խմբավարը շնորհաւորե-
լու: Շատ յաջող անցան խմբական եւ առանձին պարերը:
Մասնաւորաբար օրիորդ Սիրունեանի Լեզկինկան երեք
անգամ կրկնուեցաւ: Առաւօտեան ժամը երկուքին օտար
հիւրերը մեկնելով սրահը դատարկուեցաւ, մնացին հայ
ուսանողներն ու քանի մը ուսու եւ լեհացի ուսանողներ,
որոնք երգչախումբին մասնակցողներէն էին:

— Տղերք ջան, սեղանը շտկե՛նք, — սրահի միւս ծայ-
րէն ձայն տուաւ Միքայէլը:

Անմիջապէս քանի մը սեղան լրարու միացուցին,
պիւֆէի մնացած ուտելիքները դասաւորեցին վրան եւ
ուսանողները աղմկելով շրջապատեցին սեղանը: Կարգին
կովկասեան քէֆ մը սկսաւ:

— Հայ ուսանողութեան կենացը, — բաժակը բարձ-
րացնելով դռուաց սեղանի վարի ծայրէն պատանի մը, որ
այդ տարի եկած էր ժընեւ:

— Որ թարգմանուի մեր սեփական կենացը. ա՛յ դու
ապրիս, տղա՛յ, է՛լ ուրիշ կենաց չգտա՞ր...:

— Հայ ժողովուրդի կենացը, — Միքայէլը ոտքի
ցատկելով պոռաց, — ես կ'առաջարկեմ հայ ժողովուրդի
կենացը: Ձեր մէրը չմեռնի, մենք ի՞նչ ենք հայ ժողո-
վուրդի քով. էն է հաստարուն ծառի արմատը. մենք ու-
սանողներս՝ անոր նորարձակ դալար ճիւղերը, իսկ թէ

այդ ճիւղերը պիտի ուռճին, ծաղկին, պտուղ տան, այդ
միայն Ալլահը գիտէ: Ժընեւ՝ հարիւրաւոր ուսանողներ
եկան ու դացին, բայց հայկական դաւառներու մէջ դեռ
մեծ սով կայ սրտցաւ...:

— Երկար ճառ պէտք չէ, տե՛ղը նստիր, — Միքա-
յէլի փէշը քաշելով ընդմիջեց քովի նստողը...:

— Աչի, ձգեցէք թող խօսի...:

— Հա՛, կ'ըսէի, — բաճկոնի փէշը ընկերով ձեռքէն
ազատելով շարունակեց Միքայէլը, — կ'ըսէի, որ հայ
դաւառներու մէջ իսկական սով կայ սրտցաւ մտաւորա-
կաններու: Ի՞նչ եղան մեզմէ առաջ գնացողները. Թիֆլիս
մնացին, Պաքու վաղեցին՝ ոսկի հորթին երկրպագելու:
Ռոստով, Մոսկուա վրան բացին, ամէն բան ըրին որ հե-
ռու փախչին ժողովուրդէն: Իսկ մենք ի՞նչ օյին պիտի
խաղանք: Սատանան տանի, մենք էլ շատ բարի պտուղ
չենք երեւնար: Խմենք հայ ժողովուրդի կենացը:

— Խմենք, խմենք, — բազմաթիւ ուսանողներ ձայ-
նակցեցան Միքայէլին:

— Տէ՛ տղերք ջան, յոտնկայս «Մեր հայրենիք»ը:

Երեկոյթի նախաձեռնութիւնը կը պատկանէր ազ-
գային հատուածի պատկանող ուսանողներուն. հակառակ
խմբակցութենէն շատ քիչեր եկած էին, իսկ անոնցմէ ոչ
ոք համաձայնած էր մասնակցել երգչախումբին կամ ժո-
ղովրդական պարերուն: Օտար հիւրերու նման եկած ու
մեկնած էին: Միայն Կոլիան, Սոնիայի մօտ նստած, կը
մասնակցէր ուրախութեան:

— Տաչի, տաչի, օրիորդ Սիրունեան, տօ ծափեցէք,
տաչի, տաչի, կը սպասենք, օրիորդ Սիրունեան:

Օրիորդ Սիրունեանը ընդունուած սովորութեան հա-
մաձայն նազ ու տուզ ընելէ վերջ, ձեռները պարզած
սկսաւ պարել, մինչ մնացածները ծափ կուտային սա-
զանտարներու հետ ըիթմը պահելով:

— Հա ջան, հա ջան, սո ծափ տուէք, է՛... :

Իրարու ետեւէ ելան անոնք որ շնորհք ունէին պարեւու: Ա՛լ նազ չկար, մանաւանդ որ դիւին ալ նպաստած էր տրամադրութիւններու բարձրանալուն: Երդեցին, պարեցին, կենացներ առաջարկեցին:

— Բոլորդ մէկ մէկ կենաց պէտք է առաջարկէք, — հրամայեց թամատան, — սեղանի վարի ծայրէն, — հէ՛յ Կարօ, սկսի՛ր:

Հեղուկեմէ ոտքի բարձրանալով ամէն մէկը բան մը ըսաւ: Ոմանք երկու խօսքով բաւականացան, մասնաւորաբար օրիորդները, ոմանք ալ անպատճառ խելօք ճառեր արտասանելու փորձութեան ենթարկուած, խնդուք եւ ծիծաղ առաջ բերին:

Կարգը հասաւ Սոնիային: Անոր հանդէպ ուսանողութիւնը յարգալից վերաբերմունք մը ունէր: Նախ որ հասուն տարիքով լուրջ օրիորդ մըն էր, բայց ասկէ աւելի, որովհետեւ անոր կեանքին եւ անցեալ գործունէութեանը ծանօթ էին գրեթէ բոլոր ուսանողները: Ուսանողական խոշոր զանգուածին հետ միեւնոյն քաղաքական հոսանքին պատկանելով, Սոնիան հեղինակութիւն մը կը համարուէր բոլորի համար: Ի հարկէ անձնական նկարագիրն ալ մեծ տեղ մը կը բռնէր. փայլկանկատ բոլորի հանդէպ, սրտցաւ, ընկերական, դրաւած էր դինք ճանչցողներու սէրն ու յարգանքը:

— Սոնիա՛, Սոնիա՛... — եղաւ բուն ծափահարութիւնները ստիպեցին որ ոտքի բարձրանայ:

— Ես պիտի առաջարկեմ, — հաղիւ լսելի ձայնով մը սկսաւ Սոնիան, — որ այս բաժակը պարպենք մեր ընկեր գործիչներու կենացը: Հեշտ է այստեղ նստած կենաց խմել, բայց դժուար է ըմբռնել Հայաստանի դաւառներու մէջ ցրուած մեր ընկերներու կենդանի նահատակութիւնը: Պարագաներու բերումով հնարաւորութիւն ունեցայ

ծանօթանալու այդ մեծ առաքեալներու աշխատանքին, գործին, սպրած կեանքին: Դժոխային պայմաններու մէջ, այդ ընկերները բոլորովին ուրացած սեփական կեանքը, կ'ապրին բարձրօրէն այլասիրական կեանք մը, որ անըմբռնելի կրնայ թուիլ մեզ համար: Ահա այս մարդիկն են, որոնք ստեղծագործ վարպետներու նման Ֆիլիքական ու բարոյական աւերակներու մէջէն կը վերաշինեն վաղուան հայրենիքը, մեր Հայաստանը: Ձեզ բոլորիդ ծանօթ են անոնց անունները, Վասպուրականի Լեւոնը, Գարեգինը, Գէորգը, Նիւաւանը. եւ բազմաթիւ ուրիշներ: Այդ ղեկավարներու կողքին կան հարիւրաւոր գործակիցներ, շատերը անուս, նոյնիսկ անգրագէտ զեղձուկներ, բայց զարմանալի նուիրումով կապուած ընդհանուր գործին, ազգաշինութեան գործին: Առիւծ Գեօն, Մոսօն, Թովիալ Սատանան, Արօն, Մոկացի Յակոբը, բայց ո՛ր մէկը յիշեմ այդ սքանչելի հայրուկներէն, որ երէկ զէնք ունէին ձեռքերնուն, կուրծք կուտային թշնամի դնդակներուն, այսօր լուսաւորութեան ջահը կը պտտցնեն հայրենի խուլ անկիւններուն մէջ, թէեւ շատերն անոնցմէ հաղիւ հեգելով կարենան կարգալ: Բաժակս բարձրացնելով կ'առաջարկեմ բոլոր անոնց կենացը, որոնք սեփական կեանքը մոռցած, մեր ժողովուրդի, մեր հայրենիքի վերաշինութեան սրբազան գործին նուիրուած են:

— Ուռա՛, ուռա՛, ուռա՛... :

Դահլիճը թնդաց կեցցէներու եւ ծափահարութիւններու փոթորիկէն: Բոլորը ոտքի ցատկեցին. նուազողները «Մեր հայրենիք»ը նուագեցին, մինչ ուսանողները խանդավառօրէն ձայնակցեցան:

Միքայէլը ամբողջ երկու օր երեկոյթի պատրաստութեան պատճառով, հոս ու հոն վազվզելէն սաստիկ յոգնած էր, քիչ մըն ալ անժուժկալ խմելուն հետեւանքով

չուտով հարրեցաւ: Շուտ շուտ ոտքի կ'ելլէր կենաց առաջարկելու, մինչ կողքի ընկերները փէչէն քաշելով կը ստիպէին հանդարտ մնալ:

— Պարոն Միքայէլ, — Սոնիայի կողքին նստող Մարօն ձայնեց, — ո՞ւր է ձեր բարեկամը, միթէ՞ եկած չէր երեկոյթին:

— Միքայէլի բարեկամը, վայրենի՞ն ըսել կ'ուզես, Մարօ՛, — հեղնեց ուրիշ աղջիկ մը:

— Ես... ես կենաց, կենաց մը պիտի առաջարկեմ, — օրօրուելով ոտքի ելաւ Միքայէլը, — այս... այս բաժակը կ'առաջարկեմ վայրենիի կենացը... մենք բոլորս չարժենք... չարժենք էդ վայրենին... խմենք էնոր...:

— Նստի՛ր տեղդ, որ չես կրնար խմել...:

— Միքայէլը հարբած է... հուռա՛... — կեցած տեղը օրօրուելով բղաւեց նորեկ պատանին:

Միքայէլը առանց կարեւորութիւն տալու ընկերներու ընդմիջումներուն, բաժակը պարպեց ու ինկաւ աթոռի վրայ, գլուխը սեղանին յենելով:

— Բայց էդ ի՞նչ վայրենիի մասին է խօսքը, — Մարոյին հարցուց Սոնիան:

— Սարսափելի մարդ մը...:

— Իսկական վայրենի մը...:

— Ուսանողական ժողովը խանդարողը...:

— Դէմքին չես կրնար նայիլ...:

— Անշուշտ չէր դար երեկոյթին:

— Էլ ի՞նչ երեսով դար...:

Մինչ ամէն կողմէն վիրաւորական բացազանչութիւններ կը տեղային Լեւոնի հասցէին, Միքայէլը հազիւ ինքզինք պահելու վիճակի մէջ, ծանրացած գլուխը բարձրացուց եւ մատով Կոլիան ցոյց տուաւ:

— Ա՛յ... Կոլիան էր իսկական պատճառը... ես հարբած չեմ... Կոլիան էր... Ինչո՞ւ փէչս կը քաշէք...:

— Ճշմարիտ է, — կուսնալով դէպի Սոնիան խօսեցաւ Կոլիան, — յամենայն դէպս պարոն Ալթունեանը բոլորովին մեղաւոր չէր:

— Ալթունեա՞ն. ո՞րտեղացի է, — հետաքրքրուած հարցուց Սոնիան:

— Ճշմարիտ չգիտեմ: Պէտք է էսոնց հարցնել, — Կոլիան գլխով սեղանակիցները ցուցուց, — միեւնոյն դադափարի մարդ կ'երեւի, թէեւ անհասկեմատ դարդացած եւ տեղեակ Տաճկահայաստանի ժողովրդի վիճակին. լուրջ եւ խելօք մարդ մ'է:

Սոնիան զարմացած Մարոյին նայեցաւ: Եթէ այդ մարդը լուրջ մէկն էր, եւ գաղափարակից, ինչո՞ւ այդ հեղանքը եւ չարակամ վերաբերմունքը մէկու մը հանդէպ, որու մասին հակառակորդ խմբակցութեան մէկ անդամն իսկ չէր քաշուեր դարդացած եւ լուրջ մարդ համարելու:

— Մարօ, ի՞նչ մարդ է այդ պարոն Ալթունեանը, — հարցուց Սոնիան:

— Երկար պատմութիւն է, յետոյ կը պատմեմ:

Առաւօտեան ժամը չորսին ցրուեցան քէֆ ընողները: Երկու ընկերներ Միքայէլի թեւերը մտած սենեակ հասցուցին: Սոնիան դնաց Մարոյի բնակարանը, ուր պիտի գիշերէր: Բաժնուելու ժամանակ, Կոլիան աղջկան ձեռքը սեղմելով, հարցուց.

— Սոնիա՛, ե՞րբ պիտի մեկնիք:

— Կէսօրէն վերջ, ժամը չորսի դնացքը կը վերցնեմ:

— Երեքին Մարոյի մօտ կը լինիմ:

Կէսօրէն վերջ երբ դասախօսութիւնը վերջացաւ, զրքերը անութիւն տակ սեղմած, Լեւոնը դուրս եկաւ Ռուսոյի անուան նուիրուած հաստատութենէն: Սաստիկ գլխի ցաւ ունէր ու փոխանակ սենեակը վերադառնալու,

քայլերը ուղղեց դէպի Ռուսոյի կողին, որ շատ հեռու էր: Փոքրիկ կողին բոլորովին ամայի էր: Խոնաւ եւ ցուրտ քամի մը կը փչէր ու տերեւաթափ կաղնիի լերկ ճիւղերը ողբադին կը հեծեծէին: Ըստ սովորութեան, Լեւոնը ետ ու առաջ ման դալէ վերջ, տեղաւորուեցաւ նստարանի վրայ, գրքերը կողքին դնելով: Կարճ եւ ճրմրան եղանակի անյարմար վերարկուով պատսպարուած, Լեւոնը եւ ոչ իսկ կը զգար ցուրտն ու քամին: Մնչարժ նստած, հայեացքը հեռուն դէպի Ալպերը, ո՞վ գիտէ ինչ խորհուրդներ կ'ալեկոծէին միտքը:

Յանկարծ կենդանի գործէն կտրուած, օտար քաղաքի եւ նոր միջավայրի մէջ, Լեւոնը զարմանալի կերպով մինակ կը զգար ժրնեւի մէջ: Մնահողորդ էր շուրջի եռացող կեանքին եւ ոչ ալ հայ ուսանողութիւնը կը ջերմացնէր զինք: Ճիշդ է, դպրոցական դրաղմունքը շատ պարապ ժամերուն ալ անվերջ կը կարդար, բայց կարծես այդ աշխատանքը էր դոհացներ զինք, ծարաւը կը զգար կենդանի, աշխոյժ գործին, երբ մարդ ինքզինքը կը մոռնայ, ամբողջովին կլանուած աշխատանքով: Ուսանողի անսովոր կեանքը, անհարադատ միջավայրը, շրջապատի անծանօթ դէմքերը, ասոնք բոլորը ծանր բեռի մը նման ճնշեցին զայն: Հողի խորքէն ախր կը քաշէր Շատախի, Կարկառի խելառ լեռներուն, սարերու կշտին կպած դեռնափոր դիւղերուն, մուխի եւ ծուխի մէջ կորած թոնրատներուն, կոպիտ, անտաշ դիւղականներուն: Վերջիւ շուրջ այդ պատկերներուն ջերմութեամբ կը լեցնէին սիրտը: Մանաւանդ երբ կը վերջիջէր բազմաթիւ դիւղական դպրոցները, փոքր, կէս խաւար խուցեր, ուր յատակի փոխաթին վրայ ծալապատիկ նստած չարաճճի երեխաներ հեգելով կը փորձէին կարդալ:

Դժգոհ էր Լեւոնը ինքն իրմէն: Հայրենաբաղձութենէ բռնուած, կը մեղադրէր զինք, որ դասալիքի նման հե-

ռացեր էր երկրէն, ուր այնքան աշխատանք կար կատարելիք: Նոյնիսկ իր յողնածութիւնը չքմեղանք մը կը համարէր երկրէն հեռանալու: Անարդար լինելու աստիճան, Լեւոնը ինքզինքը կը մեղադրէր ու անհամբեր կը սպասէր ամառուան գալուն, ետ վերադառնալու Երկիր, իր ժողովուրդի ծոցը, անոր լացովն ու ծիծաղովը ապրելու:

Կոլիան ճիշդ ժամանակին եկաւ Սոնիային ընկերակցելու համար: Մարոյի սենեակը լեցուած էր ուսանող ուսանողուհիներով. եկած էին ճամբու դնելու Սոնիան, Օրիորդ Սիրունեանը եւ ուրիշ երկու ուսանողներ: Խրմրով դուրս ելան, խօսելով, կատակելով ուղղուեցան դէպի երկաթուղիի կայարանը: Ռոն դետի կամուրջներէն մէկէն պէտք է անցնէին քաղաքի հակառակ կողմը երթալու համար:

— Ռուսոյի կողմով անցնինք, — խնդրեց Օր. Սիրունեանը, — քաղցր յիշողութիւններով կապուած եմ այդ կողմին:

— Չար քեզի, — ներողամտաբար ժպտեցաւ Մարօն, — ո՞ւր է նշանածդ:

— Պաքու հաստատուած է, Կասպեան ընկերութեան մօտ կը ծառայէ:

Ռուսոյի կողմակը նեղ պարանոցով մը կը միանայ Ռոնը խաչաձեւոց բազմաթիւ կամուրջներէն երկրորդին հետ: Հազիւ երեսուն քառասուն քայլ երկարութեամբ եւ քսանեւէինդ քայլ լայնութեամբ աննշան կղզեակ մըն է այդ հողամասը: Բայց չկայ թուրիստ մը, հեռաւոր երկիրներէ եկող այցելու մը, որ չհանդիպի հոն, չնստի մենաւոր աթոռին վրայ, ուր ատեն մը մեծ խմստասէրը կը հանդէսէր:

Մեր ուսանողներու խումբը դանդաղօրէն կ'անցնէր

կամուրջի վրայէն, երբ Մարօն աչք ընելով օրիորդ Սիրունեանին, մեղմօրէն փսփսաց:

— Ահա ձեր սիրաբանութեան բոյնը:

— Օ՛, ինչ լերկ ու մենաւոր կ'երևել իմ անուշիկ կըզդիս, — ափսոսանքով վրայ բերաւ օրիորդ Սիրունեանը:

— Ահա Կարապետը, — մատով ցոյց տուաւ Միքայէլը, նստարանի վրայ նստած մէկը, որուն կոնակը կ'երեւար, դէմքը դարձուցած լինելով Լեմանի լճին:

— Ո՞վ ըսիք, — հետաքրքրուեցաւ Սոնիան:

— Ալթունեանը, — բացատրեց Մարօն, — շուտով կամուրջը անցնինք, այդ մարդուն տեսքը միայն զլիսացաւ կը պատճառէ ինձ:

— Ընդհակառակը, հետաքրքիր է հանդիպել այդ մարդուն. քալենք դէպի կղզին, դեռ ժամանակ ունինք դնացքին հասնելու, — խնդրեց Սոնիան:

Ամբողջ խմբով նեղ պարանոցէն անցնելով կղզին մտան:

— Կարծես նախկին հրապոյրը չունի այլեւս, — ափսոսանքով ըսաւ օրիորդ Սիրունեանը:

— Ի հարկէ չունի, նազելի օրիորդ, — կատակելով ըսաւ Միքայէլը, — բոյնը աւրուած, իսկ թռչունը թռած է մինչեւ Պաքու:

Խմբի աղջիկները բարձրաձայն քրքջացին:

Միեւնոյն տեղը նստած՝ Լեւոնը խորասուզուած կը մտածէր, երբ այնպէս թուեցաւ իրեն, թէ քանի մը քայլ հեռուէն հայերէն խօսակցութիւն մը կը լսէր: Դեռ ինքզինք չգտած, ետեւէն լսուող քրքիջները բոլորովին սթափեցուցին զայն: Բնազդօրէն գլուխը ետ դարձուց:

— Լեւո՛ն, պարոն Լեւո՛ն, — Սոնիան երկու քայլ առնելով յանկարծ կանգ առաւ:

Լեւոնը ամբողջ հասակով ցցուած էր նստարանի կողքին: Դէմքի անմիջական կարմրութեան յաջորդեց մա-

հատիպ դունատութիւն մը: Մեքենայօրէն գլխարկը վար առաւ ու ձեռքը երկարած մօտեցաւ Սոնիային:

— Բարեւ ձեզ, օրիորդ Սոնիա՛:

— Բայց այս դո՞ւք էք... Ձեմ կրնար աչքերուս հաւատալ... Շատ, շատ ուրախ եմ. ուրեմն ժընեւ կը դըտնըւիք... Բայց ինչո՞ւ չգրեցիք...

Սոնիան չաւարտեց նախադասութիւնը, իրեն այնպէս թուեցաւ թէ Լեւոնի դէմքի վրայէն յանդիմանական մեղմ ժպիտ մը անցաւ: Թերեւս այդպէս էր, բայց չէ՞ որ Լեւոնի բաղմամբիւ նամակները անպատասխանի ձգած էր առանց հիմնաւոր պատճառի: Մեղաւոր լինելու գիտակցութիւնը կը վիրաւորէր իր հպարտութիւնը: Նուաստացումի զգացումին հետ սակայն, Սոնիան անբացատրելի ուրախութիւն մը կը զգար ներքնապէս: Բոպէաբար, ինչ որ անձանօթ բայց քաղցր դժուարակութիւն մը համակեց ողջ էութիւնը: Չարմանալի շերմութիւն մը զգաց հոգիին մէջ, կարծես Լեւոնը անհետ կորսուած հարազատ մը լինէր, որ յանկարծ երեւան կուգար:

Սոնիան բաւականութեան ակնյայտնի երեւոյթով Լեւոնի ձեռքէն բռնած մօտեցաւ խմբին, որ քանի մը քայլ հեռու մնացեր էր, բոլորովին զարմացած վիճակի մէջ: Սոնիայի ձայնին մէջ թագնուած յանդիմանութեան շեշտ մը կար, երբ խմբին դառնալով՝ ըսաւ.

— Խնդրեմ ծանօթանաք, Վասպուրականի Լեւոնը:

Ոչ ոք տեղէն չարժեցաւ. զարմանքով կը նայէին Սոնիային, թերեւս չհասկցան անոր արտասանած խօսքերու իմաստը: Ի՞նչ ըսել կ'ուզէր Սոնիան, «Վասպուրականի Լեւոնը» ըսելով: Միթէ՞ այդ մարդը կրնար լինել այն Լեւոնը, որուն անունին եւ դործերուն բոլորն ալ ծանօթ էին:

— Կոլիա, — իր կարգին շփոթած Սոնիան դարձաւ անոր, — ձեզ պատմեր եմ պարոն Լեւոնի մասին:

— Օ՛ր, անշուշտ կը յիշեմ, — կարծես նոր դիտի ին-
կած Կոլիան աշխուժով մօտեցաւ Լեւոնին եւ ջերմօրէն
ձեռքը սեղմելով ըսաւ, — շատ ուրախ եմ ձեզ հանդիպե-
լուս, ձեր մասին լսած եմ օրիորդ Սոնիայէն:

— Տօ՛ւ, էս ի՞նչ օյին է, Կարապետ, — շքամած Միքա-
յէլը ընկերոջ վզին փաթթուելով բացաղանչեց, — սօ, էս
ի՞նչ խաղ խաղցիր դիտուս: Պարոն Կարապետ Այթուն-
եան, ո՞նց չէ. էն Պոլսի ընկերներն ալ... ա՛յ էս էնոնց
հերն անիծած... անիրաւները դիտ լաւ ծուղակը ձգե-
ցին...

Խմբի մնացած անդամներն ալ իրարու ետեւէ մօտե-
նալով ծանօթացան Լեւոնի հետ: Մարօն, անակնկալ
յայտնութենէն ամենէն աւելի ազդուած, երբ ձեռք կու-
տար Լեւոնին, մեղմօրէն շնջաց.

— Խնդրեմ ներեցէք, պարոն Լեւոն:

— Ներե՞լ, ի՞նչ բանի համար, օրիորդ:

Երանի թէ այդ բողբոջին դեռինը ճեղքուէր ու ինք
մէջ կորսուէր, մտածեց Մարօն: Ահա վայրենին, որ
այնքան խտօրէն հալածած էր, ու յանկարծ ո՞վ լի-
նի այդ վայրենին, ուրիշ ոչ ոք բայց եթէ իր պաշտած
հերոսը, Վասպուրականի Լեւոնը:

— Այսպէս խմբով ո՞ւր, — հարցուց Լեւոնը, — վատ
եղանակ է զրօսնելու համար:

— Կայարան կ'երթայինք հիւրերը ճամբու դնելու, —
պատասխանեց Միքայէլը, դիտով Սոնիան եւ անոր ըն-
կերները ցուցնելով:

— Ուրեմն արդեւք չլինիմ, — գլուխը խոնարհեցնե-
լով ըսաւ Լեւոնը եւ քայլ մը ետ քաշուեցաւ:

— Բայց ո՛չ, խնդրեմ. չէի՞ք ուզեր մինչեւ կայարան
ընկերանալ մեզի, — խնդրեց Սոնիան:

Լեւոնին ուրիշ բան չէր մնար եթէ ոչ համաձայնիլ:
Հիմա արդէն արագ կը քալէին՝ ժամանակին կայարան

հասնելու համար: Սոնիան Լեւոնի եւ Կոլիայի մէջտեղէն
կը քալէր սաստիկ մտազբաղ վիճակի մէջ: Տարիներ ա-
ռաջ բոլորովին անսպասելի կերպով հանդիպած էր Լե-
ւոնին, երբ վերջինս փախստական թաղնուած էր Յակոբի
սենեակին մէջ: Հիմա ալ երբ անոր հանդիպելու մասին
չէր ալ մտածեր, ահա յանկարծ դէմ դիմաց կը գտնուէր
Լեւոնին հետ: Դեռ հազիւ կէս ժամ միասին ու նորէն
Սոնիան ողջ էութեան մէջ կը զգար բարձրացող փոթո-
րիկը: Ի՞նչ կը նշանակէին հոգեկան խռովքը, իրար խա-
չաձեւող զգացումները: Արդեօք դո՞ւ էր Լեւոնի հանդի-
պելուն, անշո՛ւշտ, չէ՞ որ երկրէն կուզար, ընկերներու
մօտէն, այնքա՞ն պատմելիք նորութիւններ կ'ունենար,
տեղեկութիւններ երկրի գործերէն, ճանչցած ընկերնե-
րէն: Իսկ յետո՞յ, միթէ՞ միայն այնքան: Առաջի վայր-
կեանի զղացած ջերմ ուրախութիւնը տեղի տուած էր
խոր մտմտութի: Սոնիան ինչպէ՞ս կրնար մոռնալ Վանի
մէջ ապրած հոգեկան տառապանքը, այդ մարդու պատ-
ճառով: Եթէ միայն Լեւոնը կայուն դիմադիմ մը ունե-
նար, անփոփոխ վերաբերմունք մը: Ահա հիմա ալ քովէն
կը քալէ Լեւոնը, կարծես բոլորովին մոռցած թէ ո՛ւր կը
գտնուի եւ որո՞ւ հետ: Համաչափ քալուածքով, շարժա-
կան արձան մը, արագօրէն այս պատկերը անցաւ Սոնի-
այի մտքէն, ինչպէս երբեմն Վանի մէջ, երբ կողք կողքի
նստած կը խօսէին Վահէի մասին: Կարծես արիւնը պիտի
սառէր Սոնիայի երակներուն մէջ: Օ՛ր, ինչ լաւ որ շու-
տով կայարան կը հասնին եւ քանի մը վայրկեանէն դը-
նացքը ճամբայ կ'ելլէ ու ինք կը մոռնայ. պէ՛տք է մոռ-
նայ Լեւոնը, ինչպէս մարդ կ'աշխատի մոռնալ գէշ երագ
մը: Բայց ճի՞շդ որ կ'ուզէր մոռնալ. արդեօք Սոնիան
ինքզինք չէ՞ր փորձեր խաբել:

Գնացքը մեկնելու երկու վայրկեան կար, երբ խում-
բը հասաւ կայարան: Միքայէլը օրիորդ Սիրունեանէն

տոմսակի դրամը առնելով մօտեցաւ Սոնիային .

— Առաջի՞ն թէ երկրորդ կարգի տոմսակ . . .

— Շնորհակալ եմ , ես դեռ ժամանակ մը ձեզի հիւր պիտի մնամ , — յայտնեց Սոնիան քիչ մը վարանելով , ու անմիջապէս աւելցուց , — այսօր պիտի չմեկնիմ :

— Ի՞նչ լաւ բան մտածեցիր , որ ես կը խնդրէի , — յայտնապէս ուրախացած Մարօն աջ թեւով դրկեց Սոնիայի մէջքը :

— Այո՛ , սիրելիս , պիտի մնամ քանի մը օր , թերեւս շաբաթ մը , իսկ քու ապրած տան մէջ ազատ սենեակ կա՞յ :

— Անշուշտ , Սոնիա , ճիշդ իմ սենեակի կողքին , անկիւնի սիրուն սենեակ մը առանձին ընդունարանով :

Կոլիան զարմացած , քիչ մըն ալ ներքնապէս դժգոհ , Սոնիան կը դիտէր : Պարզ էր , որ Լեւոնի յանկարծակի երեւումը կերպարանափոխած էր Սոնիան , անոր հանդարտ , անխռով դէմքը զգալապէս անհանդարտ , զարմանալի արտայայտութիւն մը ստացեր էր : Բայց թէ ինչո՞ւ այդ փոփոխութիւնը , Կոլիան կը դժուարանար պատասխանել : Քովընտի նայեցաւ Լեւոնին : Ամբողջ գըլխով բարձր բոլորէն , սարսափելի այլանդակուած դէմքով , զգեստներն անխնամ ու կարծես վրայէն թուլօրէն կախուած , բարակ վերարկուն հազիւ մինչեւ ծունկերը իջած եւ այդ բոլորը ծիծաղելի երևոյթ մը կուտային անոր : Կոլիան հոգեկան խաղաղութիւն մը զգաց : Ներքնապէս խնդաց ինքն իրեն վրայ , ինչո՞ւ այդքան խանդոտ լինել , երբ իրապէս խանդոտելու ո՛չ մէկ պատճառ կար մէջտեղ : Սոնիան եւ Լեւոնը հին գործակից ընկերներ էին , ու բնական էր որ սլառահասակ քանի մը վայրկեաններու հանդիպումով չդոհանային : Աշուշտ Սոնիան չէր կրնար ձգել ու հեռանալ , երբ հազիւ երկու խօսք փոխանակած էր հին ընկերոջը հետ : Բայց , ինչո՞ւ այդ Լեւոնը

ծիծաղելի լինելու աստիճան երկար հասակով , սառոյցէ շինուած մարդ մը , սֆինքսի նման լուռ կը մնար , կարծես չէր տեսներ , չէր լսեր , չէր զգար : Արդեօք բո՞ւթ մարդ մըն է , թէ մեծամտութենէ բնուած , հերոս կը խաղայ , մտածեց Կոլիան , առանց սակայն որոշ եզրակացութեան մը գալու :

Օրիորդ Սիրունեանը եւ ընկերները ճամբելէ վերջ , մինչեւ Բլէն Բալէ հրապարակը միասին քալեցին : Հոն Մարոյի հետ Սոնիան ու Կոլիան զատուեցան Բիւ տէ Ֆիլոսովի կողմը շեղելով , ուր կ'ապրէր Մարօն : Բաժնուելու պահուն Սոնիան Լեւոնին ձեռք տալով՝ ըսաւ .

— Պարոն Լեւոն , խնդրեմ այս երեկոյ հանդիպիք :

Լեւոնն ու Միքայէլը շարունակեցին ճամբան : Երբ տուն հասան , Լեւոնը իր սենեակը քաշուեցաւ :

— Յոգնած եմ ու գլխու սաստիկ ցաւ ունիմ . քիչ պիտի հանգստանամ :

Անկողնին վրայ երկննալով , թեւերը գլխատակ ըրած , Լեւոնը երկար երկար մնաց միեւնոյն դիրքին մէջ , աչքերը յառած առաստաղին :

Այդ երեկոյ , ինչպէս նաեւ յաջորդ երեկոները , Լեւոնը Սոնիային մօտ անցուց : Կոլիան , Մարօն և Միքայէլը կը հաւաքուէին Սոնիայի կոկիկ ընդունարանի մէջ , ուր ընկերական ջերմ մթնոլորտ մը կը ստեղծուէր , փոխադարձ յարաբերութիւնները ներդաշնակելով : Հակառակ Լեւոնի վերապահ բնաւորութեան , զարմանալիօրէն ընտանի տրամադրութիւն մը կը զգար այդ շրջանին մէջ՝ վաղուց կորսնցուցած ընտանեկան մթնոլորտին խաբկանքը ապրելով : Աւելի ազատ , աւելի խօսուէն տրամադրութիւն մը կը զգար , երբ կը մտնար ընդունարանի դռնէն ներս : Բնականաբար խօսակցութեան մեծ բաժինը կ'իյնար Լեւոնի վրայ : Իր սովորական ծանրութեամբ կը

պատմէր երկրէն, ժողովրդի վիճակէն եւ այն բոլոր դոր-
ծերէն, որոնց ինքն ու իր ընկերները ձեռնարկած էին,
Սահմանադրութեան յայտարարութենէն վերջ: Երբ Լե-
ւոնը կը խօսէր, կը պատկերէր ժողովրդի վիճակն ու
գործերու ընթացքը, ընդունարանի մէջ գտնուողները ու-
շադրութեամբ կը լսէին դայն, աներկբայելի ջերմութիւն
մը, խանդավառ տրամադրութիւն մը զգալով իրենց մէջ:
Այնքա՛ն երգուած, փառարանուած Հայաստանը, որ ան-
ծանօթ մեծութիւն մը կը մնար իրենց համար, Լեւոնի
պատմածներով հետզհետէ ձեւ կ'առնէր, կ'ամբողջանար,
չօշափելի իրականութիւն մը դառնալով:

Կոլիան աճող հետաքրքրութեամբ մտիկ կ'ընէր,
ներքնապէս զգալով որ հայկական հարցը իրեն համար
նոր գնահատութեան մը կը կարօտի: Բայց ամէն բանէ
աւելի՛ անոր վրայ խոր տպաւորութիւն ձգողը եղաւ
պատմողը: Այդ հաշմուած, անդուրեկան արտաքինով
մարդը հոգեկան այնպիսի կորով, գեղեցիկութիւն կը
յայտնաբերէր, որուն հմայքին ենթակայ, Կոլիան չէր
կրնար չզննահատել անոր բացարձակ արժէքը, եթէ որ
ան իր մասին, իր կատարածներու վերաբերմունքը չէր ալ
խօսեր:

Ահա խումբ մը մարդիկ, կը մտածէր Կոլիան, որոնք
հերքիւլէան աշխատանքի մը լծուած էին՝ քանդուած
ազգային կառուցուածքի մնացորդներէն վերստեղծելու
նոր, աւելի հիմնական շէնք մը: Որքան ալ որ դադափա-
րաբանութեամբ Կոլիան տարբեր դաւանանքի պատկա-
նող, կրնար այդ աշխատանքը ազարդիւն համարել, սա-
կայն չէր կրնար խորապէս չզննահատել անձնազոհ խմբի
մը կատարած աշխատանքները: Կոլիան կը զգար որ այդ
շատ համեստ մարդը, թէեւ կը փորձէր յաջողութեան
վարկը ընկերներուն բաժին հանել, բայց ինք կեղբոնա-
կան դէմքն էր գործին, առանցքը՝ դարձող անիւին: Բա-

ցառիկ տիպ մը, որ ստեղծուած է ղեկավարելու շնորհ-
քով:

Հինդաբթի երեկոյ, սովորական ժամէն քիչ մը ուշ,
Լեւոնը դուրս եկաւ տունէն Սոնիային այցելելու համար:
Միքայէլը եւ Մարօն այդ երեկոյ թատրոն գնացած էին:
Երբ Լեւոնը բարձրացաւ երկրորդ յարկը եւ նեղ միջանց-
քէն կ'անցնէր, յանկարծ Սոնիայի յարկարաժնի դուռը
բացուեցաւ ու Կոլիան այլադունած դէմքով դուրս եկաւ
միջանցքը: Առանց խօսելու, գլխի չոր շարժումով բա-
րեւեց Լեւոնը եւ արագօրէն սանդուխէն իջնելով՝ մեկնե-
ցաւ:

Լեւոնը շժամ կանգ առաւ միջանցքին մէջ: Կոլիայի
չառագունած դէմքը, սառտիկ յուզուած վիճակը, իր
հանդէպ ցուցուցած անբարեացակամ վերաբերմունքը
սաստիկ դարմացուցին զինք: Անկասկած Սոնիայի եւ Կո-
լիայի մէջ ծանրակշիռ խօսակցութիւն մը տեղի ունեցած
էր: Լեւոնը խօսակցութեան ֆութեան մասին եւ ո'չ իսկ
տարակուսեցաւ: Քանի մը օրերու հանդիպումներու ժա-
մանակ, Լեւոնի աչքէն չէր վրիպած Կոլիայի հոգեկան վի-
ճակը եւ ոչ ալ մեծ սրատեսութեան պէտք ունէր տեսնե-
լու թէ՛ Կոլիան ամբողջովին տարուած էր Սոնիայով եւ
պաշտելու աստիճան կը սիրէր դայն: Այդքանը հասկնա-
լի էր Լեւոնի համար: Բայց ինչ որ զինք չիթեց, այդ
Կոլիայի վերաբերմունքն էր իր հանդէպ: Միշտ զուսպ
եւ ղիմակաւոր դէմքով, Լեւոնը ունէ պատճառ տուած
չէր Կոլիային՝ թէկուզ հեռուոր կերպով կասկածելու
Սոնիայի հանդէպ ունեցած իր զգացումներու մասին:
Ուրեմն ի՞նչ պատճառով Կոլիան կրնար զրգուռիլ իր
դէմ. ինչո՞ւ քիչ առաջուան անբարեկամական տրամա-
դրութիւնը, մինչ նախորդ գիշերներ այնքան սիրալիբ
վերաբերմունք ցոյց կուտար:

Միջանցքին մէջ ատեն մը սպասելով՝ Լեւոնը մօտեցաւ ու կամաց մը թխկացուց սենեակի դուռը:

— Մտէք խնդրեմ, — ներսէն լսուեցաւ Սոնիայի մեղմ ձայնը:

Սեղանի առջեւ նստած էր Սոնիան, գլուխը վար հակած մտամոլոր վիճակի մէջ: Լեւոնի սենեակի մտնելուն՝ բարձրացաւ ու առանց խօսելու ձեռքը երկարեց անոր:

— Չե՞մ խանդարեր, — հարազատի հոգածութեամբ հարցուց Լեւոնը, արցունքի հետքեր նկատելով Սոնիայի դէմքին վրայ, — թերեւս կը նախընտրէք առանձին մնալ:

— Ո՛չ, խնդրեմ նստէք, արդէն ձեր դալուն կը սպասէի, օթոցի վրայ, այդպէս աւելի հանդիստ կը լինիք:

Միրած աղջկան տառապանքը նկատելով Լեւոնը, սիրտը կծկուեցաւ: Սոնիայի հոգեկան անսովոր վիճակէն յայտնի էր որ քիչ առաջ շատ լուրջ խօսակցութիւն մը ունեցած էր եւ դեռ զգալապէս կը գտնուէր անոր տըպաւորութեան տակ:

Կարծես Լեւոնի սիրտը աքցանի բերնին մէջ սեղմուած լինէր: Մինչ անհնարին տառապանք մը կ'ապրէր, որպէս թէ չնկատելով Սոնիայի հոգեկան վիճակը, Լեւոնը փոքր սեղանի վրայէն Ֆրանսերէն ամսագիր մը վերցուցած կը թղթատէր, կարդալ կեղծելով:

Օ՛ր, եթէ կարենար, եթէ միայն հնարաւոր լինէր վերակենդանացնել Վարդանը, այն ժամանակ անհուն կարօտով պիտի դրկէր, սրտին վրայ սեղմէր Սոնիան, պիտի մոռցնել տար անոր ապրած բոլոր տառապանքները, անոր խաւար կեանքը սիրոյ ջերմ ճառագայթներով պիտի լուսաւորէր: Բայց միթէ՞ հնարաւոր էր գերեզմանէն վերադառնալ, միթէ՞ իր ինքնութեան յայտնութիւնը մըլտական տառապանքի նոր աղբիւր մը պիտի չլինէր Սոնիայի համար:

Վարդան ու Լեւոն. կա՞ր նմանութեան եզր մը երկուքին միջեւ: Վարդանը մեռած կը համարուէր, ու թե-

րեւս ճիշդ ատոր համար աւելի փայլուն յիշողութիւն մը կը մնար, դերազանց տեղ մը դրաւելով Սոնիայի մտքին, սրտին մէջ: Իսկ Լեւոնը... Ո՛ր կը մնար ան: Ասով մէկտեղ, Լեւոնը հաւատացած էր թէ, յայտնութեան պարագային, Սոնիան առանց այլեւայլի պիտի ուզէր կեանքը կապել մանկութեան սիրած ընկերոջը կեանքին. բայց ի՞նչ դնով: Անանուն նահատակութիւն մը չէ՞ր լինելու այդ զոհարերութիւնը, արդեօ՞ք Լեւոնը իրաւունք ունէր ընդունելու նման զոհարերութիւն մը սիրած աղջիկէն, որուն երջանկութեան համար զոհած էր ամէն ինչ, ամբողջ կեանք մը, անձնական երջանկութիւնը:

Դէմ դէմի նստած երկուքն ալ պահ մը լուռ մնացին: Կարծես Սոնիան ճիշդ իսկ չէր թափեր Լեւոնէն ծածկելու հոգեկան վիճակը, այդ պահուն սպրած յուզումը: Այդ վերարբերմունքին մէջ ջերմացնող հաղորդակցութիւն մը կար, անկեղծ մտերմութիւն մը: Լեւոնը սաստիկ յուզուած, քովընտի նայեցաւ Սոնիային, որ գլուխը կրծքին հակած, կեդրոնացած հայեացքով յատակի փրուած զորդի նախը կը դիտէր: Սրտի ճմլումով նկատեց Սոնիայի սեւ մազերու մէջ բաղմաթիւ արծաթ թելեր:

— Դուք այսօր շատ մտադրաղ կ'երեւիք, — մեղմօրէն արտայայտուեցաւ Լեւոնը, — ի՞նչ է պատահած ձեզ հետ:

Քունէն ընդոստ արթնցողի նման Սոնիան գլուխը բարձրացուց, Լեւոնին նայեցաւ, որպէս թէ մինչ այդ անոր ներկայութեան անդիտակ, ձեռներով մազերը յարդարեց ու թիկնաթուր քիչ աւելի մօտեցնելով օթոցին, ըսաւ.

— Ճշմարիտ է: Ինչպէս կ'ըսեն, այժերս հաւաքուած էին, — ու ժպտելով շարունակեց, — ա՛յ, հիմա դնացին:

— Երանի՛ ձեզ, — աղջկան խօսքերը հանաքի տալով խօսեցաւ Լեւոնը, — բախտաւոր էք որ ձեր այժերը ա՛յնքան հեշտութեամբ կը ցրուին:

— Միթէ՞ դուք ալ այծեր ունիք, պարոն Լեւոն:

— Անշո՛ւշտ, ինչպէս ամէն մարդ: Դժբախտաբար իմիններս չեն հեռանար, մի՛շտ ինձ հետ կը մնան:

— Օ՞, այդ շատ վատ է. ճշմարիտ որ ես կը դժուէի, եթէ միշտ այդ տրամադրութեամբ ապրէի... Ներեցէք, պարոն Լեւոն, բայց դիտէ՛ք թէ Վանի ժողովուրդը ի՞նչ կարծիք ունէր ձեր մասին: Յաճախ լսած եմ, կը պատմէին թէ դուք երբեք չէք ծիծաղիր, կ'երեւի անոր համար որ միշտ այծերով շրջապատուած կը գտնուիք, եւ դեռ ուրիշ անհաւատալի առասպելներ...

— Կ'ուզէ՞ք ես շարունակեմ, — ծիծաղելով ընդմիջեց Լեւոնը, — որ ես ճշնաւորի նման չաբաթը անդամ մը կ'ուտեմ եւ երբեք չեմ քնանար: Իսկ ի՞նչ է ձեր անձնական կարծիքը:

Սոնիան վարանքով աչքերը վար առաւ: Կրնա՞ր ըսել Լեւոնին թէ Վան գտնուած ժամանակ յաճախ սարսափով կը նայէր անոր սառոյցի նման պաղ, դաժան դէմքին: Լեւոնի համար ալ Սոնիայի լռութիւնը աւելի քան պերճախօս էր. կարծես կը կարդար անոր միտքը բաց դրօշի նման, ու ինչ որ հոն կը կարդար, հողին կը լեցնէր անհնարին յուսահատութեամբ:

Սոնիան անյարմար կացութեան մէջ՝ անդիտակցաբար մատի մատանիին հետ կը խաղար: Ծննդեան տարեդարձի առթիւ Վարդանի տուած նուէր մատանին էր, դանկ մը, խաչաձեւ ոսկորներ եւ երկու պսպղուն փոքր աղամանդներ՝ աչքի խոռոչներուն մէջ դետեղուած: Անաստորժ լռութիւնը խղած լինելու համար, Լեւոնը խօսակցութեան նիւթը փոխելով, ըսաւ.

— Կարծեմ առաջ ալ այդ մատանին տեսած եմ:

— Անշո՛ւշտ տեսած էք: Երբե՛ք մատէս չեմ հաներ:

— Յիշատա՞կ մը:

Սոնիան անմիջապէս չպատասխանեց: Տխրութեան

քող մը կարծես իջաւ դէմքին վրայ, կուրծքը բարձրացաւ հեւքով ու վայրկեան մը մատանիին նայելով՝ գլուխը բարձրացուց ու ըսաւ.

— Ամենաթանկազին յիշատակը անցեալին: Անգամ մը ձեզ պատմե՛ր եմ ողբերգական դէպքի մը մասին...

— Որուն դո՞ւզ դնաց ձեր նշանածը: Ծիշդ չե՞մ:

— Այդպէս է: Տարիներ առաջ, տարեդարձիս օրը տուաւ, երգուեցի երբեք մատէս չհանել...

— Պահեցի՞ք ձեր երգումը:

Սոնիային թուեցաւ որ այդ պարզ հարցումը տրուած էր հարցաքննիչի մը խստութեամբ: Զարմացած՝ գլուխը վեր առաւ եւ նայեցաւ Լեւոնին աչքերուն: Սոնիան անշուշտ սխալած լինելու էր:

— Դժբախտաբար ոչ, — մեղմօրէն պատասխանեց Սոնիան, — շատ երիտասարդ էի անոր յարգը գիտնալու համար, մինչեւ որ կեանքը սովորեցուց ինձ գնահատութեան արժէքը, այն ժամանակ ալ արիստո շատ ուշ էր...

— Տխուր պատմութիւն մը, — ձեռքի ամսագիրը տեղը դնելով ըսաւ Լեւոնը, — լաւ է չթարմացնենք հին վէրքերը:

— Ի՞նչ օգուտ ատկէ: Միթէ՞ կը մոռնամ, երբ չեմ խօսիր: Եթէ միայն դիտնաք թէ երբեմն ինչպէ՞ս կը ցանկամ սրտակից ընկեր մը ունենալ, որուն կարենամ պատմել միտքս փոթորկող խորհուրդները: Չէ՞ որ մարդ մէկը պիտի ունենայ, ընկեր մը, մտերիմ մը, որուն հետ կարողանայ խօսիլ առանց դիմակ դնելու, որուն առջեւ բաց լինին սրտի թաղնուած ծալքերը: Ես բոլորովին միակ եմ:

Հարազատ շետով մը ըսուեցան այդ խօսքերը: Լեւոնը, առանց մտածելու, անդիմադրելի զգացումէ մը մղուած, գորովանքով ըսաւ.

— Չէի՞ կրնար հարազատ ընկեր մը լինել ձեզ:

Վայրկենարար շառաղունեցաւ Սոնիայի դէմքը :
Ձեռքը երկարեց ու ափին մէջ սեղմած պահեց Լեւոնի
հաշմուած ձեռքը, որ սաստիկ կը դողար : Երկար ատեն
լռեցին ու երկուքէն ոչ մէկը կը համարձակէր խօսիլ : Ար-
եան յանկարծակի խուժումէն վերջ Լեւոնի դէմքը հե-
տըզհետէ կը դունստէր : Սոնիայի ձեռքի ջերմութիւնը
բոցի նման կը վազէր երակներուն մէջէն : Կարծես կուրծ-
քը պիտի պայթէր ու սենեակի օդը կը պակսէր շնչելու :
Մինչ սիրտը կը մղկտար, շրթներուն վրայ անուն մը կը
թրթուար ու ինքն ալ չէր գիտեր, թէ ինչպէ՞ս բարձրա-
ձայն չէր աղաղակեր «Սոնիա՛, Սոնիա՛» ու չէր գրկեր,
կրծքին վրայ չէր սեղմեր զայն : Քնքշօրէն Սոնիայի ձեռ-
քը այրող շրթներուն մօտեցուց ու գերագոյն ճիգով մը
ջղերը պրկելով, սովորական հանդարտ ծանրութեամբ
խօսեցաւ .

— Հարազատ ընկեր մը, եղբայր մը ձեզ համար :

Այնպէս թուեցաւ Լեւոնին, որ աղջկան դէմքին վը-
րայէն զարմանքի ու վշտի ստուեր մը անցաւ : Անշուշտ ի-
րեն թուեցաւ միայն . չէ՞ որ Սոնիան իր մէջ կ'ուզէր գըտ-
նալ լաւ ընկեր մը, հարազատ բարեկամ մը, սրտակից մը
միայն :

Երեկոյեան մնացած մասը անցուցին Սոնիայի փայ-
փայած ծրագրի մասին խօսելով : Անցած դարնան Սո-
նիան աւարտած էր բժշկական համալսարանը, բայց փո-
խանակ անմիջապէս դործի անցնելու, որոշած էր տարի
մը ծառայել Պետնի քաղաքային հիւանդանոցի ծննդա-
բերական բաժնին մէջ, մարդուելու եւ փորձառութիւն
ձեռք բերելու համար :

— Անգամ մը երբ մայրանոցը հիմնուի, դժուար թէ
հնարաւորութիւն ունենամ հեռանալու, — բացատրեց
Սոնիան, — հարկաւոր է պատրաստուիլ, նախ քան Վան
երթալը :

Բոլորովին կերպարանափոխուած, ոգեւորութեամբ
կը խօսէր Սոնիան, աչքերը զարմանալի կրակով վառ-
ուած : Երկար բարակ կը բացատրէր Լեւոնին իր կազմած
ծրագիրը, մայրանոցի տեղը, մասնագիտական աշխա-
տանքներու բաժանմունքները : Սեղանի վրայէն բազմա-
թիւ քաքալովներ վերցնելով, արագօրէն կը թղթատէր,
հիւանդանոցի համար ընտրած կազմածները ցուցնելով,
որոնք անհրաժեշտ կը գտնար նոր բացուելիք մայրանոցի
համար :

— Իսկ դուք, պիտի լինիք իմ դիւսաւոր գործակիցը,
ձեր աջակցութեամբ պիտի գլուխ բերեմ ծրագիրս, այն-
պէս չէ՞, — ու զարմանալի արտայայտութիւն մը աչքե-
րուն մէջ՝ նայեցաւ տղու աչքերուն :

— Անշուշտ, երբ Վան վերադառնամ :

— Գարնան պիտի վերադառնաք, չէ՞ : Իսկ ես սեպ-
տեմբերին պիտի գամ : Ստիպուած Թիֆլիս պիտի մնամ
ատեն մը, հոն ալ աշխատանքը չի պակսիր, պէտք է ընտ-
րել մասնագէտ հիւանդապահուհի մը եւ ինձ օգնական
մը : Ձեզ կը գրեմ Թիֆլիսէն, Այդեստանի վերի մասին
մէջ, Ուրբաթ Առուի կողմը ժամանակաւոր տուն մը կը
վարձէք ինձ համար, մինչեւ որ մայրանոցի համար սե-
փական չէնք մը ունենանք :

— Այդ բոլորը շատ լաւ, բայց դժբախտաբար ես
զալ տարի Վան պիտի չլինիմ, ա՛յ, կարող էք գրել Ե-
կաւեանին, Գարեգինին...

— Բայց չէ՞ որ ըսիք դարնան պիտի վերադառնաք...

— յուսախաբութեան ակներեւ արտայայտութեամբ հար-
ցուց Սոնիան, — չէ՞ որ դուք Վան պիտի վերադառ-
նաք...

— Գարնան պիտի հեռանամ ժընեւէն, բայց ոչ Վան :
Տարի մը պիտի մնամ Կիրասոն :

— Ո՞րտեղ :

— Կիրասոն, Սեւ ծովու նաւահանգիստներէն մէկը :

Ընկեր մը ունիմ հոն, ազգային վարժարանի աւագ ուսուցիչն է, երկու տարի առաջ նիւթական դժուարութիւններու պատճառով ստիպուած մեկնեցաւ Փարիզէն, հիմա կը խնդրէ ինձմէ տարի մը մնալ իր տեղը, մինչեւ որ ինք Սորսոյնի աւարտական տարին լրացնելով վերադառնայ:

— Իսկ դո՞ւք, դուք համաձայնե՞ր էք արդէն:

— Ձէի կրնար ուրիշ կերպ վարուիլ, որքան որ ինձ համար ալ Վան վերադառնալը ցանկալի է:

— Ափսո՞ս, իսկ ես այնքան մեծ յոյսեր դրած էի ձեր վրայ:

Սոնիայի ձայնին մէջ վիշտ կար, արցունք կար:

Կէս դիշերի մօտ Լեւոնը հրաժեշտ առնելով մեկնեցաւ: Հազիւ թէ դուռը դոցուած՝ Սոնիան ձեռներով դէմքը ծածկեց ու օթոցի վրայ իյնալով դլուխը թաղեց փափուկ բարձիկի մէջ: Ուսերը մեղմօրէն կը ցնցուէին: Ինչո՞ւ համար կը հեկեկար Սոնիան, որո՞ւ համար թափուած այդ արցունքները:

Տարիներ առաջ, երբ Վանի մէջ դէպքերու բերումով, Լեւոնի հետ կը գործակցէր, Սոնիայի զգացումները յարափոփոխ ընթացք մը ստացեր էին: Տրամադրութեան փոփոխականութիւնը հետեւանք էր Լեւոնի հանելուկային նկարագրին: Երբեմն անմարդկային լինելու աստիճան դաժան, սառուցէ շինուած արձան մը, երբեմն ալ բարախուն սրտով ջերմ զգացումներով մարդ մը: Սոնիան կը դժուարանար բնորոշել զայն, ո՞ր մէկն էր. մա՞րդ թէ անսիրտ մեքենայ մը: Թերեւս երկուքը միասին: Սոնիան հաստատ չէր գիտեր, չէր կրնար գիտնալ, որովհետեւ կերպարանափոխութիւնը այնքան արագ կը կատարուէր անոր մէջ:

Անկախ Լեւոնի նկարագրի դնահատութենէն, Սոնիան յափշտակութեան հասնող սքանչացում մը ունէր

անոր հանդէպ, որպէս յեղափոխական ղեկավարը, անձնուրաց Ֆանաթիքը, աննահանջ ներկայացուցիչը մեծ գաղափարին: Անհատականութիւն մը լինելէ աւելի, ան ցեղին կամքն ու վճռականութիւնը կը մարմնաւորէր իր մէջ: Որքան մարդը անծանօթ կը մնար, կը խուսափէր դնահատութեան կշռին մէջ մտնելէ, ա՛յնքան աւելի յեղափոխական ղեկավարը երկաթէ քայլերով կ'անցնէր Սոնիայի հոգիի մէջէն: Սարսափն ու հիացումը միախառնուած կ'արտայայտուէին Սոնիայի զգացումներուն մէջ:

Լեւոնի արտաքի՛նը, դէ՛մքը, հաշմուած մարմի՛նը, առաջին տպաւորութեամբ վանող, եթէ ոչ անտանելի, ժամանակի ընթացքին արհետացեր էին: Սոնիան այլեւս չէր տեսներ արտաքին պակասութիւնները, որոնցմէ վեր կը մնար մարդը Հոնոսի նման երկու դէմքով, մէկը յարգանք ներշնչող, միւսը սարսափ, մէկը՝ առինքնող, միւսը՝ վանող: Այդպէս կ'երեւնար Լեւոնը: Իրար խաչաձեւող տպաւորութիւններու ենթակայ, Սոնիայի զգացումներն ալ կ'ենթարկուէին յանկարծական վերիվայրումներու, ու երբ Վանէն մեկնեցաւ, մինչ սիրտը կուլար, ուրախութեան շող մը ինկած էր հողիին մէջ:

Պեռն հաստատուելէն վերջ, Լեւոնի հետ ունեցած կանոնաւոր թղթակցութեան միջոցով, Սոնիայի աչքին պատկերացաւ բոլորովին նոր մարդու մը ներքին աչխարհը, լայն հորիզոններու ձգտող վճռական ես մը: Այդ նոր մարդը այլեւս ո՛չ հաշմ էր, ո՛չ դաժան, ո՛չ սարսափ ազդող, այլ գաղափարի անձնուրաց զինուոր մը, անդուժ լինելու աստիճան խստապահանջ ինքն իրեն հանդէպ: Մարդ մը, որ զոհաբերութիւնը առաքինութիւն մը չէր համարեր, այլ պարզ պարտականութիւն մը, իսկ այդ պարտականութիւնը բնորոշող ո՛չ մէկ սահման կը ճանչնար: Երբ ինքն իրեն հանդէպ այնքան աններող եւ

պահանջկոտ էր, դէպի ընկերները ներողամիտ եւ սրբոցաւ վերաբերում մը ցոյց կուտար Լեւոնը:

Անոր նամակները ընդարձակ հորիզոններ կը դժէին ազգային վերաշինութեան գործին համար, նոր ծրագիրներ, նոր ձեռնարկներու նկարագրութիւններ գրեթէ ամէն նամակի մէջ: Երկարօրէն կը խօսէր իր ընկերներու կատարած աշխատանքներէն, տեղեկութիւններ կուտար Սոնիային ծանօթներու մասին, անոնց ընտանեկան պարագաներէն, երբեմն նամակը բարեւագրի ձեւ կը ստանար. ասով մէկտեղ՝ շատ քիչ տեղեկութիւն իր մասին, երբեմն ո՛չ իսկ բառ մը: Սոնիան գիտէր որ այդ անտեսումը անձնական եսին, կեղծ համեստութեան հետեւանք էր, այլ անոր բնաւորութեան բնորոշ գիծը: Ի՞նչ էր Լեւոնը, եթէ ոչ նուիրական նպատակին հետ միաձուլուած, անոց մէջ անյայտացած խոշոր գործած մը, գեկավարը, զինուորը, ստրուկը մեծ խոէալին, որուն ներշնչուած քուրմը լինելով՝ կ'անտեսէր իր ետը, իր կեանքը:

Անգամ մը պատասխանելով Սոնիայի նամակին, գրած էր. «Բայց ի՞նչ կ'ուզէք որ գրեմ իմ մասին, ի՞նչ հետաքրքիր բան կրնամ գրել անձնական կեանքէս, որ արժէք մը ունենայ: Առողջ եմ եւ աշխատելու ընդունակ. չէ՞ք կարծեր թէ այսքանը բաւական է ինձ նման սակաւապետ մարդու մը համար: Կ'ուզէք գիտնալ թէ ընտանեկան պարագաներ չունի՞մ, հայրենիք, տուն տեղ: Ո՛չ, ոչ ծնողք ունիմ, ոչ ազգականներ, երեսայութեանէս որք մնացեր եմ: Ահա ընտանեկան կեանքի հետ ունեցած իմ կապերը: Չկարծէք թէ մինակ կը զգամ եւ կամ հոգիս մռայլ է: Քանի ժողովրդի մէջ եմ, թէկուզ փոքր չափով մը օգտակար կը լինիմ անոր, այդքանը բաւական է իմ աստ մը դնելու կեանքիս մէջ: Եւ ինչո՞ւ աւելիին ցանկալ, երբ այդքանը լիուլի կը բաւարարէ իմ պահանջները»:

Անցնող տարիներու հետ աստիճանաբար Սոնիայի դնահատութիւնը Լեւոնի նկատմամբ, ձերբազատուելով աւելորդ մանրամասնութիւններէ, որոշ ձեւ եւ կայունութիւն ստացաւ: Հորիզոնի վրայ բարձրացող փարոս աշտարակի նման կը ճառագայթէր Լեւոնի հմայքը, իր լուսաւորութեան շրջանին մէջ առնելով Սոնիան: Հմայուածի նման, ամէն ժամանակէ աւելի Սոնիայի մտքին եւ սրտին մէջ Լեւոնը բացառիկ տեղ մը դրաւած էր, մինչեւ որ աւարտական տարին երեկոյթի մը մէջ հանդիպեցաւ Կոլիային:

Սոնիայէն միայն մէկ տարիով մեծ, Կոլիան մտացի եւ գրաւիչ երիտասարդ մըն էր, մէկը այն երիտասարդներէն, որոնք գիտեն իրենց մտաւոր կարողութիւնը եւ արտաքին երեւոյթը ներգաշնակել: Ունեւորի զաւակ, կենցաղադէտ եւ հաճոյահատար, Կոլիան երիտասարդական եռանդով դարպասեց Սոնիան: Եթէ դարպասումը զրահապատ կնոջ հանդէպ իսկ լինի, անխուսափելի հեռքեր կը ձգէ. իսկ Սոնիայի զրահը հին սէր մըն էր, տասնեակ մը տարի առաջ գերեզման իջած Վարդանի մահով եւ նոր համակրութիւն մը Լեւոնի հանդէպ, որ աւելի յարգանքէ կը բխէր քան թէ սիրոյ զգացումէ:

Կոլիայի եռանդալին դարպասումը շոյեց Սոնիայի կնոջական ինքնասիրութիւնը. կին մըն էր, երեսունի մօտ աղջիկ մը, եւ բնականաբար կարօտ կը զգար տեւական բարեկամութեան մը: Կոլիայի երեւումով, կամաց կամաց աղօտանալ սկսաւ հորիզոնի վրայ ցցուած փարոսը, Սոնիան ինքն ալ հաշիւ էր կրնար տալ թէ՛ այն ինչպէ՞ս տարիներ տեւող նամակագրութիւնը յանկարծ դադրեցաւ, Լեւոնի հանդէպ զգացած ջերմութիւնը մարեցաւ կամ գրեթէ մարեցաւ:

Փափկանկատ, ուշադիր ընկեր մըն էր Կոլիան, սրբօտակից բարեկամ մը, բայց հակառակ այդ բոլորին՝ ան

չկրցաւ ստեղծել այն հոգեկան աշխարհը, որ երկու սրտեր կը մօտեցնէ իրարու, երբ անջրպետ չի մնար եւ «ես ու դուն» կը դառնան «մենք»: Սրտապին համակրութիւնով մէկտեղ, Սոնիայի սրտին մէջ պարապութիւն մը կը մնար, որ Կոլիան չէր կրնար լեցնել:

Ազգային հասարակական հարցերու շուրջ ընդհանրումները անպակաս էին երկուքի մէջ. այդ պարագան սովորական բարեկամական յարաբերութեան մը ընթացքին թէեւ տանելի կրնար լինիլ, բայց Սոնիան չէր կրնար հաշտուիլ այն գաղափարին հետ թէ՛ կրնար իր կեանքը կապել գետի հոսանքի հետ դնացող մէկու մը, երբ ինք հոսանքն ի վեր կ'ուզէր բարձրանալ: Բայց ամենէն աւելի Կոլիայի արտասահման մնալու ցանկութիւնը կ'անհանգստացնէր Սոնիան: Նիւթապէս բոլորովին ապահովուած, Կոլիան մտքէն իսկ չէր անցըներ վերադառնալ Կովկաս, կը սիրէր Զուիցերիա ապրիլ, ուսանողական շրջաններու շուրջ դառնալ, ապահովուած մարդու մը կեանքը վայելել եւ ուսանողական հաւաքոյթներու մէջ խօսիլ աշխատատեղական դատի մասին: Թէեւ երկու տարի առաջ աւարտած էր համալսարանի իրաւաբանական բաժինը, հակառակ հօր թախանձանքներուն, երթալու մասին չէր մտածած:

Մարչիպիլի ամարանոցը գտնուած ժամանակին՝ անգամ մը Սոնիան այդ ուղղութեամբ խօսք բացաւ: Ինչո՞ւ չէր վերադառնար հայրենիք, ուր այնքան պէտք կար կրթուած, մտաւորական ղեկավարներու, հասարակական դործիչներու, ինչո՞ւ թանկազին ժամանակը վատնել Զուիցերիա մնալով, երբ կրնար օգտակար լինել հայրենիքի մէջ: Կոլիան խուսափողական պատասխանով մը գոհացեր էր. թէ գաղափարական անձ մը ամէն տեղ ալ կրնայ աշխատիլ, եւ թէ ինք վերջնականապէս չէ որոշած. երբեմն կը մտածէ Պաքու վերադառնալու մասին:

Ասոյա ուրեմն ինչո՞ւ չէր երթար: Կոլիան առանց այլեւայլի պատասխանած էր թէ պիտի երթայ իր գաղափարներուն ծառայելու, երբ Սոնիան համաձայնէր հետը երթալ, որ առանց անոր ո՛չ մէկ դործ, ո՛չ մէկ աշխատանք դրաւ շուրջին կրնար ունենալ իր համար:

Ծանր յուսախարութիւն մը ապրեցաւ Սոնիան: Երբ կը կործէր թէ Կոլիայի մէջ կրնար գտնալ կեանքի ընկեր մը, մէկէն ապաղայի երազները կը ցնդէին ու կը մնար միայն անհրապոյր իրականութիւնը: Եթէ Սոնիան չհամաձայնէր միասին երթալու, ուրեմն Կոլիան պիտի բաւականանար ապրած անրովանդակ կեանքովը. պիտի մընար ժընեւ, ուր այնքան օտարական հարուստներ կուգային ծերութեան տարիները խաղաղ կեանք մը ապրելու եւ մեռնելու համար: Ուրեմն Կոլիան այդ մարդիկներու նման պիտի գոհանար բուսական կեանքով մը, երբեմն պիտի երթար ուսանողական ժողովներու մասնակցելու, արդուկուած տաքատով, թանկարժէք փողկապը անթերի ճշդութեամբ կապուած, ու հոն պիտի խօսէր դասակարգային պայքարի մասին: Ու այդքա՞ն միայն:

Թէկուզ ընկերով մը մասին զգացած յուսախարութիւնը դառնապէս լացուց Սոնիան: Ինչե՞ր կը մտածէր ու ահա որքան աննշան բան մը կը մնար ապագայի մասին հիւսուած երազներէն: Պաքո՞ւ. այդ միտքը կրնար զժուեցնել զինք. չէ՞ որ երբեմն ինքն ալ կը յորդորէր Վարդանը Պաքուի մէջ դործի ձեռնարկել, փառքի հարստութեան ետեւէ ինչալ հաղարաւորներու նման: Բարբախտաբար Սոնիան ամենածանր դնով սղատած էր այդ գաղափարէն, կեանքի ճշմարիտ կոչումը գտնելով ուրիշներուն ծառայելու նպատակին մէջ: Այլեւս միեւնոյնն էր իր համար, ընկերով թէ առանց ընկերի, պիտի երթար Վասպուրական՝ հայ ժողովրդի մէջ, անոր ծառայելու, անոր ուրախութեամբը ուրախանալու եւ տըխրութեամբը տխրելու:

Կարծես հետզհետէ մշուշը կը բարձրանար ու հեռուն հորիզոնի վրայ նորէն կ'երեւնար ճերմակ աշտարակը ու անոր վրայ փարոսը, որուն ճառագայթը մինչեւ հողի խորքը կը թափանցէր: Ծանր յանցադործի մը ապաշաւը ունեցաւ, երբ մտքին մէջ Կոլիան եւ Լեւոնը իրարու համեմատեց: Լեւոնը անհասելի բարձրութիւն մը ունէր: Կատարած վատ բանի մը խղճահարուժիւնը խորապէս տառապեցուց Սոնիան, որ չէր կրնար, չէր ուզեր ինքնիրեն ներել կարճատեւ սայթաքումին համար: Ինչպէ՞ս, ինչպէ՞ս կցաւ պահ մը մոռնալ Լեւոնը, կապը կտրել անոր հետ: Բայց շուտով, շատ շուտով պիտի վերադառնար Վան, հո՛ն էր Լեւոնը, դադափարի մը նուիրուած իսկահան մարդը:

Ու ահա յանկարծ, երբ բոլորովին չէր սպասեր, դայն դտած էր Ժընեւի մէջ: Աւելի ջերմ, աւելի մարդկային, բայց նորէն ամբողջովին պայծառ չէր Լեւոնի դէմքը: Այդ քանի մը օրերու ընթացքին, երբ ա'յնքան անվերապահ մտերմութեամբ կը խօսէր Սոնիան, կարծես նախկին Լեւոնը երեւան կուգար: Արդեօ՞ք սիրտ չունէր, քընքուղ դգացումներու անընդունակ էր այդ երկաթէ մարդը:

Յաջորդ օր, երբ կէսօրէ վերջ դասերը աւարտելով Լեւոնը դուրս կ'ելլէր դպրոցէն, դրան առջեւ հանդիպեցաւ Սոնիային: Զիննախառն անձրեւ մը կը տեղար, քաղաքի վրայ կախուած ամպերը վաղահաս դիշերի երեւոյթ մը տուած էին ելեքտրականութեամբ լուսաւորուած փողոցներուն, քաֆէներուն: Սոնիան դրան անցքին մէջ պատասպարուած՝ ուշադրութեամբ դուրս ելլողները կը դիտէր:

— Բարեւ, օրիորդ, — թեթեւ մը կաղալով մօտեցաւ

Լեւոնը, — Ի՞նչ վատ օր է, կարծես երկինքը վար պիտի լինայ:

Սոնիան, առանց պատասխանելու, ձեռքը երկնցուց անոր:

— Բախտաւոր հանդիպում. կ'երեւի տուն կ'երթայիք...

— Ո՛չ, ձեզ կը սպասէի, երթանք ման դալու:

— Ա՞յս օրին: Աւելի լաւ է երթանք ինձ մօտ. թէեւ տեղս հեռու է: Միքայէլը հիմա մեր թիթեղէ սամավարը դրած կը լինի...

— Միեւնոյնն է ինձ համար, կ'ըթա'նք ձեզ մօտ, — դէմքի ցրուած արտայայտութեամբ պատասխանեց Սոնիան, — երթա'նք:

— Բայց ձեզ հետ ի՞նչ է պատահած այսօր, — աղջկան երկու ձեռները ափին մէջ սեղմելով կարեկցաբար հարցուց Լեւոնը, — չէ՞ որ դիւ ընդունեցիք իբր հարազատ ընկեր մը, ըսէ՛ք, ի՞նչ է պատահած:

— Իսկապէս ոչինչ, կնպէս թերեւս մեղքը այժերուն է, երթա'նք ձեր սենեակը:

Սոնիան դուրսը կախած կը քալէր Լեւոնի կողքէն: Երկուքն ալ լուռ էին. պարզ էր թէ Սոնիան հողեկան խրոտվրի ազդեցութեան տակ կը դտնուէր: Հասան տուն: Միքայէլը նոր սամավարը դրած, ջրի եռալուն կը սպասէր, երբ խոհանոցի բաց դռնէն նկատեց միջանցքով անոնց անցնիլը ու անմիջապէս մօտեցաւ:

— Բարեւ ձեզ օրիորդ, բարի եկաք մեր պալատը, — Լեւոնի սենեակի դուռը բացաւ ու լաքէի ձեւը կապկելով անչնորհք խոնարհութիւն մը ըրաւ, — խնդրեմ համեցէք. հիմա դուք թէյ կ'ունենաք, անշուշտ մեզ հետ կ'ընթրէք, չէ՞:

— Ուրախութեամբ, — համաձայնեցաւ Սոնիան:

Սոնիան տեղաւորուեցաւ հնացած բազկաթուի մը

վրայ, որու մաշած կտաւի տակէն չորցած խոտի մասերը կ'երեւնային: Սենեակի լերկ պատերը՝ բաց կանանչ դոյնով ներկուած, հասարակ փայտէ սեղանը, մէկ անկիւնը դրուած երկաթէ նեղ անկողինը, դրան ետեւի կողմէն կախուած Լեւոնի մէկ երկու ձեռք շորերը, ու դրեթէ ամէն կողմ տարտղնած դրքերու կոյտերը, բոլորը մէկէն շատ տխուր պատկեր մը կը ներկայացնէին: Չքաւոր ուսանողի մը սենեակը, իւրովի մտածեց Սոնիան, եւ այս պայմաններու մէջ ո՞վ գիտէ, թերեւս հարիւրաւորներ կ'ապրին:

— Դեռ շատ մը ուսանողներու ունեցածին հետ բաղդատելով, սենեակս արքայական կարելի է համարել, — կարծես գուշակելով այդ պահուն Սոնիայի մտքէն անցածը, ուսերը թօթուելով խօսեցաւ Լեւոնը, — կրնա՞ք երեւակայել, որ կան ուսանողներ, որոնք քառասուն Փլըրանքով կ'ապրին ամիսը:

Սոնիան, առանց պատասխանելու, պատահած առաջին գիրքը առնելով սկսաւ թղթատել: Կասկած չկար որ երկու ընկերները կ'ապրէին շատ ծանր նիւթական վիճակի մէջ: Այս պայմաններով, իւրովի մտածեց Սոնիան, մէկը չի կրնար ուսանիլ, բայց կրնայ նահատակուիլ: Լեւոնը սեղանի առջին նստած, ուշադրութեամբ կը հետեւէր Սոնիայի դէմքի արտայայտութեանը:

— Ծանր պայմաններու մէջ կ'ապրիք, — կարծես վերջնական եզրակացութեան մը եկած, ըսաւ Սոնիան, — այս պայմաններու մէջ դժուար է աշխատիլ...

— Բայց ո՞չ, ինչո՞ւ այդպէս կը կարծէք, — ընդմիջեց Լեւոնը, — չէ՞ որ երկրի մէջ պայմանները աւելի ծանրը էին, ուր ոչ հողեկան եւ ոչ ալ Ֆիզիքական հանդրատութիւն ունէինք, փախստական վիճակի մէջ ամէն բոլոր կեանքը կապուած պատահարի մը հետ...

— Ճիշդ է, բայց դադարի՞րը:

— Անշուշտ դադարիւրը առաջնակարգ դեր մը ունի այդ մասին երկու կարծիք չի կրնար լինիլ, բայց նոյնը կարելի է ըսել ուսանողներու պարագային ալ: Եթէ անոնք ալ դադարիւրով մը զինուած չլինին, ծանր պայմաններու մէջ կէս ճամբան կը մնան, ինչպէս հարիւրաւորներու կը պատահի, որոնք ուսումը կիսատ ձգած ձեռնունայն ետ կը վերադառնան:

Թերեւս Սոնիան չէր ալ լսեր Լեւոնի խօսքերը: Աչքերը յամառօրէն յառած տղու աչքերուն՝ զարմանալի քնքուշ արտայայտութեամբ կը նայէր անոր: Խաղաղ արտաքինի տակ ներքին փոթորիկ մը կ'ապրէր այդ պահուն Սոնիան: Ճիշդ կը թափէր տիրապետելու ներքին յուզումին, երբ այդ ճիշդ ինքնին կը բազմապատկէր յուզումը, անդիմադրելի ուժգնութեամբ կը փոթորկէր հոգին: Յանկարծ դէմքը գունատեցաւ ու յուսահատ աչքերը վերցնելով գրեթէ ճշաց.

— Իսկ իմ մայրանոցս, Լեւոն, իմ մայրանոցս առանց ձեզի... — ու ալ չկրցաւ շարունակել. յուզումը, ներքին խորհուրդը արտայայտած լինելու ամօթը կղպեցին բերանը, ուսերը ցնցուեցան ու այլեւս դիմադրելու անկարող, հեկեկալով դէմքը ծածկեց ձեռքի թաշկինակին մէջ:

Սոնիայի անսպասելի բռնկումը, արտասանած խօսքերը, ջղային լացը շարունակեցին Լեւոնը: Անգիտակ Սոնիայի հոգեկան ապրումներուն, բոլորովին չէր սպասեր որ ան կրնայ բեկուած ճիւղի մը նման վար իյնալ, երբ ոչ մէկ պատճառ կը տեսնար ատոր: Կը ճանչնար Սոնիան, անոր ուժեղ կամքը, ինքզինք պահելու կարողութիւնը: Երբեք զայն չէր տեսած այսքան խղճալի վիճակի մէջ: Այդ պահուն Լեւոնը ամէն բան մոռցած, միայն կը տեսնար իր սիրած աղջիկը, իր Սոնիան, անբացատրելի ցաւի տակ ընկճուած, բաղկաթոռի մէջ կծկուած, անձ-

նապուր յուսահատ լացի: Տեղէն վեր ցատկեց.

— Սոնիա', Սոնիա'...

Թիկնաթուր յենարանին կռթնած, Լեւոնը կը շոյէր աղջկայ մազերը, որպէս թէ ան երեսայ մը լինէր. քնքշօրէն Սոնիայի ձեռները հեռացուց դէմքէն, թաշկինակով սրբեց արցունքները ու իր աթուր մօտեցնելով նստաւ աղջկան մօտ, անոր երկու ձեռները ափին մէջ սեղմած:

— Հանդստացէ՛ք, Սոնիա', — ողորդող ձայնով խօսեցաւ Լեւոնը, — ի՞նչ է պատահած ձեզ հետ, ինչո՞ւ այս արցունքը, յուսահատութիւնը: Դուք կորովի աղջիկ մը՝ հրաթէրիք կնոջ մը նման լաք. չէ՞ որ ձեր ընկերն եմ, ինչո՞ւ ինձմէ ծածկել ձեր խորհուրդները, ձեր մտահոգութիւնները: Ա՛յ, այդպէս. հիմա հանդստացաք. խօսինք ձեր ձեռնարկի մասին, մայրանոցի մասին...

Հետզհետէ ինքզինք հաւաքած Սոնիան մտիկ կ'ընէր, առանց Լեւոնի դէմքին նայելու: Տկարութեան պահու մը Լեւոնի հանդէպ ունեցած զղացումը ահամայ մատներ էր, բայց տղան չէր հասկցած, եւ կամ չհասկնալ կը կեղծէր: Այս գիտակցութիւնը դառն յուսախարութեան մատնեց զինք. դժդոհ ինքնիրմէ, նուաստացումի դաղափարէն մտրակուած, կամք ըրաւ եւ ինքզինք հաւաքեց: Աչքերը չորցուց, մազերը յարդարեց ու բոլորովին հանդարտ ձայնով մը ըսաւ.

— Կը ներէք ահամայ պոռթկում մըն էր. այս քանի օրս սաստիկ ջղային վիճակի մէջ կը գտնուիմ: Զարմանալի է, չէ՞, քանի ժամանակը կը մօտենայ, ձեռնարկի մեծութիւնը զիս կը վախցնէ, հոգեկան ուժերս կոտորակուած կը զգամ. երբեմն կը թուր թէ անկարող պիտի լինիմ դուրս հանելու մայրանոցը, որ իմ կեանքի նպատակն է: Դժուար է ձեզ համար զիս հասկնալ, ինչպէ՞ս բացատրեմ. կեանքը ինձ հանդէպ շատ խիստ եղաւ, անխնայ խորտակեց զիս, ու հիմա գրեթէ միմակ, մայրա-

նոցի գաղափարով ինքզինքս կեանքի հունի մէջ կը զգամ, առաջ կը քալեմ: Իսկ եթէ չյաջողիմ...

— Բոլորովին ի դուր է այդ մտավախութիւնը, Սոնիա: Ծատ աւելի ծանր պայմաններու դիմադրաւած էք դուք: Կը յիշէ՞ք, Վանի մէջ, ընդհանուր խուզարկութեան դիշերը, դուք ա'յնքան ինքնավստահ եւ վճռական, հոգեկան մեծ բաւականութեամբ կը դիտէի ձեզ: Երբեք ձեր սառնութիւնը չկորսնցուցիք, թերեւս դուք աւելի անսասան մնացիք այն ահաւոր օրերուն քան թէ մենք: Ինչո՞ւ ներկայիս վարանքը, անվստահութիւնը: Չէ՛, Սոնիա, ձեզ ոչ կամք կը պակսի, եւ ոչ ալ ձեռներէ-ցութեան ոգի: Գիտէք որ անչափ հետաքրքրուած եմ ձեր ձեռնարկով. կը ցաւիմ միայն որ նախնական աշխատանքներուն պիտի չկրնամ աջակցել: Բայց հոն ընկերներ կան, անոնք հնարաւոր ամէն աջակցութիւն ցոյց կուտան ձեզ, եւ վերջապէս դուք անծանօթ մը չէք Վանի ժողովուրդին: Տարի մը վերջ ինքս ալ կը վերադառնամ, այն ժամանակ ամբողջովին ձեր տրամադրութեան տակ...

Սոնիան լարուած ուշադրութեամբ մտիկ կ'ընէր: Աչքերուն թախիծը անհետացած՝ ոգեւորութեամբ կը ճառագայթէին ու երբ Լեւոնը խօսքը վերջացուց, Սոնիան կարծես ինքնիրեն խօսելով հաղիւ լսելի ձայնով մը շշնջաց.

— Եւ երկուքս միասին կը բարձրացնենք մայրանոցի չէնքը:

— Երկուքս միասին, — եղաւ Լեւոնի վճռական պատասխանը:

Ու յանկարծ լռեցին: Սոնիայի ձեռքը Լեւոնի ափին մէջ ոնց որ կրակի կտոր մը: Տղու աչքերը կը պղտորուէին ու կուրծքը կը բարձրանար ծանր հեւքով մը:

— Այ, հիմա սամավարը կը բերեմ, — սենեակ մըտ-

նելով ըսաւ Միքայէլը, — Լեւոն, սեղանը պատրաստէ, էդ դիրքերդ անկիւն մը դիր, — ու ձեռքի ափսէն անկողնի եզրը դրաւ ու դուրս դնաց միջանցքի մէջէն պոռալով, — անմիջապէս սամավարը կը բերեմ:

Սամավար ըսուածը թիթեղէ խոշոր չափնիկ մըն էր: Ամբողջ ուսանողութեան ծանօթ էր այդ չափնիկի զաւեշտական պատմութիւնը: Միքայէլ արտասահման մեկնելու ժամանակ, ինչպէս ընդունուած սովորութիւն մըն է Ռուսաստանի մէջ, խոշոր չափնիկ մը վերցուցած էր հետը, հաստ չուանով մը ուսէն կախած, ուղած ժամանակ կայարաններէն տաք ջուր վերցնելու մտադրութեամբ: Թէեւ ուսական սահմանը անցնելէն վերջ այլեւս պէտք չէր ունեցած չափնիկին, բայց անկէ բաժնուելը անկարելի շոայլութիւն մը համարելով, Ժընեւ մտաւ զինուած թեթեւ պայուսակով մը ու վիզէն կախուած անբաժանելի չափնիկով: Առանց ուշադրութիւն դարձնելու անցորդներու հեգնական ժպիտներուն, Միքայէլը երկար փնտրութեան վերջ գտաւ հայրենակիցը, որուն յանձնարարուած էր:

— Ա՛յ, տղայ, էս ի՞նչ բան է, — քահ քահ ծիծաղելով դիմաւորած էր հայրենակիցը, Միքայէլի վիզէն կախուած չափնիկը ցուցնելով:

— Ախպէր, սամավար է, — միամտօրէն պատասխանած էր Միքայէլը, — ես ի՞նչ իմանայի որ էս անտէր Եւրոպայի մէջ ձրի տաք ջուր իսկ չեն տար ճամբորդներուն:

— Ուրեմն, մինչեւ էստեղ չափնիկը վիզդ կախած երկար, — ա՛լ աւելի բարձրաձայն ծիծաղելով հարցուցած էր ընկերը:

— Տօ՛, ի հարկէ, քսանեւորս կոպէկ տուած եմ...

— Զո՞ւկ ես, ախպերս.

— Զէ՛, Շահրիարցի...

Այդ պատմութիւնը շատ չուտով տարածայնուեցաւ ուսանողական շրջանին մէջ. թիթեղէ չափնիկն ալ նոր անուանակոչութեան մը ենթարկուելով սամավար կոչուեցաւ:

Աղքատիկ սեղանը Լեւոն ու Միքայէլ յարգարեցին: Խաչած փաթաթէսէ, կտոր մը Զուլցերիական պանիրէ, կարագ իւղէ, բալի քաղցրաւենիէ եւ Միքայէլի սրամիտ անեկտոտներէն կազմուած էր ընթրիքի ճաշացուցակը: Միքայէլի շատախօսութիւնը, ուրախ պատմութիւնները ժամանակ տուին որ Լեւոնը ինքզինք հաւաքէ:

Ուշ ատեն Սոնիան ոտքի բարձրացաւ մեկնելու համար: Երեքով միասին դուրս եկան: Անձրեւախառն ձիւնը կը շարունակէր տեղալ:

— Խնդրեմ, թեւս վերցուցէք, — առաջարկեց Լեւոնը, — շատ մութ է եւ մեր փողոցի մայթն ալ շատ վատ վիճակի մէջ:

Ամբողջ ճանապարհի ընթացքին Լեւոնը կը դգար թեւին վրայ Սոնիայի ձեռքի մեղմ դողոցը:

Յունիսի առաջին շարթուն Լեւոնը սկսաւ մեկնելու պատրաստութիւն տեսնալ: Երկտողով մը իմացուց Սոնիային մեկնելու թուականը: Մեկնելէն օր մը առաջ Պեոնէն Ժընեւ եկաւ Սոնիան: Միասին ճաշեցին ու դուրս գալով ճաշարանէն դացին դբօսնելու Ժարտէն Անկիլէ քաղաքային պարտէզը: Լճափի պինդ մօտ նստարան մը ընտրեցին:

Հրաշալի օր մըն էր. երկինքը զուլալ կապոյտ, եւ ոչ իսկ ամպի կտոր մը ամբողջ երկնակամարի վրայ: Արեւի ճառագայթներու տակ Լեւոն լճի փոթփոթած կապտաւուն մակերեսը կը փալիլէր արծաթի շողերով: Դէպի աջ Լեւոնը եզերող բլրակներու եւ համեստ լեռներու ետին, սլացիկ պատի նման կը բարձրանար Ալպեան լեռ-

նաչղթան, ձիւնապատ գաղաթներով սղոցած հորիզոնի դունաթափ կապոյտը: Ձախի վրայ, լճի ուղղութեամբ կ'երկարէր ժիւռայի լեռնաչղթան, անտառապատ կողերով ու բազմաթիւ գիւղերով ծածկուած: Հեռուն, գահավէժ սարերու ռաքերուն տակ հազիւ կը նշմարուէր Շիլեօնի դղեակը:

Կողք կողքի նստած Լեւոնն ու Սոնիան երկար ատեն նոյն տեղը դամուած մնացին, արբեցած չքնաղ Ձուիցերիայի հոյակապ գեղեցիկութեամբ:

— Հայաստան... — շնչաց Սոնիան, այդ պահուն միտքը դբաղեցնող խորհուրդներուն պատասխանելով, մինչ աչքերուն մէջ խոնաւութիւն մը կը դրար:

— Սոնիա՛, ի՞նչ ըսիք:

— Ոչինչ, բարեկամս: Միտք կ'ընէի: Որքա՞ն սիրուն, որքա՞ն տալւորիչ է Ձուիցերիայի այս անկիւնը: Թերեւս դարմանալի հնչէ ձեր ականջին, եթէ ըսեմ թէ նախանձէն սիրտս կ'այրի այս բարդաւած, խաղաղ երկիրը դիտելով: Որքա՞ն արեւ, որքան բնական գեղեցիկութիւն հաւաքուած է այս փոքր տարածութեան վրայ: Ձուիցերիացի գեղջուկ ժողովուրդը դարեր շարունակ իր կողմէն բան մը աւելցուցած է նախախնամութենէն իրեն բաժին ինկած բնական հարստութեան վրայ: Ամէն կողմ ցրուած փոքր գիւղեր, ցանցի նման հիւսուած ճամբաներ ամէն ուղղութեամբ, օրինակելի մաքուր քաղաքներ, լուսաւորութեան փայլուն համալսարաններով հարուստ: Ահա երջանիկ ժողովուրդ մը, որ չի գիտեր թէ ի՞նչ ըսել է անապահովութիւն, աշխատիլ եւ սոված մընալ, ապրիլ հազար մահ ապրելով: Մեղուաջան ժրջանութեամբ կ'աշխատի ու հանգիստ սրտով կը վայելէ թափած քրտինքի արդար վաստակը: Լեւո՛ն, դուք ալ կ'ունենա՞ք նախանձի զգացում:

— Թերեւս ոչ նախանձ, բայց բուն բաղձանք մը...

— Աչքի առջեւ բերէք մեր Վասպուրականը: Ըսէք խնդրեմ, ինչո՞վ է պակաս ան, օրինակի համար մեր առջեւ պարզուած համայնապատկերէն: Ելլենք Կարմրուորի վանքը կամ Ձիաթունուկի կատարը: Ահա ձախի վրայ կը բարձրանան Արտոսը, Եղերովը, Կակուպտկողը, Առնոսը, Կարկառի անսանձ սարերը, խելառ լեռնապար մը ամբողջութեամբ, իրարմէ բաժնուած անդնդախոր ձորերով, կուրծքերը ձեղքուած արագավազ դետերով եւ կատարներուն մօտ զմբուխտ եայլախներով, ուր հորիզոնը վերջ չունի: Հեռուն ծովակի հազիւ երեւցող անորոշ ափէն վեր ցցուած հսկայ Նեմրութը, անոր կողքին կուչ եկած Գրդուռը: Աջի վրայ Ատելճավաղի ոսկի դաշտը ու անոր կուրծքէն վեր սլացող Սիփանի սարը՝ քողաւոր հարսի նման բարեւ կանդնած: Եւ անոնց բոլորի մէջ ինկած Վանի կապտաւուն լիճն ու մեր անամպ երկինքը, դուլալ սլայծառ աչքերու նման իրարու մէջ ցոլացող...

— Ասիայի Ձուիցերիան, — խոր հոգոց հանելով ընդմիջեց Լեւոնը, — որքա՞ն ժամանակի եւ աշխատանքի կը կարօտի մեր հրաշալի երկիրը, որպէսզի իսկական դրբախտի մը վերածուի, արեւուն տակ իր արժանի տեղը դրաւ: Բնութիւնը օժտեր է դայն բնական բոլոր հարստութիւններով, իսկ մարդը քանդեր է, փճացուցեր է ինչ որ կարելի է փճացնել:

— Թուրքը անէծք մը եղաւ մեր երկրի համար, — տխրօրէն խօսեցաւ Սոնիան, — աներեւակայելի բարբարոս ուժ մը, ընդունակ միայն քանդելու, աւերելու:

— Ըիչդ է, — համաձայնեցաւ Լեւոնը, — թուրքը անընդունակ ցեղ մըն է ստեղծագործելու, նոյնիսկ անկարող եղածը պահելու, բայց մե՞նք, մենք ինչո՞վ կըրնանք արդարացնել մեր կուլտուրական ժողովուրդ մը լինելը: Մահամաղբութեան հռչակումով համեմատական խաղաղ շրջան մը բոլորեցինք, ո՞ւր մնացին մեր մտաւո-

բականները, Հայաստանի համար կուրծք ծեծող հայրենասէրները: Թիֆլիս, Պաքու, Իզմիր, Պոլիս կը վազեն անոնք, Ոսկի Հորթին երկրպագելու: Ճիշդ է դաւառը կը շարժի, ամէն տեղ նկատելի է վերադարձումը, բայց թափն է պակաս, որովհետեւ պակաս է աշխատող ձեռներու թիւը: Գաւառը կը շարժի, բայց թեւը կտրած բաղէի դանդաղութեամբ, մինչ Պոլսի մէջ դաղափարազուրկ, սնանկ հողիով լեւանդէն մտաւորականութիւնը «Կեցցէ Հայաստան» կը պոռայ, առանց Հայաստանը դիտնալու, նոյնիսկ առանց հայ ժողովուրդը ճանչնալու: Սարսափելի է մտածել, որ Պոլիսն է հայ ժողովուրդի քաղաքական, կրթական, հոգեւոր կեանքին ուղղութիւն տուողը:

— Բայց միթէ՞ դաւառը միշտ խնամակալի պէտք պիտի ունենայ:

— Անշուշտ ոչ, բայց ժամանակ պիտի առնէ, մինչեւ որ դաւառը իր իրաւունքին տէր կանգնի, հայ կեանքի կեդրոնը փոխադրուի Հայաստան:

Պարտէզի ծառերուն շուքերը երկնցած դէպի արեւելք, ինկան լճի թրթռացող մակերեսին: Օրը կը տարածամէր: Երկար ժամանակ լուռ մնացին, մինչեւ որ Լեւոնը ժամացոյցին նայելով ոտքի ելաւ:

— Ժամանակ է մեկնինք: Միքայէլին խոստացեր եմ այս դիշեր տունը մնալ. կարծեմ մէկ երկու ուսանող հըրաւիրած է, Մարօն ալ այնտեղ պիտի լինի, եթէ արդէլիչ պատճառ մը չունիք, երթա՛նք միասին:

— Ինչո՞ւ չէ, — համաձայնեցաւ Սոնիան, — այս դիշեր արդէն Մարոյի մօտ պիտի մնայի:

— Ուրեմն երթանք:

Միքայէլի փոքր սենեակի մէջ գրեթէ ազատ տեղ չէր մնացեր: Անկողինն ու սենեակի յատակն ալ դրաւուած էին: Հաճելի ժամանց մը ունեցան, երգեցին, նոյնիսկ

պարեցին իրարու ոտքի վրայ կոխելով: Ինչ խօսք որ Միքայէլի «սամավարը» մինչեւ ուշ դիշեր կրակարանի վըրայէն չհեռացաւ: Ժամը տասնեմէկի մօտ կամաց կամաց ցրուեցան հիւրերը, իսկ Սոնիան Մարոյի հետ դընաց:

Յաջորդ օր, ժամը մէկին ուսանող-ուսանողուհիներու խումբ մը հաւաքուած էր Ժընեւի կայարանը, Լեւոնը ճամբու դնելու: Դեռ Միքայէլն աւ Լեւոնը չէին եկած:

— Օ՛, Կոլիան ալ եկաւ, — Սոնիայի թեւը մտնելով ըսաւ Մարօն, — բաւական ժամանակէ ի վեր մէջտեղ չէր երեւնար: Բարեւ Կոլիա, լոյսը ձեզ տեսնողին:

— Բարեւ ձեզ, — Կոլիան, ինչպէս միշտ, անթերի քաղաքավարութեամբ բարեւեց ու մօտեցաւ Սոնիային, — ինչպէ՞ս էք, վաղուց չենք հանդիպած:

— Պեռն էի, յունուարէն ի վեր Ժընեւ չեմ եկած. դուք ինչպէս էք Կոլիա, — հաշտարար ձեւով կը խօսէր Սոնիան, բոլորովին մոռցած անխորժ միջադէպը:

— Բայց այս ինչո՞ւ ուշացան Լեւոնն ու Միքայէլը, հազիւ տասը վայրկեան մնաց, — մտահոգուած խօսեցաւ Մարօն:

— Ահա եկան:

Միքայէլը Լեւոնի թեթեւ պայուսակը վերցուցած, քրտնած կը հետեւէր Լեւոնին:

— Բարեւ ձեզ, ջիշ ուշացանք, — Լեւոնը բարեւեց բոլորին ու նոր միայն նկատելով Կոլիան, մօտեցաւ անոր ու ձեռքը ընկերաբար սեղմեց, — ուրախ եմ ձեզ կրկին տեսնելու:

Ընդհանուր խօսակցութիւն ծայր տուաւ: Կոլիան յարմար առիթէ մը օգտուելով Լեւոնի թեւը մտաւ ու քանի մը քայլ հեռացուց զայն խմբէն:

— Անկեղծօրէն կը ցանկայի ձեզ հետ որպէս բարեկամ բաժնուհիլ, — մտերմօրէն խօսիլ սկսաւ Կոլիան, — չէի ցանկար որ թիւրիմացութիւն մը մ'նար մեր մէջ: Ներեցէք եթէ կոպիտ եղայ ձեզ հետ, երբ վերջին անգամ Սոնիայի դրան մօտ հանդիպեցայ ձեզ:

— Չ'արժէ այդ մասին խօսիլ. ի՞նչ ներողութիւն խնդրելու բան կայ: Թէեւ ձեր տարօրինակ վերաբերմունքը դարմացուց զիս, որքան կը մտածեմ պատճառ մը չեմ գտնար...

— Պատճառը, — Կոլիայի ուրախ դէմքը յանկարծ ստուերոտեցաւ, — պատճառը մարդկային շատ բնական նախանձն էր: Հիմա կարծեմ հասկնալի կը լինի ձեզ համար իմ կոպտութիւնը:

— Ուրեմն այդպէս, — աննշմարելի ժպիտ մը դէմքին, պատասխանեց Լեւոնը:

— Սրտանց կը շնորհաւորեմ, բախտաւոր մարդ էք:

— Բախտաւոր, եւ ի՞նչ բանի համար կը շնորհաւորէք զիս:

— Դերասանութիւն չխաղանք. գիտէք որ Սոնիան կը սիրեմ խելագարի նման: Բացառիկ աղջիկ մըն է, սրտի եւ մտքի տէր: Չեր արժէքը աւելի ծանր եկաւ, ձեզ ընտրեց: Մի՞թէ Սոնիայի նման աղջկան մը սէրը բախտաւորութիւն չէք համարեր:

— Անշո՛ւշտ, — նոյնքան անկեղծօրէն արտայայտուեցաւ Լեւոնը, — բախտաւորութիւն մըն է, եթէ իրօք մէկը սիրուի Սոնիայէն:

— Եւ դուք վստահ էք որ կը սիրուիք, չէ՞:

— Իսկ դուք այդ ինչպէ՞ս գիտէք:

Տխուր ժպիտ մը խաղաց Կոլիայի դէմքին: Վայրկեան մը առանց խօսելու նայեցաւ Լեւոնին դէմքին, մէկ ալ ձեռքը պարզեց ու Լեւոնի ձեռքը ամուր մը բռնած սեղմեց:

— Այն դիշեր Սոնիան ինքը ինձ խոստովանեցաւ: Բարի ճանապարհ կը մաղթեմ ձեզ եւ բախտաւորութիւն ապագայի համար, — ու կրկին անգամ Լեւոնի ձեռքը թօթուկով, արագ քայլերով հեռացաւ դէպի կայարանի ելքը:

Լօզանէն եկող գնացքը Փշչալով ու աղմուկով մտած էր կայարան: Լեւոնի դէմքը երկարած, առանց շարժելու մնացած էր կեցած տեղը: Շշմած. ո՛վ գիտէ, բայց մըտախոհ եւ ինքնամփոփ:

— Լեւոն, էդ ի՞նչ բանի ես, — վազելով մօտեցաւ Միքայէլը ու Լեւոնի թեւը քաշելով մօտեցուց խմբին, — տնա՛քանդ, գնացքը հիմա կը մեկնի:

Ինչպէս սովորաբար կը պատահի, վերջի պահուն ամէնքը իրար կը խառնուին: Լեւոնը հապճեպով բոլորին մնաք բարով ըսաւ, շնորհակալութիւն յայտնեց զինք ճամբու դնելու դալերնուն համար: Համբուրուեցաւ Միքայէլի հետ, ու դարձաւ Սոնիային մօտենալու: Մէկ երկու քայլ հեռու կանգնած, Սոնիան գունաթափ դէմքով, դժուարութեամբ կը զսպէր արցունքը:

— Մնաք բարով, Սոնիա, — ու կռանալով աղջկայ ձեռքը համբուրեց Լեւոնը:

— Երթաք բարով, — մեղմ շշուկի նման լսուեցաւ Սոնիայի ձայնը:

— Մէկ տարի վերջ կը վերադառնամ Վան, — առանձին ողբերգութեամբ խօսեցաւ Լեւոնը:

— Այո՞, կուգա՞ք...

— Կուգամ Սոնիա՛, — դպածուած խօսեցաւ Լեւոնը, — կուգամ ձեզ... կուգամ քեզ եւ քու զործին նուիրելու ամբողջ կեանքս...

— Լեւոն, Լեւոն... սիրելիս:

— Տօ գնացքը շարժեցաւ, — պողաց Միքայէլը:

Լեւոնը անգամ մըն ալ համբուրելով Սոնիայի ձեռքը, ցատկեց վակոնի սանդուխին վրայ: Գնացքը արագորէն կը հեռանար: Պատուհանէ մը դուրս ինկած կ'երեւնար Լեւոնի գլուխը:

Սոնիան քարացածի նման կանգնած հանդարտօրէն կ'արտասուէր, մինչ շրթունքները մեղմօրէն կը մըմընջէին.

— Լեւոն, Լեւոն, սիրելիս...

ՄԵԾ ՊԱՏԵՐԱԶՄԸ

Յուլիս ամսու առաջի շաբթու երեքշաբթի օր Կիրասոնի իսկիլէի (նաւամատոյց) վրայ ութ տաս երիտասարդներ խմբուած հեռուէն երեւցող Աւստրիական շոգինաւի խարսխելուն կը սպասէին: Շոգենաւը հազիւ կէս ժամէն հասնէր. քոստի եւ կարանքիմայի նաւակները նաւամատոյցէն ոչ շատ հեռու դանդաղ ընթացքով մը կը յառաջանային ծովուն բացը, ուր սովորաբար կը խարսխէին բոլոր շոգենաւերը: Ճանապարհորդական նաւակները դեռ ծովեզերքէն չէին բացուած, սպասելով շոգենաւի խարսխելուն եւ կարանդիմայի նաւակի վերադառնալուն, որմէ վերջ միայն կը թոյլատրուէր իրենց մօտենալ շոգենաւին, ճամբորդներ տանելու նաւը եւ կամ Կիրասոն ելլող ճամբորդները ցամաք հանելու:

— Շուտով նաւը կը խարսխէ, — ըսաւ խմբի երիտասարդներէն մէկը, — նաւակ մտնանք:

— Ինչո՞ւ կ'աճապարես, Վահա՛ն, դեռ ժամանակ կայ:

— Հայտե՛ր պաճալըմ, կէմիյէ կիտէմ կելսիմ (տէ շուտ ըրէք, նաւ գնացողը թող գայ):

— Տեսա՞ր, տէ շուտ նաւակ մտնանք:

Խմբէն չորս հոգի առաջին պատահած նաւակը մըտան, որ անմիջապէս հեռացաւ ամէն: Շոգենաւը խորսխած էր բաւական հեռաւորութեան վրայ: Դրօշակով երկու նաւակներ կը տատանէին շոգենաւի սանդուխի մօտ: Նաւակները մօտենալով որոշ հեռաւորութեան մը վրայ, իրարու կողքի կանգ առած սպասեցին: Մէկ ալ

երկու նաւակները բացուեցան շողենաւէն դէպի ցամաք ու ահա կարգին մրցում մը սկսաւ սպասող նաւակներուն մէջ, առաջինը հասնելու շողենաւին: Մէկ վայրկեանի մէջ սարսափելի դողում դոյնում սանդուխէն, շողենաւի կողքերէն երկնցած պարաններէն վեր մազլեցեցան նաւավարները՝ դուրս ելլելիք ճամբորդներուն տիրանալու համար:

Վահանն ու ընկերները թէեւ դժուարութեամբ, բայց վերջապէս ինքզինքնին դտան շողենաւի վրայ, առաջաւոր ամբարի կողքին, ուր շողենաւ մտնողներն ու ելլողներ թնճուկ մը կապած էին:

— Վահան, Վահան:

— Աս ո՞վ է կանչողը, տղաք մէկ մը չորս բոլորը... վա՛յ Լեւոն, բարեւ, բարի եկար...

Նաու թթի կողմ, բազմութենէն հեռու կանգնած մեր Լեւոնը, փոքր պայուսակ մը կշտին, կը սպասէր Վահանին, որուն փոխարինելու համար եկած էր Կիրասոն: Լեւոնն ու Վահանը իրար փաթթուած ջերմօրէն համբուրուեցան:

— Հիմա ծանօթացէք, — Վահանը հետը եկողները ներկայացուց, — Գառնիկ էֆէնտի, հողարարձութեան ատենապետը, Պարոն Վաղարշակ՝ մեր ուսուցիչներէն, Պարոն Հմայեակ՝ նոյնպէս ուսուցիչներէն, — էհ, ինչպէ՞ս անցաւ ճամբորդութիւնդ. շատ շատ ուրախ եմ որ եկար, Կիրասոնը պիտի սիրես, դեղեցիկ քաղաք է եւ գիտակից երիտասարդութիւն մը ունինք հոս: Հը՞, Լեւոն, ճանապարհին չնեղուեցա՞ր:

— Ո՛չ, շատ հանգիստ ճամբորդութիւն ունեցայ:

— Շատ ուրախ եմ, անհամբեր դալուդ կը սպասէի, երբ առաջարկութեանս համաձայնութիւն յայտնեցիր...

— Պր. Վահան, մէկ մը դուրս ելլենք ու անկէ վերջը խօսելու ժամանակ շա՛տ, — Վահանին ընդմիջեց Գառնիկ

էֆէնտին, — ծօ, Ալի՛, դայեխդ մօտեցուր: Ա՛լ ուրիշ բեռ չունի՞ք, պարոն, Լեւոն:

— Ո՛չ, այդքան միայն:

Քիչ վերջ մեր ծանօթները դուրս կուգային ծովափի մօտ ոստիկանական տնակի առջեւ, ուր ճամբորդներու անցազիւրներ կը քննուէին:

— Էֆէնտի, ատրնը՞գ (պարոն, անունի՞դ), — հարեւանցի ակնարկ մը նետելով անցազրի վրայ, ոստիկանը անփութօրէն հարցուց:

— Կարապետ Ալթունեան:

— Էվէթ, Էվէթ, կէչիմ, անէմ քապասարմտամ... (Այո՛, այո՛, անցէ՛ք, պարսկահպատակ...):

Այդ գիշեր Գառնիկ էֆէնտիի տանը ի պատիւ նորեկ տեսչին ընդունելութիւն կար: Հոն հաւաքուած էին Կիրասոնի աչքի զարնող երիտասարդները, ազգային վարժարանի ուսուցիչները եւ ուսուցչուհիները: Հակառակ Լեւոնի վանող արտաքինին, ընդհանրապէս տեղացիներու ընդունելութիւնը աւելի քան ջերմ, բարեկամական եղաւ:

Թէեւ Լեւոն նոր անունով մը կ'ուզէր ճանչցուիլ Կիրասոնի մէջ, բայց շատեր գիտէին անոր Վասպուրականի դործունէութեան մասին, իսկ չգիտցողներն ալ երկու օր շանցած լսեցին գիտցողներէն, այնպէս որ թէեւ պաշտօնապէս Կարապետ Ալթունեան կը ճանչցուէր, սակայն երիտասարդութիւնը ու մօտիկ ընկերները զինք Լեւոն կը կանչէին:

Դժբախտաբար, Լեւոնի ցանկութիւնը անծանօթ մընալու՝ չյաջողուեցաւ, պետական շրջաններն ալ հասկըցան անոր ինքնութիւնը: Քաղաքի ոստիկանապետը, որ երկու տարի առաջ տեղափոխուած էր Վանէն, օր մը պազարի մէջ հանդիպելով ճանչցաւ դայն ու «Լեւոն էֆէնտի, բարի ես եկեր» ըսելով մօտեցաւ: Անշուշտ ոս-

տիկանապետը Լեւոնի մասին անմիջապէս յայտնեց գայ-
մադամին :

Վասպուրականի մէջ ունեցած դիրքը եւ հռչակը պատ-
ճառ պիտի լինէին իր վրայ կեդրոնացնելու կառավա-
րութեան ուշադրութիւնը : Առաջի օրէն իսկ յայտնի ե-
ղաւ, որ ոստիկանութիւնը մասնաւոր հսկողութեան տակ
առած է զայն, թէեւ առանց որեւէ անհանգստութիւն
պատճառելու : Նոյնիսկ ոստիկանապետը մէկ երկու ան-
գամ այցելութեան եկաւ :

Կիրասոնը փոքր նաւահանդիստ մըն է, հազիւ քը-
սանեւհինգ հազար բնակչութեամբ : Հայերու թիւը հինգ
հարիւր տուն էր, մօտաւորապէս երեք հազար շունչէ
բաղկացած :

Սահմանադրութեան հռչակումէն վերջ, մասնաւոր-
աբար հայ բնակչութիւնը աննախընթաց թոյլէք մը կա-
տարեց ազգային, կուլտուրական եւ տնտեսական մար-
զերուն մէջ : 1895 թուականի համահայկական կոտորած-
ներէն վերջ անօրինակ խտրութիւններու ենթարկուած,
ինչպէս գրեթէ ամէն տեղ, կիրասոնցի հայն ալ ապրեցաւ
մղձաւանջային երկար կեանք մը, երբ պարզապէս ապ-
րիւր, գոյութիւն պահելը կարծես կէտ նպատակ լինէր :
Ազգային կեանք, դպրոց, եկեղեցի, կուլտուրական ըն-
կերութիւններ, ասոնք բոլորը խամրած ծաղիկի նման,
գոյութիւննին կը պահէին առանց սակայն իրական ար-
ժէք մը ներկայացնելու :

Հայ ծնիւր աններելի, իսկ հայ լինելը իսկական յան-
ցանք կը համարուէր : Հայերը կ'ուզէին աննշմար, ան-
տես ապրիլ. թուրքը չտեսնէր որ լաւ դպրոց ունին, փա-
ռաւոր եկեղեցի, որ այս կամ այն հայը տնտեսական
բարւոյք կացութեան մէջ է : Աղատ հաղորդակցութեան ի-
րաւունքէ զրկուած հայ վաճառականը, խանութպանը
հնարաւորութիւն չունէին ճամբորդելու, Պոլիս երթալու,

մինչ մրցակիցները, յոյներն ու քիչ մըն ալ թուրքերը,
պատեհութենէն օգտուելով հեղհետէ կը տիրէին առե-
տրական հրապարակին, տեղական շուկային եւ ներքին
դաւառներու յանձնակատարութեան գործին :

Սահմանադրութեան հռչակումով ամէն ինչ փոխուե-
ցաւ : Կիրասոնի փոքրաթիւ հայութիւնը չտեսնուած ե-
ռանդով բռնեց վերականգնումի ճամբան : Մէկ օրէն միւ-
սը, կարծես մինչ այդ պահարաններու մէջ պահուած,
նոր երիտասարդութիւն մը երեւան եկաւ, ազգային
կեանք, կրթական գործ, թատրոն, երգչախումբ, եկե-
ղեցի իրար խաչածեւեցին : Տնտեսական մարզին մէջ ալ
ձեռներէց երիտասարդներ յաջողութեամբ մրցումի ելան
յոյն եւ թուրք վաճառականներու, խանութպաններու
հետ :

Ինչպէս ամէն տեղ, ազգային արժանապատուութեան
գիտակցութիւնը քաջալերուեցաւ, երէկուան աննշմար
մնալ ուղղները ֆէստիւնին ծռեցին՝ «Մենք հայ ենք,
բան մը ըսելիք ունի՞ր» ի խմաստով : Մասնաւորաբար ե-
րիտասարդութիւնը դուրդուրոտ խնամքով մօտեցաւ հայ
դպրոցին : Զմայլելի գոհարերութեան ոգիով դպրոցը
դարձուցին ազգային օճախ մը : Հրաւիրուեցան կարող
ուսուցիչներ, հայ մանուկը հայ դաստիարակելու համար :

Դպրոցի վերջի տեսուչն էր Վահանը, որ երկու տարի
առաջ եկած Փարիզէն, քիչ մը դրամ խնայելով պիտի վե-
րադառնար նորէն Փարիզ, ուսումը վերջացնելու համար,
իսկ մինչ դալը՝ Լեւոնը պիտի մնար իր տեղը :

Եկեղեցիի թաղէն վեր Սօուք Սու արուարձանին մօտ,
մէկ սենեակի մէջ կ'ապրէին Վահանն ու Լեւոնը : Տան
տէրը պատուական հայ մըն էր, Հաճի Խաչատուր անու-
նով, Շապին Գարահիսարցի, որ տասնեակ մը տարիներ
առաջ եկեր ու հաստատուեր էր Կիրասոն : Հաճի Խաչա-
տուրը շուկայի մէջ փոքր խանութ մը ունէր, ջրեղէն-

կը ծախէր, հոտաւէտ իւղեր, տանթէլ, ժապաւէն, տը-
ղամարդոց վզկապ, օձիկ, շապիկ, եւայլն, եւայլն: Եր-
կու երիտասարդ տղաներ ունէր, Կարապետը՝ ա-
մուսնացած, իսկ փոքրը՝ Արտաւազը՝ տասնեւութ տա-
րեկան աշխոյժ պատանի մը:

Վահանը Լեւոնի դալէն շարաթ մը վերջ մեկնեցաւ:
Դպրոցները բացուելուն դեռ երկու ամիս կը մնար, ան-
դործ եւ շրջանին անծանօթ, Լեւոնը օրուայ մեծ մասը
սենեակին մէջ փախուած կ'անցընէր: Անշուշտ այցելու-
ներ անպակաս էին: Կիրասոնի աչքի դարող երիտասարդ-
ներու ժամադրաւայրը դարձած էր Լեւոնի սենեակը.
հոն կը հաւաքուէին, ժամերով կը խօսէին դանաղան հար-
ցերու, մասնաւորաբար Հայաստանի մասին, հայ ժողո-
վըրդի ապագայի մասին: Այնպիսի բուռն հետաքրքրու-
թիւն մը կը ցուցնէին, որ Լեւոնը այդ շրջանին մէջ հա-
րազատ ընկերներով շրջապատուած կը համարէր ինք-
զինք, ոգեւորուած կը պատմէր Վասպուրականի մասին,
հոն կատարուած եւ ծրագրուած աշխատանքներէն:

Հայկական նահանգներու բարենորոգումներու բա-
րեյաջող վերջաւորութիւնը, մեծ պետութիւններու ճըն-
շումի հետեւանքով, փայլուն հորիզոն մը կը բանար Հա-
յաստանի ապագայի համար: Հայ ժողովուրդը կարծես
արդէն անկախութիւն ձեռք բերած, սպասումի շրջան մը
կ'ապրէր, մօտիկ ապագային, դարեւոր երազը իրակա-
նացած տեսնելու հաւատքով: Վանէն ստացուած նամա-
կէ մը կ'իմանար Լեւոնը, որ Պաքուի եւ Ս. Փեթերպուրկի
մեծահարուստ հայերը երկրագործական պանքաներ պի-
տի հիմնեն հայկական նահանգներու մէջ, Սուլթան Հա-
միտի օրով տնտեսապէս քայքայուած հայ գիւղացիու-
թեան վերելքը հեշտացնելու համար:

Ելեքտրականացած մթնոլորտ կ'ապրէր կիրասոնցի
հայր: Թերեւս գինովութիւն, թերեւս խաբկանք, ո՞վ

կրնայ ըսել. երբ ժողովուրդ մը երկու տասնեակ տարի-
ներու անհնարին հալածանքէ մը կ'ազատի, երբ նորածին
երեխայի նման լոյս աշխարհ կուգայ, այլեւս չես կրնար
սանձահարել դայն, թափ առած պէտք է սուրայ, մինչեւ
որ քիչ մը յողնած, կանգ առնէ, ետեւը նայի անգամ մը
եւ կամ վազքի ընթացքին խրամատ մը, անանցանելի
արգելք մը կասեցնէ անոր վազքը:

Դժբախտաբար ոգեւոր տրամադրութեան ընթացքը
յանկարծ մեծ ցնցումով կանգ առաւ: Յուլիս 28-ի երե-
կոյեան, սովորական ժամանակէն առաջ, խանութը փա-
կելով, Հաճի Սաչատուր տուն վերադարձաւ: Առանց հո-
ղաթափները հաղնելու, նոյնիսկ առանց դգեստներէն ա-
զատուելու, բարձրացաւ վեր, Լեւոնի սենեակը, ինչպէս
կ'ըսեն դէմքը Աւագ Ուրբաթ դարձած:

— Բարի իրիկուն, Լեւոն էֆէնտիս:

— Բարեւ ձեզ, համեցէ՛ք Հաճի աղա, խե՞ր է:

— Խեր բան չկայ էֆէնտիս, — ու Հաճի աղան տե-
ղաւորուեցաւ սետիքի անկիւնը, մէջքը տուած բարձին,
ու չորս կողմ նայելով, որպէս թէ մէկը կրնար լսել
զինք, կամաց մը փափսաց, — էֆէնտիս, դործերը գէշ
կ'երթան:

— Ի՞նչ դործեր գէշ կ'երթան Հաճի աղա, առեւ-
տո՞ւրդ...

— Չէ՛, ճանրմ, խանութի դործը, Աստուած պէրէ-
ֆէք տայ, աղէկ է, ըսել կ'ուզեմ քի... աղջի՛կ Վարդու-
հի, հէլէ մէկ քապուսն ու կէֆէլիկս բեր, անմահական
ջուրն ալ չմոռնաս...

Հաճի Սաչատուրը երեկոները տուն դալուն քիթը
կախ եւ դաժան տրամադրութեամբ ամենէն առաջ բակին
մէջ ոտնամանները պիտի հանէր, հողաթափները հազ-
նելով, վերջէն պիտի երթար սենեակ դիչերանոցը հազ-
նէր, վրայէն ալ երկար վերաբեկու մը, պիտի բարձրա-

նար Վահանի սենեակը, ուր այժմ Լեւոնը կը մնար, սետիքի անկիւնը պիտի նստէր ծալապատիկ, Վարդուհին անմիջապէս արտէի վրայ շարած յիսուն տիրէմնոց օղիի շիշ մը, երկու բաժակ, քիչ մը ձիթապտուղ եւ պանիր պիտի բերէր եւ խնամքով դնէր կեսրայրին առջեւ: Հաճի Պաշտուրը երկիւղած զգուշութեամբ պիտի լեցնէր իր բաժակը, մէկ ուսով կ'ըլլէր օղին: Ատկէ վերջ երբ քանի մը հաս խմեր, լեզուն կը բացուէր, կախ քիթը կը բարձրանար, զօռով մէկ բաժակ օղի կը խմցնէր Լեւոնին, ու անոր թեւը մտած ուրախ գուարթ վար կ'իջնար ընթրելու, երբ յիսուն տիրէմնոց շիշի բովանդակութիւնը հատած կը լինէր:

Որքան ալ որ այդ երեկոյ շատ կարեւոր լուր ունէր հաղորդելիք, սակայն կօշիկով ու դրսի զգեստներով նստիլը, փուշի վրայ նստելու նման կուգար Հաճի Պաշտուրին, մանաւանդ որ մէկ երկու բաժակով աչքերուն լոյսը դեռ չէր բացուած:

Քանի մը վայրկեանէն Վարդուհին երեւցաւ սեմին վրայ, մէկ ձեռքով արտէն եւ միւսով գիշերանոցն ու հողաթափները բռնած:

— Ափերիմ աղջիկս, սետիքի վրայ դիր նայիմ:

Հաճի Պաշտուրը կօշիկները հանեց, նոյնպէս ըզգեստները, գիշերանոցը հագաւ ու անկիւնի իր տեղը դրաւելով ծանր ու մեծ օղի մը լեցուց, մէկ ուսով դատարկեց եւ ձիթապտուղի մը կէսը խածնելով՝ դարձաւ Լեւոնին:

— Լեւոն էֆէնտիս, դործերը գէշի կը դարնեն, ասոր ժամու գանկի վախթը, թուրք փիւնրը, քաղաքին մէջ իլամ (յայտարարութիւն) մը պտըտցուցին. դրացիս Հաճի Հաֆըզ զատէ Իպրահիմ Բէյը, մէթալիկ մը տալով հատ մը առաւ, իշտէ անկէ իմացայ, որ Նեմցայի

իմբերաթոռին տղան Սերպերը զարկեր են, աշխարհը բիւքիմ ոտքի ելեր է... դուն ասոր ի՞նչ կ'ըսես:

Բոլորովին անտեղեակ, Լեւոնը զարմացած նայեցաւ Հաճի Պաշտուրին: Եթէ իրողութիւն էր, կրնար շատ ծանր հետեւանքներ ունենալ:

— Ո՞վ գիտէ, ո՞րքան ստոյգ լուր է:

— Հա ճանրմ, իլամի մէջ գրուած էր. Իպրահիմ բէյը քօլիքիֆայէ կը հասկնայ, ըսաւ քի եթէ ասոր հետեւանքը պատերազմ չըլլայ, այլ խնդրաւորաբար թրաշ ընել կուտամ: Խապարի շիտակ ըլլալուն հիշ կասկած մի ունենար: Դուն ալ քիչ շատ քօլիքիֆայէ կը հասկնաս, ատուընէ մինչեւ իրիկուն զագիթա կը կարդաս, քու խելքդ ի՞նչ կը կտրէ այս բանին:

— Վատ է, շատ վատ, — աւելի իր մտածումին պատասխանելով մրմնջեց Լեւոնը:

— Հա, իշտէ ես ալ ասոր համար ըսի քի դործերը գէշ կ'երթան կոր, աս մեր Հայաստանի խնդիրը մէջ չը խաղայ տէ, ի՞նչ կ'ուզէ ըլլայ: Էֆէնտիմ փարայով չէ, սրայով է, մէկը զարկին նէ, թո՛ղ մէկալ տղան տեղը անցնի:

— Վատ է, շատ վատ:

Ընթրիքէ վերջ Պաշիկը եկաւ Լեւոնը տեսնելու: Հաճի Պաշտուրի տուած լուրը դժբախտաբար կը հաստատուէր: Սերայեվոյի մէջ, սերպ ուսանող մը քանի մը զնդակով տեղն ու տեղը սպաննած էր գահաժառանգ Ֆրանց Ֆերտինանդը: Ոճիւրը անհնարին յուզում եւ դայրոյթ առաջ բերած էր Աւստրիայի եւ Գերմանիայի մէջ, իսկ հետեւանքներու մասին դեռ լուր չկար:

Ջարմանալի կերպով այս սպանութեան լուրը մըղձաւանջային ծանրութեամբ չոքեցաւ ամբողջ Թուրքիայի վրայ, մասնաւորապէս հայերուն, որոնցմէ շատեր ո՛չ Աւստրիայի վրայ գաղափար ունէին եւ ոչ ալ եւրոպա-

կան պետութիւններու փոխյարարերութիւններէն բան մը կը հասկնային: Սակայն եւ այնպէս ծանր արճիճի նման այդ լուրը չօքեցաւ սրտերու վրայ: Արդեօք ի՞նչ հետեւանք պիտի ունենար:

Տուներու մէջ, սրճարանները, խանութներու մէջ այդ դէպքի մասին կը խօսէին միայն, կարծիքներ կը յայտնէին: Թրքահայն փոքր տպարանը, որու վրայ մինչեւ այդ ոչ ոք ուշադրութիւն կը դարձնէր, յանկարծ դարձեր էր բոլորի հետաքրքրութեան առարկան:

— Ծօ չարխը կը դարձնեն կոր, նորէն իլամ պիտի ելլէ:

— Ասոր աւետիս մը չելաւ տախա:

— Բիւթիւն ժողովուրդը իսկիլէն թափեր է, Բաքէի վարօրին գալու ժամանակն է. նայի՛նք ինչ խապար կայ Ստամպուլի դազեթաներուն մէջ:

Մեծ ու պզտիկ, հասկցողն ու չհասկցողը Սերայե-վոյի դէպքի մասին կը խօսէին, եթէ նոյնիսկ չէին գիտեր թէ աշխարհի ո՞ր մասին մէջ կը գտնուէր այդ չարարաստիկ քաղաքը: Իրարու յաջորդող լուրերը աւելի ծանրակշիռ, աւելի մտահոգիչ դարձան. կարծես քանի մը օրուայ ընթացքին մարդոց տրամադրութեան հետ դէմքերն ալ փոխուեցան: Հողեկան խուճապ մը կար, անբացատրելի երկիւղ մը, ի՞նչ բան է, ինչո՞ւ համար, ոչ ոք չէր կրնար բացատրել: Արդեօք արեւը կը ծաղէր թէ՛ երկինքը կապարէ թիթեղով ծածկուած էր: Թուրքը, յոյնը, հայը, բոլորը, բոլորն ալ մտահոգ, ընկճուած ու ջղային վիճակի մէջ:

Հաճի թաշատուրը յիսուն տիրէմնոց օղիի շիշը, վերածեր էր հարիւր տիրէմնոցի:

Աւստրիայի պատերազմի յայտարարութեան լուրը Յուլիսի քսանեւկեցին միայն հասաւ Կիրասոն:

— Հապա ես չըսի՞ մի:

— Ծօ՛, տախա կեցիր նայինք ինչե՛ր պիտի ըլլան:

Երկու օր վերջ Ռուսաստանի զօրակոչը հիմէն ցնցեց ամէն կասկած եւ տարակուսանք. Եւրոպան արիւնի ծով պիտի դառնար: Մէկ մէկու ետեւէ Գերմանիայի եւ Ֆրանսայի զօրակոչերու լուրը եկաւ՝ տալնապը ծայր աստիճանի հասցնելու: Մասնաւորաբար Գերմանիոյ պատերազմի մասնակցելու լուրը ծանր լախտի մը նման ինկաւ թուրքերու գլխուն: Եթէ Գերմանիան պատերազմէր, ապա իրե՞նք: Յետոյ ի՞նչ պիտի լինէր իրենց վիճակը:

Երկու օր վերջ Հաճի թաշատուրը երեկոյեան տուն վերադառնալուն, առանց հողաթափի եւ գիշերանոցի ուղիղ Լեւոնի սենեակը բարձրացաւ:

— Բարի իրիկուն, Լեւոն էֆէնտիս. քիչ առաջ նոր իլամ մը ելաւ, Ինկիլիզն ալ խառնուեր է կռուին, տէր կանգներ է Ֆրանսոյին: Իմ կարծ խելքովս, Ինկիլիզը որ մէջը մտաւ, Ալմանին մարը լացաւ: Դուն ի՞նչ կ'ըսես ասոր:

Սակայն հետզհետէ այդ զգայացունց լուրերը կարծես իրենց առաջ բերած նախկին տպաւորութիւնը կորսնցուցած, աւելի հետաքրքրութիւն, վերջը իմանալու, հեռուէն ահանատես լինելու անլնաս տրամադրութիւն մը առաջ բերած էին ժողովրդին մէջ. թէեւ կառավարական պաշտօնեաները, մանաւանդ զինուորականները խոհուն, դաժան դէմքով կ'անցնէին փողոցներէն:

Օդոստոս 1-ի առտուն յանկարծ անամպ երկնքէն կայծակը խիեց, անհնարին սարսափով համակուեցաւ ամբողջ ժողովուրդը:

Ձօրակո՛չ. 20-էն 45 տարեկանները անմիջապէս գէն-քի տակ:

Կարմիր թղթով յայտարարութիւնները ճամիներու, դպրոցներու, հեռագրական սիւներու վրայ: Բազմու-

Թիւնը խոնուած էր ամէն տեղ: Լաց, ողբ ու կոծ: Տունէ տուն լուրը հասաւ քաղաքի հեռաւոր ծայրերը:

Հայ կիներ կուլայ, յոյն կիներ կուլայ. իսկ թուրք կիներ կ'ողբայ անբացատրելի սարսափով համակուած. ան տուեր է շարունակ, ծներ ու տուեր է իր զաւակը որ տանին Եմէնի, Արարիայի անապատներու մէջ կոտորելու եւ կամ անհաւատ Ռուսի խաղախներու ձիերու տակ ճգմելու:

— Եարաքիմ պու կիւնի կէօստէրմէյէիտըն, (ստեղծողս, այս օրը թող չցուցունէիր):

— Ղահր օլսուն Ալման (անիծուի՛ Գերմանիան):

Հայերը լեցուեր են Առաջնորդարանը: Առաջնորդական փոխանորդ տէրտէրը, խեղճ ու հիւանդկախ մարդ մը, ո՞ր մէկուն խօսք հասկցնէ, ո՞ր մէկուն ցաւին ճար ընէ:

— Աս ըլլալիք բա՞ն է մի, խօսք չունինք, կառավարութիւն է կը կանչէ, թուրքերը քալիմ տեսեր են, զէնքի տակ գտնուեր են, սա մէկ մը ինծի ան հասկցուցէք, ես քառասուններկու տարեկան մարդ, օլուղ չօֆուլի տէր, կեանքիս մէջ հաւ մը իսկ չեմ մորթած, զէնք ձեռքս չեմ առած, ես երթամ տէ ի՞նչ խեր պիտի տեսնան. տէր պապա, ասոր իմապիւն նայելու է, մեր հալը հասկցուր, բան մը թող ընեն, մեղք ենք, հէմ մենք կը կորսուինք, հէմ մեր օլուղ չօֆուլը, Պատրիարքարան հեռագիր տուր:

— Տուեր եմ զաւակս, տուեր եմ, դեռ պատասխան մը չկայ, Աստուած վերջերնիս բարի ընէ...

— Աման տէր պապա, — տէր հօր ոտքերուն իյնալով կուլայ աղքատ կին մը, — իմ Սերոբս տախա տասնըութը չկայ, աչքը ելլէ ան մուխթար Պետրոսին, քսան գրեւ տուեր է, մէկ մը ֆիւթիւկը նայէ, պէլի բան մը կրնաս ընել... մեղք եմ. տան հաց բերողս է...

— Աղջիկս, — ձեռքերը յուսահատօրէն տրորելով

կ'ըսէ խեղճ քահանան, — ես ինտո՞ր ֆիւթիւկիմ մէջ դալեմ խաղցնեմ, ըլլալիք բան չէ...

— Ապա ես ի՞նչ ընեմ, տէր պապա, օլուլս չօֆուլսով անօթի՞ մեռնիմ...

Մէկ կողմէն երիտասարդները կ'երթան կ'արձանագրուին, ոմանք կը պահուին, իսկ առաջնորդարանը անընդհատ հեռագիրներ կուտայ՝ Պատրիարքարանէն օգնութիւն սպասելով:

Վերջապէս Պատրիարքարանէն եկած հեռագիր մը սպասուած մեծ աւետիսը կը բերէ, կառավարութիւնը համաձայներ է քրիստոնեաներէն պետել (զինուարական ծառայութեան փոխարէն տուրք մը) վերցնել: Քաղաքը իրար կ'անցնի: Հարուստ ու աղքատ կուտան, կուտան աղատուելու համար դժոխքէն, իրենց մսերը քրքրող ցաւէն: Բայց ինչպէ՞ս, որտեղէ՞ն կը ճարեն անձ գլուխ քառասուն ոսկին: Հարուստը կրնայ, հապա արհեստաւորները, աղքատները:

— Քա մարդ, հելէ սա երկու պէշի պիրիկս ա՛ն, աս նշանի՛ մատանիս ալ, սահաք ֆորտունն ալ ի՞նչ ընեմ. աս ալ առ, սա ալմաստ օղերն ալ մօրմէս ետսիկար մնացեր էին, ատոնք ալ դիր վրան, վաղը չարշիմ կը տանիս տէ...

Ամուսինը կնոջը երեսը կը նայի, աչքերուն մէջ խանդաղատանք կայ, արցունք կայ, տղամարդու հպարտութեան ուրացումը կայ:

— Աղջի Մարիամ, կ'ըլլայ մի ես...

— Ճանըմ տար կ'ըսեմ նէ տար, դուն մեռնիս նէ իմ ինչո՛ւս պէտք ազ զարդերը...

Հայ ջրկիր մը, որ օրական հացը ասոր անոր տունը ջուր կրելով կը վաստկէր, քառասուն ոսկին ափին մէջ կը ներկայանայ կառավարութեան պետելը տալու:

Թուրք պաշտօնեան զարմացած կը համրէ քառասուն

ոսկին, գլուխը թափ տալով: Ջրկիր հայը քառասուն
ոսկի բերէ...

Ընկճուած, տխուր է հայ ժողովուրդը, ճահիլ թառ-
լան երիտասարդները կ'երթան, ամէն մէկը տան մը սիւ-
նը, կ'երթան ու ա'լ պիտի չվերադառնան. ինչպէ՞ս սըր-
տերնին չմորմոքի, ինտո՞ր արիւն արցունք չլան: Սու-
դը, ողբը տան չորս պատերուն մէջ կը մնան. փողոց
չեն ելլեր, ճամբաներուն վրայ չեն քաշկրտուիր: Թուրքի
տունն ալ ցաւի եւ յուսահատութեան մէջ, սակայն ողբը,
կոծը փողոց են իջեր, ճամիներու առջեւ, շուկային մէջ,
նորակոչներու հաւաքատեղին, քաղաքէն դուրս ճամբու
վրայ, որ բաժանման վայրն է:

Ահա շարքով կուգան մեկնողները, առջեւէն դհու
դուրնան կամ քէմէնչէն, որպէս թէ ոգեւորիչ եղանակով,
գլուխները կախ, ոտքերնին քսքսելով կը հետեւին թուրք
ղինուորները: Հարիւրաւոր թուրք կիներ ճամբու երկու
կողմերուն:

— Իսմայէլ, օղլում... օղլում... (Իսմայէլ,
տղա՛ս, տղա՛ս):

— Ահմէ՛տ, քարտաշը՛ւմ... աման Էօլիւօրն՛ւմ...
(Ահմէ՛տ, եղբա՛յրս... կը մեռնի՛մ...), — նամէհրէ՛մը
մոռցած, կուրծքը ծեծելով կ'ողբայ դեռատի աղջիկ մը:

Ճահիլ կին մը, որու ամուսինը գնացողներու մէջ է,
նուաղած կ'իյնայ շրջապատող կիներու թեւերուն վրայ:

— Քահր օլսուն մուհարէպէ...

— Մէհմէտնիյիմ, պէնի սաղ սաղ մէգարա գօյուպ
տա Էօյլէ կիտէյիտիմ (Մեհմէտիկս, դիս ողջ ողջ գերեզ-
ման դնէիր ու այնպէս երթայիր), — մաղերը փետելով
աղեխարշ ձայնով կը պոռայ պառաւ կին մը:

Ողբ, լաց, սրտապատառ ճիչեր ու քէմէնչէի ձայնը
կամաց կամաց կը հեռանայ:

Օգոստոսի երկրորդ շաբաթն էր: Հինգշաբթի երե-
կոյ, Հաճի Խաչատուրը մեծ տղուն հետ սովորական ժա-
մուն տուն չեկաւ: Տնեցիք սաստիկ անհանգստացած ի
զուր սպասեցին անոնց տուն դալուն: Կարգին մթնեք էր,
երբ Լեւոնի խորհրդով՝ մայրը կրտսեր որդին ղրկեց
լուր մը բերելու: Գէշ ժամանակներ էին, ո՞վ գիտէ թէ
ինչե՛ր կրնային պատահիլ: Արտաւազըն ալ դնաց ու չե-
կաւ: Անհանգստութիւնը իրական սարսափի վերածուե-
ցաւ տան մէջ. ողբն ու կոծը սկսան, Լեւոնի հանգստա-
ցընելու փորձերն ալ ապարդիւն անցան:

Երկուքի մօտերը, ըստ թրքական ժամի, յանկարծ
տան դրսի դուռը բացուեցաւ ու Հաճի Խաչատուրն ու
երկու դաւակները, ահագին կապոցներու բեռան տակ
կքած, ներս մտան: Կինը ուրախութենէն խենթացած
վազեց դիմաւորելու: Կոնակի բեռը վար դնելով, Հաճին
քրտինքը սրբեց ու տղոց պատուիրելով որ կապոցները
մախսէնը իջեցնեն, ինք սենեակը քաշուեցաւ, գիշերանո-
ցը հագաւ ու հողաթափները ոտքերը անցընելով, բարձ-
րացաւ երկրորդ յարկը, Լեւոնի մօտ:

— Բարի իրիկուն Լեւոն էֆէնտիս, — ըսաւ Հաճին
ու սետիրի սովորական անկիւնը դրաւեց:

— Բարի երեկոյ, Հաճի աղա, այս օր շատ ուշացաք,
տնեցիք շատ անհանգիստ էին:

Այդ պահուն հարսը ներս մտաւ եւ սետիրի վրայ
դրաւ օղիի ափսէն ու անմիջապէս դուրս ելաւ սենեակէն:
Երբ հարսի ոտքերու ձայնը մարեցաւ սանդուխն ի վար,
Հաճին օֆ մը քաշելով դարձաւ Լեւոնին:

— Էֆէնտիս, դժոխքի մէջ կ'ապրինք, օրը նոր կա-
ռավարութեան խաղերը նոր: Առտու տախա նոր դայֆէ
մը խմած էի, մէկալ տեսնաւ չարշիմ իրար անցաւ, հոս
հոն ժանտարմներ կեցան, որուն որ հարցուցի «բան մը
չիյտենք» ըսին: Մէկ ալ տեսնեմ՝ չարշի վերի ծայրէն

խումբ մը զինուորականներ կուգան, փոլիսներ, համալ-
ներ եւ երեք չորս ալ արապա ետեւնուն ձգած: Ամենէն
առաջ Եօրզաքիին խանութը նման. Եօրզաքին մանուֆա-
թուրայի վաճառական մըն է: Անցաւ կէս ժամ, մէկ մըն
ալ նայիս ապրանք է որ կը կրեն ու կը լեցնեն արապա-
ներուն վրայ: Հաճի Հաֆըզ գատէ Իպրահիմ պէյի եւ իմ
խանութս իրարու կից են, ան ալ մանուֆաթուրայի
գործ կ'ընէ, մէկ մտնեմ անոր քովը տէ, խապար մը առ-
նեմ ըսի ինքնիրենս: Սոխին անուշը չ'ըլլար, բայց Իպրա-
հիմ պէյը անվնաս մարդ մըն է, մեծ ջարդի տարին հա-
յերուն լաւութիւն ըրաւ: Հէլէ մէկ սա դաւաթը պար-
պենք, Լեւոն էֆէնտիս, Աստուած վերջերնիս բարին կա-
տարէ:

Բաժակները պարպուեցան:

— Հա', Իպրահիմ պէյը ըսաւ քի, զօրքերու համար
պէտք եղածները, կաշի, մանուֆաթուրա, հազըր կօշիկ,
ֆանէլա, սապոն, բրինձ, դայֆէ, տահա եւ ի՞նչ դիտ-
նամ, մէկ խօսքով ինչ որ պէտք է նէ, կառավարութիւ-
նը պիտի հաւաքէ: Կարծես քի սրտիս վրայէն մեծ քար մը
վերցուցին, իմ խանութէս հիչ բան մը վերցնելիք չու-
նէին, շատ շատ քանի մը տուգիւն տակի ֆանելա կար,
անոնք ալ կիւլէն զարկած էր: Կամաց կամաց խանութ-
ները սանտրելով վար եկան. քրիստոնեաներու խանութ-
ներէն շատ ապրանք տարին, տեսնէիր մէկ մը խանութ-
պաններու դէմքը, խունկ կտրեր էին գաւալըները:
Թուրքերէն շատ քիչ բան տարին: Մէկ ալ տեսնեմ փոլիս
Ահմէտին հետ հարիւրապետ մը տնկուեցաւ խանութիս
առջեւ, բան մը հարցուց փոլիսին, ան ալ գլուխը երեք-
ցուց: Ներս մտան, «չորպաճի», ըսաւ, «ա'ս վար առ,
ա'ն վար առ, ա'ս պէտք կուգայ, ա'ն ալ աղէկ է վար
առ»: Խանութը գլխուս չորս բոլորը դարձաւ: Պէյ էֆէն-
տի, կ'ըսեմ, աս լէվանդաները, հոտոտ սապոնները, աս

ֆորտիաները զօրքը ի՞նչ պիտի ընէ. «սո'ւս կեցիր, կեա-
վո'ւր» կը պոռայ վրաս, «ինձի խեղք պիտի սովորեցը-
նես»: Գիները կը հարցնէ, հաշիւը կուտամ, թղթի մը
վրայ երկու տող կը ձգողէ, մէտիւր մըն ալ տակը կը
կոխէ, «ա'ո», կ'ըսէ ինձի, «պատերազմէն վերջ կառա-
վարութենէն առնելիքը կը ստանաս»... ահա թուղթը,
ես աս թուղթը ի՞նչ ընեմ:

Կտոր մը թուղթի վրայ երկու տող եւ կնիք մը:

— Էֆէնտիս, աշկարայ թալան է, տահա նոր սկը-
սաւ, վերջէն ո՞վ դիտէ ամէն բան պիտի տանին: Մթնե-
լուն սպասեցի, փարա ընող ապրանքը մէկտեղեցի, իշտէ
տուն բերի: Աստուած վերջերնիս բարին կատարէ:

— Իսկ թուրքերէն բան մը չտարի՞ն:

— Տարին, տարին բայց քանի մը կտոր բան, Եօր-
զաքիի խանութէն արապա մը լեցուցին, Իպրահիմ պէյէն
քանի մը քովի պասմա առին միայն: Խելքս չպակեցաւ
էֆէնտիս, աս ինձմէ վերցուցած ֆորտիաները, լիվան-
քաները զօրքին ի՞նչ պէտք են...

Լեւոնը ուսերը թօթուելով գլուխը կախեց: Կատար-
ուածը անկասկած նպատակաւոր թալան մըն էր, ոչ-իս-
լամ տարրը տնտեսապէս փճացնելու աղքատացնելու դի-
տումով: Քաղաքի խանութպան եւ վաճառական դասը
սմբեցաւ, կարծես կեանքը կանգ առաւ:

Ատկէ վերջ դէպքերը դահապէժ ընթացք ստացան:
Թրքական փոքրիկ տպարանը դիշեր ցերեկ կ'աշխատէր,
ասկէ անկէ եկած չափազանցուած լուրեր կը հաղորդէր,
երբեմն ալ Պոլսէն առնուած կարեւոր տեղեկութիւններ:
Սեպտեմբեր 9-ին, կառավարչատան բակին մէջ մեծ ցոյց
մը կատարուեցաւ. «գահր օլսուն ֆարաք-ասօնլար» կը
մը կատարուեցաւ. «ամբոխը եւ սակայն ոչ ոք դիտէր
պոռար խելագարուած ամբոխը եւ սակայն ոչ ոք դիտէր
ֆախիթ-իլասիոն բառի իմաստն ու նշանակութիւնը:
Բազմութիւնը հայհուլներով դիմեց ռուսական փոխ հիւ-

պատոսի բնակարանը:

Այդ օրուան ցոյցի մասին երբ Հաճի խաչատուրը բացատրութիւն մը խնդրած էր Իպրահիմ պէյէն, վերջինս հասկցուցած էր հայ բարեկամին թէ՛ ատկէ վերջ թուրք կառավարութիւնը պիտի մտնէր մեծ պետութիւններու շարքին մէջ, որ քոնսիւլները առանց զավազի պիտի քալէին ատկէ վերջ:

Սեպտեմբեր քսանին ծանր պայմաններու մէջ բացուեցաւ հայոց վարժարանը եւ տեսնուեցաւ որ բացի ուսուցիչներու թերի կազմէն, նիւթական միջոցներն ալ ցամքած էին, ինչպէս ցամքած էր ժողովրդի քսակը: Լեւոնը ու ընկեր ուսուցիչները նուազադոյն վարձքով համաձայնեցան աշխատիլ, միայն թէ վարժարանը չդոցուէր, թէեւ աշակերտներէն շատեր կը բացակայէին, մասնաւորաբար բարձրագոյն դասարաններու պատկանողները, որոնք զինուոր գնացած երիտասարդներու տեղը դրաւած էին շուկայի մէջ:

Նոյեմբերի երեքին տպարանի մամուլը չարաչար կը դործէր, տպարանի առջեւ ոստիկան մը կանդնած ոչ ոքի կը թոյլատրէր ներս մտնել: Բազմութիւնը հետզհետէ կը ստուարանար, նորութիւն մը, դըրդացնող անակնկալ մը, ո՞վ գիտէ, թերեւս գերմանացիները Փարիզ մտած էին եւ պատերազմը վերջանալու մօտ:

Ո՞ր տեղէն, յանկարծ դրօշակները, փաթթոցաւորները, նաւավարները, համալները նորէն մէջտեղ ելան, ձեռքէ ձեռք թուուցիկները կը յափշտակուէին, թրքական մարտանաւերը — գերմանական կէօպէն ու Պրեսլան ըսել կ'ուղէին — Օտեսան եւ Նովորոսիսկը ոմբակոծեր են, աւերակներու կոյտի վերածնելով անհաւատ ոռուսի նաւահանդիստները. թրքական անվեհեր բանակը խուժեր է ոռուսական սահմանէն ներս: Պատերազմ, պատերազմ դարեւոր թշնամի խընդըր ոռուսի դէմ:

— Եաշաստ՛ւն, եաշաստ՛ւն միլլէք (կեցցէ՛, կեցցէ՛ ազգը) դէպի Կարս, Արտահան, Պաթում... .

Թեւիլալ Իսմայէլը, որ մինչեւ այդ եկեղ գնացող շոգեմաւերու ժամանումի, մեկնումի եւ հանդիպելիք նաւահանդիստներու թուումը կ'ազդարարէր փողոցներու անկիւններէն, սանդուխի մը վրայ բարձրանալով պոռաց.

— Մտիկ ըրէ՛ք, մեր փառապանծ բանակը ոռուսական հողը մտաւ, ինչալլաի շուտով Թիֆլիզը կ'առնեն, շուն ոռուսը արժանի պատիժը կը կրէ, Թուրքիան կը լեցուի վրացի գեղեցկուհիներով:

— Ամի՛ն, ամի՛ն:

Հակառակ փողոցային ցոյցերուն, ծափահարութիւններուն եւ դռում դռնումին, պատերազմի յայտարարութիւնը մղձաւանջի ծանրութեամբ չոքեցաւ ամբողջ քաղաքին վրայ: Թերեւս ամենէն աւելի թուրք ժողովուրդը անանուն սարսափ մը ապրեցաւ: Անցեալը մոռցուած չէր, իսկ մոսկովը՝ արիւնկղակ թշնամի մը, որու առջեւէն քանի քանի անդամներ ջարդ ու փշուր քաշուած էր թրքական բանակը:

Այն ինչ որ անսպասելի կը համարուէր, կատարուեցաւ: Մարդարէի փոխանորդը երկրիս վրայ, անոր սրբազան շուքը, Նոյեմբերի 11-ին ճիհատ յայտարարեց երկրագնդի բոլոր իսլամներուն, կրօնական պատերազմ, բոլոր անհաւատներու դէմ: Այդ օր Կիրասոնի քրիստոնեաները, հայ թէ յոյն քաշուեցան տները: Նորէն հրապարակ ելան դրօշակները, աղօթող մոլլաները ու անոնց հետ սրերով, բիրերով զինուած թուրք ամբոխը, որ սալվաթ դռաւով քաղաքի փողոցներէն կ'անցնէր:

Պատերազմի արիւնոտ թաթը հետզհետէ կը ծանրանար: Իրարու յաջորդող յաղթանակներու լուրերը Կովկասեան ճակատի վրայ ոչ ոքի կ'ուրախացնէին. ըսենք թուրքերն իսկ չէին հաւատար այդ լուրերուն. այդ յայ-

տարարութիւնները կարծես երես ճերմկցնելու համար կը հրատարակուէին միայն: Թուրք ամբոխի տրամադրութիւնը հայերու հանդէս սկսած էր լարուել, ատելութեամբ կը նայէին անոնց, զգալով որ հայերու բուռն փափաքը, ցանկութիւնն էր օր առաջ Կիրասոնի առջեւ դիմաւորել ոռոսական զօրքը, որու կարելիութեան կը հաւատային թուրքերն ալ:

Բանակէն դասալիք զինուորներ սկսան հասնիլ Կիրասոն: Անհաւատալի բաներ կը պատմէին: Իրողութիւն էր սակայն, որ հայ եւ յոյն զինուորները զինաթափ վիճակի մէջ, ամելէ քապուրնի կազմած էին անոնցմէ: Ճամբաներու վրայ եւ կամ փոխադրական գործի վրայ կ'աշխատցնէին զանոնք, ամենածանր պայմաններու մէջ եւ սննդի անբաւականութենէն ու հիւանդութիւններէ արագօրէն կը կոտորուէին անոնք:

Լեւոնը ինքզինք ծուղակ ինկած գաղանի նման կը դաբար: Այդ բախտորոշ շրջանին, երբ ինք պէտք է գտնուէր Վասպուրական, հայ ժողովրդի մէջ, անոր հետ դիմադրակելու գալիքը, բախտի անհամ կատակով մը ինկած էր Կիրասոն, բոլո մը հայութեան մէջ, կտրուած աշխարհէն, կտրուած հայկական հոծ զանգուածէն: Արդեօք ինչե՞ր տեղի կ'ունենային Վանի, Շատախի, Գաւաշի մէջ: Կը գիտակցէր, որ ահաւոր փոթորիկ մը պիտի պայթէր հայ ժողովրդի գլխուն, մասնակի կոտորած, ալան թալան, անխուսափելիօրէն տեղի պիտի ունենային, մանաւանդ երբ թուրք բանակը ծեծը ուտելով սկսէր ետ քաշուիլ: Թերեւս որոշ շրջաններու հայ ժողովուրդը բոլորովին սրբուէր, բայց հայութիւնը զանգուածօրէն պիտի մնար հայրենի հողին վրայ: Լեւոնի մտատանջութեան գլխաւոր կէտը այն էր թէ՛ ի՞նչ տոկոսը պիտի կոտորուէր:

Քաղաքին մէջ շրջան առաւ հայ կամաւորներու ոռ-

սական բանակին մասնակցելու պատմութիւնը: Ակնարկներ, թշնամական եւ վիրաւորիչ խօսքեր սովորական դարձան թուրքերու կողմէ:

Ապրիլի մէջ, օր մը, որպէս թէ պատահարար դարձողի դրան վրայ ոստիկանապետը հանդիպեցաւ Լեւոնին:

— Վա՛յ Լեւոն էֆէնտի, ինչալլահ աղէկ ես:

— Շնորհակալ եմ, Սապրի պէյ:

— Է՛, ի՞նչ կայ չկայ, Վանի կողմերէն լուր կ'առնե՞ս, կոմիտէիներդ իրարմն լուր կ'ունենա՞ք:

— Կիրասոնը ո՞ւր, Վանը ո՞ւր, — պատասխանեց Լեւոնը, — դուք լուր մը ունի՞ք... —

— Հը՛մ, գայլը ամպոտ օր մը կը փնտռէ... — դիւային ծիծաղով մը ըսաւ Սապրի պէյը, — ձերոնք նորէն գործի վրայ են:

— Ի՞նչ գործի վրայ, Սապրի պէյ, ամէն տեղ ալ հայ ժողովուրդը սիրով զինուոր տուաւ հայրենիքի պաշտպանութեան համար:

— Սիրով զինուոր տուաւ որ ետեւէն ալ դանակ կոխէ հայրենիքի սրտին մէջ... մենք աւելի լաւ կը հասկընանք այդ բաներէն: Ինչ որ է, դպրոցդ ի՞նչպէս կ'երթայ:

— Կաղն ի կաղ. շատ աշակերտ չէ մնացեր, հիմա ամէն մարդ կտոր մը հացի ետեւէն ինկած է:

— Մնաս բարով, քեզի նեղութիւն տուող մը ըլլայ նէ ինծի իմացուր, նորէն Հաճի Սաչատուրի տունը կը մնաս, անանկ չէ՞, — ու առանց պատասխանի սպասելու հեռացաւ:

Այդ գիշեր Լեւոնը անկողնին վրայ երկնցած երկար, երկար մտածեց ոստիկանապետի խօսքերուն վրայ: Ի՞նչ կրնար պատահած լինիլ Վանի մէջ, որ հայրենիքի սրտին կոխուած դանակ մը համարուէր. ինչո՞ւ Սապրի պէյի շնական ծիծաղը ու սպառնալից գլխու շարժումը: Ին-

չո՞ւ եկեր էր եւ ինչո՞ւ համար հարցուցեր բնական տեղի մասին, երբ շատ լաւ գիտէր իր որտեղ բնակելիւր: Եւ վերջապէս իրեն ինչո՞ւ պիտի նեղացնէին եւ ո՞վ պիտի նեղացնէր:

Քանի մը օր վերջ Լեւոնի ընկերներէն Խաչիկը, որ պէտէլ տալով հանդերձ շատ մէջտեղ չէր երեւնար, մըթնով եկաւ Լեւոնը տեսնելու: Սարսափելի լուր մը հասած էր Շապին Գարահիտարէն, փախստական հայ զինուոր մը պատմած էր թէ բանակի բոլոր հայ զինուորները զատելով, խումբ խումբ ջարդած էին Երզնկայի կողմերը:

Յաջորդ օրը հայկական շրջաններու մէջ տարածուած էր այդ լուրը: Անհնարին սրտաբեկում մը տիրեց հայ տուներէն ներս. տուն չկար որ մէկը զինուոր չունենար. ի՞նչ եղած էին հարիւրաւոր նորակոչները: Ինչպէ՞ս կրնար կառավարութիւնը ջարդել իր զինուորը, որ չարաչար աշխատած էր պետութեան համար: Անշուշտ սըխալ մը, թիւրիմացութիւն մը լինելու էր այդ լուրին մէջ: Դժբախտաբար նման լուրեր կամաց կամաց ծայր տուին, հատ ու կտոր փախչող ազատուողներ հասան Կիրասոն, հաստատելով հրէշային ջարդերը:

Սարսափը տիրեց. ի՞նչ պիտի լինէր այս բոլորի վերջը: Դպրոցը Յունիսին գոցուած էր, Լեւոնը առանց դրազումի, առանց դործ մը կատարելու հնարաւորութեան գրեթէ տունէն դուրս չէր դար: Առանց ընկերներու, օտար միջավայրի մէջ բոլորովին կղզիացած, Լեւոնը դառազեղի մէջ փակուած վայրի դազանի նման կը զզար: Ամբողջ գիշերները կը լուսցնէր մտածելով եւ սակայն ելք մը, հնարաւորութիւն մը չէր գտնար դուրս գալու այդ կախարդուած շրջանէն:

Գիշեր մը Խաչիկը եկաւ հազիւ տասնեւհինգ տարեկան պատանիի մը ընկերակցութեամբ: Թրիպոլուցի էր պատանին, անունը Յակոբ: Երեքով Լեւոնի սենեակը

քաշուեցան: Անհաւատալի բաներ պատմեց Յակոբը: Ամբողջ Թրիպոլուի հայ բնակչութիւնը Յունիս քսանին, առտուն շատ կանուխ ոստիկանական հսկողութեան տակ, պարտադրած էին քաղաքը ձգել երեք ժամուայ ընթացքի մէջ: Այդ բունի տեղահանութիւնը միւտիւրը բացատրած էր որպէս պատերազմական անհրաժեշտութիւն մը, հաւատացնելով որ երեք ամիսէն պիտի թոյլատրուէր նորէն վերադառնալ ու իրենց կնքուած տուներն ու խանութները ձգուած վիճակին մէջ պիտի գտնային: Յուսահատ ժողովուրդը քանի մը օրուան պաշար չալկած հեռացած էր քաղաքէն:

— Մինչեւ Գուգիւնուրը գիւղը առանց նեղութեան հասանք, — շարունակեց Յակոբը, — մթնելու դեռ երկու ժամ կար, երբ գիւղը անցնելէ վերջ դադարի հրաման տուին ժանտարմները: Մեր թիւը ութ հարիւրէն հազար մը կը լինէր, թերեւս քիչ մը աւելի. յաջորդ օր երկրորդ խմբով մը քաղաքին մէջ մնացածներն ալ դուրս պիտի բերէին: Չանազան խմբերու բաժնուած նստանք, ուտելիքի կապոցները բացինք: Անօթի էինք ու սարսափելի յոգնած: Մէկ ալ քաղաքի կողմէն չորս ձիաւորներ հասան: Բոլորն ալ կը ճանչնայինք, քաղաքի վատահամբաւ թուրք սրիկաներէն էին, մասնաւորաբար Չատըրճը գատէ Կալիպ պէյը, որ Թրիպոլուի պատուհասն էր: Չենք գիտեր թէ ի՞նչ խօսեցան ժանտարմներուն, բայց անմիջապէս կարգադրութիւն եղաւ, տասներկու տարեկանէն վեր արունները բաժնել խմբէն: Երիտասարդներ գրեթէ չկային մեր մէջ, զինուոր դնացած էին, եղածները տարէց մարդիկներ էին, երեխաներ ու նորահաս պատանիներ: Մեզի բոլորիս հաւաքեցին քիչ մը հեռուն, սկսան երկերկու հոգի չուաններով թեւերէն իրարու կապել: Սարսափելի վայնասուն մըն էր փրթաւ, մայրեր, կիներ, աղջիկներ սրիկաներու ոտքերը ինկան, ժանտարմներու

ձեռքերը կը համբուրէին. օգուտ մը չըրաւ. կը հաւատացնէին որ մեզ առաջ պիտի տանին, իսկ կիներու եւ երեխաներու խումբը չորս օրէն մեզի պիտի միանան:

— Վե՞րջը, — հարցուց Սաչիկը:

— Երեք խումբի բաժնեցիին կապուածներն: Ես առաջին խումբին մէջ ինկայ: Բաւական մը տեղ ճամբայով տարին: Մէկ ալ ճամբան շեղելով անտառը մտցուցին, որպէս թէ աւելի կարճ կածանով մը տանելու համար: Մեր խումբը հարիւրէն աւելի էր, տասներկու ժամ տարձ ու քաղաքէն եկած չորս սրիկաները կուգային մեզ հետ: Նեղ ձորի մը գլուխը հասանք. թեւերնիս իրարու կապուած լինելով՝ լաւ չէինք կրնար քալել: Ձոյգ զոյգ իրարու ետեւէ կ'երթայինք. ես ետեւի շարքերուն մէջ կը գտնուէի, շիտակը չեմ գիտեր թէ այդ պահուն ի՞նչ կը մտածէի: Յանկարծ առջեւի կողմէն իրարանցում մը սկսաւ, մէկ ալ սարսափելի աղաղակ մը: Ձայները բազմացան, թուրքերու լիտի հայհոյանքներուն հետ կը լըսէինք մերոնց սիրտ պատռող աղաղակները, հառաչանքները. «Աստուածդ սիրես կալիպ պէյ խնայէ՛... Ամա՛ն Աստուած... օգնութի՛ւն, օգնութի՛ւն...» մեր ետեւէն եկող ժանտարմներն ալ սուրերը մերկացուցած աջ ու ձախ սկսան շարժել...

Տղու ձայնը մարեցաւ, ձեռքով դէմքը ծածկած՝ սկըսաւ հեկեկալ: Լեւոնի դէմքը, բոլորովին գունաթափ, կենդանութեան նշոյլ չկար վրան: Յակորը հեկեկանքը դադարեցնելով աչքերը չորցուց ու շարունակեց.

— Բախտակից ընկերս, մեր թաղէն պղինձագործ վարպետ մըն էր, տարիքը առած, բարձրահասակ մարդ մը: Սրի առաջին հարուածը իջաւ անոր ծոծրակին, երկրորդ հարուած մը ու ան երերաց. անկէ ետք ժանտարմը սուրը բարձրացուցած գլխուս պիտի իջեցնէր, ո՛րքան ուժ ունէի ընկերս ալ քաշելով գլորուեցայ անդունդն

ի վար: Ա՛լ բան մը չեմ յիշեր: Երբ ինքզինքս գտայ, վարպետը ժայռերու վրայ շարդուեր էր, ես ալ անոր սառած դիակին վրայ ինկած մնացեր էի: Շատ դժուարութեամբ թեւս ազատեցի: Մարմինս շարդ ու փշուր եղած, բայց ոչ կոտորուածք ունէի եւ ոչ ալ վէրք: Ոտքի կանդնեցայ ու շուրջս նայեցայ: Թէեւ մութ էր, բայց Աստուած իմ, ան ի՞նչ պատկեր պարզուեցաւ աչքիս: Ամբողջ ձորը լեցուած էր բոլորովին մերկ դիակներով, որոնք խաւարին մէջ մարմարի ճերմակութեամբ կ'երեւէին: Խենթի պէս փախայ այդ տեղէն: Ո՛ւր կ'երթայի, ես ալ չէի գիտեր, մինչեւ որ ինքզինքս գտայ քաղքի ճամբուն վրայ: Ամբողջ գիշերը քալեցի հասայ ծովեզերք. ալ անկէ անդին ցերեկները կը պահուէի քարերու մէջ, գիշերները ծովափը բռնած կուգայի: Երեք օրէն հասայ հոս:

Ոչ Լեւոնը եւ ոչ ալ Սաչիկը բառ կը գտնէին խօսելու: Ահաւոր իրողութիւնը անչափ ծանրութեամբ նստեր էր սրտերուն վրայ: Սաչիկը սետիքի անկիւնը կծկուած, երբեմն կը հեծկտար առանց արցունքի:

— Սաչի՛կ, — Լեւոնին ձայնը կարծես գերեզմանէն կուգար, — Սաչի՛կ...

— Հը՞.

— Մտիկ ըրէ Սաչիկ, — ընկերոջ թեւը ուժով մը ցնցելով խօսեցաւ Լեւոնը, — քանի ընկեր կրնաս ճամբել այս գիշեր, բաւական թուով դէնք ունինք քաղաքին մէջ. Թրիպոլիի պատմութիւնը անշուշտ հոս ալ պիտի կրկնուի:

— Այս գիշեր չէ, բայց վաղը երեկոյ տասը տասնեւհինգ հոգի մը թերեւս. բայց ի՞նչ կրնանք ընել տասնեւհինգ ընկերով...

— Լաւ ուրեմն, մտիկ ըրէ, — ու Լեւոնը երկար երկար խօսեցաւ: Բացատրեց իր ծրագիրը, այդ պայման-

ներու մէջ կարելի օգնութիւնը հասցնելու ժողովրդին:

— Թերեւս վաղը երեկոյ կարելի լինի, — վերջապէս համոզուած համաձայնեցաւ Խաչիկը ու Յակոբի հետ մեկնեցաւ:

Առանց հանուելու, անկողնի վրայ երկնցաւ Լեւոնը: Հին օրերը, փախստական կեանքը կենդանի կերպով պատկերացան աչքին: Ո՞ւր էին զինակից ընկերները, արդեօք ի՞նչ վիճակի մէջ: Իսկ Վասպուրականի ժողովուրդը: Եթէ Թրիպոլիի ժողովուրդը տեղահան կ'ըլլար, ապա Վասպուրակա՞նը, Տարօ՞նը, Կարի՞նը... Կանխադրացեր էր, որ հայ ժողովուրդը սարսափելի փրկագին մը պիտի վճարէ, բայց թէ ի՞նչ աստիճանի զոհաբերութիւն մը պիտի լինէր պահանջուածը, այդ մասին դադափար չունէր: Ահա Թրիպոլիէն կը սկսէր ահաւոր եղեւնը, թուրքը մինչեւ ո՞ւր կրնար հասնիլ:

Հաղիւ լոյսը բացուեր էր, երբ Հաճի Խաչատուրը յանկարծ սենեակէն ներս մտաւ:

— Ե՛լ նայինք, Լեւոն էֆէնտիս, քաղաքի բոլոր աչքի զարնող երիտասարդները, վաճառականները կէս գիշերին բանտարկուեր են:

Լեւոնը անկողնին վրայ նստաւ: Ուրեմն Կիրասոնի մէջ ալ ողբերգութիւնը սկսած էր:

— Խաչիկէն լուր ունի՞ս, Հաճի աղա:

— Ինչպէ՞ս չէ: Կէս գիշերին տունը կոխեր են: Կ'ըսեն շատ զէնք ու զուճպարա գտեր են տանը մէջէն: Այնքան ծեծեր են խեղճին, որ երկու փոլիս թեւերը մտած տարեր են:

— Լա՛ւ:

— Ասոր ի՞նչն է լաւ, էֆէնտիս, մեր վերջը ի՞նչ պիտի ըլլայ. Կարապետս, Արտաւազըս ի՞նչ ընեմ, ո՞ւր պահեմ:

— Վար իջիւր, Հաճի աղա, դուռը կը զարնեն, հաւանական է զիս տանելու եկած են:

— Գեղի՞ տանելու, բայց դուն Աճէմի քապաա ես:

— Վար իջիւր Հաճի աղա, դուռը կը զարնեն:

Լեւոնի ենթադրութիւնը ուղիղ դուրս եկաւ: Գանի մը վայրկեան վերջ, ոստիկան մը եւ երկու ժանտարմներ սենեակէն ներս մտան:

— Սապրի պէյը ձեզ կ'ուզէ, — բարեւելով յայտնեց ոստիկանը:

— Անմիջապէս, — ու զարմանալի ժպիտ մը դէմքին Լեւոնը ֆէսը զլուխը անցնելով ոտքի ելաւ, — պատրաստ եմ:

Լոյսը չբացուած բոլոր բանտարկեալները կապկըպուած վիճակի մէջ ճամբայ հաներ էին Շապին Գարահիսարի խճուղիով: Լեւոնը երբ մտցուցին ոստիկանապետի սենեակը, անոր քով կը գտնուէր պարսկական փոխ գոնսիւլը: Սապրի պէյը սիրալիբ ընդունելութիւն ցոյց տուաւ, նստեցուց կողքին, սուրճ ապսպրեց, սիկարէթ մը հրամցուց Լեւոնին, խոր ցաւ յայտնեց փոխ գոնսիւլին, որ պատերազմի պատճառով բարեկամ կառավարութեան մը հպատակը քաղաքէն հեռացնելու ստիպուած է:

— Պատերազմը պատերազմ է, — խօսքը ուղղելով գոնսիւլին, սիրալիբ ժպտաց Սապրի պէյը, — երբեմն ստիպուած խստութիւններ անհրաժեշտ կը դառնան, բայց կրնաք վստահ լինիլ, որ Լեւոն էֆէնտին ողջ առողջ կը հասցնենք Խարբերդ, անկէ ալ պարսկական սահմանը: Լեւոն էֆէնտին իմ ալ անձնական բարեկամս է, Աստուած միայն զիտէ թէ որքա՞ն կը ցաւիմ այս հրամանը կատարելու ստիպուած լինելուս համար, բայց իմ ձեռքէս ալ բան չի դար, Աստուծով երբ պատերազմը

վերջանայ, Լեւոն էֆէնտին նորէն Կիրասոնի մէջ տեսնելու բախտաւորութիւնը կ'ունենանք:

Գոնսիւլին մեկնելէն վերջ, Սապրի պէյի վերաբերմունքը կորսնցուցած էր նախկին սիրալիր ձեւը: Անմիջապէս հրամայեց կողքի սենեակը տանիլ Լեւոնը: Հոն փայտէ երկար աթոռի վրայ նստած էր երիտասարդ մը, աւելի ճիշդ ուրիշ հայ բանտարկեալ մըն քալ:

— Վարժապետ, քեզի՞ ալ հոս բերին, — անկեղծ ցաւակցութեամբ ըսաւ երիտասարդը, — զիս ալ քիչ առաջ բռնեցին, մեր տունէն ելայ դրացիի մը քով պահուելու, ոստիկանը վրայ հասաւ... ես անոր մարը կը լացնէի, ամա ի՞նչ ընես որ անղէն էի...

— Անունդ ի՞նչ է, բարեկամ:

— Ինծի Ղաչախճի Առաքել կ'ըսեն, Բիւրք գիւղէն եմ, Շապին Գարահիսարի շրջանէն... հիչ մեր կողմերը եղած ես:

— Ոչ, Կիրասոնէն դուրս ելած չեմ:

— Ի՞նչ կը կարծես վարժապետ ջան, ասոնք մեզի ի՞նչ պիտի ընեն:

— Շուտով յայտնի կը լինի, — ցաւակցաբար գլուխը օրօրելով ըսաւ Լեւոնը, — Առաքել, ամուսնացած ես:

— Այո վարժապետ, երկու դաւակի ալ տէր:

Առաքելը կարճահասակ, ջղուտ երիտասարդ մըն էր, ծայր աստիճանի աշխոյժ եւ աթելէթ կաղմով: Արեւէն խանձուած դէմքը զարմանալի շնորհ մը ունէր, վստահութիւն ներշնչող: Քանի մը բառ փոխանակած, Լեւոնի համար դժուար չէր ճանաչել անոր մէջ վստահելի, ուղիղ մարդը:

Արեւմտոցի պահուած սենեակի դուռը բացուեցաւ ու ոստիկան մը ներս մտնելով հրամայեց որ Լեւոնը ոտքի կանգնի:

— Ձեռքերդ ետեւ բեր, քեզի վէհնի, — բարկացաւ ոստիկանը:

Չուանով Լեւոնի ձեռները դաստակէն ամուր մը իրարու կապեց: Նոյնը ըրաւ Առաքելին, ապա երկուքի թեւերն ալ առանձին չուանով մը իրարու կապեց:

— Տէ՛, հիմա մա՛րջ, ետեւէս եկէք նայիմ:

Իջան բակը: Հոն երկու ձիաւոր ժանտարմներ ու շաղորութեամբ մտիկ կ'ընէին Սապրի պէյի պատուէրները:

— Է՛ Լեւոն էֆէնտի, բարի ճանապարհ, — կէս հեղնական ձեւով մը ըսաւ Սապրի պէյը, — ինչպիսիք նորէն կը տեսնուինք, Վան երթալու ըլլաս նէ, իմ բարեկներս չմոռնաս հաղորդել ընկերներուդ: Մօ էջեր, — խօսքը ուղղեց ժանտարմներուն, — Լեւոն էֆէնտին իմ բարեկամս է, սաղ սէլամէք տեղ կը հասցնէք, հասկցա՞ք: Երթաք բարով:

Շուտով քաղաքը ետեւնուն ձգած, ժանտարմներն ու երկու կալանաւորները կը բարձրանային Շապին Գարահիսարի խճուղիով: Ժամ ու կէս քալած կը լինէին եւ մօտեցեր էին առաջին դիւղին, երբ ժանտարմներէն մէկը ձիուն սանձը քաշելով կեցուց:

— Այս դիւղեր Եօմա պիտի մնանք:

Եօման թրքական դիւղ մըն էր, ճանապարհէն հազիւ տասը վայրկեան հեռաւորութեան վրայ: Հոն ախոռի մը մէջ բանտարկեցին Լեւոնն ու Առաքելը, առանց ձեռքերնուն կապերը քանդելու, կտոր մը հաց տուին եւ ախոռի ծանր դուռը կղպեցին վրանին:

— Շատ մութ է, — փսփսաց Առաքելը:

— Լաւ է: Ա՛ն հացիդ բաժինը:

— Ես ախորժակ չունիմ:

— Ախորժակ ունիս թէ ոչ միեւնոյնն է. կե՛ր, վաղուան համար պէտք է մտածես:

— Վաղուան համար: Վարժապետ գիտե՞ս թէ մեզի ո՛ւր կը տանին կամ ինչ պիտի ընեն:

Լեւոնը լուռ էր:

— Վարժապետ, վախնամ ասոնք ճամբան մեր գլուխները պիտի ուտեն:

— Գիտեմ, Առաքել, դու հացդ կեր, այս օր եւ վաղը ապահով ենք, միւս օր Աստուած գիտէ, աշխատէ քրնել եւ հանդստանալ:

Ախոռին մէջ լուսթիւն տիրեց: Կողք կողքի երկընցած, մինչ քիչ վերջ Առաքել թեթեւ մը սկսաւ խոկալ, Լեւոնը բոլորովին արթուն կը մտածէր: Կասկած չունէր որ դէպի մահ կ'երթար, բայց ինչպէս կ'երեւէր, կառավարութիւնը պարսից գոնսիւլին հետ պիտացաւանք չունենալու համար իր հետքը պիտի կորսնցնէր երկրի ներսերը երթալէն վերջ: Իսկ մինչ ա՛յդ: Լեւոնը կը մտածէր: Դժբախտաբար այնպիսի պայմաններու մէջ կը գտնուէր, որ ծրագիր կազմելը օգուտ մը չունէր. ճակատագիրը պէտք էր յանձնել բախտին:

Առտու քաւական ուշ ճամբայ ելան: Ինչպէս կ'երեւէր, ժանտարմները մասնաւոր պատճառ մը չունէին արագ քշելու ձիերը, բանտարկեալները դանդաղ քայլուածքով կ'երթային: Կէս օրուան մօտ երկու ժամ հանդստացան ճամբու եզերքը մայրի ծառի մը տակ: Հակառակ Լեւոնի փորձերուն, ժանտարմները խօսքի չուղեցին բռնուիլ, միայն երբ Լեւոնը հարցուց թէ մինչեւ ո՛ւր իրեն պիտի ընկերանային, ժանտարմներէն մէկը կոշտ կերպով պատասխանեց.

— Շապին Գարահիսար պիտի հասցնենք, ինչալիս անկէ վերջ մինչեւ դժոխք կ'երթաս:

Այդքանը մխիթարական լուր մըն էր Լեւոնի համար: Երբ ճամբայ ելան, կամաց մը Առաքելը մխիթելով ըսաւ.

— Մինչեւ Շապին Գարահիսար ապահով ենք:

— Բայց հո՞ն: Տեղացի թուրքերը զիս կը ճանչնան, շատերու հետ ալ հին խնդիրներ ունեցեր եմ, հաշիւս կը փակեն:

— Այդ ալ քու գիտնալու բանդ է, — բոլորովին անտարբեր ձեւանալով պատասխանեց Լեւոնը:

Առաքելը մէկ դարմացած նայեցաւ ընկերոջը, որ իր կողմն ալ չէր նայեր, սրտմտած գլուխը օրօրեց ու ալ չը խօսեցաւ: Ի՞նչ խօսէր այդպիսի մարդու հետ: Գուլագ Գայա հասան, երբ ժամը հինգ անցեր էր, թէեւ դեռ շատ ժամանակ կար մթնելուն, բայց ժանտարմները ձիերէն վար թռան, յայտնելով թէ այդ դիշեր հոն պիտի մնային,

Գուլագ Գայան նախ քան պատերազմը Փրանսական ընկերութեան մը գործատեղին էր, սղոցարանը: Ծրջապատուած խիտ անտառներով, համբաւաւոր վայր մըն էր գիւղադնացութեան, ուր Կիրասունէն բաղմաթիւ ընտանիքներ ամառը անցընելու կ'երթային: Բացի դործարանի ընդարձակ շէնքէն, չորս հինգ մեծ պահեստներ կային, տեսակ մը ամբարներ տախտակները արեւէն եւ անձրեւէն պահելու եւ քանի մը կոկիկ տնակներ պաշտօնէութեան համար:

Անչուշտ կալանաւորները չէին կրնար պահել այդ ամբարներու մէջ, որոնք տախտակէ շինուած, անապահով շէնքեր էին: Ժանտարմները ընտրեցին տուներէն մէկը որ երկաթէ վանդակներ ունէր: Լեւոնն ու Առաքելը բանտարկեցին այդ սենեակներէն մէկուն մէջ, ձիերը կապեցին ծառի բունի մը, առատ խոտ նետելով առջեւին ու իրենք ալ սենեակին առջեւ պատշգամի վրայ տեղաւորուեցան: Սենեակը միայն երկու պատուհան ունէր, մէկը մուտքի դրան մօտ, որ պատշգամի վրայ կը նայէր, իսկ երկրորդը՝ հակառակ կողմը, ուրկէ կ'երեւէր քիչ անդին գտնուող անտառը: Լեւոնը հարեւանցի ակնարկ մը

նետելով ետեւի պատուհանէն դուրս, եկաւ ու դրան քով
յատակի վրայ պառկեցաւ:

Առաքելը **ճանապարհին չէր խօսած Լեւոնի հետ**. անոր
այնքան անտարբեր վերաբերմունքը սաստիկ դայ-
րացուցեւ էր զինք: Եթէ թեւ թեւի կապուած չլինէր,
անշուշտ հակառակ անկիւնը պիտի երթար երկնալու:
Հաղիւ թէ կողք կողքի երկնցած, Լեւոնը որ մինչ այդ
բողորովին անտարբեր վերաբերմունք մը ունէր, գլուխը
մօտեցնելով ընկերոջ ականջին, հաղիւ լսելի ձայնով մը
փափսաց:

— Առաքել, տեղէդ չշարժիս, ձայն չհանես, թո՛ղ
այնպէս կարծեն թէ սաստիկ յոգնած շարժելու կարողու-
թիւն չունինք:

— Ի՞նչ կայ, վարժապետ:

— Ոչինչ մի խօսիր, անշարժ պառկէ:

Այդ վիճակի մէջ պառկելն ինքնին սարսափելի տան-
ջանք մըն էր: Ձեռները դաստակներէն իրարու կապ-
ուած, Առաքելի ձախ թեւն ու Լեւոնի աջը նոյնպէս չը-
ւանով ուժեղ մը սեղմուած իրարու, հնարաւոր չէր ոչ
կողքի, ոչ կոնակի վրայ պառկել, այլ միայն երեսն ի
վար երկննալ: Այդ վիճակի մէջ իրարու կողքի յատակի
վրայ անշարժ երկնցած էին երկուքը, ըստ երեւոյթի
յոգնաբեկ վիճակի մէջ քնած: Քանի մը անգամ ժան-
տարմները պատուհանէն նայելով միայն բաւականացան,
քնած կ'երեւային անհաւատները:

— Հը, քնա՞ծ են, — հարցուց ժանտարմներէն մէկը:

— Ծան պէս երկնցած են, հալ չէ մնացեր վրանին:

Կամաց կամաց մթնեց: Դրսէն կը լսուէր ժանտարմ-
ներու խօսակցութեան ձայնը:

— Առաքել արթո՞ւն ես, — փափսալով հարցուց Լե-
ւոնը:

— Հա՛:

— Կամաց մը կողքի վրայ կոնակդ իմ կողմս դար-
ձուր... ձեռքերդ մօտեցուր... հա այդպէս... ձայն մի
հաներ...

Առաքելը դաստակին վրայ կը դդար Լեւոնի ուժեղ
մատները, որոնք իր դաստակներուն չուանի հանգոյցը
կը փորձէին քանդել: Յանկարծ թեթեւութիւն մը զգաց.
ձեռները ազատ կը շարժէր:

— Հիմա մեր թեւի չուանը քանդէ տեսնեմ, — լըս-
ուեցաւ Լեւոնի ձայնը:

Առաքելի ձեռները այնքան ընդարձացած էին, որ
շատ դժուարութեամբ կրցաւ բարակ չուանի քոս հան-
գոյցը քանդել:

— Հիմա ձեռներուս կապը...

— Ահա՛, լմնցաւ:

— Տեղէդ մի՛ շարժիր, — հրամայեց Լեւոնը, — դեռ
կանուխ է:

Անչափ դանդաղութեամբ ժամ մը եւս անցաւ:
Մթնեց: Ընկերոջ պատուիրելէ վերջ որ տեղը մնայ, Լե-
ւոնը չորեքթաթ մօտեցաւ սենեակի ետեւի պատուհանին,
որու շրջանակը չկար, այլ պաշտպանուած էր երկաթէ
ձողերով: Բարձրացաւ ու պատուհանի երեք ձողերէն
միջինը փորձեց շարժել: Երկաթէ ձողերը հակադիր ծայ-
րերէն ազուցուած էին պատուհանը եզերող սրբատաշ
քարերու մէջ, եւ ոչ թէ փայտէ շրջանակի, ինչպէս կը
կարծէր Լեւոնը: Բայց եւ այնպէս այդ պատուհանը միակ
եկքն էր. եթէ պիտի յաջողէին փախչիլ, այդ ձողերէն մէ-
կը տեղահան ընելով միայն կրնային:

Երկու ձեռքերով երկաթէ ձողը մէջտեղէն ամուր
մը բռնելով, Լեւոն իր ամբողջ իրանը ծանր ծանր բարձ-
րացուց յատակէն, ոտքերը դէմ տուաւ պատին, մինչև որ
ամբողջ մարմինը ստացաւ կարթի մը ձեւը: Ամբողջ ուժը
լարելով մարմինը ետ ծռեց, բազուկները ձգտուեցան,

ոտները պատին, եւ մէջքի տարապայման ուժով սկսաւ քաշել երկաթը: Երակները պայթելու աստիճան ուռեցան, միանունքները պողպատի կարծրութիւն առին: Հեւքը դսպել աշխատելով ձգտուեցաւ Լեւոնը: Ապա եթէ ձողը յանկարծ դուրս դար ու ինք իյնար գետին: Աղմուկէն ժանտարմները անշուշտ ներս պիտի իյնային, ամէն ինչ երեւան պիտի դար ու վերջ փախուստին ալ, կեանքին ալ:

Սարգի նման պատին կպած, Լեւոնը մտածեց վայրկեան մը: Ի դուր Առաքելը քովը չէր կանգնեցուցած: Լարուած մարմինը թուլցուց, ոտքերը պատի վրայ մէկ երկու տեղափոխութեամբ յատակին զիպան: Մօտեցաւ Առաքելին որ տեղէն չէր շարժած ու անձկանօք կը հետեւէր Լեւոնի շարժումներուն, բայց սենեակի մէջ տիրող թանձր խաւարը անհնար կը դարձնէր որոշապէս հասկնալ Լեւոնի ըրածը:

— Կամաց մը տեղէդ շարժէ, աղմուկ չհանես, պատուհանի քով ետեւէս բռնէ գիս, յանկարծ ձողը դուրս գալով վար չիյնամ...

— Երկաթէ ձողը տեղէն պիտի հանես, — զարմացած, թուքը կուլ տալով հարցուց Առաքելը:

— Եկո՛ւր, ձայն չհանես:

Երկրորդ անգամ մըն ալ կրկնուեցաւ առաջին փորձը: Գերազոյն ճիգով մը լարած ջիղերը, Լեւոն ձգտուած ոտքերով ու բազուկներով, ձողը կը քաշէր մէջքի ուժովը: Ձողը տեղահան լինելու նշան չէր ցուցներ: Լեւոնի ոտքերը աւելի վեր բարձրացան, գրեթէ պատուհանի քարէ եզրին դպան: Թերեւս չորս հինգ վայրկեան տեւեց, բայց ժամեր թուեցան Լեւոնին, երբ զգաց որ ձողը կը ծոկէր: Յանկարծ ձողի վերի գլուխը դուրս ինկաւ տեղէն, քարէ փսրոնները թափեցան յատակին, թեթեւ աղմուկ մը հանելով: Քարացած մնացին եղած տեղերնին,

արդեօք դրսէն ժանտարմները լսեցի՞ն ներսի աղմուկը: Այդպէս ատեն մը սպասեցին: Պատշգամէն ժանտարմներու խօսակցութեան ձայնը կը լսուէր: Լեւոն կամաց մը վար սահեցաւ: Հիմա արդէն հեշտ էր: Ետ ու առաջ շարժելով ձողի միւս ծայրն ալ արճիճի մէջէն ելաւ:

— Տէ՛ շուտ, ել ուսերուս վրայ, զդուռութեամբ վար ցատկէ, աղմուկ չհանես...

Վայրկեանի մը դործն եղաւ դիւրաշարժ Առաքելի համար Լեւոնի ուսի վրայէն դուրս գալ երկու ձողերու մէջէն, պատուհանի եզերքէն կախուիլ ու ինքզինքը վար ձգել աննշան բարձրութենէ մը: Մեծ դժուարութեամբ Լեւոնը կրցաւ սեղմուիլ մնացած երկու ձողերու արանքին: Վերջապէս դուրսը կապանքներէ ազատ, Առաքելի կողքին կանգնեցաւ:

— Վարժապետ, երթա՛նք, — խնդրեց Առաքելը, — ալ ասկէ անդին մինչեւ Ակն, Արաբկիր, մինչեւ Խարբերդ բոլոր ճամբաները հինգ մատիս պէս գիտեմ, շուտ ընենք հեռանանք, — ու ուղեց դէպի անտառը երթալ:

— Կեցի՛ր, — սաստեց Լեւոնը, — այս վիճակի մէջ ո՞ւր կրնանք երթալ, դեռ Շապին Գարահիսար չհասած կրկին կը ձերբակալեն մեզ, — ու վայրկեան մը մտմը տալով, Առաքելի ձեռքէն բռնած մտաւ թփուտներու մէջ, — դուն հոս սպասէ, տեղէդ մի շարժիր մինչեւ որ վերադառնամ:

Տան ճակատը կը նայէր դէպի խճուղին, երեք կողմէն չըջապատուած մացառներով, խսկ անտառը երեսուն քառասուն քայլ հեռուէն կը սկսէր: Լեւոնը Առաքելէն բաժնուելով զգուռութեամբ մօտեցաւ տանը ու մացառի մը ետին տեղաւորուելով՝ սպասեց: Հաղիւ քսան քայլ հեռաւորութեան վրայ ժանտարմները պատշգամը նըստած կը շարունակէին խօսիլ: Այդ հեռաւորութենէն որոշ կերպով կը լսուէր անոնց խօսակցութիւնը:

— Այա՞, — սկսուած խօսակցութիւնը կը շարունակէր ժանտարմներէն տարիքոտը, — փեղեղեմկ Սապրի պէյը խաղ խաղաց մեր դէխուն, իւրոտ պատառը տուաւ միւս ժանտարմներուն, մեզի ալ այս երկու քոսոտ շները որ տեղ հասցնենք...

— Շատ հարուստ մարդիկ կային մէջերնին, — ընկերոջ խօսքը կտրեց միւս ժանտարմը, — արդեօք մինչեւ ո՞ր հասցուցին...

— Այնպէս կը խօսուէր որ Թամ Տերէն անցնելէ վերջ, էշէկ Մէյտան սարի ձորերու մէջ պիտի վերջացնեն բոլորն ալ: Պարխանայի ետեւէն չէթա պաշի, Ղայէղնի Օսման աղայի տղան Իպրահիմը չորս հինգ ձիաւորներով ճամբայ ելաւ: Շուն շան որդիքը հիմա հարստութեան մէջ կը լողան: Ծօ, բախտ ըսուածը հարիւր տարին անդամ մը կուգայ, մենք ալ քամի կլլելով պիտի բաւականանք, աս է եղեր մեր ալ ճակտին գիրը:

— Տահա կեցիր նայինք, ամէլէդ ինչ է ախպար, սրան մեզի ալ կուգայ... բոլոր կեանքները պիտի քշուին Կիրասոնէն, կամաց կամաց կարգը յոյներուն ալ պիտի դայ կ'ըսեն, ան ժամանակ դուն տես հարստութիւնը, զարեղէն, դեղին ոսկին, աղուորիկ հարսեր, աղջիկներ:

— Հա, շիտակ կ'ըսես ամա, աս անդամ մենք պարապը ելանք: Աստուծով դալ անդամ պարխանա տանողներու մէջ կ'ըլլանք տէ քիչ մըն ալ մենք կ'իւրդոտինք: Հէլէ մէկ մը երկնանք տէ քուն մը քաշենք. ձիերուն գարին տուի՞ր...

— Տուի...

Չայները դադրեցան: Թէեւ մութին մէջ որոշ չէին երեւնար, բայց Լեւոնը նկատեց, որ ժանտարմներէն մէկը երկնցաւ, իսկ միւսը նոր սիկարէթ մը վառեց: Թեբեւ քառորդ մը անցաւ, սիկարէթը կրակէ կոր դիծ մը

ձգելով ետին պատշգամէն բաւական մը հեռու ինկաւ: Ժանտարմը ոտքի կանգնեցաւ ու տախտակէ սանդուխներուն վրայ լսուեցան քայլերու ծանր ձայները: Նախ ձիերուն մօտեցաւ, տոպրակները հանեց դուխներէն, ոտքով խուրձ մը խոտ նետեց առջեւին, փայփայեց ձիերէն մէկը որ հաւանաբար իրն էր, ականջները տրորեց ու պոչը քաշեց, ու ապա տախտակի կոճակները քանդելով մօտեցաւ մացառներուն ու կկոցեցաւ:

Ի՞նչ պատահեցաւ... վայրի դաղա՞ն մըն էր յանկարծ վրան ինկնողը: Աղաղակ մը իսկ չկրցաւ հանել, երկաթէ ճանկերու մէջ կոկորդը, ա՛խ կոկորդը... Տէր Աստուած, կարծես կուրծքը պիտի պայթի, հրէշ մը կուրծքին չոքած, լեզուն, աչքերը դուրս կ'իյնան, խաւա՛ր, խաւա՛ր, խաւա՛ր...

Դեռ ժանտարմի կոկորդը բաց չէ ձգած Լեւոնը, կը սպասէ: Ահա մարմինը կը թուլնայ, կ'երկարի, լեզուն դուրս ինկած է ու աչքերու միայն ճերմակը կ'երեւի: Կամաց մը ժանտարմի դուխը դետին կը դնէ Լեւոնը ու թեւով երեսի քրտինքը կը սրբէ: Թիփ թուփ կը սողայ դէպի պատշգամը: Տարիքը առած մարդ մը երկրորդ ժանտարմը: Քիչ մը խոմբոց ու մեռելային խաղաղութիւն մը կը տիրէ պատշգամին վրայ:

Առաքելը տեղէն չէ շարժած, ինչպէս պատուիրած էր Լեւոնը: Սաստիկ մութ է ու ոչինչ չի տեսնար: Ինչո՞ւ կ'ուշանայ վարժապետը: Յանկարծ պատշգամէն իր անունը կը լսէ: Արդեօ՞ք սխալ լսեց:

— Առաքել հոս եկուր, — արդէն շատ որոշ կը լսուի Լեւոնի ձայնը:

Առաքելը վայրկեան մը կը տատամսի:

— Առաքել:

Առաքելը պատշգամի վրան է: Մէկ երկարած դիակին կը նայի, մէկ Լեւոնին:

- Ապա, մի՞ւսը:
- Հո՛ն, — մատով մացառներու կողմը կը ցուցնէ
լեւոնը:
- Ժանտարմներու զէնքերը կը վերցնեն ու ձիերու
թամբերը կ'ամրացնեն:
- Հիմա ո՞ր կողմը, — կը հարցնէ Առաքելը:
- Շիտակ Շապին Գարահիսար, քաղաքը լաւ գի-
տե՞ս:
- Հինգ մատերուս պէս:
- Կրնա՞նք հայոց թաղը մտնալ առանց նկատուելու:
- Կրնա՞նք:
- Տէ՛ թուր ձիու վրայ:
- Շոտէո՞վ, աւելի ապահով ճամբայ մը կայ վար-
ժապետ, քիչ մը երկար բայց...:
- Քանի՞ գիւղ կայ շոտէի վրան:
- Պայրամը մէկ, Սարի Եաքուպը երկու, Թամ Տէ-
րէն երեք... էյրի Պէլ կէշիտը երբոր անցնինք, գիւղերու
քովէն կ'անցնինք, բայց մինչեւ Թամգարա գիւղի մէջո՞վ
չենք անցնիր:
- Մինչեւ լուսը բացուիլը կրնա՞նք քաղաք հասնիլ:
- Շատ ճամբայ է...:
- Կրնանք ձիերը ճաթեցնել:
- Այդ կրնանք, — համաձայնեցաւ Առաքելը:
- Քչէ՛ որքան արագ որ կրնաս:

ԱՐԾՈՒԱԲԵՐԴԻ ՄԸ ԱՆԿՈՒՄԸ

Վեհախառ հանդարտութեամբ արեւը մար կը մըտ-
նայ Դիքմէնի ետին: Աներդի գիւղի ծխացող աւերակները
օրերէ ի վեր հանգեր են ու նախկին շէն գիւղէն կը մնան
կիսակործան պատեր, անխացած գերաններ, կաղկանձող
շուներ ու ահաւոր ամայութիւն մը, որ լեզու ունի, որ
կը պատմէ գիւղի ապրած արհաւիրքէն: Կամաց կամաց
ցերեկը փէշերը կը հաւաքէ, շրջակայ գիւղերու ճամբա-
ները կը ստուերոտին ու գիշերուան խաւարը սաւանի
նման կը տարածուի երկրի վրայ:

Երեք տարբեր գիւղերէ դուացող թնդանօթները ամ-
բողջ ցերեկը սուտն ու մահ տեղալէ յետոյ, թանձրացող
գիշերին հետ երախնին կը փակեն, առաւօտեան լոյսին
սպասելով: Երկչարք խրամատներէն երկնցած հրացան-
ները անվերջ դուտալով կրակ կը փսխեն, առանց վայր-
կեան մը դադար առնելու:

Օղակաձեւ կրակէ հսկայ շրջան մը, փոթորկային
անձրեւի նման տեղացող դնդակներու տեղատարափ մը,
հիմնովին այրուած ամբողջ քաղաք մը, համատարած
ծուխի կծու հոտ մը ամէն կողմ, կիսաքանդ տներ, խոր-
տակուած պատեր, անխացած գերաններով անանցանելի
ճամբաներ, տխուր մնացորդը երբեմնի փողոցներուն ու
այս բոլորէն վեր, խաւարի մէջ կորած հսկայ քարաժայռ
մը, ամբարտաւան գլուխը դէպի երկինք ցցած, դերեզ-
մանի չափ լուռ, հէքիաթական եօթգլխանի դեւի նման
ահաւոր, չոքած է երկրի կրճքին ծանր հեւքով մը:

Խաւարի մէջէն բարձրացող այդ անձեւ զանգուածը,
Շապին Գարահիսարի բերդն է:

Սրբազան խորհուրդ մըն է արծիւներու արժանի այդ բերդը, իմացական կամք մը, անհասելի հերոսութիւն մը: Ո՞վ կրնայ չափել անոր խորհուրդին մեծութիւնը, անոր հերոսութեան սահմանը: Քսան օրերէ ի վեր, բերդի քղանցքին թառած քաղաքի բուռ մը հայութիւնը ապաստանած հոն, խելազար խիղախութեամբ կենաց ու մահու անհաւասար պայքար մը կը մղէ, հղօր թշնամիի մը դէմ: Մէկի դէմ հարիւր: Ի՞նչ հոգ սակայն: Բերդն ու ժողովուրդը միաձուլուած առնական հպարտանքով, դիմադրեր են երեք հազար կանոնաւոր զօրքի եւ տասը հազարէն աւելի պաշտպաններու կատաղի յարձակումներուն:

Տարբեր դիրքերու մէջ ղետեղուած երեք թնդանօթներ, ոււմբերով հերկեր են բերդի դադաթը, երկու հազարէ աւելի ոււմբ պայթեր է բերդին մէջ, յօշոտուեր են կիներ, երեխաներ, ծերեր եւ սակայն Գարահիսարի խելառ կռուողները զէնքը վար չեն դրեր, դիրքերու առջեւ չոքած սպասեր են թշնամիին: Չորս ընդհանուր յարձակում վաներ են, իրենց տուած զոհերէն տասնապատիկ աւելին հնձելով թշնամիէն: Կռուեր են երգելով, իրենց մայրերու եւ քոյրերու ծափահարութիւններով դօտեպնդուած, մահացու վիրաւորուեր են առանց աղաղակ մը արձակելու, մեռեր են առանց ափսոսալու:

Ո՞վ կրնայ երգել այդ ժողովրդի դիւցաղնական խնթութեան գեղեցկութիւնը:

Երբեմն խաղաղ, անսահման լուսթեան մէջ կորած բերդը, յանկարծ անհնարին հնոց մը կը դառնայ, կրակէ լեզուները կ'երկարին, պատանիներու մարտական երգերը կը խառնուին հրացաններու գոռոցին, թուրքերու խուժումը կը դանդաղի, կ'երերայ ու դիակներու կոյտեր ձգելով ետին՝ նորէն կը քաշուի խրամատներու մէջ:

Բերդը կը լռէ, հանգած հրարուի նման անկենդան: Եւ այդպէս գրեթէ ամէն օր:

Հինդ հազար շունչ բարձրացեր է բերդը: Ամբողջ ժողովուրդ մը տնով տեղով, հիւանդով եւ ծերուկ մամիկներով, ու հազու վեց հարիւր կռուողներ ահագին բերդ մը պաշտպանելու համար: Երեք հարիւր կանոնաւոր զէնք միայն, սահմանափակ փամփուշտի պաշարով ու մնացածները հին ձեւի այնալի եւ քարապին հրացաններ ու ատրճանակներ:

Թրքական կանոնաւոր զօրքը կը հասնի Կիրասոնէն, Սերաստիայէն: Երջանի գիւղերէն գունդ առ գունդ կը վազեն հազարաւոր թուրք կռուողներ եւ սակայն բերդը կանգուն կը մնայ, մարտիկները աննահանջ, կրանիթի նման հաստատուն իրենց դիրքերուն մէջ:

Բերդը անառիկ է, բերդը պաշտպանողները առիւծասիրտ քաջեր: Անոնք, այդ քաջերը արհամարհանք ունին թուրքերու հանդէպ, ուսերու անտարբեր ցնցում մը մահուան դադափարին դէմ, իրենց սրտերուն մէջ կը զգան անդիմադրելի ուժ մը ամբողջ բանակի մը դէմ կռուելու եւ յաղթելու: Իրենք, խելառ երիտասարդները Շապին Գարահիսարի, բերդի ժայռի նման անսասան եւ անպարտելի են:

Թուրքը թո՛ղ դայ որքան մեծ թուով որ կ'ուզէ գալ, երեքի տեղ թող վե՛ց թնդանօթ խօսին, կրակի անձրեւ մը թո՛ղ թափեն բերդի վրայ, բերդը անառիկ է, իրենք՝ առիւծի կաթ ծծած անպարտելի կորիւններ:

Եւ սակայն բերդի ժողովուրդը այդ գիշեր սրտաբեկ, մութը կոխելէն վերջ բազմաթիւ խմբերու բաժնուած էր. փսփսալով կը խօսէին իրարու հետ, արցունքնին կուլ կուտային չլալու համար, ատամնին կը սեղմէին չհեծկլտալու համար:

Շապին Գարահիսարի բերդը կանգուն, կռուող կըտ-

ըիճները իրենց դիրքերուն վրայ, դէնքը ձեռքերնին եւ սակայն պարտուած էին: Թուրք բաղմահազար ամբոխէն, դուռացող թնդանօթներէն, կանոնաւոր զօրքէն աւելի անդիմադրելի ուժ մը խորտակած էր դիմադրութեան ամէն կարելիութիւն:

Անպարտելի սովը անառիկ բերդէն ներս մտած էր: Ժողովրդի ու կռուողներու համար միայն մէկ օրուան սընունդի պաշար կար:

Բերդի գլխաւոր դռնէն քիչ մը վեր հաւաքուած էին կռուի ղեկավարները: Մուսլ դէմքերով, չուրջանակի նստեր են Ղուկասը, կռուի ղեկավար ողին, Վահանը, աղջկայ նրբութեամբ սիրուն երիտասարդ մը, որ յունական հին մարտիկներու գեղեցկութեամբ եւ քաջութեամբ աշխարհ եկած է, Ածպտերի զինուոր քահանան, խստադէմ մարդ մը, որ երբեք հրացանը վար չդրաւ, Գասպարը, Ալուշը:

— Ուտելիք չմնաց, հաց չմնաց, եւ ո՛չ ալ տեղէ մը օգնութիւն հասնելու յոյս, — հրացանի կոթը գետին զարնելով ծանր ծանր կը խօսի Ղուկասը, — ըսե՛նք վաղն ալ դիմացանք, միւս օր դիրքերուն վրայ մարդ չի մնար...

Ոչ ոք կը պատասխանէ, կացութեան ահաւորութիւնը կը զգան ու ելք մը չեն գտնար: Ածպտերի քահանան անդիտակցաբար գեանէն քար մը վերցնելով կը նետէ հեռուն:

— Ինչ որ որոշելու ենք, ժամ առաջ վերջացնենք, այս կացութեան մէջ կռիւը շարունակել անկարելի է, դու ի՞նչ խորհուրդ կուտաս, Ղուկաս աղբար, — կը հարցնէ Վահանը:

Ղուկասը անմիջապէս չի պատասխաներ, երկար կը մտմտայ: Կուրծքը կը բարձրանայ, կարծես փքոց մը վէնի, գլուխը կախած, հրացանի կոթով գեանի խիճերուն հետ կը խաղայ:

— Մնանք ժողովուրդին հետ ու մինչեւ վերջին

փամփուշտը կրակելով մեռնինք անոնց հետ, — կարծես ինքնիրեն խօսելով կ'ըսէ Գասպարը:

Կը թուի թէ բոլորը համաձայն են այդ դադափարին, մնալ ու մեռնիլ ժողովրդի հետ: Ղուկասը գլուխը կը ցնցէ: Չէ՛, այդպէս չի մտածեր ան: Կը նայի ընկերներուն, կը նայի աստղերուն, հայեացքը կը դարձնէ այն կողմ, ուր ժողովուրդն է, ու դաժան խստութեամբ կը խօսի.

— Առանց մտածելու կը խօսիս, Գասպար, ըսենք բոլորս ալ մնացինք ու կռուելով մեռանք, ատկէ ի՞նչ օգուտ. ժողովուրդը կ'աղատի՞, այսքան թափուած արիւնի վրէժը կ'առնուի՞: Մնացեր ենք հոս թէ ոչ, մէկ հաշիւ է. ժողովուրդը չմեռնի թուրքի ձեռքով՝ պիտի մեռնի սովէն, ճիշդ չե՞մ:

Բոլորը գլուխնին կախած լուռ կը մնան:

— Համարեցէք թէ ժողովուրդը վերջացած է, ի՞նչ կը մնայ մեզի. միայն վրէժը մեր սիրելիներուն, մեր ազգին վրէժը առնել թուրքէն: Անշուշտ մեր ուժերը բաւական չեն, վերջն ու վերջը մենք ալ պիտի սպաննուինք, բայց պիտի մեռնինք աջ ու ձախ դարնելով, թրքական դիւղերը այրելով, ջարդելով եւ ոչ թէ բերդի չորս պատերուն մէջ անօթութենէ մեռնելով: Իմ առաջարկութիւնս պարզ է, կռուող ուժերով պատուել թուրքերու շղթան, դուրս դալ բերդէն, խմբերու բաժնուած ցրուիլ զանազան շրջաններ, մինչեւ վերջին շունչ կռուիլ ու զէնքը ձեռքին մեռնիլ, ինչպէս վայել է Շապին Գարահիւսարցիի մը:

Կին ունին, մայր ունին, եղբայր, քոյր, հայր, ինչպէ՞ս զազան թուրքերու ձեռքը թողուն եւ հեռանան: Գիտեն որ մնալով ալ ո՛չ մէկ օգուտ, ո՛չ մէկ թեթեւացում ժողովուրդին դրութեան մէջ:

— Ժամանակ չունինք երկար բարակ մտածելու, որոշեցէք: Եթէ համաձայն էք, պէտք է կէս գիշեր չեղած՝

դուրս գանք բերդէն: Վաղը ուշ կ'ըլլայ: Ի՞նչ է ձեր խօսքը:

— Կարծեմ միակ ելքն է, — առաջինը կը համաձայնի Ածպաերի քահանան:

— Ես ալ, ես ալ, — համաձայնութիւն կը յայտնեն բոլորը:

— Լաւ ուրեմն, հիմա բոլոր խմբապետները պէտք է կանչել եւ պէտք եղած հրահանգները տալ:

Ղեկավարներէն քիչ հեռու պատանիներու խումբ մը պատրաստ կը սպասէ: Ատոնք կուռի ամբողջ տեւողութեան դիրքէ դիրք սուրհանդակի դեր կատարած էին: Ամէն դիրք երկու երեք ունէր այդ պատանիներէն, կրակոտ, անվախ տղաներ, որոնք շատ մեծ աջակցութիւն ցոյց տուին կուռի ծանր ժամերուն:

— Տղա՛ք, — ձայնեց Ղուկասը, — ձեր հոգուն մեռնիմ, հոս եկէք:

Պատանիները կը վազեն ու կարգով կը շարուին Ղուկասի առջեւ:

— Անմիջապէս իմացնել բոլոր դիրքերու խմբապետներուն, որ կէս ժամէն հոս հաւաքուին, հասկցա՞ք, — կը կրկնէ Ղուկասը, — կէս ժամէն հաւաքուին:

Երեսաները փոթորիկի նման կը սուրան, ամէն մէկը որոշ դիրքի մը ուղղութեամբ:

— Տէ՛, դուք ալ զնացէք ձերիններուն քով, մնաք բարով ըսէք:

Ժայռի կտորի մը վրայ նստած կը մնայ Ղուկասը: Գլուխը ինկեր է կրծքին ու առանց արցունքի կուլայ բերդի ժողովուրդին համար, դիւղերու կոտորուած գիւղացիներուն համար, հայ ազգի համար: Անշշուկ քալուածքով մէկը կը մօտենայ ու Ղուկասի նստած ժայռին վրայ կը տեղաւորուի, ձեռքը կ'երկնցնէ ու կը բռնէ Ղուկասի ձեռքը: Առանց գլուխը բարձրացնելու, առանց նայելու,

Ղուկասը դիտէ թէ կինն է քովը նստողը, ջերմութեամբ ձեռքը սեղմողը:

— Հա, որոշուեցաւ որ կուռուղները բերդէն դուրս գան, — կ'ըսէ Ղուկասը, — առանց գլուխը վերցնելու:

— Գիտեմ, — կը պատասխանէ կինը հանդարտօրէն, — արդէն ժողովուրդը այդպէս բան մը կը կասկածէր...

— Ի՞, դո՞ւն ինչ կ'ըսես:

— Ի՞նչ պիտի ըսեմ, քա մարդ. Աստուծով շուներու շղթան կը պատռէք, դուրս կուռաք, Աստուած սուրբերնիդ կտրուկ ընէ, մեզի ըրածներուն դէմ հաղարը ընէք թուրքին...

Գլուխ գլխի կուտան, Ղուկաս մէկ ձեռքով գրկած կրծքին կը սեղմէ կինը: Լաւ որ խաւար է ու մարդ չի տեսնար: Ամբողջ կեանքին մէջ աւանդապահ էրիկ մը եղեր է, դաժան լինելու աստիճան խիստ դէպի կինը ու քնքուշ զգացումները ծածկեր է անկէ: Հիմա սակայն, երբ յաւիտեան պիտի բաժնուին իրարմէ, անհուն խանդաղատանք մը կը զգայ սրտին մէջ:

— Աղջի՛կ, քանի կարգուեր եմ, հանդիստ օր մը չցուցուցի քեզի, նեղութիւն, տառապանք եղաւ բաժինդ... առաջ բանտ ու աքսոր, հիմա ալ...

— Հաղարի մէջ մէկ հատիկ մարդս, — էրկան խօսքը ընդմիջելով, կինը կը խոնարհի ու Ղուկասի ձեռքը կը համբուրէ:

Տէվէ Գարուսիի դիրքի կուռուղները, վերանորոգուած պարսպի ետին հաւաքուած կը հանդստանան: Պարսպի երկայնքին, անկէ ալ վար, խուղարկու պատանիներ սողալով կը յառաջանան դէպի թշնամին, քարենիւր սողալով կը յառաջանան դէպի թշնամին, քարերու, թուփերու տակ կը ծածկուին, աչալուրջ կը հսկեն, խաւարի մէջ շարժող ունէ ստուեր իրենց ուշադրութեանէն չի վրիպիր, անմիջապէս լուրը կը հասցնեն դիրքը ու անկէ սուրհանդակ պատանիներու միջոցով լուրը կը

հասնի բոլոր դիրքերու խմբապետներուն : Թ՛շնամիի դի-
շերային բոլոր շարժումները միշտ ալ յայտնի եղան բեր-
դի կոռուզներուն, շնորհիւ այդ դմայլելի պատանիներու
անձնուրաց աջակցութեան :

Ինչպէս ամէն երեկոյ, այդ դիշեր ալ Տէվէ Գարուսիի
դիրքէն բաւական մը վար, ժայռի մը տակ թաղնուած
երկու պատանիներ սովորական հսկողութիւնը կը կա-
տարեն, աչալուրջ հետեւելով թուրքերու շարժումնե-
րուն, որոնց խրամատները շատ ալ հեռու չեն գտնուիր :

— Ծատ մութ է այս դիշեր, — փսփսաց պատանինե-
րէն մեծը :

— Հա, մատդ աչքս կոխես, չեմ տեսնար, շուն թուր-
քերը այսպէս դիշերի կը սպասեն բերդը կոխելու :

— Այդ երազնուն չեն կրնար հասնիլ... Արամը ո՞ւր
է :

— Առաջ անցաւ :

— Ծօ՛, ան խենթ է, օր մը գլխուն փորձանք պիտի
դայ, թուրքերուն հետ շախա չ'ըլլար, կ'երթայ կ'երթայ
քիթերնին կը մտնայ :

— Ծատ սատանայ բան է, տեսա՞ր առջի օր ի՛նչպէս
սատկած թուրքի զէնքը դիշերով բերաւ ու խմբապետին
յանձնեց, Ղուկաս ախպարն ալ աֆէրիմ ըսաւ անոր :

Լուեցին : Մօտէն փոքր քարի մը իյնալու ձայնը լսուե-
ցաւ : Լսողութիւննին լարած մտիկ ըրին : Թերեւս մողէս
մըն էր, միջատ մը, ո՞վ գիտէ :

— Արամն է, — փսփսաց Գադիկը, — նայէ՛, նայէ՛,
օձի պէս սողալով մեր կողմը կուգայ...

— Ծօ տղաք, — քանի մը քայլ հեռուէն լսուեցաւ Ա-
րամի շշուկային ձայնը :

— Հա՛, հոս ենք, — պատասխանեց Գադիկը :

— Ծօ մէկերնիդ ելէք խմբապետին մօտ, — երբ հա-
սաւ ընկերներուն, շշնջաց Արամը, — Ծիպեռի կողմէն
երկու մարդ կուգան. հա, խմբապետին ան ալ ըսէք քի՛.

իմ հասկցածովս թուրք չեն, անոնց դիրքերու քովէն ան-
ցան շատ զգուշութեամբ, թուրք ըլլային նէ... հայտէ,
շուտ մէկերնիդ խապար տարէք, ես նորէն քիչ մը վար
կ'երթամ :

Քանի մը վայրկեանէն լուրը դիրքի խմբապետին
հասաւ : Զինուորները ստքի ցատկեցին, ամէն մէկը իր
տեղը :

— Չկրակէ՛ք, — պատուիրեց խմբապետը, — երբ եր-
կու հողի են եկողները՝ թուրք չեն կրնար ըլլալ, թողէ՛ք
մօտենան, բայց զգոյշ եղէք :

Անցաւ տասը, թերեւս տասնեւհինգ րոպէ մը : Ահա
երեւցան խաւարի մէջէն երկու ստուերներ, որոնք զգու-
շութեամբ կը մօտենային պարսպին : Դիրքին առջեւ հա-
սան :

— Կեցէ՛ք, — յանկարծ լսուեցաւ պահակի մը ձայ-
նը, ու հինգ վեց հրացաններու խողովակներ երկնցան
դէպի նորեկները :

— Հայ ենք, — լսուեցաւ հանդարտ ձայն մը :

— Հրացանները գետին դրէք... հա այդպէս... հի-
մա այս կողմէն... պատի վրայով... Ծօ Սարգիս, իջիր
ատոնց հրացանները բեր...

— Ո՞վ է ձեր մեծը, — կը հարցնէ զարմանալի կեր-
պով բարձրահասակ նորեկը :

— Ես եմ, — խմբապետը մօտեցաւ երկու կալանա-
ւորներուն, — ուրկէ՞ կուգաք...

— Ծօ՛ ի՞նչ երկար կը խօսիս, — բարկացած խօսքի
խառնուեցաւ Առաքելը, — Բիւրքեցի Առաքելն եմ, դա-
շախձի Առաքելը, ընկերս ալ Կիրասոնի վարժապետն է :

— Ծատ լաւ, բայց հրամանատարի մօտ պիտի եր-
թաք, մինչեւ որ ձեզ ճանչցողներ...

— Ծօ, ինձի ճանչցող հազար Գարահիսարցի կայ,
դուն ինձի...

Սովի ուրուականը անցեր էր հողիներու մէջէն, խոր-տակելով աննական կամքը, մահուան դէմ հանդիման քալելու կարողութիւնը: Ամբողջ օրը իրարու քով հա-ւաքուելով խօսեր էին կացութեան, անորոշ ապագայի, կիներուն, աղջիկներուն պատահելիքի մասին, բայց ամէն բանէ վեր կռուող կտրիճներու պատճառով մտա-հողուած էին, որոնք Շապին Գարահիսարի պարծանքն էին, իրենց հարազատ զաւակները, իրենց ասլանները:

Երբ կորովազուրկ եղած բազմութիւն մը, միակ ա-պաւէնէն կը զրկուէ, այլեւս յենարան մը չ'ունենար, շատ բնական է որ բոլորովին ընկճուէ, ինքզինք յուսա-հատութեան յանձնէ: Բայց ընդհակառակը պատահեցաւ: Երբ բօթարեր լուրը տարածուեցաւ ժողովուրդին մէջ, ան սքանչելի վերադարձով մը դտաւ հողեկան կորովը, արիութիւնը, մահը դիմաւորելու սառնութիւնը: Եթէ կռուողները ամբողջ երեք շաբաթ գիշեր ցերեկ կատա-ղօրէն կռուեցան, դիմադրաւելով մահը, եթէ անոնք, բոլո մը խելառ քաջերը տասնեակ հաղարներու դէմ ան-վեհեր կուրծք տալով հերոսացան, ժողովուրդը՝ զինուո-րական խորհուրդին որոշումը լսելէ վերջ, բռնած առ-նական դիրքով, դէնց անցաւ հերոսութիւն ճանչցուած բոլոր սահմանները:

Ոչ լաց, ոչ մագերու փետտում եւ ոչ իսկ հեկեկոց մը կը լսուէր ամբողջ բերդին մէջ: Խմբուած մեկնողնե-րու շուրջ, ատամներուն տակ հառաչ մը խածնելով, աչ-քերնուն արցունքը կուլ տալով, կ'աշխատէին ուրախ դէմք ցոյց տալ, որպէս թէ անդիտակ գալիք սարսափ-ներուն:

— Սարգիս, խոստացեր էիր, — կինը զինուոր ա-մուսնուն փաթթուած կը շնչար անոր ականջին, — ողջ պիտի չձգես զիս թուրքերու ձեռքը...

— Աղջիկ...

— Խոստացեր էիր, Սարգիս:

Զինուորը ծալուած թղթի կտոր մը կը սեղմէ կնոջը ձեռքը:

— Առ աս վերջինն է, միւսն ալ Մարիամ քրոջս տը-ւի... երեսները:

— Դուն հող մի՛ ըներ, Սարգիս, ես անոնց մասին կը մտածեմ... ո՞ր կողմերը պիտի երթաք:

— Չեմ գիտեր: Ո՛ւր որ պատահի:

— Ինքզինքդ լաւ նայէ, պաղ չառնես, չհիւանդա-նաս, ոտքերդ չոր պահէ, երկու դոյզ դուլպայ կոխեցի տոպրակիդ մէջ:

Անդին մայր մը կը բաժնուի մէկ հատիկ զաւակէն:

— Տուած կաթս հալալ ըլլայ, ետլրո՛ւմ, պոյիդ պոսիդ մեռնիմ ես...

— Մայրիկս, մայրիկս...

— Զաթի մէկ ոտքս գերեզմանն է. դուն իմ մասին հող մի՛ ըներ, զաւակս... Վերը Աստուած կայ... Եկուր մէկ մըն ալ ճակատդ պաղնեմ... Երթաս բարով, սուրդ կտրուկ ըլլայ:

Ո՞վ կրնայ նկարագրել հայ կիներու, հայ մայրերու անհուն տառապանքը, անոնց սրտերուն կծկումը, երբ կը բաժնուէին իրենց հարազատներէն, ո՞վ պիտի կրնայ պանծացնել անոնց հողիներուն մեծութիւնը, անոնց ինք-նազուսու կեցուածքը, երբ ճամբու կը դնէին իրենց հո-ղեհատորները, ինքզինքնին յանձնելով վաղուան սար-սափներուն:

— Ծօ Արշակ, աս անտէր բոմաթիզմը չըլլար նէ՛ քեզի մինակ չէի ձրեր... Ինչ որ է, մնացական եղայ, աս ալ ճակտիս գիրը:

— Հասպա դո՛ւն, մայրի՛կը... Հայրիկ, սիրտս վրայ չ'երթար...

— Ծօ սուս լակոտ, ինձի ի՞նչ կարծեցիր, ծօ աս բո-մաթիզմը չըլլար նէ՛ տասը թուրքի մարդ չէի ըսեր...

— Տղաս, ինքզինքդ լաւ նայէ, թաց տեղեր մի պառկիր... — տղուն մաղերը շոյելով կ'ըսէ մայրը:

— Մնաք բարով, — տղան կը ծռի ու հօր եւ մօր ձեռքերը կը համբուրէ:

Մօրը դէմքը դեփ դեղին կտրած է: Հեծկլտանք մը կողորդին մէջ սեղմեր՝ հազիւ կը պահէ արցունքը:

— Երթաս բարով, ասլան տղաս. Աստուած հետդ ըլլայ...

— Երթաս բարով, — կը կրկնէ հայրը, — տեսնեմ քեզի, Արշակ, մեր օճախին պատիւը պահես... Թուրքին ըրածը չմոռնաս... Մեր մասին մի մտածեր, տահա շարժելու դուրէթ մնացեր է վրաս... — ու գլուխը անդին կը դարձնէ որ չըլլայ թէ թրջած աչքերը տեսնէ տղան:

Միասին կը քալեն դէպի բերդի դուռը: Ամբողջ ժողովուրդը խոնուեր է հոն: Չաւակ ունին, էրիկ ունին, եղբայր ունին ճամբելիք, եկեր են բոլորն ալ, վերջին անգամ մը երթաք բարով ըսելու մեկնողներուն: Շշուկով կը խօսին, վերջին խօսքերը կը փոխանակեն: Ահա Վահանը, Շապին Գարահիսարի դեղեցիկ ծաղիկը, մէկ ձեռքին հրացան, միւսով մէջքէն գրկած է հրեշտակային գեղեցկութեամբ կինը:

— Իմ մասիս անհող եղիր, Վահանիկ, — կը փսփսայ դեռատի կինը:

Վահանը չի կրնար խօսիլ, ատամները սեղմած՝ ինքզինք կ'աշխատի պահել ու կուրծքին կը սեղմէ կինը:

— Շատ ժամանակ է քովս պահած էի... Դուն ինքզինքդ լաւ պահէ, չհիւանդանաս...

— Երեխա՞ն... — Վահանի ձայնը դողաց...

— Ձեռքս վրայ չ'երթար... — գլուխը արտամօրէն օրօրելով կ'ըսէ կինը:

Գլուխ գլխի կը լռեն: Երեք տարեկան երեխան մօրը գրկէն թաթիկները կ'երկարէ ու կը գրկէ հօրը վիզը:

— Պապա, ո՞ւր պիտի ելլես...

Վահանը չի կրնար պատասխանել, անհնարին տառապանքը կարկամեր է լեզուն:

— Պապան քեզի խաղալիք բերելու կ'երթայ, սիրունս, — երեխան շոյելով կը հանգստացնէ մայրը:

«Տղամարդիկը առաջ անցնին» շշուկը ալիք ալիք կը տարածուի բազմութեան մէջ: Կիներ, մայրեր, քոյրեր, ծերունիներ ու հարիւրաւոր երեխաներ պատի նման կանգնեւ են իրարու դիմաց ու մէջտեղի բացութեան մէջ խոնուեր են տղամարդիկը, զինուածները, առաջապահներու տեղը բռնելով: Դրան անմիջապէս քովը կանգնած են Ղուկասը, Լեւոնը, Ածպտերի քահանան, Վահանը ու քանի մը քայլ անդին Առաքելը որ Լեւոնէն բաժնուիլ չ'ուզեր:

— Դուռի պատը քանդելու ժամանակ է:

Բերդի արտաքին դուռը որ կը բացուէր հայկական թաղէն քիչ մը վեր, կամարակապ մեծ դուռ մըն էր, ապահովարար հոռոմէական շրջանէն մնացած՝ դրան վրայ քանդակուած արծիւէ մը դատելով: Կուռի ընթացքին հայերը այդ դուռը քարէ պատով մը հիւսած էին: Ղուկասի նշանին վրայ, ութ տաս երիտասարդներ մօտեցան ու առանց աղմուկ հանելու, սկսան դրան մէջ դիզուած քարերը հանել: Ճամբան բացուած էր: Թրքական դիրքերէն ինչպէս սովորաբար, աննպատակ հրացանաձգութեան գոռոցը կը լսուէր:

— Վահան, ամէն մարդ իր տե՞ղն է, — հարցուց Ղուկասը:

— Պատրաստ են:

«Երթաք բարով, երթաք բարով» ընդհանուր շշուկ մը փրթաւ ժողովուրդի մէջէն:

— Տղաք պատրաստ, — հրամայեց Ղուկասը, — որքան կրնաք հեռուն նետելով անմիջապէս դետին պառկեցէք, մինչեւ որ մենք դուրս գանք եւ ձեզի հասնինք, ոտքի չեկնէք:

Հազարաւոր բազմութիւնը քարացած կը սպասէ : Շրթունքները կը շարժին «երթաք բարով» կը մըմնջեն , թերեւս կ'աղօթեն , ո՞վ գիտէ :

— Առաջ տղաք, — կը լսուի Ղուկասի զուտ ձայնը :

Տասնեակ մը կտրիճներ կ'առաջանան , զինուած են ուսմբերով եւ տասնոց ատրճանակներով : Վերջին անգամ մըն ալ գլուխնին կը դարձնեն դէպի բազմութիւնը եւ զգուշութեամբ դուրս կուգան դռնէն : Դուրսը սաստիկ խաւար է ու ոչինչ կ'երեւայ : Քիչ հեռուն թրքական խրամատներն են , դիրքերը . անոնց հրացաններու կրակը կը մատնէ զիրենք : Դուրս ելլող կտրիճները իրարմէ բաւական հեռաւորութեան վրայ , սողալով կը մօտենան թուրքերու դիրքերուն :

Դրան մէջ ու շուրջը անհամբեր կը սպասեն զինուած տղամարդիկը , իսկ աւելի վեր , ժողովրդի բազմութիւնը որ հոն պիտի մնայ :

Յանկարծ կարծես երկինքը կը պատուի , ասեւլի գոռումներ իրարու կը յաջորդեն , փայլակային արագութեամբ խաւարը մերթ կը լուսաւորուի պայծառ ճառագայթով : Վարէն կը լսուին աղաղակներ , հայհոյանքներ , վիրաւորներու հառաչանքներ :

— Տեղերնէդ չչարժիք, — կը լսուի թուրք սպայի մը որոտացող ձայնը :

— Աման փախէք , կեալուրները կոխեցին . . .

— Վա՛յ զարնուեցայ . . .

— Եարարբիմ . . .

— Յառա՛ջ, — կը գոռայ Ղուկասը :

Մօտ ութ հարիւր տղամարդ , կէսը անդէն , դուրս կը խոյանան բերդի դռնէն : Գնդակներու փոթորիկ մը կը դիմաւորէ զիրենք , սակայն մարդկային հեղեղը կ'առաջանայ : Թրքական դիրքերուն մէջ են :

Բերդին բազմութիւնը պարիսպներու վրայէն ականատես կը լինի վարը , խաւարին մէջ կատարուող անհա-

ւոր պայքարին : Ի՞նչ եղան իրենց սիրելիները , կրցա՞ն ճեղքել թրքական շղթան : Վարը խաւարին մէջ կը շարունակուի անհաւոր պայքարը , բայց հրացաններու փայլատակումը հետզհետէ կը հեռանայ դէպի Աներդիի կողմը :

Ծերունի քահանան պարսպի վրայ է , բազկատարած , շրթները մեղմօրէն աղօթք մը կը մըմնջեն բոլոր անոնց համար , որ գնացին եւ անոնց համար , որ բերդի մէջ մնացին :

Ծանր խաղաղութիւն մը տիրեց բերդին մէջ : Չկան կռուողները , չկան սովորական պահակները : Բերդը անպաշտպան մնացեր է , նաեւ մօտ երեք հազարի հասնող բազմութիւն մը , որոնք կիներ են , աղջիկներ , երեխաներ եւ թերեւս յիսուն վաթսուն հատ տարիքաւոր այրեր : Սարսափը կը չոքի բերդին մէջ : Չսպուած արցունքները կը յորդին , ատամներու տակ սեղմուած հառաչանքները կ'արձակուին , շիւան ու յուսահատ արցունք :

Լոյսը կը բացուի : Արեւը կը բարձրանայ սեւ օրը լուսաւորելու : Բերդի դրան վրայ ճերմակ դրօշակ մը կը ծածանի : Բերդի դրան ուղղութեան վրայ գտնուող թըրքական դիրքերը քանդուեր են , խրամատները դատարկ եւ ամէն կողմ ինկած դիակներ , վիրաւորներ : Միւս թըրքական դիրքերէն հրացանաձգութիւնը թուլօրէն կը շարունակուի : Բերդը լուռ է : Կենդանութեան ոչ մէկ նշան :

Ճերմակ դրօշակը կը ծածանի , բայց թուրքերը գիշերուան անակնկալ յարձակումէն սարսափահար , չեն հաւատար իրենց աչքերուն , չեն կրնար հաւատալ թէ արծուաբերդը վերջնականապէս լուր է :

Քանի մը ծերունիներ եւ քահանան կը հաւաքուին : Թուրքերը չեն գար , թերեւս չեն գիտեր որ այլևս կռուողներ չեն մնացեր բերդին մէջ : Պէտք է պատգամա-

ւորութիւն մը ուղարկել հրամանատարին մօտ: Թող լինի, ինչ որ լինելու է, գէթ կ'աղատին սպասողական վիճակի սարսափէն:

Երկու պառաւ կիներ կ'ընտրուին, ճերմակ դրօշակներով զինուած դուրս կուգան բերդի դռնէն դէպի թըրքական դիրքերը: Ընդհանուր հրամանատարը կը լսէ կիներու տուած տեղեկութիւնները, բերդին մէջ կուռուղ չէ մնացեր, այլ միայն կին ու երեխայ: Բայց չ'ուզեր հաւատալ, հապա եթէ անհաւատները թակարդ մը լաւած են:

— Ո՞վ կամաւոր կերպով բերդը կ'ուզէ բարձրանալ,
— խօսքը զինուորներուն կ'ուզէ հրամանատարը, —
տէ, ասլան քաջերս:

Չորս զինուորներ եւ շեփորահար մը առաջ կուգան:

— Մենք կ'երթանք, պէյ էֆէնտի, — բարեւելով կ'ըսէ չաւուշը, — եթէ այս կիները մեզի հետ գան:

— Հայտէ՛, սա զինուորներուն հետ գնացէք, վայ ձեզի, եթէ սուտ խօսեր էք:

Ձինուորները ամենայն զգուշութեամբ կը սկսին բարձրանալ, կիները առջեւին ձգած: Չէ՛, ինչպէս կ'երեւի, իրօք բերդը կուռուղներ չեն մնացեր, ահա մինչեւ դուռը հասան առանց փորձանքի, քիչ մըն ալ, քիչ մըն ալ ու բերդին մէջ են:

Ժողովուրդը սառած կը նայի զինուորներուն: Թուրքե՛րը...

Շեփորահարը կը վազէ, կը բարձրանայ պարսպի վրայ ու կը շեփորէ զինուորական ազդանշան մը: Խանդավառ գոռում գոչումով հազարաւոր ամբոխը կը սկսի մազլցիլ դէպի բերդը:

— Քա ո՛ւ, կուգան, շուները կուգան, — սարսափահար կը պոռայ հերարձակ կին մը, որուն աչքերուն ճերմակ մը կուգը լայնցեր է ու ցրուած հայեացք մը ունի, — կու-

գան, կուգան, կուգան... — ու կը սկսի գուլէի կողմը վազել՝ վրայի զգեստները պատռելով:

— Էրնէ՛կ ադ աղջկան, — արցունքը սրբելով կ'ըսէ պառաւ մը, — խենթեցաւ տէ ազատեցաւ:

— Հա՛րս, ոտքդ պաղնեմ, կտոր մըն ալ ինծի տուր, — կը պաղատի կին մը վահանի կնոջը, որ ձեռքի թղթի բովանդակութիւնը լեզուին վրայ թափելով կլլեր էր, — ոտքդ պաղնեմ աղուորս...

— Չմնաց, ալ չմնաց, — կը յայտնէ դեռատի կինը, — էզաճիէն ուզէ... — օֆ փորս, փորս... խաթուն, տղաս քեզի էմանէդ... Աստուած իմ... վայ փորս... փորս... կը մեռնիմ... կը մեռնիմ...

Կիներու խումբ մը շրջապատեր է դեղազործը: Կուլան կ'աղաղակեն, ձեռները կը համբուրեն խեղճ մարդուն:

— Ինծի ալ կտոր մը...

— Էզաճի էֆէնտի, ոտքդ պաղնեմ...

— Կէնճութեանս խնայէ, կտոր մըն ալ ինծի տուր, — կը պաղատի շատ ճահիլ հարս մը:

— Մարս, քուրս, չկայ, չմնաց... — լալով կը պատասխանէ ծերունին, ձեռքերը տրորելով, — ըլլար նէ կը խնայէի՞ մի... մեռնէի, մեռնէի տէ, աս օրը չտեսնէի...

Բազմութենէն քիչ մը հեռու կին մը նստած է: Ծծկեր երեխան կողքին դրած, վեց տարեկան անուշիկ աղջիկը ծնկան վրայ նստեցուցած կուլայ ու կը համբուրէ երեխան:

— Սիրունս, աղուոր պէպէքս... բերանդ բաց, չէքէր դնեմ մէջը...

— Շէքէ՞ր... — երեխայի աչքերը կը պայծառանան:

— Հա՛, չէքէր, նայէ՛, ես ալ կ'ուտեմ, — ու մեծ մասը ինք կլլելով կտոր մըն ալ երեխայի բերանը կը դնէ:

— Լեզի է...

— Վնաս չունի, աչքիս լուսը... սրտիս հատորը...

Հաղիւ երկու բոսիկ անցած՝ աղջնակը յանկարծ վար կ'իյնայ մօր ծնկի վրայէն, բերանը փրփրած, աչքերու սեւն ու ճերմակը իրարու խառնուած:

— Մայրի՛կս... մայրի՛կս...

Մայրը ծնկոււնները կը ծեծէ, մաղերը կը փետտէ... ու ինքն ալ սարսափելի դալարումներով կ'իյնայ գետին, հողը ճանկոտելով:

Բերդի դռնէն ներս կը խուժէ թուրքերու կատաղած բաղմութիւնը: Վերջը չ'երեւիր անոնց: Կուզան, կուզան, կուզան: Սարսափահար բաղմութեան մէջ հանդիպած տղամարդը, ծեր թէ պատանի, տեղն ու տեղը կը գնդակահարեն, դանակներով կը յօշոտեն դանոնք: Ինչպէս ոչխարի փարախ մը, որուն մէջ դալ է մտեր, կիներու, երեսաներու բաղմութիւնը ճշալով կը ցրուի, կը տարածուի բերդի ամէն ուղղութեամբ:

Սրա սարնիճներէն ասդին խումբ մը կիներ ու երեսաներ կծկուեր են պարիսպի տակ: Կարծես ձմեռ լինի, կը դողան ու իրարու կը փաթթուին: Դրան կողմէն կին մը վազելով կուզայ ու շնչահաստ կ'իյնայ կիներու մօտ:

— Ամա՛ն, ամա՛ն քուրերս, դարկին... բոլոր տղամարդիկը դարկին, — ծունկերը ծեծելով բարձրաձայն կ'ողբայ կինը, — տղաքն ալ... տասներկու տարեկանէն վեր տղաքն ալ դանակներէ անցուցին, ոչխարի պէս մորթեցին մօրերուն աչքերուն առջեւ... օ՛Փ... խելքս կ'երթայ...

Ոչ ոք ուշադրութիւն կը դարձնէ նուազած կնոջ: Սառած հայեացքով կը նային իրարու, որպէս թէ կնոջ խօսքերը հասկցած չլինէին: Յանկարծ կը ցնցուին:

— Կուզա՛ն...

Իրօք, չորս հինգ թուրքեր կուզային դէպի կիները:

— Ել նայի՛մ, աղջիկս, — ոտքի ելլելով կ'ըսէ նիհար ու բարձրահասակ կին մը իր աղջկանը:

Չարմանալի խաղաղ դէմք մը ունի այդ կինը: Հայեացքը յստակ, լեցուն գիտակցութեամբ: Թեւէն բռնելով կ'օղնէ աղջկանը ոտքի ելլելու:

— Քա Վարդուհի հանում, ո՞ւր... — կը հարցնէ կիներէն մէկը:

— Աստուծու քով, — կը պատասխանէ Վարդուհին, — քալէ՛ նայի՛մ, աղջիկս...

— Քա կեցիր, ես ալ դամ, — ամբողջ մարմնով դողալէն կ'ըսէ հարս մը:

— Կ'ուզե՞ս, եկո՛ւր:

— Հապա ծծկե՞րս...

— Ան ալ բեր, ինչո՞ւ եթի՛մ մնայ...

Վարդուհին աղջկան ձեռքէն բռնած, յուշիկ քալուածքով կ'անցնի Սրա Սարնիճներու նեղ կածանի կէսը ու հոն կանդ կ'առնէ: Վարը ահաւոր բարձրութեամբ անդունդը կը բացուի: Աղջիկը տասներկեց տարեկան լուսի կտոր գեղեցկութիւն մը:

— «Հայր մեր»ը ըսէ, աղջի՛կս:

— «Հայր մեր որ յերկինս ես»... մայրի՛կ, կը վախնամ... լաչակովդ աչքերս կապէ, մայրիկ ջան...

— Աչքերդ ամուր մը փակէ, դառնուկս...

— ... «Եւ հողոյն սրբոյ ամէն»... — կը մրմնջէ աղջիկը:

Յուշիկ մը աղջկան կռնակէն կը հրէ մայրը: Հաւասարակշռութիւնը կորսնցուցած, աղջիկը թաւալդոր կ'իյնայ անդունդը: Տիրական հասակը ուղիղ բռնած, Վարդուհին վեր, դէպի երկինք կը նայի ու յանկարծ աղեխարշ աղաղակ մը արձակելով կը նետուի վար:

Թուրքերը՝ կիներն ու երեսաները հաւաքելով քաղաք իջեցուցին: Շատ աղջիկներ քաշեցին տարին հա-

րեմները, շատ կիներ էդ առիւծներու կատաղութեամբ
պաշտպանելով իրենց պատիւը՝ սրախողխող եղան:

Բերդը ամայի էր: Ամէն կողմ դիակներ, դիակ-
ներ, դիակներ...

Ահա այսպէս ինկաւ Սրժիւններու բոյնը, հերոսական
Շապին Գարահիսարը:

ԱՐԻՒՆՈՏ ՃԱՄԲԱՆԵՐՈՒ ՎՐԱՅ

Հազիւ Ղուկասի դուրս գալու հրամանը հնչեց,
հարիւրաւոր բազմութիւնը խուժեց դռնէն դուրս դէպի
թրքական դիրքերն ու խրամատները: Հակառակ ուժ-
րերու գործած արեւին, ձգած ահ ու սարսափին, մինչ
պաշի-պօղուկները քառ մար փախան, թրքական կանոնա-
ւոր զօրքը դիրքը պահեց ու հակայարձակման փորձեց
անցնիլ: Սրամատներէն, դիրքերէն դուրս գալով սուիննե-
րով ուզեց կասեցնել հայերու առաջխաղացումը: Անկա-
րելի փորձ մըն էր, հայերը վերէն, հեղեղի արագու-
թեամբ կը խուժէին, ստիպելով թուրքերուն տեղի տալ:
Թուրքերու դիջած ամէն մէկ թիզ գետինը կը ներկուէր
վիրաւորներու եւ սպաննուածներու արիւնով: Որ՛քան
հայերու յարձակումը անսպասելի, նո՛յնքան ալ թուրքե-
րու դիմադրութիւնը բուռն եղաւ:

Նրկու կողմերն ալ տեղի տալու մասին չէին մտածեր:
Հայերու համար ընկրկելու հնարաւորութիւն չկար եւ ոչ
ալ բերդ կրնային վերադառնալ, ուրեմն միակ ելքը կը
մնար ամէն գնով թուրքերու շղթան կտրելով՝ անցնիլ
դէպի շրջակայ լեռները: Իսկ թուրքերը անսահման կա-
տաղութեամբ լեցուած դէպի հայերը, որոնց պատճառով
ամբողջ քաղաքը այրուեցաւ, հարիւրաւոր հաւատաց-
եալներ անժամանակ մահ դտան, վայրագ կատաղու-
թեամբ կը կոռէին, որպէսզի մէկն իսկ չաղատի այդ
անհաւատներէն:

Թանձր խաւարը, աւերակ տներու խանձուած գե-
րաններն ու փլած պատերը, ռազմաճակատի փոքր տա-
րածութիւնը, ուր խոնուած էին երկու կողմերն ալ, այս

բարբը կռիւք վերածած էին ահաւոր սպանդի: Կոուե-
ցան հրացաններով, սուլններով, սուրերով, մէջքի դա-
նակներով, բերերով ու ճանկերով. երկու կողմերէն ալ
հարիւրաւորներ ինկան, դարհուրելի կոյտեր կազմուե-
ցան վիրաւորներէն եւ սպաննուածներէն:

Տեղի բերումով հայերը մէկ ընդհանուր ճակատով
չկրցան առաջանալ, մինչ մէկ մասը սարսափելի գնով
ճեղքեր էր թրքական շղթան ու քաղաքէն կը հեռանար,
մնացածները դեռ աւերակներու մէջ կը կուռէին շրջա-
պատուած բազմահազար թուրքերով: Հետզհետէ հրա-
ցաններու որոտը կը սկսարանար: Անոնք որ յաջողեցան
անցնիլ, հեռացան բազմաթիւ խմբերու բաժնուած,
իսկ մնացածները հերոսաբար կուռելով ինկան իրենց
ծննդավայրին մէջ:

Գարահիսար եւ Գէլքիտ գետերու միացման տեղին
մօտ իրարու վրայ բարձրացող բլուրներու կոյտ մը կայ,
ծանօթ Կէվէգետլէր անունով: Շտալին Գարահիսարէն հա-
զիւ երկու ժամ հեռաւորութեան վրայ կը գտնուին այդ
բլուրները, որոնցմէ ամենամեծը հազիւ հազար ոտք
բարձրութիւն մը ունենայ դաշտէն:

Դեռ լոյսը չէր բացուած, երբ խումբ մը փախստա-
կաններ Գարահիսար գետը անցնելով սկսան բարձրանալ,
իրարու յաջորդող բլուրներու գագաթը հասնելու մը-
տադրութեամբ:

Տասնեւվեց անձերէ բաղկացած խումբ մըն էր, որ
բերդէն դուրս գալով կորսնցուցած էր իր ճամբան եւ
փոխանակ արեւելք երթալու, հարաւի ուղղութիւնը բռն-
նած էր: Երբ փախստականները սխալը հասկցան, արդէն
չատ ուչ էր, հազիւ երկու ժամ կը մնար լոյսը բացուե-
լուն: Այդ պայմաններու մէջ լաւագոյն համարած էին
բարձրանալ Կէվէգետլէր բարձունքը, որ պահուելու ո-

րոշ յարմարութիւններ կը ներկայացնէր: Լուսաստղը
բարձրանալ սկսաւ: Խմբի առաջնորդը կանգ տաւ, սպա-
սելով որ մնացած ընկերները հասնին: Երբ բոլորը հա-
ւաքուեցան, առաջնորդը ընկերներուն դառնալով՝ ըսաւ.

— Կրնանք հոս ալ մնալ, թէեւ եթէ քիչ ալ առաջ եր-
թանք, աւելի լաւ դիրքերու կը հասնինք... տղաք դեռ
կրնա՞ք քալել, — խօսքը ուղղեց երկու թերահաս պատա-
նիներու, որոնք բերդի առջեւ թեթեւապէս վիրաւոր-
ուած՝ ընկերներու օգնութեամբ մինչեւ հոն հասեր էին:

— Աւելի բարձրանանք, վիրաւորները կերպով մը
կը հասցնենք, — խօսեցաւ մէկը:

Կէս ժամ մըն ալ բարձրացան: Արեւելքը կը շառա-
գունէր: Խումբը հասաւ Կէվէգետլէրի բարձրագոյն գա-
գաթը: Քարընկէցի մը երկարութեամբ հարթութիւն
մըն էր գագաթը՝ ամէն կողմերէն մեղմ դառնալայրով
բեկուած: Յարմարաւոր դիրք մը չէր, սակայն այդ պայ-
մաններու մէջ լաւագոյնն էր: Հազիւ գագաթը հասած,
գիշերուան գիրկընդխառն կուռէն եւ ճանապարհի նեղու-
թենէն բոլորովին յոգնած՝ երկնցան հանդստանալու:
Խմբի անդամներէն մէկը միայն գագաթի շուրջը պտտե-
ցաւ, նոր բացուող լոյսով դիտեց շրջակայքը, քարեր հա-
ւաքելով երեք տարբեր դիրքեր յարդարեց ու ապա վե-
րադառնալով խմբի եղած տեղը, արթնցուց քնացողնե-
րէն չորսը:

— Ի՞նչ կայ, — յօրանջելով հարցուց Ածպտերի տէր-
տէրը, որ մինչեւ այդ խումբը առաջնորդեր էր:

— Մասնաւոր բան մը չկայ, բայց հանգստանալէ ա-
ռաջ պէտք է խորհրդակցութիւն մը ունենանք, այսպէս
անհոգութեամբ խմբի գոյութիւնը երկար չի տեւեր:

— Վարժապետը իրաւունք ունի, — համաձայնեցաւ
Առաքելը, — կ'ուզե՞ս բոլորն ալ արթնցնեմ...

— Ո՛չ, դուք չորսդ բաւական էք:

Պժբէն քիչ մը հեռու քաշուելով՝ Լեւոնն ու չորսը նստան խորհրդակցութեան: Լեւոնի համար պարզ էր որ ընկերները յանդուգն կռուողներ լինելով մէկտեղ, փախըստական կեանքի անսովոր, պէտք ունէին ուժեղ զեկավարութեան մը, կարգապահութեան եւ հնազանդութեան: Պումբը առանց կեդրոնական յենարան մը ունենալու, պիտի թափառէր որոշ շրջանի մը մէջ եւ այդ իսկ պատճառով պէտք էր ունենար ամենախիստ կարգապահութիւն մը, որդեգրելով հայդուկային խմբերու իւրաքայտուկ ձեւերը, կարգն ու սարքը եւ խմբապետին հպատակելու գիտակցութիւնը:

Երկար խօսեցաւ Լեւոնը, բացատրեց խմբի վիճակը, նպատակի անորոշութիւնը, որով իրենց առնելիք քայլերն ալ դեռ հարցական կը մնային, մինչեւ որ կացութիւնը պարզուէր եւ պայմանները քննելով իմանային թէ ինչո՞վ կրնան օգտակար լինիլ:

— Իսկ ներկայիս, ամէն բանէ աւելի պէտք է մտածել խմբի ապահովութեան մասին, — խօսքը շարունակեց Լեւոնը, — հաղիւ հոս հասած, բոլորդ ալ երկնցաք քնելու, որպէս թէ ձեր տներու մէջ դտնուէիք. այս ձեւով ես կ'ապահովցնեմ ձեզ թէ շաբաթ մը իսկ չենք կրնար պահել մեր գոյութիւնը:

— Վարժապետը իրաւունք ունի: Ես կ'առաջարկեմ խմբապետ մը ընտրել, — ըսաւ Առաքելը:

— Պարոն Լեւոն'նը, ի՞նչ կ'ըսէք, — ընկերներուն դիմեց Ածպտերի քահանան:

Բոլորը համաձայն էին: Լեւոնը անմիջապէս կարգադրեց երեք մասի բաժնուած՝ դրաւել նախապէս իր պատրաստած դիրքերը, երկու ժամը անգամ մը պահակը փոխել, իսկ մնացածները կրնային հանդաստանալ ու ինք Ածպտերի քահանային հետ մնաց հարթութեան կեդրոնը:

— Անյարմար դիրք մըն է, տէրտէ՛ր, դիւրամատչելի բարձրութիւն մը, շուրջն ալ մօտիկ տարածութեան վերայ քանի մը գիւղեր նշմարեցի... այս բարձունքներուն կանաչութենէն դատելով՝ արօտատեղի պիտի լինին այս բլուրները, հետեւաբար հանդիպում մը հաւանական... ի՞նչ կ'ըսես...

— Ծուրջերնիս շատ գիւղեր կան, Օղանլի, Շէյխ Հասան, Պուլիճա, Պուղկէչի... բայց ուրիշ աւելի յարմար տեղ ալ չկար, աս ցերեկը եթէ անցընենք, գիշերով կ'երթանք մեր գեղի սարը:

Տէրտէրն ու Լեւոնը իրարու քով երկնցած՝ երկար խօսեցան ապագայ ընկիւններու մասին: Արեւը բարձրացեր էր, հեռուն կ'երեւնար Աշգարի դաշտը, ուր այնքան հարուստ հայկական գիւղեր կային. դէպի հարաւ կը բարձրանային Ղզըլ Տաղի գագաթները:

— Այն տեղերու շուրջը կը պտըտինք, — ցոյց տալով հեռուն երեւցող սարերը, — ըսաւ տէրտէրը, — մանր մանր գիւղեր կան, կռուելու լաւ դիրքեր կան...

Լեւոնը չպատասխանեց: Բոլորովին անգիտակ երկրին եւ պայմաններուն, կը դժուարանար գործունէութեան ծրագիր մը կազմել: Եթէ միայն նպատակը գոյութիւն մը պահել լինէր, հեշտ էր այդ մասին որոշ գործելակերպ մը ձեւաւորել, իսկ եթէ աւելին՝ պէտք էր ճիշդ գաղափար մը ունենալ կացութեան վրայ: Արդեօք բոլոր գիւղերը տեղահանուած էին, ինչպէս Թրիպոլին էր: Ո՞ւր կը քուէր ժողովուրդը, ինչո՞ւ համար եւ ի՞նչ նպատակ կը հետապնդէր թուրք կառավարութիւնը: Արդեօք բնաջնջում էր թէ մասնակի կոտորած մը, հայրենի երկրէն դուրս քշելով հայ ժողովուրդը: Այս կէտերը, ինչպէս բոլորի, նոյնպէս Լեւոնի համար դեռ պարզ չէին:

Դժբախտաբար Լեւոնի ենթադրութիւնը ճիշդ դուրս

եկաւ: Շէյխ Հասանի եւ Օղանլիի տաւարը առտու կանուխ արածելու ելաւ ու կամաց կամաց սկսաւ բարձրանալ դէպի բլուրները: Թէեւ երեսաններ էին հովիւները, բայց այդքանն ալ բաւական էր հաւար փրցնելու համար: Մինչեւ կէս օր խումբի տղաքը տափած մնացին դիրքերու մէջ: Կէս օրէն քիչ մը անցած, տաւարը արծելով ելաւ տղայոց դիրքը, մինչ հովիւները աւելի վար փոքր լճակի մը շուրջ կը խաղային: Երեկոյեան մօտ միայն երբ հօտաղները տաւարը հաւաքել սկսան դիւղ քշելու համար, փոքր երեսայ մը ճպոտը ձեռքը հարայ տալով բարձրացաւ բլուրը ու հոն զինուած մարդիկ տեսնելով, վախեցած կանգ առաւ: Բայց նկատելով որ այդ մարդիկը թշնամական վերաբերմունք մը չէին ցոյց տար, տաւարը շտապելով հաւաքեց ու քշեց դէպի Օղանլի դիւղը:

— Շուտով խապարը գեղ կը հասնի, — մտահոգուած ըսաւ Ածպտերի քահանան:

— Այո՛, դժբախտարար չենք կրնար շարժիլ մինչեւ արեւի մայր մտնալը. ինչ որ է, տղաքը պէտք է հաւաքել:

Օղանլի դիւղին մէջ յանկարծ իրարանցում մը սկըսաւ: Այդ հեռաւորութենէն խմբի տղաքը պարզ աչքով կը տեսնէին որ երկու ձիւորներ հեռացան դիւղէն, մէկը Պուլիճայի, իսկ միւսը Պուզկէչի կողմը:

Անշուշտ հաւար տանողներ էին, մտածեց ինքնիրեն Լեւոնը: Բարեբախտարար կէս ժամէն կը սկսէր մթնալ ու դժուար թէ թուրքերը կարենային իրենց հետքը գտնալ:

Մթնել սկսաւ: Օղանլիի եւ Պուզկէչի շուրջ համախմբուած թուրքերը, որոնք դէպի բլուրներ կուգային, այլեւս չէին երեւնար: Խումբը շարժեցաւ դէպի հարաւ արեւմուտք Գարա Գիւթիւկ սարը հասնելու մտադրութեամբ: Ածպտերի քահանան ու Առաքելը երեսուն քառասուն քայլ մը առջեւէն կ'երթային, իսկ Լեւոնը, խմբի

առաջը ինկած, կը հետեւէր անոնց: Առանց ունէ պատահարի անցան Քէլքիտ գետը, աննշան բարձրութիւն մը անցնելէ վերջ, հասան Ածպտեր գետակին: Մօտէն կ'երեւէին Գարապաշ թրքական դիւղի ճրագները: Հազիւ կը պատրաստուէին գետը անցնիլ, երբ հակառակ կողմէն երկու ստուերներ ծառերու արանքէն սպրդելով վազեցին դէպի Գարապաշ:

— Անցէք տղաք, — կարգադրեց Լեւոնը, — շուտով հաւարը կը փրթի:

Իրօք հազիւ թէ խմբի տղաքը գետակը անցած դաշտի միջով սկսան առաջանալ, երբ բազմաթիւ հրացաններու որոտը մէկէն փոթորկեց դիշերուան խաղաղութիւնը:

Եթէ միայն գարապաշցիներու հետ լինէր խմբի կըռուրը, ա՛յնքան ալ մտահոգուելու պատճառ մը չկար, բայց նախ որ դուրան դաշտէ մը ստիպուած էին անցնիլ, եւ որ գլխաւորն էր՝ Աչգար դաշտի վրայ թրքական բազմաթիւ դիւղեր կային, Կիւզելիւր, Թէլալիս, Բալսու, Կոզելի եւ շատ մը ուրիշ դիւղեր: Պարզ էր որ հրացանաձուլութեան ձայնը պիտի տարածուէր, դիւղերու թուրքերը դուրս պիտի թափէին եւ եթէ դիշերով վնաս մըն ալ չկրնային հասցնել, խմբի հետքը բռնած յաջորդ օրուան դիրքը պիտի դիտնային:

— Չկրակե՛լ, — կարգադրեց Լեւոնը, — տէրտէ՛ր, առաջ անցի՛ր, տղաք ոտքերնիդ վերցուցէ՛ք, Առաքել վիճակներու հոգ տար, ետ չմնան:

Բարեբախտարար Գարապաշի թուրքերը շատ դանդաղ շարժելով տղոցը հետքը կորսնցուցած, կը բաւականանային անվնաս հրացանաձուլութեամբ մը, թէեւ ատով չըջանի դիւղերը ոտքի կ'ելլէին եւ խմբի ճամբան կը վըտանդուէր: Մէկուկէս ժամէն խումբը Երզնկա երկարող խճուղին հասաւ: Վերի եւ վարի Ածպտերները ալ կողմի

վրայ կը մնային: Գաշտի բազմաթիւ գիւղերէն հրացաններու որոտը ապահով նշան էր թուրքերու աչալուրջ հակողութեան: Բերդի անկումը եւ կռուող հայերէն շատերու փախուստը տարածուեր էր թրքական շրջաններու մէջ, հետեւաբար Գարապաշի ահազանգը ոտքի հաներ էր դաշտի թրքութիւնը:

Բազմաթիւ թրքական զինուած ուժեր դաշտը կը սանտրէին եւ կամ իրենց գիւղերու շրջապատին մէջ կը դառնային, հայ փախստականներու հանդիպելու յոյսով: Երբ խումբը խճուղին խաչաձեւելով սկսաւ բարձրանալ Չէրնիկէլ գետի եզերքէն, յանկարծ տասնեակ մը հրացաններ որոտացին գետը եզերող ծառերու ետեւէն:

— Զարնուեցա՛յ, — լսուեցաւ խմբի զինուորներէն մէկուն ձայնը:

— Յրուեցէ՛ք ու գետի՛ն պառկեցէ՛ք, — լսուեցաւ Լեւոնի հրամանը, — կրակեցէ՛ք, կրակեցէ՛ք տղաք:

Գնդակներու խսկական անձրեւ մը սկսաւ տեղալ խաւարին մէջ՝ անորոշօրէն երեւցող ծառերու ուղղութեամբ: Թուրքերու հրացաններու որոտը սկսաւ պակսիլ, յայտնի կ'երեւար որ կամ շատեր փախած էին եւ կամ իրենց գիրքերը մատնել չէին ուզեր:

Այդ պահուն խճուղիի վրայէն կ'անցնէին ձիաւոր զինուորականներ, որոնք հաւանաբար Շապին Գարահիսար զրկուած գունդերու սպաներէն էին: Կօզէլիի մէջ լսած լինելով հայ զաչախներու մասին, երբ յանկարծ հրացաններու ձայնը լսեցին, խճուղիէն ելլելով քշեցին ուղիղ դէպի հրացաններու ձայներուն ուղղութեամբ:

Ճումբը երկու կրակի մէջ ինկած էր: Թէեւ նորեկները դեռ կռուի չէին մասնակցած, պարզ չլինելով անոնց համար թէ ո՞ր գիրքերու մէջ գտնուողներն են հայ փախստականները, բայց պարզ էր որ վերջապէս պիտի

իմանային. այդ պարագային տղոց վիճակը կը դառնար անյուսալի:

Նորեկներու տատամտումէն օգտուելով՝ Լեւոնը խմբէն վեց հոգի վերցնելով հետը, գետի մէջէն քալելով, մօտեցաւ անոնց կեցած տեղին: Ութը զինուորականներ էին, որոնք ձիերէն իջած, ինչպէս կ'երեւէր կը խորհրդակցէին: Գետէն վեր բարձրացած թումբը կը պաշտպանէր Լեւոնի եւ ընկերներու շարժումները:

— Դուք հոս մնացէ՛ք, — կամաց մը փոփոաց Լեւոնը, — ես քիչ մըն ալ առաջ պիտի անցնիմ, — երբ կրակեմ, դուք ալ սկսեցէ՛ք:

Մինչեւ կէս մէջքը ջրի մէջ, գետի բարձրագիւղը ափով պաշտպանուած, Լեւոնը երեսուն քառասուն քայլ մըն ալ մօտեցաւ ու ջրէն ելլելով երեսն ի վար պառկեցաւ ափի եզրին: Հազիւ հարիւր քայլ մը հեռու խաւարի մէջ որոշակի կ'երեւէին խումբ մը մարդիկ, իսկ ձախի վրայ ձիերը: Լեւոնը հրացանը վար բերելով ուղիղ դէպի մէկտեղուած խումբը կրակեց: Քիչ մը վերէն ալ Լեւոնի հետ եկողները սկսան համազարկներ տեղալ: Թէ քանի հատը ինկան, ո՛չ ոք չիտցաւ, միայն զինուորականներու խումբը ցրուած կորաւ խաւարին մէջ, տեղի վրայ ձգելով քանի մը սեւ զանդուածներ, որոնք ապահովաբար սպաննուածներ կամ վիրաւորներ պիտի լինէին:

Գիշերը կը հատնէր, իսկ մինչեւ Գարա Գիւթիւք սարի դադաթը դեռ շատ ճամբայ կը մնար: Լեւոնը հեռուն ձգած ընկերներուն քով վերադառնալով՝ անոնց հետ միասին հասաւ նախկին գիրքը, ուր Ածպտերի տէրտէրը քանի մը ընկերներով մնացեր էր:

— Ճամբան բաց է Լեւոն, — յայտնեց տէրտէրը, — ժամանակ չկորսնցնենք:

— Կորուստ ունի՞նք:

— Հա՛, մեր տղաներէն մէկը ինկաւ, Աստուած հո-

գունն ողորմի, կտրիճ տղայ էր, դէնքը եւ փամփուշտները վերցուցինք:

Ածսլտերի քահանան առջ ինկաւ, Լեւոնը Առաքելի հետ մնաց խմբի ամենէն վերջը: Գետի եղերքով կը բարձրանային ուղիղ հարաւ քալելով: Կէս ժամ անցած, տէրտէրը դետէն բաժնուելով ուղիղ դէպի արեւմուտք առաջնորդեց խումբը: Գարա Բիւթիւկ սարի փէշերուն վրայ կը գտնուէին:

— Փորձանքը անցուցինք, — ըսաւ տէրտէրը, երբ Լեւոնը մօտեցաւ անոր:

— Ո՞վ դիտէ: Դժուար թէ թուրքերը մեզ չեն հետեւիր: Մուծ դիշեր, ո՞վ իմանայ թէ երկու երեք հարիւր քայլի վրայ ինչ ծածկուած է. ինչ որ է սակայն, բարձրանանք սարը, քանի որ ուրիշ ճար չունինք: Տէ տղաք, ոտք վերցուցէ՛ք:

Առաւօտեան լոյսը բացուելու մօտ, խումբը հասաւ Գարա Բիւթիւկի գաղաթը: Կամաց կամաց լոյսը բացուեցաւ: Իրարու վրայ կուտակուած լեռներու վրայ բարձրացած դաղաթ մըն էր Գարա Բիւթիւկը: Հրաշալի հորիզոն մը կը բացուի այդ բարձունքէն: Հիւսիսէն կ'երեւնայ էյրի Պէլ լեռնաշղթան, Գարահիսարն ու Բերդի ժայռը, արեւելքէն Գարաչամ լեռնաշղթան, Քէօսէ Տաղի լեռները, հարաւէն կէս շրջանաձեւ բացուած Ղզըլ Տաղի բաղմաթիւ ուրոյն գաղաթները:

— Այ հանգստանանք զիչ մը, — քրտինքը սրբելով ըսաւ Առաքելը:

— Ո՛չ ոք նստի, — բարկացաւ Լեւոնը, — բացի երկու վիրաւորներէն, մնացածներդ հետեւեցէք ինձ:

Լեւոնը շրջան մը ըրաւ գաղաթի շուրջ: Շատ ընդարձակ տարածութիւն մըն էր գաղաթը: Այնքան զիչ կուտող ուժերով անկարելի էր պէտք եղածին պէս պաշտպանուել, եթէ կռիւ մը ծաղելու լինէր, իսկ Լեւո-

նը հաւատացած էր որ կռիւ պիտի ունենան եւ շատ լուրջ կռիւ: Լերան մէկ կողմի զառիվայրը աւելի ուղղաձիւղ կը բարձրանար քան միւս կողմերունը: Տղայոց քարեր հաւաքել տալով, երեք դիրքեր շինեց լերան կողին վրայ, իսկ կեդրոնը իրեն յատկացուց, ուրկէ կրնար երեք դիրքերու թիկունքը պաշտպանել ու միաժամանակ հիւսիսային դժուար բարձրանալիք կողմի թշնամիներու հետ կռուիլ: Ամէն մէկ դիրքի մէջ դրաւ չորս կռուող, իրեն հետ միայն Առաքելն ու Միրիճանը:

— Տղա՛ք, ամէն դիրքի մէջ մէկը թող արթուն մընայ, մինչ միւսները կը հանդէն. չկարծէք թէ վտանգը անցուցեր ենք: Ձեզի կ'ըսեմ որ կռիւը անխուսափելի է, եւ կամ ես կուտէ ոչինչ կը հասկնամ: Աչալուրջ հսկողութիւն: Կասկածելի ոեւէ շարժում ինձ իմացուցէք նշանով, դիրքերէն չհեռանաք. ես ձեր մօտ կուգամ:

Անցաւ երկու ժամ: Արտասովոր շարժում մը չէր երեւնար լերան շուրջ: Առաքելն ու Միրիճանը երկնցած կը հանգստանային: Կիւղէլճէի կողմէն դէպի սարը կը բարձրացող երեք ձիաւորներ յանկարծ Լեւոնի ուշը դըրաւեցին: Շատ չանցած ձորէ մը դուրս գալով բազմութիւն մը, ձիաւորներէ եւ հետեւակներէ բաղկացած, բռնեց ձիաւորներու ուղղութիւնը: Անշուշտ այդ բազմութիւնը դրօսանքի չէր երած: Ձախ թելի դիրքէն տէրտէրը ձայն կուտար: Լեւոնը՝ Առաքելն ու Միրիճանը արթնցուց եւ պատուիրեց հետեւիլ հեռուն երեւցող բազմութեան ընթացքին ու ինք կռանալով վազեց տէրտէրի դիրքը:

— Ի՞նչ կայ, տէրտէր:

— Աչքովդ տես, — ու ձեռքի շարժումով ցուցուց դիշերով իրենց եկած ճամբու վրայ երկու հարիւրէն աւելի մարդոց մօտենալը:

— Հը՛մ, կ'ուզեն շրջապատել մեզ, դաշտի կողմէն ալ բազմութիւն մը ծայր տուաւ:

— Ուրեմն, կռիւը անխուսափելի է:

— Այնպէս կ'երեւնայ:

Կէս օրը անցած էր երբ առաջին հրացանը պայթեցաւ: Կռիւը սկսած էր: Երեք չորս հարիւրի դէմ տասնեակ հինգ կռուողներ, որոնցմէ երկուքը վիրաւորուածներ: Եթէ յարձակողները միայն զիւղացիներ լինէին, դեռ ոչինչ, կերպով մը կրնային դիրքերը պահել մինչեւ մութին իջնալը: Շատ շուտով, սակայն, յայտնի դարձաւ, որ կանոնաւոր զօրքն ալ կը մասնակցի կռուին, դատելով այն յարատեւ համադարկերէն, որոնք խմբի տղայոց հընարաւորութիւն չէին տար դիրքերէն գլուխ բարձրացնելու:

Հետզհետէ կռիւը կը տաքնար ամէն կողմի վրայ: Լեւոնի դիրքը, ո՛չ միայն այլեւս չէր կրնար օգնել միւս երեք խմբերուն, այլ եւ ինքզինք պաշտպանելու դժուարութեան մէջ կը գտնուէր: Գարա Քիւթիւկի դժուարամատչելի կողմէն ալ թշնամին բարձրանալ կը փորձէր: Պարզ էր որ կռիւը երկար չէր կրնար տեւել: Սմբի կռուողներէն երկուքը սպաննուած էին արդէն: Եթէ միայն մինչեւ արեւմտոց դիմանանք, կը մտածէր Լեւոնը, բան մը որ այլեւս հնարաւոր չէր, կը մնար մէկ դիրքի վրայ կեդրոնանալ եւ կռուիլ:

— Առաքել, ձայն տուր տղոցը, — առանց կրակելը դադարեցնելու, պոռաց Լեւոնը, — անմիջապէս թո՛ղ քաշուին մեր դիրքը:

Ինը հոգի միայն պատասխանեցին Առաքելի կանչին, վերջի պահուն կտրիճ երիտասարդ մը ճակտէն խիուած ինկած էր դիրքի քարերուն վրայ: Փոքր, վատ պաշտպանուած դիրքին մէջ այժմ տասներկու կռուողներ սեղմըւած էին: Թէ ինչո՞ւ այդ պահուն յարձակումը յան-

կարծ դադարեցաւ, հրացանները լռեցին, տղաքը չէին դիտեր: Մօտ ժամ մը այդպէս խաղաղ անցաւ, նոյնիսկ այն թուրքերը, որոնք Լեւոնի դիրքի կողմէն կը բարձրանային, գնդակի հասողութեան սահմանէն հեռանալով զանազան խումբեր կազմած սպասեցին: Լքուած դիրքերու վողմէն դեռ թշնամին չէր երեւնար: Այդ պատահութեան օգտուելով, Լեւոնը կարգադրեց անմիջապէս քարեր հաւաքել եւ դիրքը շրջապատել բաւական բարձրութեամբ պատով մը:

Ոչխարի ժամանակաւոր փարախի նմանող նոր դիրքը՝ հիմա արդէն որոշ առաւելութիւն մը կուտար կռուողներուն: Անշուշտ ամէն կողմէ յարձակման մը պարզային կրնային թուրքերը վերցնել դիրքը, միայն թէ շատ մեծ գին մը վճարելով: Երբ երեկոյեան ժամը վեցի տեսնելով կռիւը վերսկսաւ, նոր միայն յայտնի դարձաւ, որ թուրքերը զինուորներու ջոկատի մը հասնելուն սպասած էին:

Լքուած դիրքերու կողմէն թուրքերը առանց արդելքի կրցան շուտով բարձրանալ, մինչեւ որ կեդրոնի դիրքին տեսողութեան սահմանին մէջ մտան: Կռիւը տաքացաւ: Լեւոնը ութ կռուողներով այս անգամ լքուած դիրքերու կողմը կը պաշտպանէր, իսկ Ածպտերի քահանան ալ երկու ընկերներով հակառակ կողմը, ուրկէ պաշտպողութեան կը բարձրանային: Հրացաններու տրաքտրաքոցի մէջէն լսուեցաւ շփոթներու ձայնը: Պարզ էր որ զօրքը յարձակման պիտի անցնէր:

— Ուշադրութի՛ւն, տղաք, — գոռաց Լեւոնը հրացանի մակաղինին մէջ հինգ փամփուշտ սեղմելով, — սպաներուն նշան բռնեցէք, յարձակման պիտի անցնին...

Յանկարծ թուրքերու բազմութիւնը առաջ շարժեցաւ. կեդրոնէն կուգար զօրքը, իսկ երկու կողմերէն՝ զինուած զիւղացիներու բազմութիւնը: «Հիւճի՛ւմ, իլէ-

րի», կը լսուէր սպաներու հրամանը: Թէեւ հաղիւ երեք հարիւր քայլ հեռաւորութեան վրայ, սակայն կռուելով զառիվերը բարձրանալը դժուարին պարագայ մըն էր: Լեւոնի եւ ընկերներու կարկուտի նման տեղացող զնդակները ծանր կորուստ պատճառեցին յարձակողներուն, զիւղացիները արդէն չէին երեւնար, խոհեմաբար դուրս ելած էին կռուի սահմանէն: Զօրքը կը դանդաղէր, բայց կը յառաջանար: Սեւամորթ կտրիճ սպայ մը կ'առաջնորդէր զօրքերը, որոնք եօթանասուն հոգի կը լինէին:

Միրիճանը խնամքով նշան բռնեց ու հրացանի տրաքոցին հետ սեւամորթը թեւերը բանալով, երեսն ի վար դետին ինկաւ: Սպայի դիակը վերցնելով զօրքը սկսաւ ընկըրկիլ, մինչեւ տղոց լքուած դիրքերուն մօտենալէ վերջ: Սակայն երկու յանդուգն զինուորներ, տղոց ձգած ձախի դիրքերու ետին նետելով ինքզինքնին, աւելի մեծ կորուստ պատճառեցին խմբին, քան ամբողջ օրուան մէջ չէին կրցած ընել թշնամիի բոլոր ուժերը միասին: Այդ զինուորներու արձակած զնդակներէն սպաննուեցան Գէորգը, Միրիճանը, Ալեքը եւ վիրաւոր Վահէն, բոլորն ալ Շապին Գարահիսարցի յանդուգն կտրիճներ: Լեւոնը կարգադրեց ինկողներու փամփուռներն ու տասնոցները վերցնել, որոնցմէ մէկն ալ իր մէջքը կախեց:

Բարեբախտաբար կամաց կամաց սկսաւ մթնել:

— Տէր տէր, ի՞նչ կ'ըսես, — հարցուց Լեւոնը, — Ժամանակ է փորձել դուրս գալու այս շղթայէն:

— Հա, իմ միտքս ալ այդ է:

— Տղա՛ք, դուրս պիտի գանք դէպի դաշտը, — ցերեկով կազմած ծրագիրը տղոց բացատրեց Լեւոնը, — նախ որ այն կողմը զինուոր չկայ, զիւղացիներ են, որոնց հետ կռուիլը հեշտ է, մէկ ալ որ Ղզըլ տաղի հակառակ կողմը երթալով, մեզ այլեւս այն կողմը չեն փնտռեր, թէեւ ճիշդ է որ ատով մեր ճամբան երկարած պիտի լինինք, բայց

ճար չունինք: Անմիջապէս որ դուրս գանք, որքան հնար է արագօրէն, եթէ կրնանք վազելով, պիտի իջնանք եւ շատ պիտի չցրուինք: Ինկածներու փամփուռները վերցընել չմոռնաք: Ոտքի՛, եւ հետեւեցէք ինձ:

Իրարու ետեւէ դուրս թռան դիրքէն ու անմիջապէս սկսան վար վազել:

— Կը փախչին, կը փախչին, — թուրք երկու զինուորները ձայն տուին իրենց ընկերներուն, — կեավուրները կը փախչին...

Լեւոնը դադարէր համադարկերը իրարու կը յաջորդէին: Լեւոնն ու ընկերները առանց պատասխանելու դէպի վար կը վաղէին, երբ բաւական մը հեռանալէ վերջ, իրենց առջեւի կողմէն ալ հրացաններ սկսան բացուիլ: Զինուած զիւղացիներն էին, որոնք կը փորձէին իրենց առաջքը կտրել:

— Տղաք, տասնոցներով ճամբայ բացէք, — ու Լեւոնը կրակելով առաջ նետուեցաւ:

Թերեւս տասը վայրկեան մը տեւեց այդ արշաւը: Երբ Լեւոնը կանգ առաւ ու ետ նայեցաւ, միայն երկու ստուերներ տեսաւ մութին մէջ, որոնք դէպի իր կողմը կը վաղէին:

— Ո՞վ է, — հրացանը շտկելով պոռաց Լեւոնը:

— Ես եմ, — լսուեցաւ Առաքելի ձայնը:

Ածալտերի քահանան ու Առաքելն էին եկողները:

— Իսկ միւսները ո՞ւր մնացին, — դառնութեամբ հարցուց Լեւոնը:

— Չեմ դիտեր, թուրքերուն հետ իրար խառնուեցան, ո՞վ դիտէ ի՞նչ եղան: Շարժի՛նք, հոս կենալու տեղ չէ:

— Չէ՛, քիչ մը սպասենք, — հոգոց հանելով ընդդէմացաւ Լեւոնը, — թերեւս մէկ երկուքը հասնին:

Ի զուր տաս վայրկեան մը եւս սպասեցին: Հեռուէն հրացաններու որոտը դադրեցաւ:

— Տէ հիմա ճամբայ ելնենք,— ոտքի ցատկելով ըսաւ տէրտէրը, շատ ճամբայ ունինք քայլելիք:

— Ճամբայ ելնենք,— ըսաւ Լեւոնը մեռած ձայնով մը:

Ածալտերի քահանան առաջ ինկաւ, Առաքելն ու Լեւոնը կը հետեւէին անոր: Ճանապարհին, Առաքելին կը թուէր թէ Լեւոնը կ'արտասուէր: Մակայն ո՞վ կրնայ ըսել: Շատ մութ էր եւ Լեւոնի դէմքը չէր երեւնար:

Երեք ընկերներու արկածալից թափառումները, թուրքերու հետ հանդիպումները, կռիւներն ու յանդուգն ելոյթները Աչգար օվայի շրջանին մէջ, լեկենտական հրոչակ մը ստեղծեցին անոնց շուրջ: Օր մը կ'երեւէին Եաքածիք լեռներուն վրայ, օր մը Ղզըլ տաղ, յաջորդ օրը Սինի Պէլ սարը: Այնպէս արագօրէն կը պատահէին այս բոլորը, որ տեղական թուրք բնակչութիւնը սարսափահար, ձեռնթափ եղած էր զանոնք հետապնդելէ: «Կարաքեշի խումբը», այդպէս կ'անուանէին թուրքերը մեր երեք բարեկամները, դարձան ճշմարիտ պատուհաս մը այդ շրջանին մէջ, անոնց սարսափէն գիւղացիները չէին համարձակեր առանձին ճամբորդել գիւղէ գիւղ. արտերը վարելու համար, գիւղերէն շատ չէին հեռանար: Մանաւանդ էնտէրէս գիւղի դէպքէն վերջ, որ սարսափելի տըպաւորութիւն մը ձգեց:

Երկու օրէ ի վեր սոված էին: Տղաքը կ'որոշէն իջնալ էնտէրէսի ջաղացքը որ գիւղէն վեր Պաշղարա գիւղի մօտ կը գտնուի: Առաւօտեան լոյսը բացուելուն յանկարծ կը կոխեն ջրաղացը, ուր բացի ջաղացպանէն երեք թուրքեր եկած կը լինին ցորեն աղալու եւ էնտէրէս գիւղէն տասներկու տարեկան հայ տղայ մը, որ բռնի խլամամացուցած ջաղացպանը իր մօտ կը պահէ եղեր: Չորս թուրքերն ալ տեղն ու տեղը կը սպաննեն, բաւականաչափ հաց

չալկած, կրակ կուտան ջրաղացին, երեսան ալ հետերը կը վերցնեն ու օրը ցերեկով դետի ուղղութեամբ կը բարձրանան Համամ գիւղը: Տասներկու տունէ բաղկացած հայ գիւղ մըն էր այդ, ուր երեք չորս տուն ալ թուրքեր կը մնային: Հայերը տեղահանուած էին Յունիսի սկիզբները:

Առաքելի կինը Համամ գիւղէն էր, Մուխթար Սարգիսի աղջիկը, գեղի ունեւոր, հացով սեղանով չէն օճախի մը զաւակը, վեց եղբայրներու մէկ հատիկ քոյրը: Հակառակ Լեւոնի եւ տէրտէրի խնդրանքներուն, Առաքելը կողի ինկաւ, անպատճառ կ'ուզէր անգամ մը հանդիպել Համամ, տեսնել աներջը չէն օճախը:

Գիւղ մտան: Հայոց տան դռները կխաբաց, անշուք աւերակներու տպաւորութիւն կը ձգէին: Մուխթար Սարգիսի տան առջեւ երկու երեսաներ կը խաղային, իսկ տան շուրջ պոչը շարժելով մօտեցաւ Առաքելին: Դաժան դէմքով Առաքելը հրեց տան դուռը եւ ներս մտաւ, ընկերներն ալ ետեւէն: Թուրք ընտանիք մը տեղաւորուած էր հոն: Դժուար է ըսել թէ յանկարծ ի՞նչ պատահեցաւ Առաքելին, Լեւոնը այնքան միայն գիտցաւ որ Ահեցաւ Առաքելին, Լեւոնը այնքան միայն գիտցաւ որ Ահեցաւ Առաքելը տասնոցը քաշած կը կրակէր տան բնակիչներուն վրայ: Տանտունը վայնասունով եւ վիրաւորներու հեծեծանքով լեցուեցաւ: Տէրտէրն ու Լեւոնը դժուարութեամբ դուրս բերին Առաքելը, որ զգացած կատաղութեանէն երեսայի նման կ'արտասուէր: Բարձրացան Սարուճա լեռը:

Այդ դէպքի հետեւանքով կառավարութիւնը անդադրում կերպով հետապնդել սկսաւ Կարա Գեշի խումբը: Գիւղերու մէջ պահակներ դրուեցան, ջրաղացները հրակողութեան տակ առնուեցան, լեռնային անցքերը բռնըլեցան: Այլեւս շարժիլը անկարելի դարձաւ խմբի հաւաքը: Կամայ ակամայ պարտաւոր էին հեռանալ այդ շրջանը:

ջանէն: Երկու օր Ղզըլ տաղի շրջանի մէջ մնալէ վերջ՝ անցան Գարատաղ գիւղի սարը:

Օգոստոսի վերջերն էր, սարերու վրայ ցուրտը զգալի, իսկ հացի պահասութիւնը անկարելի դարձուցած էր խմբի կեանքը: Հացի վերջի պատառը տուած էին էնտէրէսէն վերցուցած երեխային: Երկու օրէ ի վեր լեռնային կանաչով ու արմատներ ծամելով ապրած էին:

— Ուղենք չուղենք, Գարատաղ իջնալու ենք հաց ճարելու համար. ի՞նչ կ'ըսէք, — ընկերներուն հարցուց Լեւոնը:

— Ինձի ալ այնպէս կ'երեւի, դո՞ւն ինչ կ'ըսես Առաքել:

Առաքելը չպատասխանեց եւ գոհացաւ ուսերը անորոշ խմաստով մը թօթուելով: Միեւնոյնը չէ՞ր իրեն համար, հաց կար թէ չկար: Այլեւս կեանքը ի՞նչ խմաստ ունէր, երբ երեխաները, կինը, իր հարազատները չկային, երբ Բիւրքը աւերակ էր:

— Կէս օրը թող անցնի, ես կ'իջնամ Գարատաղ, ուրիշ անգամներ ալ եղած եմ այդ գիւղը, — բացատրեց տէրտէրը, — բոլորս մէկ ինչո՞ւ երթանք, դուք հոս կը սպասէք, ես կ'երթամ ու հացով կուգամ...

— Իսկ եթէ հոն ալ պահակներ դրուած են, — չհամողուելով հարցուց Լեւոնը:

— Եօթ ութ տուննոց խեղճ գիւղ մըն է, աշխարհէն կտրուած, չեմ կարծեր թէ պահակներ ըլլան, բայց եթէ կան ալ, մէկով դնացեր ենք թէ ամբողջս միասին, մէկ չէ՞ մեղի համար... Չէ', հո՛ս մնացէք, երեխան ալ քալելու կարողութիւն չունի, ես մութը չկոխած կը վերադառնամ:

Ուրիշ ճար չկար, պէտք է համաձայնէին տէրտէրի առաջարկութեանը: Անցաւ երկու ժամ: Արեւը սկսաւ թեքուիլ դէպի արեւմուտք:

— Տէ', ես ճամբայ ելլեմ... — տէրտէրը առանց ետին նայելու սարն ի վար իջաւ մեծ մեծ քայլերով:

Անցաւ մէկ ժամ, թերեւս ժամ ու կէս: Անշուշտ տէրտէրը հասած լինելու էր Գարատաղ, թերեւս հացի շալակով արդէն կը վերադառնար: Երեխան գլուխը դրած Լեւոնի ծնկան կը քնանար:

Յանկարծ նստած տեղը ցնցուեցաւ Լեւոնը, չէ', չէր սխալած, գիւղի կողմէն հրացանի ձայներ կուղային:

— Կը լսե՞ս, — հարցուց Առաքելին:

— Հը, վազե՞նք...

— Քիչ մը սպասէ, տեսնա՛նք:

Ինչպէս յանկարծակի հրացաններու ձայները լուած էին, այնպէս ալ մէկէն դադրեցան: Լեւոնի գլուխը կըրծքին ինկաւ: Կարա Քէչիչը, այդ սքանչելի կռուողը ըստ պաննուած լինելու էր: Գիւղի շուրջ կենդանութիւն մը կը նշմարուէր, երեք ձիաւորներ բլուրէ բլուր կ'անցնէին, գիւղացիները ձորով կը բարձրանային ամենայն հաւանակութեամբ Կարա Քէչիչի ընկերներու հետքը գտնալու համար:

— Ի՛նչ կ'ըսես, վարժապետ, արեւը մարը մտաւ, ա՛լ սպասենք...

— Երթա՛նք, — համաձայնեցաւ Լեւոնը, — բայց ո՞ր երթանք...

— Գամիչլի Տէրէ սարը, չորս կողմը գիւղեր կան, բան մը կը ճարենք ուտելու...

Դեռ չմթնած ճամբայ ելան: Սարերու փէշերով ուղիղ դէպի արեւելք կ'երթային: Կարա Քէչիչի եղբրական վախճանը ծանր քարի նման նստեր էր Լեւոնի սրտին: Ո՛չ միայն լաւ կռուող մը, այլ եւ սքանչելի սրտի տէր հայ մը, հարազատ ընկեր մը կը պակսէր: Կը մնար մի-հայն Առաքելը: Թեւաթափ արծիւի մը յուսահատութիւնը կ'ապրէր Լեւոնը: Անվերջ բարձրանալ իջնալով երե-

խայի վրայ այլևս քալելու կարողութիւնը չէր մնացեր :
Լալով նստաւ դետին :

— Առաքել՛, հրացանս վերցուր, — խնդրեց Լեւոնը, — ես կարապետը պիտի շալկեմ :

Մինչեւ կէս դիշեր անընդհատ քալեցին, մինչեւ որ հասան Սաթուր դետի ամրը : Սաստիկ ճախճախուտ էր : Մտան դետը եւ մեծ դժուարութեամբ անցան միւս ամրը : Կէս ժամ հովիտի լայնքէն քալելով հասան լեռան ստորոտը :

— Հիմա կամաց կամաց բարձրանանք, — թելադրեց Առաքելը, — դիւղերը վերը մնացին, մէկալ լեռան միւս փէշերուն վրայ, հինգ մատիս պէս դիտեմ այս տեղերը : Ձեզի այնպէս ապահով տեղ մը տանիմ, որ աշխարհ տակնուվրայ ընեն եւ մեր հետքը չդտնան :

Գամըջի Տէրէ կոչուածը երկարաւուն, արեւելքէն արեւմուտք երկարած լեռ մըն է, սաստիկ քարքարոտ եւ ահազին ժայռերու կոյտերով լեցուն : Առաքելը ծխախոտի մաքսանեղութեամբ պարապած ժամանակ, օրերով այդ լեռան ծերպերուն մէջ, մանաւանդ քարայրի մը մէջ պահուած էր : Առաջ ինկած, ուղիղ իրեն ծանօթ քարայրը առաջնորդեց ընկերները : Մազլցելով բարձրացան ուղղաձիգ ժայռի մը կուրծքէն ու նեղ բացուածքէ մը դժուարութեամբ ներս մտան : Քանի խորացան դէպի ներս, մուտքի նեղ բացուածքը լայնցաւ, ընդարձակ քարայրի մը ձեւը ստանալով :

— Հիմա ես դուրս պիտի ելնեմ, հաց ճարելու, — առանց հանդատանալու մասին մտածելու ըսաւ Առաքելը, — չըլլայ որ դուրս դաք այս տեղէն, ես լոյսը չբացուած կը վերադառնամ :

Անցաւ երկար ժամանակ : Արդեօ՞ք պիտի կրնար վերադառնալ, արդեօ՞ք անոր ալ դժբախտութիւն մը չէր պատահելու : Ժամերը կ'անցնէին սպաննող ծանրու-

թեամբ : Բացուածքի արանքէն դունաթափուած երկինքի մէկ մասը կ'երեւնար : Դրսէն խօսակցութեան ձայն մը դպաւ Լեւոնի ականջին : Ձէր սխալուած : Առաքելն էր, թուրքերէն կը խօսէր մէկու մը հետ :

— Ոտքդ հոս դիր, շան զաւակ, ձեռքդ տուր... հիմա ներս մտիր ծակէն :

Առաքելի հետ եկողը միջին տարիքի թուրք մըն էր, մէկ ձեռքը չուանով մը կապուած, որու ծայրը Առաքելը բռնած էր :

— Տէ՛, հիմա բեռդ վար դիր, — հրամայեց Առաքելը :

Թուրքի ձեռքերը կոնակի վրայ իրարու կապելով Առաքելը մօտեցաւ Լեւոնին :

— Քիչ մը ուշացայ, վարժապետ... ճար չկար, մինչեւ որ ձեռաց սաճի հաց եփել տուի սա շանը, ժամանակ առաւ : Սպաննէի՝ չըջակայ դեղերը իրար կ'անցնէին, ջաղացքի ջուրը դարձուցի, զինք ալ հետս բերի, կը ձգենք, որ հոս սատկի շունը. հա, կճուճ մ'ալ մածուն, քիչ մըն ալ պանիր դտայ... Հը, մօտեցիր, կարապետ, իշտահով մը կեր նայիմ, տղաս...

Օր մը վերջ, Լեւոնը, Առաքելը եւ կարապետը քիչ թէ շատ կազդուրուած, հինգ վեց օրուան հացի պաշարով ճամբայ ելան քարայրէն Տիշ Թաշ սարի ուղղութեամբ : Այլևս իմաստ չունէր այդ չըջանները մնալ, պէտք է փորձէին Տերսիմ անցնիլ, հոն քրտերու մօտ թերեւս ապաստան դտնային :

Երկու օրէն հասան Տիշ Թաշ լեռը : Երկու գաղաթներէ բաղկացած լեռ մըն է Տիշ Թաշը, որու մէկ թեւը կ'երկարի դէպի Քէմախ : Խմբի բռնած ուղղութիւնով ոչ մէկ դիւղի չէին հանդիպած : Տիշ Թաշի լեռնաշղթային ուղղութիւնը բռնելով իջան դէպի Քէմախ : Դեռ էմիւր բարձրաբերձ սարը չհասած, հացի պաշարը հատաւ : Ա-

ուաքելը ճամբան փոխելով դէպի ձախ դարձաւ ու դետա-
կի մը եղրով առաջնորդեց ընկերները, հաւատացնելով
որ շուտով հայկական Հազարի գիւղը կը հասնին :

Հազարին աւերակ վիճակի մէջ դտան, տուներու
դռներն իսկ հանուած, միայն վայրենացած կատուներ
ու կաղկանձող շուներ մնացած էին գիւղին մէջ :

— Անցնինք դէպի Մարիք, ատենօք շէն գիւղ մըն էր,
թերեւս բան մը գտնանք, շատ ալ հեռու չէ, մէկ ժամէն
կը հասնինք :

Դժուարութեամբ բարձրացան բլուր մը, որու
ետին կը գտնուէր Մարիքը, յիսուն տուննոց հարուստ
գիւղ մը: Հազարի գիւղի տխուր պատկերն ալ հոն: Որո-
շեցին յաջորդ ցերեկը Մարիքի մէջ անցընել: Կամաց կա-
մաց լուսցաւ եւ արեւը բարձրացաւ: Առաքելը ինկաւ
տունէ տուն, բան մը գտնալու յոյսով, մինչ Լեւոնն ու
Կարապետը երկնցան գիւղի ծայրը գտնուող տան մը շու-
քին տակ: Յանկարծ հրացանի ձայն մը լսուեցաւ պինտ
մօտէն: Լեւոնը ձեռքը կողքի հրացանին նետեց ու ոտքի
ցատկեց:

— Բան չկայ, բան չկայ, — լսուեցաւ Առաքելի ձայ-
նը, ու տան մը ետեւէն դուրս ելաւ, ետեւէն քաշելով
սպաննուած այծ մը, — մեր բախտէն խելառ է՞ մը մնա-
ցեր է, ինչ ըրի չկրցայ ողջ բռնել, վնաս չունի, մօտերը
գեղ չկայ, ձեռաց թոնիրը կպցուցէք, կճուճ մըն ալ ցո-
րեն ճարեցի:

Ամբողջ ցերեկը Մարիք մնացին. ոչ միայն կազդուր-
ուեցան, այլ երբ ճամբայ ելան, խաչած ցորենի եւ այծի
կարմրած մսի պաշար մը ունէին շալակնին:

— Հիմա չիտակ Մէղրէ գիւղի ուղղութեամբ Եփրատ
գետը իջնելու ենք, անկէ անդին կը սկսին Տերսիմի լեռ-
ները:

Արեւը դեռ մարը չմտած, ճամբայ ելան, այդ գիշեր

շատ ճամբայ ունէին կտրելիք: Մէղրէ չհասած, արդէն
կարգին մթնած էր: Կամաց կամաց կը մօտենային Եփ-
րատին, որու խուլ Ֆշշոցի ձայնը գիշերուան խաղաղու-
թեան մէջ որոշապէս կը լսուէր: Վերջապէս հասան գե-
տին: Թանձր մութը, դետի խելառ ընթացքը անկարելի
կը դարձնէին դիմացի ափը անցնիլ:

— Քիչ մը վար իջնանք, թերեւս կամուրջի մը հան-
դիպինք, — ըսաւ Առաքելը ու գետի ընթացքով սկսան
քալել:

Կէս ժամէն հասան Պուճուզ գիւղի դիմացը: Խարխը-
լած փայտէ կամուրջ մը կար գիւղի անմիջապէս մօտը:

— Ի՞նչ կ'ըսես, վարժապետ...

— Փորձենք, թէեւ գիւղը շատ մօտ է. թրքակա՞ն
գիւղ մըն է:

— Այո՛, մեծ գիւղ մը, ատկէ անդին քրտական գիւ-
ղերը կը սկսին:

Հակառակ գիւղի շներու հաջոցին, ապահով անցան
կամուրջէն ու ատեն մը գետի ուղղութեամբ երթալով,
սկսան բարձրանալ դժուարին դառիվեր մը: Նեղ արա-
հետով կը քալէին: Հետզհետէ ճանապարհը կը դժուարա-
նար եւ կ'անցնէր մացառներու մէջով: Երկու աննշան
գիւղերու մօտէն անցան, իսկ անկէ ճանապարհը սքան-
չելի ձորով մը կը բարձրանար, երկու կողմերը թանձրա-
խիտ անտառներով ծածկուած:

— Ճամբայէն կէս ժամ անդին քրտական Ուղունվարդ
գեղն է, — բացատրեց Առաքելը, — մէկ երկու ժամէն կը
հասնինք Սօրկամէրիք կէչիտը:

— Աւելի լաւ է ցերեկը հանգչինք անտառին մէջ,
արդէն լուսաստղը բարձրացեր է, խեղճ երեխայի վրայ
ալ կարողութիւն չմնաց:

— Լա՛ւ, թո՛ղ ըսածիդ պէս ըլլայ:

Ձորի ձախ կողէն բարձրացան ու ատեն մը անտառի

մէջէն քալելով եւ յարմարաւոր տեղ մը դտնելով նստան :

— Դուք քնեցէք, ես կը հսկեմ :

Առաքելն ու Կարապետը շատ չանցած սկսան խոկալ : Անցած երեք ամիսներու կեանքը, մանաւանդ վերջի տաս օրերու յոգնութիւնը, կիսասոված վիճակը, կմախքի վերածած էին քաջառողջ Լեւոնը : Վերջին օրերը Կարապետը շալկած կը քալէր, այլեւս ոչ կարողութիւն եւ ոչ ալ ուժ մնացեր էր անոր վրան :

Արեւը ծագած էր : Ծառերու դեղնած, կարմրած տերեւներու մէջէն վար կը թափէին արեւի փայլուն ճառագայթները, անտառի կանաչաւուն մամուռներու վրայ խաղալով : Որքա՞ն անդորր, որքա՞ն խաղաղ էր հոն բնութիւնը, իսկ վա՞րը, քաղաքներու մէջ, դիւղերու մէջ, ճամբաներու վրայ... աչքերը կմախքացած դէմքին վրայ դուրս ինկած, հայեացքը անորոչ ու տարտամ, Լեւոնը անչարժ նստած կարծես քարացած լինէր :

Ամբողջ ցերեկը Առաքելն ու Կարապետը միակտոր քնացան, Լեւոնը սիրտ չըրաւ Առաքելին ձայն տալու, մինչեւ որ անտառը սկսաւ ստուերոտիլ :

— Ե՛լ, ժամանակ է, — մեղմօրէն ձայն տուաւ Լեւոնը :

— Վա՛հ, ամբողջ օրը քներ եմ... Վարժապետ, ինչո՞ւ ձայն չտուիր, քիչ մըն ալ դուն...

— Վնաս չունի, երեխան շալակս տուր :

Ճամբայ ինկան : Ձորը վերջացեր էր ու ատկէ անդին սաստիկ թեք արահետով կը բարձրանային : Յանկարծ անտառը վերջացաւ ու իրարու դիմաց երեցան խաչաջուր եւ Մուծուր սարերու դաղաթները, որոնց մէջէն կ'անցնէր Սօրկամերիք կամ Զիարեթ լեռնանցքը : Անցքի բարձրագոյն կէտը հասեր էին, Լեւոնը գիւնովի նման երերալով կը քալէր, Կարապետը մշիկ մշիկ կը քնանար անոր ուսին վրայ : Հոդ նստան քիչ մը շունչ առնելու :

Ատկէ անդին կը սկսէր զառիվայրը մինչեւ Օվաճըզի դաշտը :

— Ե՛լնենք...

— Ե՛լնենք, — համաձայնեցաւ Լեւոնը ու երեխան շալկած հետեւեցաւ Առաքելին :

Ժամ մը քալելէ վերջ, նորէն խիտ անտառի մէջէն սկսան իջնալ :

Հաղիւ թէ քառորդ ժամ մը եղած լինէր անտառ մտնելին, երբ յանկարծ երկու մարդիկ ճամբան կտրեցին .

— Լօ լօ, հուսի քիսէ՞, — (էդ ո՞վ է) — լսուեցաւ կոկորդային ձայն մը :

— Հայ փախստականներ ենք, — նոյնպէս քրտերէն պատասխանեց Լեւոնը :

Քրտերը մօտեցան : Անմիջապէս Լեւոնի ու Առաքելի գէնքերը վերցուցին վրաներէն : Ծառերու արանքէն նոր ստուերներ կարծես կը բուսնէին եւ կը շրջապատէին փախստականները :

— Աս քու ի՞նչդ է, — Լեւոնի ուսին քնացող երեխան ցուցնելով հարցուց քիւրտերէն մէկը :

— Անտէր որբ մըն է...

— Ո՞ւր կ'երթայիք...

— Տերսիմ, ձեր մօտ պաշտպանուելու, գիտէք թէ ինչ կը կատարուի Տէրսիմէն դուրս...

— Գիտենք, գիտենք, — ցաւակցաբար զլուխը շարժելով առաջ եկաւ քրտերէն մէկը, որ կ'երեւէր թէ անոնց մեծն էր, — թուրքի տունը քանդուի, մարդ չեն, դադան են... հարիւրներով փախստական հայեր եկած են մեզ մօտ... Դուք ալ բարի եկաք... Բայց մեր մեծ շէյխին մօտ պիտի տանենք... ան ինչ որ ըսէ, այնպէս կ'ըլլայ :

— Լա՛ւ, երթանք մեծ շէյխին մօտ, — համաճայնեցաւ Լեւոնը:

— Մօ Ալի, — հրամայեց մեծաւորը, — սա տղան շալկէ, մարդուն վրայ հալ չէ մնացեր քալելու:

Լեւոնն ու Առաքելը երկու քիւրտերու առաջնորդութեամբ կամաց կամաց քալեցին դէպի Տէրսիմի սիրտը, Օվաճըզի հիանալի դաշտը:

ՎԵՐՋ ԱՌԱՋԻՆ ՀԱՏՈՐԻ

1000

« Ազգային գրադարան



NL0414012

1254